

ԱՎԵՏԻՍ ԱՎԵՏԻՍՅԱՆ

ՀԱՅ ԱՐԿԵՍՏԻ ՊԱՏՄՈՒԹՅԱՆ ԷԶԵՐ



Matenadaran
Mesrop Mashtots Institute of Ancient Manuscripts and
“Friends of the Matenadaran” Benevolent Fund
express their gratitude to “JTI ARMENIA” CJSC
for sponsoring the publication of this book

Մատենադարան
Մեսրոպ Մաշտոցի անվան հին ձեռագրերի ինստիտուտը և
«Մատենադարանի բարեկամներ» բարեգործական հիմնադրամը
երախտագիտություն են հայտնում
«ՋԵՅ ԹԻ ԱՅ ԱՐՄԵՆԻԱ» ՓԲԸ-ին
սույն գրքի հրատարակությանն աջակցելու համար



**МАТЕНАДАРАН
НАУЧНО-ИССЛЕДОВАТЕЛЬСКИЙ ИНСТИТУТ
ДРЕВНИХ РУКОПИСЕЙ ИМЕНИ МЕСРОПА МАШТОЦА**

**АВЕТИС АВЕТИСЯН
СТРАНИЦЫ ИСТОРИИ
АРМЯНСКОГО ИСКУССТВА
СБОРНИК СТАТЕЙ И МАТЕРИАЛОВ**

Составил и подготовил к печати:
АРСЕН АРУТЮНЯН

Редактор
КАРЕН МАТЕВОСЯН

ЕРЕВАН 2022

**MATENADARAN
RESEARCH INSTITUTE OF ANCIENT MANUSCRIPTS
NAMED AFTER MESROP MASHTOTS**

**AVETIS AVETISYAN
PAGES OF THE HISTORY
OF ARMENIAN ART
COLLECTION OF ARTICLES AND MATERIALS**

Compiled and prepared for publication by
ARSEN HARUTYUNYAN

Edited by
KAREN MATEVOSYAN

YEREVAN 2022

**ՄԱՏԵՆԱԴԱՐԱՆ
ՄԵՍՐՈՊ ՄԱՇՏՈՑԻ ԱՆՎԱՆ
ՀԻՆ ՁԵՌԱԳՐԵՐԻ ԳԻՏԱՀԵՏԱԶՈՏԱԿԱՆ ԻՆՍՏԻՏՈՒՏ**

ԱՎԵՏԻՍ ԱՎԵՏԻՍՅԱՆ

ՀԱՅ ԱՐՎԵՍՏԻ ՊԱՏՄՈՒԹՅԱՆ ԷԶԵՐ

ՀՈԴՎԱԾՆԵՐԻ ԵՎ ՆՅՈՒԹԵՐԻ ԺՈՂՈՎԱԾՈՒ

**Կազմեց և հրատարակության պատրաստեց՝
ԱՐՍԵՆ ՀԱՐՈՒԹՅՈՒՆՅԱՆ**

**Խմբագիր՝
ԿԱՐԵՆ ՄԱԹԵՎՈՍՅԱՆ**

ԵՐԵՎԱՆ 2022

ՀՏԴ 7.03
ԳՄԴ 85.03
Ա 791

*Հրատարակվում է Մեսրոպ Մաշտոցի անվան
Մատենադարանի գիտական խորհրդի որոշմամբ
Կազմեց և հրատարակության պատրաստեց՝
Արսեն Հարությունյան
Պատմական գիտ. թեկնածու
Խմբագիր՝ **Կարեն Մաթևոսյան**
Պատմական գիտ. դոկտոր, պրոֆեսոր*

ԱՎԵՏԻՍՅԱՆ ԱՎԵՏԻՍ

Ա 791 Հայ արվեստի պատմության էջեր. հոգվածների և նյութերի
ժողովածու / Կազմեց և հրատարակության պատրաստեց՝
Ա. Հարությունյան; Խմբագիր՝ Կ. Մաթևոսյան.- Եր.: Մատենա-
դարան, 2022.- 370 էջ, գունավոր ներդիր՝ 18 էջ:

Ժողովածուում ամփոփված է Արցախյան 44-օրյա պատերազմում անմա-
հացած արվեստաբան Ավետիս Ավետիսյանի (1986-2020 թթ.) անտիպ աշխա-
տությունների ընտրանին, որի բուն ատաղձը հայ արվեստն է՝ իր տարա-
բնույթ դրսևորումներով՝ որմնանկարչություն, ճարտարապետություն, վիմա-
գրություն, քանդակ, լուսանկարչություն, ձեռագրարվեստ: Մեծապես կարևոր-
վում են հայ ուշմիջնադարյան և նոր ժամանակների որմնանկարչությանը
նվիրված հեղինակի մասնագիտական դիտարկումներն ու վերլուծությունները,
որոնք նպաստում են հայ արվեստի՝ սակավ ուսումնասիրված բնագավառի
մի շարք հարցերի պարզաբանմանը:

Նախատեսված է արվեստաբանների, աղբյուրագետների, Հայ եկեղեցու
պատմության հարցերով զբաղվողների և ընթերցող լայն հասարակության
համար:

ՀՏԴ 7.03
ԳՄԴ 85.03

ISBN 978-9939-897-11-0
© Մատենադարան, 2022
© Ավետիսյան Ավետիս (իրավահաջորդ), 2022



A stylized, handwritten signature in black ink. The signature is fluid and cursive, with a large, prominent loop at the bottom right. It appears to be a personal or professional signature, possibly reading "Dr. [unclear]".

ԲՈՎԱՆԴԱԿՈՒԹՅՈՒՆ

ԱՌԱՋԱԲԱՆԻ ՓՈԽԱՐԵՆ	7
ՀԱՅ ԱՐՎԵՍՏԻ ԱՆԽՈՆՋ ՆՎԻՐՅԱԼԸ	13

ՈՐՄՆԱՆԿԱՐՉՈՒԹՅՈՒՆ

ՀԱՅ ՈՐՄՆԱՆԿԱՐՉՈՒԹՅԱՆ ՊԱՏՄՈՒԹՅՈՒՆ (համառոտ ակնարկ)	17
ՀԱՅ ՈՐՄՆԱՆԿԱՐՉԱԿԱՆ ՀՈՒՇԱՐՁԱՆՆԵՐԸ.	
ՎԱՆԻ ԹԱԳԱՎՈՐՈՒԹՅՈՒՆԻՑ ՄԻՆՉԵՎ ՄԵՐ ՕՐԵՐԸ	30
Ս. ԷԶՄԻԱՇՆԻ ՄԱՅՐ ՏԱՃԱՐԻ ՈՐՄՆԱՆԿԱՐՆԵՐԸ	120
ՅՈՒՅԱԿ Ս. ԷԶՄԻԱՇՆԻ ՄԱՅՐ ՏԱՃԱՐԻ ԿՏԱՎՆԵՐԻ	132
Ս. ԷԶՄԻԱՇՆԻ ՄԱՅՐ ՏԱՃԱՐԻ ԻԶՄԱՆ Ս. ՍԵՂԱՆԸ ԵՎ ՆԿԱՐԱԶԱՐԴ ԱՄՊՅՈՎԱՆԻՆ	140
ԱՇՏԱՐԱԿԻ Ս. ՄԱՐԻԱՆԵ ԵԿԵՂԵՑՈՒ ՈՐՄՆԱՆԿԱՐՆԵՐԸ	150
ՀԱՅՎԱԿԱՆԻ Ս. ԱՍՏՎԱԾԱԾԻՆ ԵԿԵՂԵՑՈՒ ՈՐՄՆԱՆԿԱՐՆԵՐԸ	154
ՍԵՎԱՆԱԿԱՆՔԻ Ս. ԱՌԱՔԵԼՈՑ ԵԿԵՂԵՑՈՒ ԽՈՐԱՆԻ ՊԱՏԿԵՐԱԿԱԼԻ ՆԿԱՐԱԶԱՐԴՈՒՄՆԵՐԸ	159
ՀՈՎՆԱԹԱՆՅԱՆՆԵՐ	162

ՊԱՏՄԱՄՇԱԿՈՒԹՅԱՆ ԺԱՌԱՆԳՈՒԹՅՈՒՆ

ՎԱՆԻ ԹԱԳԱՎՈՐՈՒԹՅՈՒՆ (պատմական ակնարկ)	203
Ս. ԷԶՄԻԱՇՆԻ ՄԱՅՐ ՏԱՃԱՐԻ ԿԱՌՈՒՑՈՒՄԸ.	
ՏԱՐԵԳՐՈՒԹՅՈՒՆ ԵՎ ՖՈՏՈՇԱՐՔ	235
Ս. ԷԶՄԻԱՇՆԻ ՄԱՅՐ ՏԱՃԱՐԻ ՄԵԾ ԶԱՆԳԱԿԱՏԱՆ ԱՐՁԱՆԱԳԻՐ ԶԱՆԳԵՐԸ	269
ԱԳՈՒԼԻՍԻ Ս. ԹՈՎՄԱ ԱՌԱՔՅԱԼԻ ՎԱՆՔԸ ԶԵՌԱԳՐԵՐԻ ՀԻՇԱՏԱԿԱՐԱՆՆԵՐՈՒՄ	274
ՎԻՇԱՊ-ՕԶԻ ՊԱՏԿԵՐԱԳՐՈՒԹՅՈՒՆԸ ՄԻՋՆԱԴԱՐՅԱՆ ԵԿԵՂԵՑԻՆԵՐԻ ՀԱՐԴԱՐԱՏԱՐՐԵՐՈՒՄ (համառոտ ակնարկ)	306
ՏՐԱՊԻՉՈՆԻ Ս. ԱՄԵՆԱՓՐԿԻՉ ՎԱՆՔԻ ՊԱՏՄՈՒԹՅՈՒՆՆԸ ՈՒ ՃԱՐՏԱՐԱՊԵՏՈՒԹՅՈՒՆԸ	312
ՀԱՅՎԱԿԱՆ ՊԱՏՄԱՃԱՐՏԱՐԱՊԵՏԱԿԱՆ ՀՈՒՇԱՐՁԱՆՆԵՐԸ ԼՈՒՍԱՆԿԱՐՉԱԿԱՆ ՀԱՎԱՔԱԾՈՒՆԵՐՈՒՄ	320
ԱՎԵՏԻՍ ԱՎԵՏԻՍՅԱՆԻ ՀՐԱՏԱՐԱԿԱԾ ԱՇԽԱՏՈՒԹՅՈՒՆՆԵՐԻ ՄԱՏԵՆԱԳԻՏՈՒԹՅՈՒՆ	363
THE SCIENTIFIC HERITAGE OF ART HISTORIAN AVETIS AVETISYAN Summary	368

ԱՌԱՋԱԲԱՆԻ ՓՈԽԱՐԵՆ

Լինել հայրենի պատմության և նրա մշակութային ժառանգության կրողը, վերծանել հինավուրց վանքերում ծնունդ առած վիմագիր ու ձեռագիր սկզբնաղբյուրներն ու կյանքի կոչել սրբավայրերի որմերին դրոշմված որմնանկարչական հուշարձանները, իսկ թե հայրենիքդ վտանգվի, լինել նրա սահմանները պաշտպանող առաջամարտիկներից մեկը,- սա է երիտասարդ արվեստաբան Ավետիս Ավետիսյան անհատի բուն նկարագիրը, որին նա հավատարիմ մնաց իր ողջ երկրային կյանքում:

Ավետիս Ավետիսյանը ծնվել է 1986 թ. հոկտեմբերի 5-ին Երևանում: 2003-2008 թթ. սովորել է Հայաստանի պետական տնտեսագիտական համալսարանի Կառավարման ֆակուլտետի Տեսական տնտեսագիտության բաժնում: Ուսումնառության ավարտելուց հետո Ա. Ավետիսյանը զորակոչվել է բանակ, ծառայել ԼՂՀ Պաշտպանության բանակի ստորաբաժանումների հրթիռահրետանային զորքերի կազմում (2008-2010 թթ.)՝ արժանանալով հրետանու ավագ սերժանտի գինվորական կոչման և «Պատվո դրոշ» մրցանակի: Տարիներ անց, նա ռուսերենից թարգմանել և լրամշակել է «ՀՀՆ-9Մ հակատանկային նռնականետի ուսումնական ձեռնարկ» (Երևան, 2013 թ.), ապա՝ «Լեռնային պատրաստության հրահանգ - ուսումնական ձեռնարկ» (Երևան, 2014 թ.) խորագրերով աշխատությունները, որոնք հայրենասեր երիտասարդի տքնաջան աշխատանքի առաջին պտուղներն էին:

Ծառայությունից հետո, սակայն, Ավետիսն իր ուսումնառությունը շարունակում է բոլորովին այլ բնագավառում: 2011-2013 թթ. սովորում է ԵՊՀ Պատմության ֆակուլտետի Հայ արվեստի պատմության և տեսության ամբիոնի Արվեստաբանության բաժնում՝ ստանալով արվեստաբանության մագիստրոսի գիտական աստիճան: Այստեղ է,

որ Ավետիսը սկսում է զբաղվել նաև գիտությամբ՝ ուսումնասիրության թեմա դարձնելով հատկապես ուշմիջնադարյան հայ որմնանկարչությունը: 2013 թ. ընդունվելով ՀՀ ԳԱԱ Արվեստի ինստիտուտի ասպիրանտուրա՝ Ավետիսը հաստատում է իր ատենախոսության թեման՝ «Ուշ միջնադարի հայ որմնանկարչությունը»՝ արվեստագիտության դոկտոր Իրինա Դրամբյանի ղեկավարությամբ:

Գիտական գործունեությանը զուգահեռ՝ Ա. Ավետիսյանը սկսում է շրջագայել Հայաստանի, Արցախի, նաև հարակից երկրների պատմական վայրերով, տեսնում հայոց հնամենի վանքերն ու բերդերը, հիանում նրանց ճարտարապետությամբ, որմերին ու կոթողներին պահպանված մեսրոպատառ վիմագրերով, բարձրարվեստ պատկերաքանդակներով ու որմնանկարներով, որոնց առաջին տպավորություններն արտացոլված են նրա տպագիր ու անտիպ աշխատությունների էջերում:

2015 թ. Ավետիսն աշխատանքի է ընդունվում Կոմիտասի թանգարան-ինստիտուտում որպես գիտաշխատող: Սա լավ առիթ էր հայ հոգևոր երաժշտության սիրահարին հաղորդակցվելու մեծ հանճարի ստեղծագործություններին, նրա կյանքն ու գործը լուսաբանող արխիվային վավերագրերին ու լուսանկարներին: Մի քանի տարի անց՝ 2018 թ., Ավետիսը որոշում է հիմնովին զբաղվել իր ընտրած մասնագիտությամբ և աշխատանքի է ընդունվում «Որմնանկարների վերականգնման գիտահետազոտական կենտրոն» ՍՊԸ-ում որպես արվեստաբան: Այս շրջանում են կյանքի կոչվում նրա աշխատություններից շատերը՝ նվիրված Գնդեվազ գյուղի Ս. Աստվածածին եկեղեցու, Մեղրիի Անապաստանաց վանքի, Փոքր թաղի Ս. Հովհաննես եկեղեցու, Ագուլիսի Ս. Թովմա տաճարի, Տրապիզոնի Ս. Ամենափրկիչ վանքի որմնանկարներին, ներկագիր արձանագրություններին ու դրանց վերականգնմանը, նաև՝ Ս. Էջմիածնի Մայր տաճարի ու զանգակատան մեծ ու փոքր վիմագրերին: Այս հետազոտություններում արդեն դրսևորվեց սկսնակ գիտնականի մեծ նվիրումն ու վերլուծական միտքը:

Ավետիսի կյանքի վերջին «դպրոցը» դարձյալ Հայոց բանակն էր, որի շարքերն այս անգամ համալրեց որպես կամավոր, քանզի վտանգված էր Արցախը: 2020 թ. սեպտեմբերի 27-ին թուրք-ադրբե-

ջանական զորքերի կողմից սանձազերծված 44-օրյա պատերազմը, որն աղետալի հետևանքներով կասեցվեց միայն նոյեմբերի 9-ին, հազարավոր հայորդիների զոհեց երկրային կյանքից: Նրանց կազմում էր նաև հոկտեմբերի 18-ին՝ Մարտակերտում անմահացած մեր շնորհալի ընկերը՝ Ավետիսը*:

Արցախի Հանրապետության նախագահ Արայիկ Հարությունյանի հրամանով Ավետիս Ավետիսյանը հետմահու պարգևատրվեց Մարտական ծառայության մեդալով:

* * *

Սույն ժողովածուն, որը վերնագրել ենք «Հայ արվեստի պատմության էջեր» ընդհանուր խորագրով, ամբողջացնում է երիտասարդ գիտնականի մտորումների, մասնագիտական պրպտումների ու հետազոտությունների ողջ նկարագիրը, ուր տեղ է գտել Ավետիս Ավետիսյանի թվային շտեմարանում ամբարված անտիպ աշխատությունների հիմնական մասը: Ընթերցողին են ներկայացվում արվեստագիտության տարբեր հարցերին նվիրված հոդվածներ ու նյութեր (16 միավոր), որոնք պայմանականորեն խմբավորել ենք երկու հիմնական բաժնում՝ «Որմնանկարչություն» և «Պատմամշակութային ժառանգություն»: Անշուշտ, որմնանկարչությունը նույնպես պատմամշակութային ժառանգության անքակտելի մասն է, սակայն այստեղ տարանջատել ենք՝ նկատառելով հեղինակի մասնագիտական բուն ուղղվածությունն ու այդ տեսակ հոդվածների քանակական առավելությունը:

Ժողովածուի առաջին մասում ընդգրկված հոդվածները ներկայացնում են հայ որմնանկարչական հուշարձանների ընդհանուր պատկերն ու հատկանշական ցուցակը՝ Վանի թագավորությունից մինչև մեր օրերը: Ժամանակագրական լայն սահմաններ ընդգրկող հոդվածներից բացի՝ հեղինակը, տարբեր առիթներով, անդրադարձել է նաև առանձին հուշարձանների որմնանկարների ուսումնասիրման

* Ավետիս Ավետիսյանի կենսագրությունը տե՛ս նաև **Ա. Հարությունյան, Խ. Հարությունյան**, Արվեստագիտության երիտասարդ նվիրյալը (Ավետիս Ավետիսյանի հիշատակին), «Բանբեր Մատենադարանի», հ. 30, Երևան, 2020, էջ 601-604:

խնդրին, դրանց պահպանմանն ու վերականգնմանը: Հատկանշելի են Ս. Էջմիածնի Մայր տաճարի, Աշտարակի Ս. Մարիանե, Հայկավանի Ս. Աստվածածին եկեղեցիների որմնանկարներին, ինչպես նաև Սևանավանքի Ս. Առաքելոց եկեղեցու խորանի պատկերակալի նկարազարդումներին ու դրանց վերականգնման սկզբունքներին նվիրված շահեկան ուսումնասիրությունները:

Անխոս, հայ իրականության մեջ՝ հատկապես ուշմիջնադարյան որմնանկարչությունը մասնագիտական հատուկ ուշադրության երբևէ չի արժանացել: Խորհրդային տարիներին միայն արվեստաբաններ Գարեգին Լևոնյանը, ավելի ուշ՝ Եղիշե Մարտիրոսյանն ու Մանյա Ղազարյանն են առավել մանրամասնորեն անդրադարձել այս կամ այն նկարչին վերագրվող որմնանկարչական ու գեղանկարչական աշխատանքներին՝ առաջադրելով վարկածներ ու նոր մոտեցումներ, որոնք պիտի կյանքի կոչվեին ապագա հետազոտողների կողմից: Ա. Ավետիսյանն այդ հետազոտողներից մեկը պիտի լիներ և սխալված չենք լինի, եթե ասենք, որ իր ստեղծագործական կարճատև կյանքի ընթացքում նա եղավ նաև այդ ոլորտի «առաջամարտիկը»: Ասվածի առհավատչյան ոչ միայն սույն ժողովածուում ընդգրկված նյութերն են, այլև նրա մեկ տասնյակից ավելի գիտական հոդվածներն ու հրապարակումները, որոնց ամբողջական մատենագիտությունը՝ կից համառոտ բովանդակային բացատրագրերով, ներկայացրել ենք սույն ժողովածուի վերջում (տե՛ս «Ավետիս Ավետիսյանի հրատարակած աշխատությունների մատենագիտություն» բաժինը):

Ինչ վերաբերում է ժողովածուի երկրորդ մասում ընդգրկված նյութերի բովանդակությանը, ապա այստեղ պատկերն առավել բազմաբնույթ է: Հեղինակն իր ուսումնասիրությունների նյութ է դարձրել պատմության, ճարտարապետության, քանդակագործության, ձեռագրական ու լուսանկարչական արվեստին առնչվող խնդիրները, որոնց քննության արգասիքն են Ս. Էջմիածնի Մայր տաճարի կառուցման տարեգրությանն ու ֆոտոարխիվին, զանգակատան արձանագիր զանգերին, Ագուլիսի Ս. Թովմա առաքյալի վանքի ձեռագրերին, Տրապիզոնի Ս. Ամենափրկիչ վանքի պատմաճարտարապետա-

կան նկարագրին, լուսանկարչական արվեստում տեղ գտած հուշարձաններին և, առհասարակ, հայոց պատմությանն ու մշակույթին նվիրված հետազոտությունները:

Մասնավոր հարցերից մինչև համընդհանուր հնչեղությունն ունեցող երևույթներ, ժամանակագրական դասակարգում ու տիպաբանական-բովանդակային վերլուծություն. այս մոտեցմամբ են շարադրվել հայ որմնանկարչական հուշարձանների պատմությանն ու դասակարգմանը, Հովնաթանյանների սերունդներին, ինչպես նաև՝ Վանի թագավորության պատմամշակութային ժառանգությանը նվիրված՝ Ա. Ավետիսյանի սովորածավալ ուսումնասիրությունները:

Ժողովածուի կազմման գաղափարի ու կատարված աշխատանքի առնչությամբ ասենք, որ ի սկզբանե նախատեսել էինք մեկտեղել և ընդհանուր հատորով կյանքի կոչել Ավետիսյանի՝ 2018-2020 թթ. հրատարակած գիտական աշխատությունները, սակայն ընտանիքի անդամների ու ընկերների գործադրած ջանքերի արդյունքում պարզվեց, որ հեղինակի թվային շտեմարանում պահպանվել է ավարտուն և թերավարտ սովորածավալ նյութ, որի հրատարակությունն ավելի մեծ նպաստ պիտի բերի հայագիտությանը: Այսպես, կրկնությունից խուսափելու համար, նպատակահարմար գտանք ընտրել անտիպները, որոնք պիտի որոշակիորեն ծանոթագրվեին ու խմբագրվեին: Մենք սիրով ստանձնեցինք այդ գործը և արդյունքում ունեցանք այն, ինչ ունենք*. նախ միօրինականացրինք տողատակային հղումների սկզբունքը, նկարատակերի բացատրագրերը, լրացրինք հղված, սակայն բաց թողնված աղբյուրներն ու գրականությունը, ավելացրինք նորերը: Նմանօրինակ միջամտությունները զանազանելու համար մեր ծանոթագրություններից հետո նշել ենք համառոտագրված՝ Ա. Հ.:

* Մեր խորին երախտագիտությունն ենք հայտնում ժողովածուի խմբագիր, պ.գ.դ., պրոֆեսոր Կ. Մաթևոսյանին, որի մշտական աջակցությամբ կյանքի կոչվեց սույն հատորը: Չմոռանանք նաև մեր սրբագրիչներին՝ Մաշտոցյան Մատենադարանի գիտաշխատողներ Հասմիկ Իրիցյանին և Անի Առաքելյանին, ինչպես նաև ՀՀ ԳԱԱ Հնագիտության և ազգագրության ինստիտուտի գիտաշխատող Աշխեն Ենոքյանին, որոնց բարեխիղճ աշխատանքի արդյունքում սրբագրվեց ողջ շարվածքը:


Հարկ է նշել, որ ժողովածուում չենք ներառել հեղինակի աշխատանքային շարվածքներն ու տարբեր աղբյուրներից քաղված և, ըստ ամենայնի, իր ձեռքի տակ ունենալու նպատակով կազմած նյութերը: Թեպետ ձգտել ենք լրացնել ու ամբողջացնել Ա. Ավետիսյանի օգտագործած գրականությունը, սակայն, չենք բացառում, որ շարադրանքում կարող են լինել առանց հղման այլ մեջբերումներ ևս, որոնց համար հայցում ենք մեր ընթերցողի ներողամտությունը, քանզի հեղինակի որոշ նյութեր դեռևս թերավարտ էին:

Միով բանիվ, ընթերցողի սեղանին է դրվում Արցախյան 44-օրյա հերոսամարտում անմահացած մեր լուսավոր հայորդիներից մեկի՝ արվեստաբան Ավետիս Ավետիսյանի անտիպ աշխատությունների ընտրանին՝ իբրև հարգանքի տուրք հայ արվեստի նվիրյալ զավակի անմահ հիշատակին. «Յիշատակն արդարոյն օրհնո-թեամբ էղիցի...»:

Արսեն Հարությունյան

Պատմական գիտ. թեկնածու

15. 09. 2021 թ.



ՀԱՅ ԱՐՎԵՍՏԻ ԱՆԽՈՆՋ ՆՎԻՐՅԱԼԸ

Ավետիս Ավետիսյանի հետ ծանոթացա «Հայկական որմնանկարչություն» ժողովածուն հրատարակության նախապատրաստելու ժամանակ՝ 2018-ին: Քանի որ որմնանկարչության թեման ուսումնասիրող արվեստաբանները մեզանում փոքրաթիվ են, Ավետիսն ինձ համար իսկական հայտնությունն դարձավ, և պատահական չէ, որ այդ ժողովածուում չորս մեծ ու փոքր հոդված լույս տեսավ նրա հեղինակությամբ. առաջինը «Տրապիզոնի Ս. Ամենափրկիչ վանքի հայկական որմնանկարները» արժեքավոր հետազոտությունն էր, հաջորդը՝ «Ցուցակ հայկական որմնանկարչության հուշարձանների (XVII դ. – XX դ. սկիզբ)» տեղեկաշատ նյութը, երրորդը՝ «Նորահայտ ներկագիր արձանագրություններ Մեղրիի Փոքր թաղի Ս. Հովհաննես Մկրտիչ եկեղեցում» և, վերջապես, մի գրախոսություն Նիկոլայ Քոթանջյանի գրքի մասին: Դրանից բացի, Ավետիսը սիրահոժար հանձն առավ ընթերցել ժողովածուում ընդգրկված մի շարք հոդվածներ և խմբագրական ու սրբագրական բժախնդիր աշխատանքով մեծապես նպաստեց գրքի կայացմանը, որը տպագրվեց 2019-ի վերջերին: Այդ համատեղ աշխատանքի ժամանակ մոտիկից ճանաչեցի Ավետիսին, որին մինչ այդ բազմիցս տեսել էի Մատենադարանի ընթերցասրահում:

Խոստովանեմ, որ մեծ հույսեր էի կապում նրա հետ, քանի որ որմնանկարչության ուսումնասիրությունն այն ոչ դյուրին բնագավառն է, որը ոչ միայն մասնագիտական հմտություն, այլև անմնացորդ նվիրյալի աշխատանք է պահանջում: Ավետիսը հենց այդ մարդն էր: Մեծ ցավ եմ ապրում, որ նրա երիտասարդ կյանքն այդքան շուտ ավարտվեց, անկատար մնացին գիտական բազմաթիվ ծրագրերը: Նա կամավորաբար իր կյանքը դրեց հայրենիքի զոհասեղանին: Հայտնի մի երգ կա՝ «Երկիր հայրենի», որի խոսքերի մեջ Ավետիսն ընտրեց՝ «Ես մի զարկն եմ քո բազկի» տողը...

Ավետիս Ավետիսյանի լուսավոր հիշատակը վառ կմնա նրան ճանաչողների մտքում ու սրտում: Բարեբախտաբար, նա հասցրեց գիտական վաստակից բացի (որի առհավատչյան է սույն հարուստ ժողովածուն), այս աշխարհում նաև ժառանգ թողնել, մի փոքրիկ հրեշտակ դստրիկ՝ Նարինե անունով: Երբ նա մեծանա, հպարտ կլինի իր ԳԻՏՆԱԿԱՆ ԵՎ ՀԵՐՈՍ ՀԱՅՐԻԿՈՎ:

Կարեն Մաթևոսյան

*Մաշտոցյան Մատենադարանի գիտական գծով փոխտնօրեն,
պատմական գիտ. դոկտոր, պրոֆեսոր*





Ավետիս Ավետիսյանը դստեր՝ Նարինեի հետ (2018 թ.)

ՈՐՄՆԱՆԿԱՐԶՈՒԹՅՈՒՆ

ՀԱՅ ՈՐՄՆԱՆԿԱՐԶՈՒԹՅԱՆ ՊԱՏՄՈՒԹՅՈՒՆ (համառոտ ակնարկ)

Հայ որմնանկարչությունն ունի հազարամյակների պատմություն: Արվեստի այդ ինքնատիպ բնագավառի վաղագույն օրինակները ժայռապատկերներն են (պետրոգլիֆ), որոնք մեզ են հասել դեռևս մ.թ.ա. VII-II հազարամյակներից: Արագածում, Գեղամա լեռներում և Սյունիքում (Ուխտասարի լանջեր) պահպանված ժայռապատկերները բովանդակում են մարդկանց, կենդանիների տարատեսակ պատկերներ, ինչպես նաև աշխատանքային, ծիսական, ռազմի, որսի և այլ տեսարաններ, որոնք լավագույնս պարզում են հին հայկական ցեղերի կյանքը, մարդու աշխարհընկալումն ու հավատալիքները¹:

Որմնանկարչությունը զարգացում է ապրել հատկապես Վանի կամ Արարատյան թագավորության (Ուրարտու) ժամանակաշրջանում: Որմնանկարների առանձին դրվագներ են հայտնաբերվել Ազնավուր-թեփե², Էրեբունի (Արին-բերդ)³, Ալթըն-թեփե⁴ և Թեյշեբախի (Կարմիր բլուր)⁵ բերդաքաղաքներում: Նշվածների շարքում բացառիկ են հատկապես Էրեբունիի որմնանկարները: 1950-60-ական թթ. հնագիտական երկարատև պեղումների արդյունքում հողալիցքից բացվել է ամրոցի հատակագիծը, իսկ հալդի աստծու տաճարում, Արգիշտի արքայի պալատում և արտաքին սյունասրահում հայտնաբերվել են մոտ 2000 մ² ընդհանուր

¹ Ժայռարվեստի մասին մանրամասն տե՛ս **Գ. Կարախանյան, Պ. Սաֆյան**, Սյունիքի ժայռապատկերները, «Հայաստանի հնագիտական հուշարձանները», հ. 4, պրակ I, Երևան, 1970. **Յ. Մարտիրոսյան, Յ. Խրաթեյան**, Գեղամա լեռների ժայռապատկերները, «Հայաստանի հնագիտական հուշարձանները» հ. 6, պրակ II, Երևան, 1971 – Ա. Հ.:

² Ենթադրաբար հիմնվել է Իշպուհինի արքայի (մ.թ.ա. 828/825-810 թթ.) կողմից: Գտնվում է Արևմտյան Հայաստանի Պատնոց (Բաղնոց) գյուղի մոտ (Մանազկերտ քաղաքից մոտ 20 կմ հյուսիս-արևելք, Արածանիի Մանազկերտ վտակի վերին հոսանքի շրջանում, աջ ափին):

³ Հիմնվել է Արգիշտի Ա արքայի կողմից, մ.թ.ա. 782 թ.: Գտնվում է Երևանի Էրեբունի համայնքում:

⁴ Հիմնվել է Արգիշտի Բ-ի օրոք (մ.թ.ա. 714-685/680 թթ.), գտնվում է Ներկայիս Երզնկա քաղաքից մոտ 20 կմ դեպի արևելք (Կարինից Սեբաստիա տանող ճանապարհի մոտ):

⁵ Հիմնվել է Ռուսա Բ արքայի օրոք (մ.թ.ա. 685/680-640 թթ.), գտնվում է Ներկայիս Երևանի Շենգավիթ համայնքում:

մակերեսով բացառիկ որմնանկարներ՝ արտահայտված բուսաներկաչափական զարդատարրերով, առյուծների, ցլերի պատկերներով, որոնց շարքում է նաև Խալդի աստծու մեծագիր որմնանկարը (տե՛ս ներդիր, նկ. 1, 2):

Որմնանկարչության զարգացումը որոշակիորեն ընդհատվել է անտիկ (հելլենիստական) ժամանակաշրջանում: Այդուհանդերձ, հիշյալ շրջանից պահպանվել է խճանկարչության երկու բացառիկ հուշարձան՝ Արտաշատի և Գառնիի բաղնիքներում: Արտաշատի բաղնիքի V, VIII և IX սենյակների խճանկարները (II-III դարեր) ներկայացնում են երկրաչափական զարդատարրեր՝ համակցված ալիքաձև պատկերներով, որոնք իրենց ընդհանուր հորինվածքով հիշեցնում են գորգապատկեր (տե՛ս ներդիր, նկ. 3): Ինչ վերաբերում է Գառնիի խճանկարին (III դար), ապա այն հիմնականում ներկայացնում է ծովը, ծովային կենդանիներին և առասպելական կերպարներին (տե՛ս ներդիր, նկ. 4):

Հայ որմնանկարչությունը վերածնունդ է ապրել վաղ միջնադարում: Թեև այս շրջանից պահպանված որմնանկարներն այնքան էլ շատ չեն, բայց և այնպես կարելի է փաստել, որ վաղ միջնադարում եկեղեցիների նկարազարդումը սկսել է կրել համատարած բնույթ, իսկ որակական առումով հայ որմնանկարչությունը հասնում է համաշխարհային մակարդակի:

Հայ վաղմիջնադարյան արվեստում գեղարվեստական բացառիկ արժեք են ներկայացնում Ծիծեռնաձևանքի, Թալինի Կաթողիկեի, Լմբատաձևանքի Ս. Ստեփանոսի, Աշտարակի Կարմրավորի, Արուճի, Մրենի տաճարների, մասամբ՝ Արթիկի մեծ և փոքր եկեղեցիների, Կոշի Ս. Ստեփանոսի, Մաստարայի Ս. Հովհաննեսի և Տայքի Իշխանի տաճարի որմնանկարները: Նշված հուշարձանները նաև առավել լավ պահպանվածներն են, որոնք ուսումնասիրողներին հնարավորություն են ընձեռում որոշելու դրանց գեղարվեստական որակը, պատկերագրական առանձնահատկությունները, գաղափար կազմելու վաղ շրջանում հայկական եկեղեցիներում ընդունված որմնանկարների ընդհանուր գեղարվեստական հարդարատարրերի մասին:

Համառոտ անդրադառնանք յուրաքանչյուրին.

Ծիծեռնաձևանքի (IV–V դդ.) ավագ խորանի գմբեթարդին, ըստ ամենայնի, հետիմասիայի (Քրիստոսի Երկրորդ գալստյան համար նախատեսված թափուր գահը, վրան՝ Ս. Գիրքը) տեսքով պատկերվել է

Համբարձման տեսարանը: Եկեղեցու մյուս հատվածներում պատկերված են նաև հաջի համբարձման տեսարանը և երեք կերպար (ենթադրաբար՝ Ս. Տրդատը, Ս. Գրիգոր Լուսավորիչը և Ս. Հռիփսիմեն):

Թալինի Կաթողիկե եկեղեցու ավագ խորանի գմբեթարդին նույնպես հետիմասիան է ներկայացված (այս դեպքում նաև՝ զույգ քառակերպերով): Պահպանվել են նաև շրջան-մեդալիոնների մեջ պատկերված սրբերի դիմանկարներ, իսկ ավագ խորանի ձախ կողմում՝ «Մուտք Երուսաղեմ» տեսարանը (տե՛ս ներդիր, նկ. 5):

Լմբատավանքի Ս. Ստեփանոս եկեղեցու ավագ խորանի գմբեթարդին «Քրիստոսը փառքի մեջ» (գահին նստած) պատկերն է՝ միավորված Եզեկիել և Եսայի մարգարեների տեսիլքների հետ, այն է՝ հրե կրակի լեզուներում զույգ անիվներ, երկու քառակերպեր և երկու սերովբեներ: Արևելյան պատին՝ խորանից աջ և ձախ, պատկերված են Ս. Սարգիս և Ս. Գևորգ գորավարները:

Կոշի Ս. Ստեփանոս եկեղեցու ավագ խորանի գմբեթարդին տեսնում ենք լմբատավանքյան «Համբարձումը»՝ առանց սերովբեների, ստորին հատվածում՝ Հաղորդության և Օրենքի հանձնման միավորված տեսարանն է:

Աշտարակի Կարմրավոր եկեղեցու ավագ խորանի գմբեթարդին դարձյալ «Քրիստոսը փառքի մեջ» (գահին նստած) պատկերն է՝ քառաթև զույգ սերովբեներով, իսկ երկու կողմում՝ Մարիամ Աստվածածինն ու Հովհաննես Մկրտիչը: Ավագ խորանի ստորին հատվածում ներկայացված են եպիսկոպոսական հանդերձանքով հինգ սրբեր, իսկ արևմտյան խորանում՝ Ս. Սարգիսն ու Ս. Գևորգը:

Արուճի Ս. Գրիգոր տաճարի գմբեթարդին մասամբ պահպանվել է Օրենք տվող Քրիստոսի համբարձման տեսարանը, որի ստորին հատվածում առաքյալներն են (տե՛ս ներդիր, նկ. 6):

Մրենի տաճարի և Արթիկի մեծ՝ Ս. Գևորգ եկեղեցու ավագ խորաններում, ամենայն հավանականությամբ, նույնպես պատկերված է եղել Արուճում հանդիպող համանուն տեսարանը (Մրենի տաճարում տեսնում ենք նաև շրջան-մեդալիոնների մեջ պատկերված սրբերին, ինչպես նաև՝ ամբողջ հասակով մի սրբապատկեր): **Արթիկի փոքր՝ Ս. Մարիամ Աստվածածին** եկեղեցում ժամանակին, ըստ Յ. Ստրժիգովսկու, պատկերված է եղել «Ողբ առ Քրիստոս» տեսարանը⁶:

⁶ *J. Strzygowski*, Die Baukunst der Armenier und Europa, Band II, Wien, 1918, էջ 499-500:

Մաստարայի Ս. Հովհաննես եկեղեցում (V-VI դդ.) պահպանվել են սուրբ ձիավորի և վեց սրբերի որմնանկարներ:

Տայքի Իշխանի տաճարում (VII դ.) պահպանվել է Տրդատի և Աշխենի որմնանկարը՝ հայերեն արձանագրությամբ:

Ժամանակին նկատելի էին նաև **Աշտարակի Ծիրանավոր** եկեղեցու (V-VI դդ.) ավագ խորանի որմնանկարները. նշմարվում էին վեց սրբերի ուրվագծեր:

Հիմնաշերտի, իսկ որոշ դեպքերում նաև ներքի մնացորդներ են պահպանվել (կամ ժամանակին պահպանված են եղել) Դվինի Մայր տաճարում (IV-V դդ.), Եղվարդի բազիլիկում (V դ.), Չովունիի Ս. Պողոս-Պետրոս (V-VI դդ.), Ս. Սարգիս (V-VI դդ.) եկեղեցիներում, Արևիսի Թանահատի վանքի Ս. Ստեփանոս եկեղեցում (V-VI դդ.), Ջրառատի Ս. Մինաս եկեղեցում (VI դ.), Ավանի տաճարում (591 թ.), Ծովիգի վանքի Ս. Աստվածածին եկեղեցում (VI-VII դդ.), Լուսազյուղի եկեղեցում (VI-VII դդ.), Շենիկի Ս. Ստեփանոս եկեղեցում (VI-VII դդ.), Բյուրականի Արտավազիկ եկեղեցում (VI-VII դդ.), Բուժականի Ս. Աստվածածին եկեղեցում (VII դ.), Աստվածընկալ վանքի մատուռում (VII դ.), Դվինի արքայական պալատում (VII դ.), Բագարանի Ս. Թեոդորոս տաճարում (624-631 թթ.), Չվարթնոցի տաճարում (643 թ.), Էջմիածնի Այգեշատ գյուղի Թարգմանչաց վանքում (VII դ.) և Պտղնիի տաճարում (VII դ.): Աղցքի բազիլիկում (IV դ.), Երևանի Ս. Պողոս-Պետրոս եկեղեցում (VI-VII դդ.), Եղվարդի Ս. Թեոդորոս գորավար եկեղեցում (VII դ.) (տե՛ս ներդիր, նկ. 7), Տեկորի (IV-V դդ.) և Երերույքի (V դ.) տաճարներում պահպանվել են բուսական զարդանախշի հատվածներ, Քասախի բազիլիկում (IV-V դդ.)՝ հավասարաթև խաչի և մի արմավիկի պատկեր: Սիսիանի և Օձունի (VI դ.) տաճարներում, զարդանախշերից զատ, պահպանվել են նաև լուսապսակների հատվածներ:

Արաբական արշավանքներն ընդհատում են հայ որմնանկարչության վերելքը. գալիս են համատարած լճացման VIII-IX դարերը, որին հետևում է զարգացման նոր փուլ՝ ընդգրկելով X դարն ու XI դարի առաջին կեսը:

Այս շրջափուլից պահպանված որմնանկարչական հուշարձանները ներկայանալի են հատկապես ներքոնշյալ ինը եկեղեցիների օրինակներով:

Տաթևի վանքի Ս. Պողոս-Պետրոս տաճարը (895-906 թթ.) նկարագրվել է 930 թ., պատմագիր Ստեփանոս Օրբելյանի վկայությամբ՝ «Ֆռանգ» (եվրոպացի) նկարիչ-պատկերագործների կողմից⁷: Ներկայումս պահպանվել են առանձին հատվածներ արևմտյան պատի «Ահեղ դատաստան», հյուսիսային պատի «Մանկան լոգանքը» (տե՛ս ներդիր, նկ. 8) տեսարաններից և առաքյալների պատկերներ ավագ խորանի ետևապատին: Ստեփանոս Օրբելյանը հիշատակում է նաև **Գնդեվանքի** ավագ խորանի որմանակարների մասին (930-ական թթ., գործ՝ Եղիշեի⁸), որտեղ նաև Զրիստոսի մեծածավալ պատկերն է եղել: Որմանակարից ներկայումս գրեթե ոչինչ չի պահպանվել:

X դարի երկրորդ կեսին են արվել **Հաղբատի Ս. Նշան** եկեղեցու հին շերտի որմանակարները. ավագ խորանի գմբեթարդին ներկայացված է «Բարեխոսությունը», որից առանձին հատվածներ են պահպանվել:

Աղթամարի Ս. Խաչ եկեղեցին (915-921 թթ.) նկարագրված է գրեթե ամբողջությամբ: Պատերը հարդարված են մասամբ Հին և հիմնականում Նոր Կտակարանի բազմաթիվ թեմաների եռաշարք որմնապատկերներով:

Որոտնավանքի Ս. Ստեփանոս Նախավկա եկեղեցու (1000 թ.) գրեթե ամբողջ աղոթասրահը նկարագրված է եղել: Այժմ մնացել է միայն հյուսիսային խորանի հատվածը, որը պատկերում է շրջանի մեջ աստղագարդ կապույտ երկինք, կենտրոնում՝ հրեշտակ:

Անիի Մայր տաճարի (1001 թ.) ավագ խորանի գմբեթարդին պատկերված է եղել Զրիստոսը՝ հրեշտակների և խաչապատկերի հետ: Տեղի **Ս. Փրկիչ** եկեղեցու (1035 թ.) որմանակարների շարքում առանձնանում է նկարչի՝ Սարգիս Փառչիկի ինքնանկարը (տե՛ս ներդիր, նկ.9):

Տայքի Օշկվանքի որմանակարներից մեկը պատկերում է Բանակի տաճարում Բագրատ Դ-ի պսակադրությունը բյուզանդական կայսեր ազգականուհու՝ Հելենայի հետ:

⁷ **Ստեփանոս Օրբելյան**, Պատմութիւն Նահանգին Սիսական, Թիֆլիս, 1910, էջ 256-257:

⁸ Պատմագրի հաղորդմամբ՝ Սյունյաց Սոփիա տիկինը, գնելով սրբազան համբավ ունեցող Գնդեվան վայրը, որոշել է այստեղ եկեղեցի կառուցել, որի համար. «Ետ անել վաղվադակի արուեստաւորս ի ճարտար քարատաշաց եւ սկիզբն առնէ շինուածոյն» կացուցեալ ի վերայ վանաց երեցն գհայր Սարգիս, եւ գործակալ զԵղիշա երեց եւ նկարիչ» (**Ստեփանոս Օրբելյան**, էջ 260): Հիշատակությունից դատելով՝ պատմագիրը վկայաբերում է հայր Սարգսի և գործակալ (հոգևոր գործերի վերակացու) Եղիշե երեցի անունները, իսկ նկարչի անունը չի հաղորդում, ուստի քիչ հավանական ենք կարծում գործակալ Եղիշե երեցի՝ նաև նկարիչը լինելու վարկածը – Ա. Հ.: Գնդեվագի Ս. Աստվածածին եկեղեցում պահպանված «Հոգեգալուստ» որմանակարը տե՛ս ներդիր, նկ. 15:

Ոչտունիքի Ս. Հակոբ վանքի (Կապուտկողի կամ Ընծաքարի վանք, այժմ՝ ավերված) որմնանկարներում եղել են ավետարանական նկարաշարի որոշ դրվագներ՝ «Ավետումը», «Մարիամի այցը Եղիսաբեթին», «Փախուստը դեպի Եգիպտոս» և այլ տեսարաններ, նաև Արծրունյաց տոհմից սերող պատվիրատուների դիմանկարներ և սուրբ զորավարների պատկերներ:

XI դ. սելջուկների արշավանքների հետևանքով կրկին ընդհատված հայոց հոգևոր, մշակութային կյանքը նոր վերելք է ապրել Զյուսիսային Հայաստանում Չաքարյանների իշխանապետության հաստատման ժամանակաշրջանում: Ի թիվս այլ բնագավառների՝ մեծ աշխուժություն է նկատվում նաև որմնանկարչության ոլորտում: XIII-XIV դարերը կազմում են զարգացած միջնադարի հայ որմնանկարչության երկրորդ ենթափուլը, որի ընթացքում ստեղծվում են հիրավի բացառիկ որմնանկարչական հուշարձաններ՝ 20-ից ավելի եկեղեցիներում: Այդ ցանկում առանձնանում են հատկապես Անիում Տիգրան Յոնենցի կառուցած Ս. Գրիգոր Լուսավորիչ (1215-1251 թթ.), Աբուղամրենց Ս. Գրիգոր Լուսավորիչ (X դարի II կես) և Դադիվանքի Ս. Աստվածածին Կաթողիկե (1234 թ.) եկեղեցիները: Միևնույն ժամանակ, կապված XIII դարում Հայաստանում իշխած Չաքարյանների՝ հիմնականում քաղկեդոնական դավանանքի հետևորդներ լինելու հետ, որոշ վանքեր փոխանցվում են հայ-քաղկեդոնական հոգևորականությանը: Իբրև կանոն, քաղկեդոնական եկեղեցիները պիտի որմնանկարազարդ լինեին, ուստի վերոնշյալ եկեղեցիները բացառություն չէին:

Այսպես, քաղկեդոնական ավանդույթներով նկարազարդվում են Ախթալայի, Զոբայրի, Խուճապի և Կիրանցի վանքերի եկեղեցիները: Նշվածների մեջ բացառիկ են հատկապես Ախթալայի վանքի Կաթողիկե եկեղեցու որմնանկարները, որոնք հայ-քաղկեդոնական որմնանկարչության թագն ու պսակն են կազմում: Եկեղեցին նկարազարդված է գրեթե ամբողջությամբ. ավագ խորանին պահպանվել են Տիրամայրը Մանկան հետ պատկերը, Հաղորդության տեսարանը և երկու շարքով՝ հոգևոր հայրերը: Գմբեթատակ խաչաթևերին տերունական շարքն է, արևմտյան պատին՝ «Ահեղ դատաստանի» որմնանկարը (տե՛ս ներդիր, նկ. 11, 12):

XV-XVI դարերում, պայմանավորված օտար նվաճողների լծի տակ գտնվելու արդյունքում ստեղծված սոցիալ-տնտեսական ծանր իրավիճակով, հայ արվեստը ճգնաժամ է ապրում: Որոշակի վերելք է նկատվում միայն XVII դարի երկրորդ կեսին, որով էլ սկզբնավորվում է որմնանկարչական արվեստի նոր շրջափուլը:

Հայ որմնանկարչության հիշյալ ժամանակաշրջանն ընդգրկում է XVII դարի երկրորդ կեսից մինչև XX դարի սկիզբն ընկած ժամանակահատվածը: Այս շրջանից հայտնի են շուրջ 115 եկեղեցիների, իշխանական առանձնատների և այլ կառույցների որմնանկարներ: Սրանց խիստ բնորոշ են օտար մշակութային ազդեցությունների հետևանքով նկատելի նորամուծությունները, մասնավորապես՝ Արևելյան Հայաստանի որմնանկարներում պարսկական զարդատարրերի լայնորեն կիրառումը: Այդուհանդերձ, նույնիսկ այս պայմաններում քիչ չեն բարձրարվեստ ստեղծագործությունները: Նոր շրջանի հայ որմնանկարչության բարձրակետն են Հովնաթանյան նկարիչների երեք սերունդների՝ Նաղաշ Հովնաթանի, Նրա որդիների՝ Հակոբի և Հարությունի, ինչպես նաև թոռան՝ Հովնաթան Հովնաթանյանի ստեղծագործությունները: Նրանց անվան հետ է կապված հայ որմնանկարչության ամենաառաջնային հուշարձաններից մեկի՝ Էջմիածնի Մայր տաճարի նկարազարդումները (1720-1786 թթ.)⁹ (տե՛ս Ներդիր, նկ. 13):

Հայ որմնանկարչական հուշարձանները բազմաթիվ են նաև հայկական գաղթօջախներում: Պատմական դառը ժամանակահատվածներում հայ ժողովրդի մի ստվար զանգված ստիպված է եղել դեգերել հայրենիքից հեռու՝ չմոռանալով սակայն իր եկեղեցին և մշակույթը: Գաղթօջախներում կառուցվել են բազմաթիվ հայկական եկեղեցիներ, որոնց մի մասը նաև նկարազարդվել է: Այս կապակցությամբ առաջինը պետք է հիշատակել Նոր Զուղայի տասնյակից ավելի հայկական եկեղեցիները, որոնց մեծ մասում այժմ էլ հրաշալի պահպանվել են որմնանկարները:

Իրանի կառավարությունն իր հերթին անում է ամեն ինչ՝ հայկական ժառանգությունը լավագույնս պահպանելու և հանրահռչակելու համար: Ցավոք, այս մոտեցումը ոչ բոլոր երկրներում է հանդիպում: Մասնավորապես, խնդիրներ կան հարևան Վրաստանում, որտեղ երբեմնի 20-ից ավելի հայկական եկեղեցիներից մոտ մեկ տասնյակն են այժմ պահպանվել, եղածներից մի քանիսն էլ վրաց պետությունը վրացականացրել է: Խնդիրը, անշուշտ, անհամեմատելի է հարևան Թուրքիայի և Ադրբեջանի

⁹ Էջմիածնի Մայր տաճարի՝ XVII-XVIII դդ. նկարազարդման արվեստին ժամանակին հանգամանորեն անդրադարձել է հայագիտության երախտավոր Գաբրիել Հովսեփյանը (**Գ. Հովսեփյան**, Էջմիածնի տաճարի նկարազարդումն ու ծաղկազարդումը XVII-XVIII դարերում, «Նյութեր և ուսումնասիրություններ հայ արվեստի պատմության», Կ. Բ, Երևան, 1987, էջ 272-312) – Ա. Հ.:

հետ, որտեղ պետական մակարդակով խապառ վերացվում է հայկական ցանկացած հետք, սակայն Վրաստանում ևս երբեմն նկատվում է նույն քաղաքականությունը: Վառ օրինակ է Թբիլիսիի Բեթղեհեմի Ս. Աստվածածին եկեղեցին, որտեղ տասնամյակներ առաջ դեռևս պահպանվել էին գմբեթի որմնանկարները (տե՛ս ներդիր, նկ. 16ա, բ):

Վերջերս, վրաց կառավարության թույլտվությամբ, հայկական որմնանկարները մաքրվեցին և տեղում նկարվեցին նոր՝ վրացական որմնանկարներ: Կարևոր քայլ էր Թբիլիսիի Ս. Գևորգ առաջնորդանիստ եկեղեցու որմնանկարների՝ 2013-2015 թթ. վերականգնումը (Որմնանկարների վերականգնման գիտահետազոտական կենտրոն, վերականգնողական խմբի ղեկավար՝ Արթանիկ Յովհաննիսյան), որի շնորհիվ ոչ միայն փրկվեց բացառիկ այդ հուշարձանը, այլև վրաց իշխանություններին ևս մեկ անգամ հիշեցրեց Թբիլիսիում առկա հայկական հուշարձանների մասին: Ողջուների է նաև, որ վերականգնումն իրականացվեց վրացական կառավարության աջակցությամբ (տե՛ս ներդիր, նկ. 14):

Հայկական որմնանկարչության գիտական ուսումնասիրությունը տևական պատմություն չունի¹⁰: Եթե հետադարձ հայացք նետենք հարակից բնագավառների ուսումնասիրման պատմության ընթացքին, ապա կտեսնենք, որ միայն XIX դարի վերջերից գիտնականները սկսել են լրջորեն զբաղվել հայ ճարտարապետության պատմությամբ և տեսությամբ, իսկ XX դարի սկզբից՝ նաև մանրանկարչության պատմությամբ: Որմնանկարչության «բախտը» առավել քիչ նախանձելի էր: Խնդիրը կապված էր մի կողմից որմնանկարչական հուշարձանների՝ բավականին վատ պահպանվածության հետ, մյուս կողմից որոշակիորեն խոչընդոտում էր այն անհիմն համոզմունքը, թե Հայաստանում ընդունված չի եղել որմնանկարչությունը, քանզի հայերը պատկերամարտ էին: Չնայած սրան, հայ և օտարազգի հետազոտողներն առանձին հուշարձաններին նվիրված աշխատություններում որմնանկարների առկայության դեպքում հաճախ նշել են դրանց գոյության մասին (Թ. Թորամանյան, Յ. Ստրժիգովսկի, Ա. Մուրավյով, Յ. Լինչ և այլք):

¹⁰ Խնդրի մասին հանգամանալից տե՛ս **И. Драмбян**, К истории изучения средневековой армянской фресковой живописи, Вестник Санкт-Петербургского университета. Искусствоведение, т. 8, вып. 2, 2018, էջ 232-257:

Իբրև այդպիսին, որմանակարներին առաջինը հատուկ ուշադրություն է դարձրել նշանավոր հայագետ Նիկողայոս Մառը: Անիում՝ իր ղեկավարությամբ ընթացող հնագիտական պեղումների ժամանակ (1892-1917 թթ.) մեծ գիտնականի ուշադրությունից չեն վրիպել նաև հայ արվեստի այդ բացառիկ հուշարձանները¹¹: Մառը սկսել է լրջորեն զբաղվել Անիի որմանակարչության ուսումնասիրությամբ: Իր հոդվածներում նա արդեն որոշակիորեն կասկածով էր վերաբերվում հայերի պատկերամարտ անցյալին, սակայն թույլ էր տալիս նաև այնպիսի սխալներ, որոնք հետագայում կարծրատիպ են դարձել մյուս հետազոտողների համար: Այդպիսի սխալներից էր հատկապես հայկական որմանակարները հայքաղկեդոնական միջավայրի արդյունք համարելը:

Ուսումնասիրությունները խորացնելու նպատակով Մառի հրավերով 1911 թ. Անի է ժամանել որմանակարների մասնագետ Ն. Սիչովը: Ճիշտ է, առաջին համաշխարհային պատերազմը խափանեց Մառի մտադրությունները, սակայն հրապարակված հոդվածները տվեցին իրենց արդյունքները և որոշակի հիմք դարձան հետագա ուսումնասիրությունների համար:

Հայ որմանակարչության ուսումնասիրությունը միանգամայն այլ բարձունքի հասավ Խորհրդային շրջանում՝ ի դեմս Լիդիա Դուռնովոյի, Սիրարփի Տեր-Ներսեսյանի, Նիկոլայ Զոթանջյանի և Իրինա Դրամբյանի: Լ. Դուռնովոյի հոդվածն Արուճի որմանակարի մասին¹², ինչպես նաև Նրա երկու մենագրությունները, նոր խոսք էին հայ որմանակարչության ուսումնասիրության բնագավառում¹³: Հատկապես երկրորդ մենագրության մեջ կարևոր էր Տաթևի վանքի Ս. Պողոս-Պետրոս եկեղեցու որմանակարների խորագնին ուսումնասիրությունը: Այդուհանդերձ, այս աշխատություններում ևս երբեմն հանդիպում էր այն կարծրատիպը (թերևս Նիկողայոս Մառի վերոնշյալ աշխատությունների ազդեցությամբ), ըստ որի՝ հայ որմանակարչական հուշարձանների մեծ մասը կապված է քաղկեդոնականության հետ:

¹¹ **Н. Марр**, Ани. Книжная история города и раскопки на месте городища, Ереван, 2011, табл. XVI, илл. 48-51, табл. XXXIII, илл. 115, 120, 121, табл. XLIII, илл. 188, табл. XLIV, илл. 189, 190, табл. XLIX, илл. 216 – Ա. Հ.:

¹² **Л. Дурново**, Стенная живопись в Аруче (Талиш), Известия АН АрмССР, N 1, 1952, էջ 49-66:

¹³ Նույնի՝ Краткая история древнеармянской живописи, Ереван, 1957, նաև՝ Очерки изобразительного искусства средневековой Армении, Москва, 1979:

Հայ որմնանկարչության գիտական ուսումնասիրության բնագավառում նշանակալի են անվանի արվեստաբան Սիրարփի Տեր-Ներսեսյանի աշխատությունները: Նախ և առաջ պետք է նշել աղբյուրագիտական բնույթի նրա երկու հոդվածները, որոնք նվիրված էին Վրթանես Զերթողի հայտնի երկին՝ որպես պատկերամարտության դեմ գրված հնագույն աղբյուր¹⁴: Մյուս կարևոր աշխատանքն Աղթամարի Ս. Խաչ եկեղեցու որմնանկարների մանրագնին ուսումնասիրությունն է, որը մինչ օրս հանդիսանում է որմնանկարչական այդ բացառիկ հուշարձանի ամենամբողջական ուսումնասիրությունը¹⁵: Որմնանկարչական մի քանի այլ հուշարձաններ ներկայացված են (արդեն համառոտ) Տեր-Ներսեսյանի՝ ավելի ուշ հրատարակած աշխատության մեջ¹⁶: Այստեղ կարևոր է դարձյալ Տաթևի վանքի Ս. Պողոս-Պետրոս տաճարի որմնանկարների ոճի քննությունը, նաև այն մատենագրական աղբյուրների ուսումնասիրությունը, որոնցից և ձևավորվել է տվյալ պատկերագրությունը:

Լ. Դուռնովոյից հետո հայ միջնադարյան որմնանկարչության խոշորագույն հետազոտող կարելի է համարել գեղանկարիչ, արվեստաբան Նիկոլայ Զոթանջյանին: 1978 թ. ռուսերենով հրատարակված նրա «Գույնը Հայաստանի վաղմիջնադարյան գեղանկարչությունում» խորագրով աշխատությունը (հեղինակի առաջին մենագրությունն էր) վերաբերում էր հայկական վաղմիջնադարյան որմնանկարչական հուշարձաններին¹⁷:

¹⁴ **S. Der Nersessian**, Une Apologie des Images du septieme siecle, Byzantion, vol. 17 (1944-1945), էջ 58-87. Image Worship in Armenia and its opponents, In Etudes Byzantines et Armeniennes, 4 volumes. Louvain: Imprimerie Orientaliste, 1973, vol. 1. էջ 405-415:

¹⁵ **Ս. Տեր-Ներսեսյան**, Հայ արվեստը միջնադարում, Երևան, 1975, էջ 102-116:

¹⁶ **S. Der Nersessian**, L'Art armenien, Paris, 1977.

¹⁷ **Н. Команджян**, Цвет в раннесредневековой живописи Армении (Анализ памятников VI-VII вв.), Ереван, 1978.

Հետագա տասնամյակներում հրատարակվում են գիտնականի՝ հայկական որմնանկարչությանը նվիրված մի շարք հոդվածներ՝ «Художественный язык Аручской росписи и раннесредневековые фрески Армении» (II Международный симпозиум по армянскому искусству. сборник докладов, т. III, Ереван, 1978), «Фрески Аруча как отражение античной традиции в раннесредневековой живописи Армении» (Художественное наследие, вып. 6/36, Москва, 1980), «Fresques arméniennes du VIIe siècles d'après les monuments d'Arménie Sovétique» (Atti del Quinto Simposio Internazionale di Arte Armena, Venezia, 1988), «The Frescoes in the Church of St. Gregory the Illuminator founded by Tigran Honents in Ani» (համահեղ.՝ Իրինա Դրամբյան, Armenian Review, v. 43, N 4/172, Watertown, 1990), «Թալինի Մեծ տաճարի զխավոր արքայի որմնանկարի գծային վերակառուցման փորձը» («Հայ արվեստի հարցեր», գիրք 1, Երևան, 2006), «Фрески Татевы. Судьба росписи и история ее изучения» (համահեղ.՝ Իրինա Դրամբյան, «Հայ արվեստի հարցեր», գիրք 5, Երևան, 2013) և այլն:

Մասնավորապես, իր իսկ ստեղծած և արվեստաբանության մեջ նորույթ համարված գույնի ուսումնասիրման նոր մեթոդով հեղինակը քննության է առել վաղմիջնադարյան կերպարվեստի կարևորագույն հուշարձանները (Էջմիածնի Ավետարանի VI-VII դդ. մանրանկարներ, Արուճի տաճարի, Թալինի Կաթողիկե եկեղեցու, Լմբատավանքի, Կոշի Ս. Ստեփանոս և Եղվարդի Ս. Չորավար եկեղեցիների որմնանկարներ):

2017 թ. Երևանում հետմահու լույս տեսավ Զորանշանի «Հայաստանի վաղմիջնադարյան մոնումենտալ գեղանկարչությունը (Դ-Է դարեր)» մեծարժեք աշխատությունը (ռուսերեն), որը մեծ գիտնականի չորրորդ և վերջին հրատարակված մենագրությունն էր: Այս աշխատությունը հայագիտության մեջ առաջին փորձն է՝ ներկայացնելու վաղմիջնադարյան հայ որմնանկարչության ամբողջական պատկերը:

Հայ որմնանկարչությանը նվիրված արժեքավոր ուսումնասիրությունների հեղինակ է նաև արվեստաբան Իրինա Դրամբյանը: Նշելի է նրա «Фрески Кобайра» (Ереван, 1979) մեծարժեք աշխատությունը, որը մեծ դեր խաղաց հուշարձանի ծագման, այն է՝ հայ-քաղկեդոնական միջավայրին վերագրելու գործում (մինչ այդ գերակշռող էին հուշարձանը վրացական մշակույթի մաս համարողները): Ըստ հեղինակի՝ Զորայրի պատմությունը վկայում է հայկական միջավայրի հետ նրա մշտական կապվածության մասին, իսկ որմնանկարների ոճական առանձնահատկություններն առավելապես բնորոշ են արևելաքրիստոնեական արվեստին: Այդ են վկայում հարթապատկերային ու գրաֆիկական մշակումները, կերպարների շարժման պայմանականությունը, ոճը, եզրագծերի արտահայտիչ լինելը և այլն:

Անկախության շրջանում ևս շարունակվեց հայ որմնանկարչական հուշարձանների ուսումնասիրությունը: Հատկանշելի են Հրավարդ Հակոբյանի, Սեյրանուշ Մանուկյանի, Չարուհի Հակոբյանի և, հատկապես, ռուս արվեստաբան Ալեքսեյ Լիդովի ուսումնասիրությունները: Վերջինիս՝ Ախթալայի որմնանկարներին նվիրված մենագրությունը վճռորոշ եղավ տասնամյակներ տևող գիտական բանավեճերից հետո, երբ հուշարձանի մանրակրկիտ ուսումնասիրության արդյունքում հեղինակը հաստատեց դրանց՝ հայ-քաղկեդոնական լինելու փաստը (Մոսկվա, 1991):

Վերոշարադրածը պարզում է, որ մեզ հայտնի ուսումնասիրությունների գերակշիռ մասը նվիրված է առանձին հուշարձանների հետազոտությանը: Հայ միջնադարյան որմնանկարչության կամ գոնե նրա առանձին շրջանների ամբողջական ուսումնասիրման առումով այսօր ունենք միայն Նիկոլայ Քոթանջյանի՝ վաղմիջնադարյան հայ որմնանկարչությանը նվիրված վերոնշյալ աշխատությունը և վերջերս լույս տեսած «Հայկական որմնանկարչություն» գիտական հոդվածների և նյութերի ժողովածուն (կազմող և խմբագիր՝ Կարեն Մաթևոսյան): Կարծում ենք, որ խնդրո առարկա բնագավառի հետագա ուսումնասիրություններին նոր թափ հաղորդելու համար հարկ է ունենալ թեկուզ և ոչ լիակատար, բայց ընդհանուր, հանրագիտարանային բնույթի մի ուսումնասիրություն, որը ժամանակագրական կարգով և ըստ մարզերի (շրջանների) կընդգրկի հայկական որմնանկարչության բոլոր հուշարձանները: Նկատառելով այդ՝ ի պետս գալիք սերունդների, առաջարկում ենք «Հայկական որմնանկարչության համահավաք» մատենաշար¹⁸ կազմելու հետևյալ սկզբունքները.

Համահավաքը պետք է կազմվի ըստ մարզերի կամ շրջանների: Յուրաքանչյուր հատորում պետք է ներկայացված լինեն տվյալ մարզի կամ շրջանի¹⁹ բոլոր հուշարձանները՝ նյութի ներկայացման հետևյալ կարգով.

ա. Հակիրճ տեղեկություններ կառույցի (եկեղեցի, պալատ և այլն) մասին,

բ. Կառույցում որմնանկարների քարտեզագրում,

գ. Առանձին տեսարանի կամ պատկերի լուսանկար,

դ. Առանձին տեսարանի կամ պատկերի գրչանկար,

ե. Առանձին տեսարանի կամ պատկերի մասին հակիրճ տեղեկություններ.

- պատկերագրական նկարագիր,

- ոճական նկարագիր,

- առկա վիճակ,

¹⁸ Հարկ ենք համարում նշել, որ նման մատենաշար կազմելու գաղափարը ծագեց «Որմնանկարների վերականգնման գիտահետազոտական կենտրոնում», իսկ որպես վերնագիր առաջարկվեց «Հայ որմնանկարչության համահավաք» կամ «Դիվան հայ որմնանկարչության» անվանումները (քննարկելի է):

¹⁹ Կախված հուշարձանների քանակից՝ մեկ հատորում կարող են զետեղված լինել մեկից ավելի մարզեր, կամ կարող է մեկ շրջանը (օր.՝ Անին) բաղկացած լինել մի քանի հատորից:

զ. Հիմնաշերտերի և ներկաշերտերի մասին հակիրճ տեղեկություններ,
Է. Մատենագիտություն (որմանակարչական հուշարձանին նվիրված
գրականություն),

ը. Եթե նախկինում տվյալ համալիրում իրականացվել են վերա-
կանգնման աշխատանքներ, ապա հակիրճ նաև դրանց բնույթի մասին:

Նշված սկզբունքներով կազմված համահավաք ցուցակն առձեռն
հանրագիտարան կդառնա հայ որմանակարչությամբ զբաղվող հետազո-
տողների համար: Կընդհանրանա հայ արվեստի տվյալ բնագավառի
փաստական նյութը՝ իր հսկայական ծավալով և տեղեկատվական հասա-
նելիությամբ, ինչն էլ հիմք կստեղծի հետագա ուսումնասիրությունների
խորացման համար:

ՀԱՅ ՈՐՄՆԱՆԿԱՐՉԱԿԱՆ ՀՈՒՇԱՐՁԱՆՆԵՐԸ. ՎԱՆԻ ԹԱԳԱՎՈՐՈՒԹՅՈՒՆԻՑ ՄԻՆՉԵՎ ՄԵՐ ՕՐԵՐԸ¹

ՀԻՆ ՇՐՋԱՆ

1. Էրեբունիի Արգիշտի Ա արքայի պալատ

Կառուցել է Արգիշտի Ա արքան, մ.թ.ա. 780-770-ական թթ.:

Որմնանկարները թվագրելի են նշված ժամանակաշրջանով:

Նկարագրություն - Միջնաբերդի կառույցներից ամենամեծն Արգիշտի արքայի պալատն էր, որն ուներ մեկական մեծ և փոքր դահլիճ, սյունազարդ բակ, որոնց շուրջը տեղավորված էին տարբեր նշանակության սենյակներ, իսկ արևմտյան թևում գտնվում էր «Սուսի» պալատական տաճարը: Տաճարի առաջ՝ բակի միջին մասում, զոհատունն էր: Պալատի ամենամեծ դահլիճը (12,0x30,0 մ), որը երկայնական առանցքով ուներ հինգ սյուն, նախատեսված էր ընդունելությունների և հանդիսավոր արարողությունների համար:

Սյունազարդ բակի պատերը ներկված են եղել կարմիր, Սուսի տաճարի պատերը՝ կապույտ գույնով: Պալատի կենտրոնական հատվածի բոլոր պատերն ունեցել են միասնական եզերազարդ՝ կազմված մի քանի

¹ Սույն համահավաք ցուցակում հեղինակն ամբողջացնում է հայագիտությանը հայտնի, ինչպես նաև իր կողմից փաստագրված որմնանկարչական մեծ ու փոքր, պահպանված ու կորսված հուշարձանները՝ սկսած Վանի թագավորության ժամանակաշրջանից մինչև մեր օրերը: Ըստ կարի փորձել է ներկայացնել նաև դրանց համառոտ նկարագրությունը, ժամանակն ու նախորդ հրատարակությունների մատենագիտությունը: Ցուցակում չենք ներառել նկարագրությունից զուրկ անվանական միավորները (Ազնավուր-թեփե, Ալթըն-թեփե հնավայրեր, Թեյշեբահի բերդաքաղաքի ամրոց, Եկեղյաց գավառի Թիլի եկեղեցի, Խուճապի վանք, Թեժառույքի վանք, Անավարզայի Թորոս իշխանի եկեղեցի, Եգիպտոսի Սպիտակ վանք, Իտալիայի Բալի քաղաքի Ս. Գևորգ, Պերուջա քաղաքի Սան-Մաթեո եկեղեցիներ ևն) – Ա. Հ.:

Ավելի վաղ Ա. Ավետիսյանը հրատարակել է XVII-XX դարասկզբի որմնանկարչության հուշարձանների համահավաք ցուցակը (110 միավոր) - տե՛ս Ցուցակ հայ որմնանկարչության հուշարձանների (XVII դար – XX դարի սկիզբ), կազմեց՝ **Ա. Ավետիսյան**, «Հայկական որմնանկարչություն», կազմող և խմբագիր՝ **Կ. Մաթևոսյան**, Երևան, 2019, էջ 259-278, նկ.՝ էջ 381-387):

շերտից, ինչպես արտաքին սյունասրահի դեպքում: Սուսի տաճարը, այդ եզերագարդից բացի, ունեցել է նաև այլ որմնանկարներ, որի մասին է վկայում տաճարի առջև հայտնաբերված խոշոր արմավենիկի բեկորը:

Պալատի փոքր դահլիճը (8,0x17 մ) տեղավորված է պալատական համալիրի կենտրոնական մասում՝ սյունազարդ բակից արևելք, որի հետ հաղորդակցվում է նախադահլիճի երկու սենյակով: Դահլիճի արևելյան պատն ունի երկու որմնախորշ, որոնց կավածեփի վրա պահպանվել են որմնանկարների կիսաեղծ, հազիվ նշմարելի հետքեր: Սրանք միակն են իրենց սկզբնական տեղում մնացած որմնանկարներից:

1961 թ. պեղումների ժամանակ արևմտյան պատի մոտ՝ հատակի վրա, գտնվեց պատերի ներքնամասի որմնանկարների լավ պահպանված մի խոշոր բեկոր (1,28x1,53 մ): Այստեղ պատկերված է մի ոտքով ծնրադիր ցուլ՝ ներս ընկած նիստերով խոշոր քառակուսու առջև, որի մեջ ներգծված է վարդյակով և այլ տարրերով զարդարված շրջան:

Փոքր դահլիճի պատերին առկա են զույգ գոտիներ՝ վերին մասում՝ առաստաղին կից և ստորին մասում՝ գետնից մոտ 0,5 մ բարձրությամբ: Վերնամասում ուրարտական, ավանդական շերտավոր զարդագոտին է, որին համանման է նաև ստորին գոտին, սակայն ավելի բարդ ու հետաքրքիր կառուցվածքով.

ա. վերին շերտը ներկայացնում է արմավիկների շարք,

բ. աստիճանավոր աշտարակներ,

գ. աստվածների միջև պատկերված սրբազան ծառերի շարք,

դ. առավել լայն շերտը ներկայացնում է ներս ընկած նիստերով քառակուսուն շրջապատած ծնրադիր ցլերի, որոնց այնուհետև փոխարինում է առյուծներով համակցված միևնույն հորինվածքը,

ե. աստվածների միջև պատկերված սրբազան ծառերի շարք,

զ. նռնախնձորի պտուղների դրասանգ (ներքևից եռատերև ունեցող շրջաններ):

Տվյալ որմնանկարի առանձին լայն հատվածներ անջատված են ավելի նեղ շերտերով՝ նրանց վրա տեղավորված վարդյակներով, որոնք համընկնում են ասորեստանյան հանրահայտ զարդանկարներին, օրինակ, լավ հայտնի են Սալմանասար Գ-ի Բալավատյան դարպասների նկարները:

Այսպիսով, բացի եզերագարդի որմնանկարներից, որոնք համա-
նման են նախորդ սենյակների եզերանախշերին, փոքր դահլիճում ի
հայտ է գալիս որմնանկարի հորինվածքային նոր տարբերակ: Հայտնա-
բերված առանձին բեկորները պարզում են (խոշոր աչք, ձեռք կամ թևերի
մասը), որ դահլիճը թեմատիկ առումով ձևավորված է եղել ավելի ճոխ:

Դահլիճի հարդարանքի ճոխությանը համապատասխանել են երկու
նախադահլիճային սենյակների ներքնամասերը, որոնց որմնանկարներն
անհամեմատ վատ են պահպանվել:

Պալատի արևմտյան մասում տեղավորված մեծ դահլիճը (12,5x49,0 մ)
հետագայում կցված կառույց էր (պալատի շինարարական երկրորդ փուլ):
Սակայն նոր կառուցապատման մեջ լինելով՝ դահլիճն իր երկու նախա-
դահլիճային սենյակներով մեկուսացվել է մնացած կից կառույցներից և
Նրա մուտքերը բացվել են միջնաբերդի հրապարակից և հալոյի աստծու
տաճարի հակադիր կողմից: Դահլիճի պատերը, հավանաբար, նկարա-
զարդված են եղել 4,5 մ բարձրությամբ: Սակայն իր գոյության վերջին
շրջանում դահլիճը ծառայել է իբրև գինու մառան: Նրա հողե հատակի
մեջ թաղվել են վիթխարի կարասներ, որոնք հայտնաբերվեցին պեղում-
ների ընթացքում: Երբեմնի ճոխ որմնանկարներից պահպանվել են
միայն Նրանց մի քանի հոյակապ բեկորները: Հավանական է, որ Աքե-
մենյան ժամանակաշրջանում, մեզ անհայտ նպատակներով, դահլիճի
հյուսիսարևմտյան մասում գտնվող պատերի կավածեփի բեկորներն այդ
որմնանկարների մնացորդներով հավաքվել են, տեղադրվել և հարթվել
հատակից մոտ 40 սմ բարձրության վրա՝ ծածկված մեծ կարասների
խեցեբեկորների շերտով: Հենց այդ տեսքով էլ դրանք (կավե հատակի
հաստ շերտով) պահպանվել են մինչև մեր օրերը: Որմնանկարներն
ունեն պաշտամունքային և աշխարհիկ բովանդակություն, ու թեև աշ-
խարհիկն ուրարտական արվեստում ի հայտ է գալիս առաջին անգամ,
սակայն դատելով պահպանված մնացորդներից՝ ունեցել է իր բազմա-
դարյա ավանդույթները:

Մեծ դահլիճի որմնանկարների ներքևի մասը կրկնում է փոքր դահ-
լիճի համապատասխան վեցաշերտ հորինվածքը, այն տարբերությամբ
սակայն, որ մեծ դահլիճում լայն շերտի ներս ընկած կողմերով և ներ-
գծված սկավառակներով քառակուսիների առջև տեղավորված են ոչ
միայն մեկ ոտքով ծնրադիր ցլեր և կանգնած առյուծներ, այլև թևավոր
առյուծների և մարդկային իրաններով ցլերի կերպարանք ունեցող

առասպելական էակներ, որոնք շատ սովորական են ասորեստանյան արվեստում: Այս որմնանկարների շարունակության վրա, դահլիճի խորության մեջ ներս ընկած քառակուսիների առջև ծնրադիր ցլերի և առյուծների փոխարեն կանգնած են մարդկային կերպարանքներ՝ դեմքով դեպի դիտողը, որոնք առաջին անգամ են հանդիպում տվյալ հորինվածքում:

Մեծ դահլիճի դռնախորշի առաջ գտնվել են աստվածների թափորը պատկերող որմնանկարի բեկորներ, որոնցից համեմատաբար լավ են պահպանվել կերպարներից երկուսի իրանների վերնամասերը, իսկ մյուսները մեզ են հասել խիստ վնասված տեսքով: Աստվածները պատկերված են խույրերով և անմորուք, զարդարված են եղջյուրներով և ժապավեններով, որոնք հասնում են մինչև նրանց մեջքը: Լավ պատկերված աստվածներից առաջինն աջ ձեռքում մի փոքրիկ դուլլ է բռնել, իսկ ձախում՝ սրբազան ծառի ճյուղ: Երկրորդը, ընդհակառակը, աջ ձեռքում բռնել է ճյուղը, ձախում՝ դուլլը: Այս հորինվածքից ներքև՝ դռան բացվածքից դեպի աջ, պատկերված է զոհի՝ ցլերի բերման տեսարանը, որը, հավանաբար, իր թեմատիկայով առնչվում է աստվածների թափորի տեսարանի հետ: Կենդանիները նկարված են ցայտուն ուրվագծերով, իրանի մակերեսի դրվագազարդ հարդարումով, որ մեզ քաջ հայտնի է ուրարտական բրոնզե վահանների վրայի ցլերի պատկերներից կամ Թոփրակ-կալեի քարե եզերագարդից: Ցլերին կառավարում է մի մարդ, որից պահպանվել է միայն իրանի ներքևի մասը՝ նույնպես շատ ցայտուն ուրվագծերով: Ուշագրավ է, որ մարդը չի քշում կենդանիներին՝ մտրակը ձեռքին գնալով նրանց հետևից, ինչպես սովորական է համանման աշխարհիկ տեսարաններում, այլ քայլում է առջևից, կարծես թե առաջնորդելով նրանց:

2. Երեբունիի Խալդի աստծու տաճար

Կառուցել է Արգիշտի Ա արքան, մ.թ.ա. 780-770-ական թթ.:

Որմնանկարները թվագրելի են նշված ժամանակաշրջանով:

Նկարագրություն - Խալդի աստծու տաճարը գտնվում էր միջնաբերդի հրապարակում և բաղկացած էր երկշարք դասավորված սյունասրահից, զիկուրատից և ևս երկու սրահից²: Արտաքուստ և ներքուստ երբեմնի ճոխ որմնանկարների մասին կարելի է գաղափար կազմել թափ-

² Ըստ հին արևելյան ավանդույթի՝ զիկուրատներ են կառուցվել միայն այն տաճարներում, որոնք նվիրված էին երկրի գերագույն աստվածությանը:

ված կավածեփի վրա պահպանված այն պատառիկներով, որոնք հայտնաբերվել են 1950-1955 թթ. հնագիտական պեղումների ժամանակ, ինչպես նաև այն վերակազմություններից, որոնք 1968 թ. կատարվել են մասնակի վերականգնված տաճարի պատերի վրա:

Տաճարի ներքին ու արտաքին որմնակարներն ունեն համանման հորինվածքներ: Թե՛ ներքնամասի և թե՛ սյունասրահի պատերն ունեցել են եզերագարդի շերտ, որն իր հորինվածքային և գունագարդման առումով նույնական է եղել միջնաբերդի սյունասրահի արտաքին եզերագարդի հետ: Դրանից ներքև ձգվում է նույն լայնության մի շերտ, որի վրա պատկերված է առյուծի վրա կանգնած աստվածը (0,61 մ), նրա աջ ձեռքը բաց փող բարձրացված է վեր, իսկ ձախը (պահպանվել է մասամբ) պարզել է առաջ և բռնել ինչ-որ ծիսական առարկա: Մորուքավոր գլուխը պսակված է եղջյուրավոր խույրով՝ խիստ համապատասխան ասորեստանյան թագավորների խույրերին: Գլխարկից ժապավեններ են իջնում թիկունքին: Ըստ ուրարտական պատկերագրության՝ գլխավոր աստված Խալդին միշտ պատկերվում էր առյուծի վրա կանգնած, մինչդեռ ամպրոպի աստված Թեյշեբան պատկերվում էր ցլի վրա կանգնած, ձեռքին կայծակ³:

Թե՛ սյունասրահում և թե՛ տաճարի ներքնամասում պատերի մակերեսները ծածկված են եղել մուգ կապույտ հիմնապատառի վրա շախմատային կարգով դասավորված բազմագույն վարդյակներով, այլ խոսքով՝ չրջանի մեջ ներառված աստղերով: Ենթադրելի է, որ ողջ հորինվածքն արտահայտել է երկնականարը՝ իր լուսատուներով:

Երկնամարի և Խալդի աստծուն պատկերող գոտու միջև կա ևս մի եզրագոտի, որը ներկայացնում է միահյուսված երկկողմանի (վերև և ներքև) կոկոններ: Հետաքրքիր են գունային լուծումները. կոկոնները կարմիր են, ճյուղերը՝ կանաչ, դեղնակարմիր ցայտուն գուգակցումով: Այս դրվագագարդը, ի դեպ, լայն տարածում է ունեցել Վանի թագավորության արվեստում: Այն տեսնում ենք Արգիշտի Ա-ի բրոնզե վահանների վրա (գտնվել են Թեյշեբախիում, սակայն պատրաստվել են Էրեբունիում), Կարմիր բլուրից պեղված արծաթե անոթի խուփի վրա և այլն:

³ Կայծակի պատկերումն ամպրոպի աստծու ձեռքին համադրելի է Էպոսից ու առասպելաբանությունից հայտնի «Թուր կայծակի (կեծակի)» հետ՝ իբրև ամպրոպային աստծու (հերոսի) կայծակնային զենք (Ս. Հարությունյան, Հայ առասպելաբանություն, Բեյրութ, 2000, էջ 174, 184) – Ա. Հ.:

Տաճարի ներքնամասում ընդարձակ դահլիճն է (7,30x34 մ), որը, ինչպես նշեցինք, զարդարված է սյունասրահի համանման որմնանկարներով: Դահլիճի ներքնամասի եզերագարդի վերին շերտը կազմված է վարդյակներից, որոնց մեջ ներգծված են իրար վրա դրված կարմիր և կապույտ քառակուսիներ, որոնք կազմում են ութ պսակաթերթերով աստղեր: Այդ շերտը վերևից և ներքևից եզերված է շրջանակներ ունեցող ժապավեններով: Այնուհետև հաջորդում է արմավենիկների շարքը, իսկ նրանից ներքև՝ աստիճանավոր զարդանկարը՝ իր գույների հերթագայությամբ: Այս շերտի տակ՝ կապույտ հիմնագույնի վրա, տեղավորված է սպիտակ պատկերների շարքը՝ հորթեր և այծեր, հավանաբար, իբրև սրբազան կենդանիներ: Հաջորդ շարքում տրված են սրբազան ծառերը, որոնք համաչափ հերթագայում են իրենց մոտ կանգնած աստվածների հետ. վերջիններս պսակված են եղջյուրներով զարդարված խույրերով: Չարդանկարի այդ շարքն այնպես է կառուցված, որ աստվածների կերպարները ծառերի մի մասին ուղղված են մեջքով, այլապես կխախտվեր այդ պատկերների դասավորության երկկողմանի սկզբունքը: Աստվածների կարմիր հանդերձանքը ցայտուն ընդգծված է կապույտ հիմնապատառի վրա, դեմքերը պայծառ են, մանրամասները կատարված են սև ներկով⁴: Հեռվից այդ ոչ մեծ պատկերները (7,5 սմ բարձրությամբ) դիտվում են իբրև զարդանկարի հերթագայվող շարք:

3. Էրեբունիի միջնաբերդի արտաքին սյունասրահ

Կառուցել է Արգիշտի Ա արքան, մ.թ.ա. 780-770-ական թթ.:

Որմնանկարները թվագրելի են նշված ժամանակաշրջանով:

Նկարագրություն - Միջնաբերդի արտաքին սյունասրահի որմնանկարներն ի հայտ են եկել 1968 թ.: Դրանց հորինվածքում գերիշխող էին բազմաթիվ աստղերն ու շրջանները: Աստղերից խոշորները տեղավորված էին մեկը մյուսի կողքին՝ ուղղահայաց և հորիզոնական շարքերով, որոնց միջև՝ կապույտ հիմնապատառի վրա, շախմատային կարգով դասավորված էին համանման, բայց ավելի փոքր չափերի աստղիկներ: Այս որմնանախշից վեր՝ պատի վերնամասում (առաստաղի տակ), ամբողջ երկարությամբ ձգվել է գունագեղ եզերագարդը, որի վերակազմությունն ի հայտ բերեց նրա վեց առանձին շերտերը.

⁴ Վանի թագավորության արվեստում սրբազան ծառի և նրա մոտ կանգնած պաշտամունքի սպասավորների պատկերներով բազմաթիվ օրինակներ կան. Արգիշտի Ա-ի, Սարգուրի Բ-ի սաղավարտների ճակատամասը և այլն: Նույն թեման հատուկ է նաև Միջագետքի արվեստին, որն ավելի վաղ է ծագել:

ա. վերին շերտում վարդյակներ են,
բ. արմավիկներ,
գ. արմավիկների և կոկոնների զուգորդում,
դ. աստիճանավոր աշտարակներ,
ե. աստվածների միջև պատկերված սրբազան ծառերի շարք,
զ. Նոնախնձորի պտուղների դրասանգ (ներքևից եռատերև ունեցող շրջաններ):

Ամբողջ եզերագարողը նկարված է կարմիր և կապույտ ներկերով՝ բաց գույնի հիմնապատառի վրա:

ՎԱՂ ՄԻՋՆԱԴԱՐ

4. Ս. Էջմիածնի Մայր տաճար

Ըստ ավանդության՝ կառուցվել է 301-303 թթ.:

Որմնանկարները՝ IV-V դդ.:

Նկարագրություն - 1959 թ. Մայր տաճարում շարունակվել են ճարտարապետ Ալ. Սահինյանի՝ դեռևս 1954-1955 թթ. ղեկավարած հնագիտական պեղումները: Արդյունքներն ամփոփող զեկուցագրում Ալ. Սահինյանը հատկանշում է տաճարի ավագ խորանի կենտրոնում հայտնաբերված թոնրածև, մոխրով լի կրակարանի, ուրարտական շրջանի բազալտե կոթողի, որմնանկարների մնացորդների և այլ ուշագրավ գտածոների մասին⁵: Որմնանկարները, ցավոք, չեն պահպանվել, բայց հավանական է, որ դրանք կարող էին ավելի ուշ արվել⁶:

5. Աղցքի բազիլիկ

Կառուցվել է IV դարում:

Որմնանկարները թվագրելի են նույն ժամանակաշրջանով:

Նկարագրություն - Խոյակի կամ քիվի մի բեկորի վրա պահպանված է եղել բարակ հիմնաշերտն ու մուգ կարմիր ներկով արված զարդանախշ (կրկնել է խոյակի քանդակը)⁷:

⁵ [Յաղոդագրություն] Ս. Էջմիածնի Մայր տաճարի և Ս. Յոհնիսիմի տաճարի պեղումների մասին, «Էջմիածին», 1959, է. էջ 20 – Ա. Յ.:

⁶ Ա. Զարուբյանյան, Վաղարշապատ. վանքերը և վիմական արձանագրությունները, Ս. Էջմիածին, 2016, էջ 39, ծնթ. 40:

⁷ Л. Дурново, Краткая история древнеармянской живописи, Ереван, 1957, էջ 7. նույնի՝ Очерки изобразительного искусства средневековой Армении, էջ 139. Н. Котанджян, Цвет в раннесредневековой живописи Армении, Ереван, 1978, էջ 13. նույնի՝ Монумен- тальная живопись раннесредневековой Армении, Ереван, 2017, էջ 61:

6. Քասախի բազիլիկ

Կառուցվել է IV-V դդ.:

Որմանակարները թվագրելի են V դարով:

Նկարագրություն - V դարում կառուցված և հետագայում քանդված հյուսիսային սրահի որմնամույթի խոյակին դեռևս 1950-ականներին պահպանված են եղել բարակ շերտի վրա պատկերված շրջագծված հավասարաթև խաչ և մի արմավիկ (ըստ երևույթին, խաչի մյուս կողմում ևս պատկերված է եղել արմավիկ, որը չի պահպանվել)⁸:

7. Դվինի Կաթողիկե Ս. Գրիգոր եկեղեցի (Դվինի Մայր տաճար)

Կառուցվել է V դարում, գմբեթավոր բազիլիկի է վերածվել VII դարի առաջին կեսին:

Որմանակարները թվագրելի են VII դարով:

Նկարագրություն - Երկու խորանների ստորին հատվածներում եղել են հիմնաշերտի հատվածներ⁹:

8. Մանազկերտի «Երեքխորան» Ս. Աստվածածին եկեղեցի

Կառուցվել է IV-V դդ.:

Որմանակարները՝ [ժամանակը չի նշում]:

Նկարագրություն - Խորաններից մեկում, ըստ Հենրի Լինչի, պատկերված է եղել Մկրտության տեսարանը. «Յայտնի կերեւար, որ ժամանակաւ պատերը (եկեղեցու – Ա. Հ.) որմնանկարներով ծածկուած էին. այս ձեւով զարդարանքներու հետքեր կը գտնուին խոյակներուն վրա, և մեծադիր նկարներէն մէկ քանին դեռ կը ճանչցուին: Խորանին մէջ նկա-

⁸ **Л. Дурново**, Краткая история древнеармянской живописи, էջ 7. նույնի՝ Очерки изобразительного искусства средневековой Армении, էջ 139 (ըստ Դուռնովոյի՝ արմավիկը շատ նման է Տեկորի, Քասախի և Երեբունյի եկեղեցիներից հայտնի քանդակային ծառերին, որոնք հավանական է՝ բխում են ուրարտական արմավիկներից): Տե՛ս նաև **Н. Котанджян**, Цвет в раннесредневековой живописи Армении, էջ 13. նույնի՝ Монументальная живопись раннесредневековой Армении, էջ 61:

⁹ **J. Strzygowski**, Die Baukunst der Armenier und Europa, Band I, Wien, 1918, էջ 298 (Յոզեֆ Ստրիգովսկու «Հայերի ճարտարապետությունը և Եվրոպան» աշխատության առաջին հատորը վերջերս ՀՀ ԳԱԱ արվեստի ինստիտուտի Նախաձեռնությամբ հրատարակվեց Երևանում՝ երկու գրքով, ռուսերեն թարգմանությամբ – տե՛ս **Й. Стржиговский**, Архитектура армян и Европа, том I, книга первая (пер. **П. Амбургера**), Ереван, 2011, том I, книга вторая (пер. **П. Амбургера**), Ереван, 2018 – Ա. Հ.). **Ч. Դաֆադարյան**, Դվին քաղաքը և նրա պեղումները, հ. 1, Երևան, 1952, էջ 39, 91-92, 98, 269. **Л. Дурново**, Краткая история древнеармянской живописи, էջ 8. **Н. Котанджян**, Цвет в раннесредневековой живописи Армении, էջ 13. նույնի՝ Монументальная живопись раннесредневековой Армении, էջ 63:

րուած է Յիսուսը, որ Յովհաննես Մկրտիչէն կը մկրտուի»¹⁰: Ճանապարհորդի նկարագրութիւնից պարզվում է, որ աղոթասրահը հարդարված է եղել նաև «ոչ կրօնական կեանքի նիւթերէ քաղուած պատկերներով», մասնավորապէս՝ նկատել է թագավորի թագակիր գլուխը, ձեռքի քանդակազարդ պատյանը, երկրագնդի խորհրդանշ-պատկերով պսակված արքայական գավազանը, իսկ մյուս կողմում թերևս թագուհու որմանկարն է եղել, որն աղոտ տեսանելի է: Երկուսն էլ լուսապսակ են կրում և, ըստ Լինչի. «անկասկած, այս դէմքերը եկեղեցւոյ հիմնադիրներուն պատկերներն են»¹¹:

9. Տեկոյի տաճար

Կառուցվել է IV-V դդ., վերակառուցվել՝ V դարավերջին:

Որմնանկարները՝ VI-VII դդ.:

Նկարագրություն – XX դարասկզբին խորանի պատին, խիստ քայքայված վիճակում, պահպանված է եղել անհասկանալի շինության պատկեր, որը Ն. Մառը մեկնաբանել է իբրև զվարթնոցատիպ եկեղեցու մանրակերտ, իսկ Յ. Ստրժիգովսկին՝ որպէս երկշարք (շագանակագույն և սպիտակ) խորանի ներքո պատկերված Ուխտի տապանակ (ուշադրություն է հրավիրել նաև խորանից վեր պատկերված հրեշտակին): Ստրժիգովսկին սա համարել է խորանի խորհրդանշական պատկերման հնագույն օրինակը և Օրլեանի Ժերմինի-դե-Պրե կապելլայի արևելյան խորանի խճանկարի նախօրինակը¹²:

10. Ծիծեռնավանք

Կառուցվել է IV դարում (հնարավոր է ավելի վաղ՝ որպէս հեթանոսական տաճար), V դարում վերակառուցվել է:

Որմնանկարները՝ V դարի երկրորդ կես:

¹⁰ Զ. Ֆ. Պ. Լիւնց, Հայաստան. ուղեորութիւններ եւ ուսումնասիրութիւններ, թարգմ.՝ Լ. Լարենց, հ. Բ., Տաճկահայաստան, Կ. Պոլիս, 1914, էջ 304. հմմտ. J. Strzygowski, Die Baukunst der Armenier und Europa, Band I, էջ 152. Լ. Դурново, Краткая история древнеармянской живописи, էջ 8. Н. Команджян, Цвет в раннесредневековой живописи Армении, էջ 13. Նույնի՝ Монументальная живопись раннесредневековой Армении, էջ 61:

¹¹ Զ. Ֆ. Պ. Լիւնց, Հայաստան. ուղեորութիւններ եւ ուսումնասիրութիւններ, հ. Բ, էջ 304:

¹² J. Strzygowski, Die Baukunst der Armenier und Europa, Band I, էջ 298. հմմտ. Լ. Դурново, Краткая история древнеармянской живописи, էջ 8. Н. Команджян, Цвет в раннесредневековой живописи Армении, էջ 13. Նույնի՝ Монументальная живопись раннесредневековой Армении, էջ 62: Ն. Մառի հիշատակած եկեղեցու մանրակերտի մասին վկայում է Ստրժիգովսկին՝ հղում անելով մի աղբյուրի, որտեղ այդ տեսակ տեղեկություն գտնել չհաջողվեց (Н. Мapp, По поводу работы архитектора Т. Тораманяна, “О древнейших формах Эчмиадзинского храма”, Записки восточного отделения русского археологического общества, т. XIX, СПб, 1909, էջ 15) – Ա. Զ.:

Նկարագրություն - Որմանակարների առաջին և, կարելի է ասել, վերջին հետազոտողը եղել է Նիկոլայ Զոթանջյանը: Նա տեղում ուսումնասիրություններ է արել նախ 1980-ական թթ. առաջին կեսին, այնուհետ՝ 2003 թվականից:

Չնայած պահպանվածության չափազանց վատ վիճակին՝ գլխավոր խորանում կարելի է Նշմարել Համբարձման տեսարանի մնացորդները՝ գահի ոտքերի ուրվագծերն ու ծալագարդումը, իսկ ներքևի մասում՝ ութ առաքյալների կերպարները: Գահին կարող էր պատկերված լինել ինչպես Նստած Զրիստոսը (ներկայացնելով «Զրիստոսը փառքի մեջ» պատկերը), այնպես էլ Սուրբ Գիրքը, սակայն այս որմնանկարի դեպքում, հաշվի առնելով գմբեթարդի ծավալը, որը նույնիսկ Նստած ֆիգուրին դժվար թե տեղավորեր, հավանական է թվում հետիմասիայի տարբերակը: Ամեն դեպքում երկուսն էլ հանգում են միևնույն թեմային՝ Զրիստոսի երկնային փառքին, նրա Համբարձմանը և Երկրորդ գալուստին¹³:

Հարավային ավանդատան թաղակիր կամարի վրա բավական պարզ երևում է թռչող հրեշտակը և նրա պահած մեղալիոնում պատկերված խաչը: Պատկերը ներկայացնում է Խաչի համբարձման տեսարանը (երկրորդ հրեշտակի պատկերը չի պահպանվել)¹⁴:

Բավական խնդրահարույց է որմնանկարների ճշգրիտ թվագրման հարցը: Խորին է նաև բուն եկեղեցու կառուցման շրջանը որոշելը, որը տատանվում է III-V դդ. սահմանագծում: Ընդ որում, կառուցումից հետո եկեղեցին քանիցս վերակառուցվել է, որոնք տեղի են ունեցել V դարում, երբ այն ստացել է իր ներկայիս հորինվածքային ձևը, իսկ VI, XI, XVII, XVIII դդ. մասնակի վերանորոգումներ են արվել: Ըստ աղբյուրագետ Ալեքսան Հակոբյանի՝ V դարի վերակառուցումն իրականացվել է մի քանի փուլերով, որոնցից երկրորդ փուլը տեղի է ունեցել V դարի կեսերին, երրորդը՝ V դարի վերջին կամ VI դարի սկզբին¹⁵: Ըստ Հակոբյանի (որի հետ համաձայն է և Զոթանջյանը)՝ հիմնաշերտը, հետևաբար և որմնանկարներն արվել են երկրորդ և երրորդ փուլերի միջակայքում, այսինքն՝

¹³ **Н. Котанджян**, Монументальная живопись раннесредневековой Армении, էջ 73-81:

¹⁴ Հայ արվեստում սակավադեպ այս տեսարանն է նաև Էջմիածնի Ավետարանի փղոսկրե կազմին, ինչպես նաև Աղթամարի Ս. Խաչ եկեղեցու գմբեթի որմնանկարում և բարձրաքանդակում: Նշենք նաև, որ այս տեսարանը «Համբարձման» տարբերակներից մեկն է համարվում, իսկ մեկ այլ տարբերակում խաչի փոխարեն հրեշտակները պահում են մեղալիոնի մեջ պատկերված Զրիստոսի պատկերը (հայ արվեստում հայտնի է Պտղնիի տաճարի բարձրաքանդակը):

¹⁵ **Ալ. Հակոբյան**, Պատմա-աշխարհագրական և վիճագրագիտական հետազոտություններ (Արցախ և Ուտիք), Վիեննա-Երեւան, 2009, էջ 184:

կամ V դարի կեսերին կամ դարավերջին: Այլ է ճարտարապետ Արմեն Ղազարյանի տեսակետը. ըստ նրա՝ եկեղեցու ճարտարապետական-հորինվածքային և քանդակային լուծումները թույլ են տալիս համալիրը թվագրել VII դարի երկրորդ կեսով և VIII դարասկզբով, իսկ որմնանկարները՝ VII դարավերջից մինչև XIII դ., բայց առավել հավանական է՝ X-XI դդ.¹⁶:

11. Եղվարդի բազիլիկ

Կառուցվել է V դարում:

Որմնանկարները թվագրելի են V-VI դդ.:

Նկարագրություն - Պահպանվել են որմնանկարչական հիմնաշերտի հատվածներ¹⁷:

12. Երերուլքի տաճար

Կառուցվել է V-VI դդ.:

Որմնանկարները թվագրելի են VI դարով:

Նկարագրություն - Խորանի գմբեթարդին պահպանվել են հիմնաշերտի որոշ հատվածներ, իսկ պատուհանի գոգավորության վրա՝ զարդանախշի պատառիկ: Ներկի որոշակի հետքեր կան նաև խոյակների և երեք շքամուտքերի քանդակազարդերի վրա¹⁸:

13. Չովունիի Ս. Պողոս-Պետրոս եկեղեցի

Կառուցվել է V-VI դդ.:

Որմնանկարները՝ [Ժամանակը չի նշում]:

Նկարագրություն - Պահպանվել են որմնանկարչական հիմնաշերտի և ներկի որոշ հատվածներ¹⁹:

14. Չովունիի Ս. Սարգիս եկեղեցի

Կառուցվել է V-VI դդ.:

Որմնանկարները՝ [Ժամանակը չի նշում]:

Նկարագրություն - Պահպանվել են որմնանկարչական հիմնաշերտի հատվածներ²⁰:

¹⁶ **А. Казарян**, Церковная архитектура стран Закавказья VII века: формирование и развитие традиции, т. IV, М., 2013, էջ 95:

¹⁷ **Н. Котанджян**, Цвет в раннесредневековой живописи Армении, էջ 10:

¹⁸ **Л. Дурново**, Краткая история древнеармянской живописи, էջ 7. **Н. Котанджян**, Цвет в раннесредневековой живописи Армении, էջ 13. Նույնի՝ Монументальная живопись раннесредневековой Армении, էջ 62:

¹⁹ **Н. Котанджян**, Цвет в раннесредневековой живописи Армении, էջ 10. Նույնի՝ Монументальная живопись раннесредневековой Армении, էջ 63:

²⁰ Նույնի՝ Цвет в раннесредневековой живописи Армении, էջ 10. **Կ. Մաթևոսյան**, Որմնանկարչությունը Հայաստանի պետական պատկերասրահում, Երևան, 1990, էջ 15:

15. Արևիսի Թանահատի վանքի Ս. Ստեփանոս եկեղեցի

Կառուցվել է V-VI դդ.:

Որմանակարները թվագրելի են նշված ժամանակաշրջանով:

Նկարագրություն - Եկեղեցու արևելյան և հարավային պատերին պահպանվել են որմանակարչական հիմնաշերտի հատվածներ, իսկ նրանց հատման կետում՝ կանաչ, կարմիր, օքրայագույն և սպիտակ ներկի մնացորդներ²¹:

16. Աշտարակի Ծիրանավոր եկեղեցի

Կառուցվել է V դարում:

Որմանակարները թվագրելի են VI-VII դդ.:

Նկարագրություն - Ավագ խորանում և հյուսիսային պատի արևելյան կողմում պահպանվել են որմանակարների հիմնաշերտի հատվածներ: 1950-ական թթ. սկզբին դեռևս երևում էին խորանում պատկերված վեց սրբերի լուսապսակներն ու ուսերի հատվածները²²:

17. Մաստարայի Ս. Հովհաննես եկեղեցի

Կառուցվել է 478 թ. (ըստ հունարեն վիմագրի – Ա. Հ.), վերակառուցվել՝ VII դարում:

Որմանակարները՝ VII դար:

Նկարագրություն - Ըստ որմանակարները վերականգնողների՝ եկեղեցին ի սկզբանե ամբողջովին որմանակարազարդված է եղել: Ներկայումս պահպանվել է մի ձիավորի պատկեր (առանց գլխի հատվածի), նրանից աջ՝ երկու կերպարի հատվածներ (մեկի մոտ կա արձանագրություն, ենթադրաբար «Ս. Գաբրիել»), մեկ այլ կողմում՝ դարձյալ երկու կերպար, մեկը՝ բոկոտն, մյուսը՝ կոշիկով, որը, ենթադրաբար, բարձրաստիճան եկեղեցականի պատկեր է: Որմանակարներում սրբերի դեմքերը միտումնավոր խաղված են: Դա արվել է մինչև Խորհրդային ժամանակները, անհայտ նպատակներով:

Գմբեթակիր կամարներին նկատելի է նաև կապույտ ներկի շերտ, որը, հավանաբար, ավելի ուշ է արվել: Ըստ Արա Չարյանի՝ կապույտ ներկը ոչ մի առնչություն չունի հայկական քրիստոնեական մշակույթի հետ և

²¹ **Н. Котанджян**, Цвет в раннесредневековой живописи Армении, էջ 10. Նույնի՝ Мону-ментальная живопись раннесредневековой Армении, էջ 62-63:

²² **Л. Дурново**, Краткая история древнеармянской живописи, էջ 8 (Դուռնովն եկեղեցու անունը սխալմամբ նշում է Սպիտակավոր). Նույնի՝ Очерки изобразительного искусства средневековой Армении, էջ 144:

առավել բնորոշ է ռուսական ուղղափառ եկեղեցուն: Նա ենթադրում է, որ եկեղեցին կարող էին այդ կերպ վերանորոգել 1800-ականներին, երբ Կովկասը գրավվել է Ռուսական կայսրության կողմից, ու այստեղ է ժամանել Ռուսաստանի փոխարքան:

Խորհրդային տարիներին եկեղեցին օգտագործվել է որպես հացահատիկի պահեստ, այդ ժամանակ էլ պատերը ծածկել են ծեփի շերտով, որպեսզի պահեստը խոնավ չլինի: Խորհրդային միության փլուզումից հետո որոշվել է վերականգնել եկեղեցու նախկին տեսքը, և սվաղը քերելու հետևանքով փչացրել են դրա տակ եղած շերտերը՝ որմնանկարների հետ միասին:

Նշենք, որ եկեղեցու որմնանկարները հայտնաբերվել են 2016 թ.՝ Արա Չարյանի ու Քրիստին Լամուրեի կողմից: Տարբեր հատվածներում մաքրելով պատերն ու պարզելով սանձը բռնած ձեռքի պատկերը՝ ականհայտ է դարձել որմնանկարների գոյությունը: Ուսումնասիրման աշխատանքները սկսել են 2017 թ.²³:

18. Երևանի Ս. Պողոս-Պետրոս եկեղեցի

Կառուցվել է V-VI դդ., վերակառուցվել XVII դարում²⁴:

Ստորին շերտ՝ VI-VII դդ., երկրորդ շերտ՝ [ժամանակը չի նշում], երրորդ շերտի որմնանկարները՝ 1680-1690-ական թթ., չորրորդ շերտի որմնանկարները՝ 1890-ական թթ.:

Նկարագրություն - Վաղագույն շերտը, որը ժամանակակից է բուն կառույցին, գտնվել է հետագայում արված երեք շերտերի տակ (չորս շերտերն էլ արվել են առանձին հիմնաշերտերի վրա): Որմնանկարը մեծա-

²³ Որմնանկարներին առնչվող վերջին ուսումնասիրությունների մասին տե՛ս **Ա. Չարյան, Բ. Լամուրե**, Է. դարի որմնանկարներ Մաստարայի Ս. Յովհաննես Մկրտիչ եկեղեցում, «Անդին», 2017, թ. 8, էջ 28-33, հմմտ. **Ա. Մանուշարյան, Լ. Աղաջանյան**, Մաստարայի Ս. Յովհաննես եկեղեցի, Երևան, 2019, էջ 6-9 (Ա. Յ.):

²⁴ Վերջին հետազոտությունները պարզում են, որ Երևանի երբեմնի Ս. Պողոս-Պետրոս եկեղեցին շինարարական երեք հիմնական փուլ է ունեցել. կառուցված լինելով վաղ միջնադարում՝ XIV դարի առաջին քառորդին, ըստ ամենայնի, վարդապետ Շահիկի ձեռամբ եկեղեցին վերակառուցվել է երկհարկ, գմբեթավոր հորինվածքով՝ նման Եղվարդի, Կապուտանի, Նորավանքի և ժամանակամերձ նմանօրինակ այլ կառույցներին: Այն պատկերված է ֆրանսիացի ճանապարհորդ Շարդենի՝ 1673 թ. փորագրանկարում: Եկեղեցին ավերվել է 1679 թ. Երևանի մեծ երկրաշարժից և դարձյալ բազիլիկ հորինվածքով վերակառուցվել 1690-ականների սկզբին: Վերակառուցումների ժամանակ պահպանվել են ավագ խորանին կից որմնամույթերը, որոնց վրա էլ եղել են որմնանկարների շերտերը: Մանրամասն տե՛ս **Ա. Հարությունյան**, Յին Երևանի եպիսկոպոսանիստ եկեղեցին. Երկու-երեսին - Ս. Պողոս-Պետրոս, Ս. Էջմիածին, 2021 – Ա. Յ.:

պես վնասվել է եկեղեցին քանդելու ժամանակ (1931 թ.), երկու անգամ մաքրվել է (1932 թ. Գ. Զիրիկովի և 1938 թ. Պ. Յուկիսի կողմից) և այժմ պահվում է ՀԱՊ-ում (մնացած շերտերը գտնվում են ՀՊԹ-ում)²⁵: Այս շերտը ներկայացնում է բուսական մոտիվներ՝ ցողունազարդերից ու ծաղիկներից կազմված զարդապատկերներ և արժեքավոր է ոչ միայն իր հնությանմբ, այսինքն՝ հայ զարդանկարչական ավանդների ուսումնասիրության առումով, այլև կատարման արվեստով²⁶:

19. Արթիկի Ս. Աստվածածին և Ս. Գևորգ եկեղեցիներ

Կառուցվել են V-VI, VII դդ.:

Որմնանկարները՝ [ժամանակը չի նշում]:

Նկարագրություն - Այս որմնանկարների մեկնաբանությունները, նույնիսկ տեղակայման վայրը բավական հակասական են: Առաջին հետազոտող Յ. Ստրիգովսկու հաղորդմամբ՝ Ս. Աստվածածին եկեղեցու ծախակողմյան խորանում (ենթադրաբար դա հյուսիսային ավանդատունն է) պատկերված է եղել «Ողբ առ Քրիստոս» տեսարանը. սպիտակ ետնախորքի վրա՝ ձախից եղել են վեց կանայք, իսկ աջից՝ պառկած Քրիստոսի գլուխն ու նրա վրա խոնարհված Մարիամը: Վերին հատվածում՝ փառապսակի մեջ, հասակով մեկ կանգնած մարդ է եղել, հավանաբար՝ Քրիստոսը²⁷:

Հետագայում որմնանկարներին անդրադարձել է Լ. Դուռնովոն. «Արթիկի Մեծ տաճարը (Ս. Գևորգ եկեղեցին – Ա. Հ.) ևս զարդարված է եղել որմնանկարներով: Ներկայումս երեք զույգ ոտքերի և զգեստի եզրամասերի չնչին մնացորդներ են պահպանվել արևելյան աբսիդի հարավային հատվածում, իսկ երկու զույգ ոտքերի հատվածներ՝ հյուսիսային հատվածում: Քանզի ոտքերը պատկերված են ոտնամաններով և նրանցից վեր էլ քիտոնների և հեմատիումների եզրերն են, անկասկած է, որ այս-

²⁵ Վաղմիջնադարյան շերտի ծաղկանկարներից մի հատված ցուցադրվում է Նաև Երևան քաղաքի պատմության թանգարանում – Ա. Հ.:

²⁶ **Л. Дурново**, Стенная живопись в Аруче (Талиш), Известия Академии наук Арм. ССР, N 1, 1952. նույնի՝ Краткая история древнеармянской живописи, էջ 8. **Կ. Ղաֆադարյան**, Երևան. միջնադարյան հուշարձաններն ու վիմական արձանագրությունները, Երևան, 1975, էջ 30-32, նկ. 24-25. **Л. Дурново**, Очерки изобразительного искусства средневековой Армении, էջ 139. **Н. Котанджян**, Цвет в раннесредневековой живописи Армении, էջ 13. նույնի՝ Монументальная живопись раннесредневековой Армении, էջ 63. **Կ. Սաթևոսյան**, Որմնանկարչությունը Հայաստանի պետական պատկերասրահում, էջ 15-16:

²⁷ **J. Strzygowski**, Die Baukunst der Armenier und Europa, Band II, էջ 499-500:

տեղ պատկերված են եղել առաքյալները, Նույնը կարելի է ենթադրել նաև խորանի գմբեթարդի հորինվածքի առումով, ինչպես Արուճում, այսինքն՝ այստեղ պատկերված է եղել Օրենք տվող Քրիստոսի Համբարձման տեսարանը»²⁸:

Նույն ենթադրությունը Դուռնովոն անում է նաև իր մյուս աշխատությունում. «Արթիկի եկեղեցու որմնանկարների մնացորդները թույլ են տալիս ենթադրել, որ Նրա հսկայական խորանում եղել են արուճյան տիպի որմնանկարներ»²⁹:

Որմնանկարներին ավելի ուշ անդրադարձել է Նիկոլայ Զոթանջյանը. «Արթիկի Մեծ տաճարի (Ս. Գևորգ եկեղեցու – Ա. Հ.) արևելյան խորանում տեսնում ենք ոտնամաններով ոտքերի և զգեստների եզրամասերի հետքեր: Ամենայն հավանականությամբ, այստեղ պատկերված են եղել Օրենք տվող Քրիստոսի Համբարձման տեսարանի առաքյալները, ինչպես Արուճում»³⁰:

Իր մյուս մենագրության մեջ Զոթանջյանը նշում է. «Արթիկի Ս. Մարիամ եկեղեցու կողային արքիդում Յ. Ստրժիգովսկին ժամանակին նկատել է «Ողբ առ Քրիստոս» տեսարանի մնացորդներ. ձախ կողմում եղել է վեց կանացի ֆիգուր՝ սպիտակ ետնախորքի վրա, և պառկած Քրիստոսի երեսին գլուխը խոնարհած Աստվածամայրը: Իսկ վերևում՝ կենտրոնական մասում, նկատվել է փառապսակով շրջափակված մի մարդկային ֆիգուր (հավանաբար՝ Քրիստոսը)»³¹:

Նույն մենագրության մեջ Զոթանջյանը նաև նշում է. «Ուտնամաններով ոտքերի և զգեստների ստորին հատվածի պատկերների հետքեր ենք տեսնում նաև Արթիկի Մեծ տաճարի (VII դարի երկրորդ կես) արևելյան արքիդում: Ինչպես կարծում էր Լ. Դուռնովոն, այստեղ, անկասկած, ներկայացված են եղել առաքյալները, հնարավոր է՝ Օրենք տվող Քրիստոսի Համբարձման տեսարանից, ինչպես Արուճում»³²:

Հավելենք, որ Ս. Աստվածածին եկեղեցու որմնանկարները չեն պահպանվել (պահպանված չեն եղել նաև Զոթանջյանի այցելության

²⁸ **Л. Дурново**, Краткая история древнеармянской живописи, էջ 12:

²⁹ Նույնի՝ Очерки изобразительного искусства средневековой Армении, էջ 144:

³⁰ **Н. Котанджян**, Цвет в раннесредневековой живописи Армении, էջ 15. Ծանոթագրությունների բաժնում (էջ 70, ծնթ. 74) Զոթանջյանն այս առումով հավելում է, որ Ստրժիգովսկին, այդ պատկերի հիմամբ, տեսել է «Ողբ առ Քրիստոս» տեսարանը:

³¹ **Н. Котанджян**, Монументальная живопись раннесредневековой Армении, էջ 63:

³² Նույն տեղում, էջ 67:

Ժամանակ՝ 2000-ական թթ. սկզբին, պարզ չէ՝ Դուռնովոն դրանք տեսե՞լ է, թե՞ ոչ, քանի որ նա խոսել է միայն Մեծ տաճարի որմնանկարների մասին), իսկ դրանց մնացորդներն այսօր էլ առկա են³³:

20. Զրառատի Ս. Մինաս եկեղեցի (Շիրակ)

Կառուցվել է VI դարի վերջին:

Որմնանկարները՝ [Ժամանակը չի նշում]:

Նկարագրություն - Ըստ ճարտարապետ Վահագն Գրիգորյանի՝ խաչածն կենտրոնազմբեթ եռախորան փոքր եկեղեցիների շարքին է դասվում՝ նման Թալինի, Լուսազյուղի, Դորբանտավանքի հուշարձաններին³⁴: XIX դարում արդեն ավերված է եղել: Նույն դարում վերակառուցվել է որպես բազիլիկ եկեղեցի՝ փայտյա տանիքով: Մեծապես վնասվել է նաև 1988 թ. երկրաշարժից: 2017 թ. վերականգնվել է հին հորինվածքով: Որմերին պահպանվել են որմնանկարչական հիմնաշերտի հատվածներ³⁵: Այժմ որոշ հետքեր են նկատվում հյուսիսային խորանում:

21. Ավանի Կաթողիկե Ծիրանավոր եկեղեցի (Ավանի տաճար)

Կառուցվել է VI դարի վերջին:

Որմնանկարները՝ [Ժամանակը չի նշում]:

Նկարագրություն - Պահպանվել են որմնանկարչական հիմնաշերտի և ներկի որոշ հատվածներ³⁶:

22. Օծունի տաճար

Կառուցվել է VI դարում:

Որմնանկարները՝ [Ժամանակը չի նշում]:

Նկարագրություն - Տաճարի ողջ ներսույթում նկատելի են հիմնաներկի հատվածներ: Խորանի վերին մասում խիստ աղոտ երևում են զարդանախշերի մնացորդներ, մույթերից մեկի վրա՝ լուսապսակի հատված³⁷:

³³ Որմնանկարի ծեփի վրա կիսով չափ պահպանվել է նաև հետևյալ արձանագրությունը. «Բազմամեղ քահանա եւ անարժան ՄԵՆ...» (Դիվան հայ վիմագրության, պրակ X, Շիրակի մարզ, կազմեց՝ Ս. Բարխուդարյան, Երևան, 2017, էջ 67, արձ. 101) – Ա. Հ.:

³⁴ Վ. Գրիգորյան, Հայաստանի վաղմիջնադարյան կենտրոնազմբեթ փոքր հուշարձանները, Երևան, 1982, էջ 25 – Ա. Հ.:

³⁵ Վ. Մաթևոսյան, Որմնանկարչությունը Հայաստանի պետական պատկերասրահում, էջ 56:

³⁶ Н. Котанджян, Цвет в раннесредневековой живописи Армении, էջ 10. Նույնի՝ Монументальная живопись раннесредневековой Армении, էջ 63:

³⁷ Նույնի նշվ. աշխատությունները, համապատասխանաբար՝ էջ 13, 64:

23. Ծովիզի վանքի (Մորո-ձորո վանք), Ս. Աստվածածին եկեղեցի

Կառուցվել է VI-VII դդ.:

Որմնանկարները՝ [Ժամանակը չի նշում]:

Նկարագրություն - Պահպանվել են որմնանկարչական հիմնաքերտի և ներկի որոշ հատվածներ³⁸:

24. Լուսազյուղի եկեղեցի (Թուխ Մանուկ)

Կառուցվել է VI-VII դդ.:

Որմնանկարները՝ [Ժամանակը չի նշում]:

Նկարագրություն - Պահպանվել են որմնանկարչական հիմնաքերտի հատվածներ³⁹:

25. Շենիկի Ս. Աստվածածին եկեղեցի

Կառուցվել է VII դարում:

Որմնանկարները թվագրելի են նշված ժամանակաշրջանով:

Նկարագրություն - Պահպանված են եղել ներկի աննշան հատվածներ⁴⁰:

26. Բյուրականի Արտավազիկ եկեղեցի

Կառուցվել է VI-VII դդ.:

Որմնանկարները՝ [Ժամանակը չի նշում]:

Նկարագրություն - Պահպանված են եղել ներկի աննշան հատվածներ⁴¹:

27. Բուժականի Ս. Աստվածածին եկեղեցի

Կառուցվել է VII դարում:

Որմնանկարները՝ [Ժամանակը չի նշում]:

Նկարագրություն - Պահպանվել են որմնանկարչական հիմնաքերտի հատվածներ⁴²:

³⁸ **Н. Котанджян**, Монументальная живопись раннесредневековой Армении, էջ 63:

³⁹ Նույնի՝ Цвет в раннесредневековой живописи Армении, էջ 10. **Կ. Մաթևոսյան**, Որմնանկարչությունը Հայաստանի պետական պատկերասրահում, էջ 15:

⁴⁰ **Կ. Մաթևոսյան**, Նշվ. աշխ., էջ 56-57:

⁴¹ Նույն տեղում, էջ 57:

⁴² **Н. Котанджян**, Цвет в раннесредневековой живописи Армении, էջ 10 (հեղինակը նշում է՝ «ранняя церковь монастыря Тгинянц и базилика в Бужакане», չնայած որ Թեղենյաց վանքի եռախորան եկեղեցին գրեթե հիմնավեր է, իսկ Բուժականի եկեղեցին բազիլիկ չէ): Մյուս աշխատության մեջ (Монументальная живопись раннесредневековой Армении, էջ 63) հեղինակն արդեն նշում է՝ «церковь Мариам Аствацацин в Бужакане»:

28. Աստվածընկալ վանքի մատուռ

Կառուցվել է VII դարում:

Որմանկարները՝ [Ժամանակը չի նշում]:

Նկարագրություն - Պահպանվել են որմանկարչական հիմնաշերտի հատվածներ⁴³:

29. Տայքի Իշխանի տաճար

Կառուցվել է 630-ական թթ.:

Որմանկարների հին շերտ (ավագ խորան և հավանաբար գմբեթ)՝ VII դար, նոր շերտ (արևմտյան և հարավային խաչաթևեր)՝ IX դար:

Նկարագրություն - Ավագ խորանի գմբեթարդի ծախակողմյան հատվածում պահպանվել են շրջան-մեդալիոններ, որոնցից մեկում Տրդատ արքայի կնոջ՝ Աշխենի (Աշխավնարի) պատկերն է՝ կից հայերեն գրությամբ: Մեկ ուրիշի վրա, ըստ Ե. Թադախչվիլու, պատկերված է Ս. Նունեից առաջինը քրիստոնեություն ընդունած Նանան՝ Միհրան թագավորի կինը՝ կից վրացերեն գրերի մնացորդներով⁴⁴:

Գմբեթին՝ երկնային հենքի վրա, պատկերված է Խաչի համբարձման տեսարանը՝ Արևի (մնացել է միայն սպիտակ շրջանը) և Լուսնի (կիսամերկ կին է՝ ցլի վրա) անձնավորված կերպարներով, ինչպես նաև՝ չորս մարտակառքերը (Չաքարիա մարգարեի տեսիլքից):

Թմբուկին պատկերված են հրեշտակներ և սրբեր: Առավել լավ են պահպանվել լուսամուտների խորշերի սրբապատկերները՝ Ս. Փոկաս, Դիմիտրիոս, Կոնոն, Մինա, Պրոկոպիոս, Թեոդորոս, Սերգիոս, Օրոնտիոս: Հարավային խաչաթևին տեղումնական շարքից պահպանված միակ տեսարանն է՝ «Յուդաբեր կանայք առաքյալներին ավետում են Տիրոջ հարությունը»: Արևմտյան խաչաթևին Թադախչվիլին հայտնաբերել է վրացերեն արձանագրություններ, որոնք, ըստ ամենայնի, ուղեկցել են կտիտորների պատկերներին: Արձանագրություններում վկայված են Ադամնաս Կյուրապաղատի (մահ. 961 թ.) և վերջինիս որդու՝ Բագրատի (մահ. 966 թ.) անունները: Թադախչվիլին հիշատակված անձանց համարել է որմանկարների պատվիրատուներ և ըստ այդմ թվագրել 960-ականներով, որի հետ համամիտ էին Ն. և Մ. Թիերիները, Ե. Պրիվալովան և այլք:

XX դարի երկրորդ կեսին արևմտյան խաչաթևի բոլոր որմանկարներն ու արձանագրություններն արդեն ոչնչացված էին:

⁴³ *Н. Команджян*, Цвет в раннесредневековой живописи Армении, էջ 10:

⁴⁴ *Տ. Մարության*, Խորագույն Տայք, Երևան, 1978, էջ 32-33:

30. Դվինի արքայական պալատ

Կառուցվել է VII դարում:

Որմնանկարները՝ [Ժամանակը չի նշում]:

Նկարագրություն - Պահպանվել են որմնանկարչական հիմնաշերտի հատվածներ, որոնց վրա, ըստ Կարո Ղաֆադարյանի, պետք է պատկերված լինեին աշխարհիկ պատկերներ⁴⁵:

31. Բագարանի Ս. Թեոդորոս տաճար

Կառուցվել է 624-631 թթ.:

Որմնանկարները՝ VII դար:

Նկարագրություն - Պահպանված են եղել ներկի աննշան հատվածներ⁴⁶:

32. Չվարթնոցի տաճար

Կառուցվել է VII դարի կեսերին:

Որմնանկարները՝ [Ժամանակը չի նշում]:

Նկարագրություն - Պահպանվել են հիմնաշերտի և կանաչ ներկի որոշ հատվածներ, որոնք մարմարի պատկեր ստանալու համար են արվել⁴⁷:

33. Էջմիածնի Թարգմանչաց վանք (Այգեշատ)

Կառուցվել է VII դարում:

Որմնանկարները՝ [Ժամանակը չի նշում]:

Նկարագրություն - Պահպանված են եղել ներկի աննշան հատվածներ⁴⁸:

34. Պողոսիի տաճար

Կառուցվել է VII դարում:

Որմնանկարները՝ [Ժամանակը չի նշում]:

⁴⁵ Կ. Ղաֆադարյան, Դվին քաղաքը և նրա պեղումները, հ. I, Երևան, 1952, էջ 298. *Н. Котанджян*, Цвет в раннесредневековой живописи Армении, էջ 13. նույնի՝ Монументальная живопись раннесредневековой Армении, էջ 63:

⁴⁶ *J. Strzygowski*, Die Baukunst der Armenier und Europa, Band I, էջ 32-34, նկ. 28, 87-89. *Н. Котанджян*, Монументальная живопись раннесредневековой Армении, էջ 64:

⁴⁷ *Л. Дурново*, Очерки изобразительного искусства средневековой Армении, էջ 144. *Н. Котанджян*, Цвет в раннесредневековой живописи Армении, էջ 15. նույնի՝ Монументальная живопись раннесредневековой Армении, էջ 67:

⁴⁸ Կ. Մաթևոսյան, Որմնանկարչությունը Հայաստանի պետական պատկերասրահում, էջ 16:




Նկ. 1. Խալդի աստծու պատկերը




Նկ. 3. Արտաշատի բաղնիքի խճանկարը (II-III դդ.)



Նկ. 2. Որմանակարի նմուշ՝
Էրեբունի ամրոցից



Նկ. 4. Հատված Գառնիի
տաճարի խճանկարից (III դ.)



Նկ. 5. Թալինի Կաթողիկէ եկեղեցու ավագ խորանի որմնանկարը
(վերակազմությունը՝ Նիկոլայ Զոթանջյանի)



Նկ. 6. Արունի տաճարի ավագ խորանի որմնանկարը
(վերակազմությունը՝ Նիկոլայ Զոթանջյանի)



**Նկ. 7. Որմանակարների մնացորդներ
Եղվարդի Ս. Թեոդորոս գորավար եկեղեցում
(լսնկ.՝ հեղինակի, 2019 թ.)**



**Նկ. 8. «Մանկան լոգանք», Տաթևի վանքի Ս. Պողոս-Պետրոս եկեղեցի,
(ընդօրինակությունը՝ Գ. Խանադյանի և Վ. Բաղդասարյանի, ՀԱՊ)**



**Նկ. 9. Ղուկաս ավետարանիչ,
գործ՝ Սարգիս Փառշիկի, Անիի Ս. Փրկիչ եկեղեցի**



**Նկ. 10. Դադիվանքի Ս. Աստվածածին եկեղեցու հարավային պատի
Ս. Նիկողայոս Զրաշագործի եպիսկոպոսության տվչության տեսարանը
(լսնկ.՝ Ա. Զարուբյունյանի, 2018 թ.)**



Նկ. 11, 12. Ախթալայի վանքի
Ս. Աստվածածին եկեղեցու ավագ խորանի որմնանկարները



Նկ. 13. Ս. Էջմիածնի Մայր տաճարի գմբեթի որմնանկարները



Նկ. 14. Թբիլիսիի Ս. Գևորգ առաջնորդանիստ եկեղեցու գմբեթի որմնանկարները



Նկ. 15. «Հոգեգալուստ», Գևորգյանի Ս. Աստվածածին եկեղեցի
(լսնկ.՝ հեղինակի, 2018 թ.)



Նկ. 16ա, բ. Բեթլեհեմի Ս. Աստվածածին եկեղեցու գմբեթի որմնանկարները եկեղեցին վրացականացնելուց առաջ և հետո

Նկարագրություն - Պահպանվել են որմանկարչական հիմնաշերտի և ներկի որոշ հատվածներ⁴⁹:

35. Սիսիանի Սյունի վանքի Ս. Գրիգոր տաճար

Կառուցվել է 570-580-ական թթ., գմբեթը՝ 670-680-ական թթ.:

Որմանկարները՝ VII դար:

Նկարագրություն - Հյուսիսային որմնամույթերից մեկի խոյակի տակ պահպանվել են վառ օքրայագույն լուսապսակի և վառ կանաչ հենքի հատվածներ, արևմտյան մասում՝ զարդանախշեր⁵⁰:

36. Աշտարակի Կարմրավոր Ս. Աստվածածին եկեղեցի

Կառուցվել է VII դարում:

Որմանկարները՝ VII դար:

Նկարագրություն - Որմանկարների վերականգնման աշխատանքներն իրականացվել են Արա Չարյանի և Զրիստին Լամուրեի կողմից՝ 2016 թ. մայիս-հունիս ամիսներին: Կարմրավոր եկեղեցու ներսում տեսանելի են տասը սրբապատկերներ:

Եկեղեցու արևմտյան թաղակապի հյուսիսային հատվածում՝ խաչ-թևին պատկերված է հեծյալ Ս. Գևորգը՝ թուրը պատրաստ հարվածին, իսկ արևմտյան թևի հարավային կողմում՝ հեծյալ Ս. Սարգիսը մանուկ Մարտիրոսը գրկին և նետը ձեռքին: Ավագ խորանի որմանկարների շարքը երկրաչափական է, որը որմնագիր նախշի միջոցով նկարագարող քիվը բաժանում է երկու մասի: Քիվից ներքև՝ ավագ խորանի լուսամուտի աջ կողմում, հայտնաբերվել է երեք, իսկ ձախ կողմում՝ երկու սրբապատկեր: Գմբեթարդի կենտրոնական հատվածում «Զրիստոսը՝ փառքի մեջ» պատկերն է, որի երկու կողմում ներկայացված են մեկական քառաթև քերովբեներ: Գմբեթարդի հյուսիսային կամարակապին Ս. Մարիամ Աստվածածնի, իսկ հարավային կամարակապին՝ Ս. Հովհաննես Մկրտչի նրբագեղ որմնապատկերներն են: Ծեփի քայքայման և թափման հետևանքով բոլոր որմնապատկերների դեմքերի և ձեռքերի հատվածները ժամանակի ընթացքում կորցրել են նրբերանգները և ներկայումս մեծամասամբ սև ու սպիտակ երանգներով են⁵¹:

⁴⁹ **Н. Котанджян**, Цвет в раннесредневековой живописи Армении, էջ 10. Նույնի՝ Монументальная живопись раннесредневековой Армении, էջ 63:

⁵⁰ **Л. Дурново**, Очерки изобразительного искусства средневековой Армении, էջ 142. **Н. Котанджян**, Монументальная живопись раннесредневековой Армении, էջ 67:

⁵¹ **Л. Дурново**, նշվ. աշխ., էջ 144. **Н. Котанджян**, Цвет в раннесредневековой живописи Армении, էջ 15. Նույնի՝ Монументальная живопись раннесредневековой Армении, էջ 67:

37. Մրենի տաճար

Կառուցվել է VII դարի առաջին կեսին:

Որմնանկարները՝ VII դար:

Նկարագրություն - Տաճարում պահպանվել են Հայաստանի վաղմիջնադարյան որմնանկարների ծավալուն հատվածներ, իսկ հաղթակամարին՝ մետրոպատառ վաղագույն աստվածաշնչյան արձանագրությունը (92/93:5 սաղմոս): Ըստ Յ. Ստրժիգովսկու՝ XX դարի սկզբի դրությամբ արդեն իսկ դժվար էր որոշել պատկերի բովանդակությունը: Ներկայումս որմնանկարի հատվածներ են պահպանվել ավագ խորանի գմբեթարդին, որտեղ պատկերված է եղել պատվանդանի վրա կանգնած Քրիստոսը, իսկ նույն պատվանդանի բարձրությամբ անցնում է խորանը երիզող զարդագոտին (ընդհանուր պատկերը բավական նման է տասնամյակ անց նկարված Արուծի տաճարի որմնանկարին): Ավագ խորանի եզրով պահպանվել են մեդալիոնների մեջ ներառված սրբապատկերներ: Պատուհանների մոտ նկատելի են նաև հասակով մեկ կանգնած սրբերի պատկերներ⁵²:

38. Լմբատավանքի Ս. Ստեփանոս եկեղեցի

Կառուցվել է VI-VII դարերում:

Որմնանկարները թվագրելի են նշված ժամանակաշրջանով:

Նկարագրություն - Որմնանկարը զբաղեցնում է ավագ խորանի գմբեթարդը և նրան հարող արևելյան պատը: Գմբեթարդին երևում է հրե լեզուների խորքի վրա պատկերված Քրիստոսի մարգարտազարդ գահը, որը դրված է ծիածանակամարի վրա: Այն եզերված է կանաչ, սպիտակ, կարմիր գոտիներով և մի մեծ լուսապսակի մեջ առանձնացնում է գահակալ Քրիստոսի պատկերը, որի միայն ստորին մասն է պահպանվել: Ծիածանակամարից դուրս՝ կենտրոնական պատկերի աջ և ձախ կողմերում, նկարված են երկու քառակերպ (տետրամորֆ)՝ մարդու, եզան, առյուծի և արծվի գլխով, երկու սերովբե և երկու զույգ անիվներ: Հատկապես լավ են պահպանված քառակերպերը, որոնց չորս ճերմակ

⁵² **H. Mapp**, Поездка в Армению и раскопки в Ани 1892 г. Дневник раскопок (Архив Н. Я. Мара, фонд 800 А-33, էջ 216). **J. Strzygowski**, Die Baukunst der Armenier und Europa, Band I, էջ 194-195, **Թ. Թորամանյան**, Նյութեր հայկական ճարտարապետության պատմության, Երևան, 1948, էջ 187. **M. et N. Thierry**, La cathedrale de Mren et sa decoration, Cahiers archeologiques, XXI (1971), էջ 43-77. **Н. Команджян**, Цвет в раннесредневековой живописи Армении, էջ 70. նույնի՝ Монументальная живопись раннесредневековой Армении, էջ 64-66:

թւերը ծածկված են բաց աչքերով, իսկ մարդկային դեմքերն օժտված են խոր արտահայտչականությամբ: Ավագ խորանի կողային պատերին պատկերված են դեպի կենտրոն շարժվող հեծյալներ Ս. Սարգիսը և Ս. Գևորգը: Նրանք ձեռքերին ունեն խաչափայտ, բայց ձիերի սմբակների տակ չկան չար ուժեր մարմնավորող պատկերներ: Վաղքրիստոնեական մոնումենտալ գեղանկարչության հայտնի հուշարձանների շարքում այս որմնանկարն առանձնանում է պատկերագրության ինքնատիպությամբ, որովհետև ստեղծված է գլխավորապես Հին կտակարանի բնագրերի, մասնավորապես՝ Եզեկիել մարգարեի տեսիլքի գրական հիմքի վրա⁵³: Միջնադարյան շատ արվեստագետների համար ներշնչման աղբյուր հանդիսացած այդ տեսիլքը Լմբատավանքի վարպետը ներկայացնում է կուռ ու ամբողջական մի հորինվածքի մեջ, բնագրային բոլոր էական մանրամասների վերարտադրությամբ: Ստեղծված է առանձնակի ստեղծագործական լարվածությամբ, կատարման բարձր արվեստով, որի շնորհիվ, անգամ այժմ, գտնվելով մեծ մասամբ քայքայված վիճակում, չի կորցրել իր ներգործման ուժն ու կոթողայնությունը: Նշենք նաև, որ որմնանկարը ոճական ընդհանրություններ ունի ոչ միայն նույն շրջանի այլ որմնանկարների, այլև հայկական մանրանկարչության վաղագույն օրինակների՝ Էջմիածնի Ավետարանի վերջում կցված VI դարի զույգ թերթերի չորս մանրանկարների հետ⁵⁴:

Որմնանկարը կատարված է գծային-գրաֆիկական եղանակով, ունի վառ գունահնչեղություն: Լմբատավանքի որմնանկարները հասուն գեղարվեստական միջավայրի ծնունդ են և սերտ աղերսներ ունեն VII դ. հայկական այլ որմնանկարների (Թալինի Կաթողիկե, Կոշի Ս. Ստեփանոս ևն), ինչպես նաև հայկական մանրանկարչության հայտնի ամենահին օրինակների հետ («Էջմիածնի Ավետարան»):

39. Արուճի Ս. Գրիգոր տաճար

Կառուցվել է VII դարի 60-ականներին:

Որմնանկարները՝ [Ժամանակը չի նշում]:

⁵³ Զառակերպերն ու անիվները Եզեկիելի (Ա, 5-21), սերվբները՝ Եսայու գրքերից են (2, 2):

⁵⁴ **Պ. Դурново**, Краткая история древнеармянской живописи, էջ 9-10, **Ս. Տեր-Ներսիսյան**, Հայ արվեստը միջնադարում, Երևան, 1975, էջ 56-57. **Պ. Դурново**, Очерки изобразительного искусства средневековой Армении, էջ 139-140. **Н. Котанджян**, Цвет в раннесредневековой живописи Армении, էջ 14. **Կ. Սաթևոսյան**, Լմբատավանքի Ս. Ստեփանոս եկեղեցու որմնանկարը, «Էջմիածին», 1982, Դ, էջ 53-55. Նույնի՝ Որմնանկարչությունը Հայաստանի պետական պատկերասրահում, էջ 17-18:

Նկարագրություն - Արուճի որմնանկարները ժամանակակից են տաճարի կառուցմանը: Ավագ խորանի գմբեթարդին ներկայացված է պատվանդանին կանգնած Զրիստոսի խոշոր կերպարը (շուրջ 7 մ բարձրություն է ունեցել), որի միայն ստորին մասն է պահպանվել՝ ծնկներից մի փոքր վեր: Զրիստոսի ձախ ձեռքին պատկերված է մագաղաթագալար՝ Հովհաննեսի Ավետարանից վերցված երկաթագիր քաղվածքով (14:21): Զրիստոսի երկու կողմում հավանաբար պատկերված են եղել հրեշտակներ: Փաստորեն, գմբեթարդին ներկայացված է եղել Օրենք տվող Աստծու և Համբարձման պատկերագրությունների համատեղ հորինվածք: Զրիստոսի ոտքերի տակ դրված մարգարտագարդ պատվանդանին զուգահեռ ողջ խորանը երիզող բարձրարվեստ զարդագոտին է՝ կազմված ականթի պարուրվող փարթամ թփերից և մեկընդմեջ երևացող խաղողի, նռան, գավաթի, մրգերով զամբյուղի պատկերներից: Պատվանդանի փոքր ոտքերի միջև գրված է «ՍՏԵՓԱՆՈՍ», որը, հավանորեն, Նկարչի անվան հիշատակությունն է: Գմբեթարդից ներքև՝ խորանի պատերին առաքյալների պատկերներն են եղել, որոնցից միայն վեցն են պահպանվել՝ հյուսիսային կողմում: Արուճի որմնանկարն աչքի է ընկնում հանդիսավորությամբ, ընդհանուր շքեղությամբ, կատարման անկաշկանդ, գեղանկարչական եղանակով, տպավորիչ ամբողջականությամբ⁵⁵:

40. Թալինի Կաթողիկե եկեղեցի

Կառուցվել է VII դարում:

Որմնանկարները՝ [ժամանակը չի նշում]:

Նկարագրություն - Թալինի Կաթողիկե տաճարի ներքին պատերն ամբողջովին նկարագարդ են եղել, սակայն այժմ որմնանկարի մեծ ու փոքր հատվածներ են պահպանվել ավագ խորանում և կից որմերին (ՀԱՊ-ում պահվում են Թալինի որմնանկարի զարդապատկերների փոքրացված ընդօրինակությունները): Գմբեթարդին ներկայացված տեսարանից մնացել է միայն զարդարուն գահի աջ եզրը՝ բարձիկով և վրան դրված գրքով: Փաստորեն, ի տարբերություն Լմբատավանքի որմնա-

⁵⁵ **Л. Дурново**, Краткая история древнеармянской живописи, էջ 11-12. Նույնի՝ Очерки изобразительного искусства средневековой Армении, էջ 142. **Н. Котанджян**, Цвет в раннесредневековой живописи Армении, էջ 14-15. **Կ. Սաթևոսյան**, Արուճ, Երևան, 1987, էջ 44-53. Նույնի՝ Արուճի տաճարի 666 թ. որմնանկարը, «Լրաբեր» հաս. գիտ., 1981, թ. 3, էջ 85-92. Նույնի՝ Արուճի Ս. Գրիգոր և Թալինի Կաթողիկե տաճարների որմնանկարները, «Էջմիածին», 1982, Ը-թ, էջ 67-70. Նույնի՝ Որմնանկարչությունը Հայաստանի պետական պատկերասրահում, էջ 19:

Նկարի, Թալինում Զրիստոսի պատկերի փոխարեն ներկայացված է Աստծու գահը՝ բացված Ավետարանով (Լիդիա Դուռնովոյի կարծիքով, Թալինում նույն կոմպոզիցիան է, ինչ որ Լմբատավանքում, այսինքն՝ Զրիստոսը փառքի մեջ, իսկ ըստ Նիկոլայ Քոթանջյանի՝ պատկերված է եղել գահը, վրան դրված գրքով): Կենտրոնական պատկերը ներառված է կանաչ, սպիտակ, կարմիր երիզներով ծիածանակամարի մեջ: Գահի երկու կողմերում պատկերված են եղել քառակերպերը (պահպանվել է Նրանցից մեկի աչքերով թևի մի հատվածը): Գմբեթադրդի կամարագոտու վրա՝ տասնմեկ մեդալիոնների մեջ, պատկերված են եղել տասը սրբեր և մեկ խաչապատկեր (պահպանվել են երեք սրբերի դիմանկարներն ու խաչապատկերը): Համանման տասնմեկ մեդալիոն է պատկերված նաև գահից անմիջապես ներքև՝ խորանի շրջագծով: Դրանցից ներքև, լուսամուտների հատվածում, հավանաբար, պատկերված են եղել ամբողջ հասակով տասներկու առաքյալները:

Ավագ խորանից ձախ պահպանվել է «Մուտք Երուսաղեմ» տեսարանի մի հատվածը՝ ավանակի և Զրիստոսի գլուխները: Հարավային խորանի մուտքից վեր եղել են հասակով մեկ կանգնած վեց սրբերի պատկերներ, իսկ արևմտյան մույթերին հազիվ նշմարվում են ձիավորների ուրվագծերը:

Նշենք նաև, որ տաճարի հարավային ավանդատան պատին՝ որմնակարի վրա, պահպանվել է մի ուշագրավ սևաներկ արծանագրություն, որի բովանդակության համաձայն՝ Կաթողիկեն Նկարագարդել է տվել Մովսես եկեղեցապանը⁵⁶:

41. Կոչի Ս. Ստեփանոս եկեղեցի

Կառուցվել է VII դարում:

Որմնանկարները՝ VII դար:

Նկարագրություն - Որմնանկարներից հատվածներ են պահպանվել միայն ավագ խորանում, որոնց մասին XIX դարում հիշատակում է դեռևս Հովհաննես Եպս. Շահխաթունյանցը. «Նշմարին հետք նկարուց և

⁵⁶ **Л. Дурново**, Краткая история древнеармянской живописи, էջ 10-11. նույնի՝ Очерки изобразительного искусства средневековой Армении, էջ 140. **Н. Котанджян**, Цвет в раннесредневековой живописи Армении, էջ 14. **Կ. Սաթևոսյան**, Արուճի Ս. Գրիգոր և Թալինի Կաթողիկե տաճարների որմնանկարները, «Էջմիածին», 1982, Ը-Թ, էջ 67-70. նույնի՝ Որմնանկարչությունը Հայաստանի պետական պատկերասրահում, էջ 18-19. **Ն. Քոթանջյան**, Թալինի մեծ տաճարի գլխավոր աբսիդի որմնանկարների գծային վերակառուցման փորձը, «Հայ արվեստի հարցեր», գիրք 1, Երևան, 2006, էջ 331-337:

տերունի պատկերաց և սրբոց յորմունս այսր տաճարի ի ներքուստ. որպես ի կաթուղիկե եկեղեցին հին Թալնայ և յեկեղեցին Երերվաց դաստակի և յայլս»⁵⁷: Այսպես, գմբեթարդի հատվածում՝ վերին գոտում, ներկայացված է Համբարձման տեսարանը՝ Լմբատավանքի որմնանկարի համանման տարբերակով՝ Քրիստոսը փառքի մեջ, քառակերպերով և հրե անիվներով: Ստորին գոտում՝ լուսամուտի հավասարությամբ, պահպանվել է մի ինքնատիպ հորինվածք. խորանի աջ և ձախ կողմերում պատկերված են դեպի կենտրոն ուղղված առաքյալները: Կենտրոնում՝ լուսամուտի մոտ, երկիցս պատկերված է Քրիստոսը (կառուցվածքը համապատասխանում է «Հաղորդություն» տեսարանին), սակայն վերջինս առաքյալներին է մեկնել ոչ թե գինու գավ կամ նկանակ, այլ մագաղաթագալար: Տեսարանը, կարելի է ասել, «Հաղորդության» և «Օրենքի հանձնման» յուրահատուկ միավորումն է:

Երկու որմնանկարների միջև (գմբեթարդից ներքև) եղել է նաև չորս կարմիր երիզների միջև գրված հայերեն եռատող արձանագրություն, որն այժմ հիմնականում թափված է⁵⁸: Ընթեռնելի են «Սբ խաչ», «Որդի», «Հորեն» և այլ առանձին բառեր⁵⁹:

42. Եղվարդի Ս. Թեոդորոս զորավար եկեղեցի

Կառուցվել է VII դարում:

Որմնանկարները՝ [ժամանակը չի նշում]:

Նկարագրություն - Հավանաբար ունեցել է որմնանկարների երկու շերտ, առաջինը՝ հասակակից կառույցին, երկրորդը՝ XIII-XIV դդ.: Այդ մասին է վկայում որմնանկարի վրա եղած մի արձանագրություն, ինչպես և պահպանված փոքր հատվածների գունային վերլուծությունը: Ս. Չորավարի որմնանկարներում գերակշռող են զարդապատկերները⁶⁰:

⁵⁷ *Յովհաննես եպս. Հախխաթունեանց*, Ստորագրություն Կաթուղիկե Էջմիածնի եւ հինգ գաւառացն Արարատայ, աշխատասիրությամբ՝ **Ա. Տեր-Ստեփանյանի**, Ս. Էջմիածին, 2014, էջ 248 – Ա. Հ.:

⁵⁸ **Լ. Դըրնովո**, Краткая история древнеармянской живописи, էջ 11. Նույնի՝ Очерки изобразительного искусства средневековой Армении, էջ 142-143. **Н. Котанджян**, Цвет в раннесредневековой живописи Армении, էջ 15, 49-51. **Կ. Մաթևոսյան**, Որմնանկարչությունը Հայաստանի պետական պատկերասրահում, էջ 19, 21:

⁵⁹ **Ա. Մանուչարյան**, Կոշավանք, Երևան, 2015, էջ 9 – Ա. Հ.:

⁶⁰ **Н. Котанджян**, Цвет в раннесредневековой живописи Армении, էջ 15, 51-53. **Լ. Դըրնովո**, Очерки изобразительного искусства средневековой Армении, էջ 144. **Կ. Մաթևոսյան**, Եղվարդի Ս. Չորավար եկեղեցին և մենաստանը, «Էջմիածին», 1983, Է, էջ 49-52. Նույնի՝ Որմնանկարչությունը Հայաստանի պետական պատկերասրահում, էջ 21:

ՉԱՐԳԱՑԱԾ ՄԻՋՆԱԴԱՐ

43. Աղթամարի Ս. Խաչ եկեղեցի

Կառուցվել է 915-921 թթ.:

Որմնանկարները՝ X դար:

Նկարագրություն - Ս. Խաչը կառուցվել և որմնանկարագրվել է Վասպուրականի թագավոր Գագիկ Արծրունու նախաձեռնությամբ՝ X դարի սկզբներին: Ներքուստ կառույցի պատերն ամբողջովին ծածկված են մասամբ Հին և հիմնականում Նոր կտակարանի բազմաթիվ թեմաների եռաշարք որմնապատկերներով⁶¹: Եկեղեցու գմբեթին արարչագործության, իսկ թմբուկի վրա՝ Ադամի և Եվայի աստվածաշնչյան պատումը ներկայացնող պատկերներն են: Ավագ խորանում մասամբ պահպանվել են առաքյալների, որմնասյուների վրա՝ եկեղեցու հայրերի մեծադիր պատկերները: Ավետարանական նկարաշարքը սկսվում է հարավային խորանի վերին գոտուց: Ներկայացված են «Ավետում», «Մարիամի այցը Եղիսաբեթին», «Ծնունդ», «Քրիստոսի ընծայումը տաճարին», «Հովսեփի երազը», «Փախուստ դեպի Եգիպտոս», «Մանկանց կոտորած», «Մկրտություն», «Այլակերպություն», «Հարսանիք Կանայում», «Քրիստոսի քարոզը», «Ղազարոսի հարությունը», «Մուսք Երուսաղեմ», «Քրիստոսի օծումը», «Ոտնլվա», «Քրիստոսը Պիղատոսի մոտ», «Խաչելություն», «Ձիթաբեր կանայք գերեզմանի մոտ», «Համբարձում», «Քրիստոսի հայտնությունը Մարիամ Մագթաղենացուն», «Ս. Կույսի նինջը»⁶²: Ս. Տեր-Ներսեսյանն Աղթամարին նվիրված մեծարժեք ուսումնասիրության մեջ անդրադառնալով որմնանկարների պատկերագրական, ոճական առանձնահատկություններին՝ գրում է. «Աղթամարի որմնանկարները Նոր լույս են սփռում արևելյան քրիստոնեական արվեստի բազմաթիվ յուրահատկությունների վրա: Գմբեթի թմբուկի վրա պատկերված ծննդոց ցիկլը ցույց է տալիս եկեղեցական զարդանախշման մի տիպատեսակ, որը մինչև այժմ իր նմանը չունի վաղ միջնադարյան արվեստում»⁶³: Արվեստաբանի կարծիքով՝ «Եզակի երևույթ է վերջին ընթրիքի փոխարինումը Քրիստոսի օծման տեսարանով: Դա ցույց է տալիս, որ տեսարանների սովորական ցիկլը փոփոխվել է, որպեսզի շեշտվի հայկական եկեղեցա-

⁶¹ Ս. Տեր-Ներսեսյան, Հայ արվեստը միջնադարում, Երևան, 1975, էջ 70-116:

⁶² Կ. Մաթևոսյան, Լ. Թումանյան, Ա. Ասրյան, Աղթամարի պատմամշակութային ժառանգությունը, Ս. Էջմիածին, 2013, էջ 39-41 – Ա. Հ.:

⁶³ Ս. Տեր-Ներսեսյան, նշվ. աշխ., էջ 115:

կան ծիսակատարության յուրահատկությունը: Այն կոմպոզիցիան, որտեղ Զրիստոսը երևում է Մարիամ Մագթաղենացուն և որտեղ, եթե իմ մեկնաբանությունը ճիշտ է, ընդգրկված է Գագիկ թագավորը, ցույց է տալիս ավելի հետաքրքիր շեղում սովորական փորձից»⁶⁴:

Այսպիսով, հայ կոթողային արվեստի լավագույն ավանդներով ստեղծված Աղթամարի որմնանկարները, որոնք սերտ ընդհանրություններ ունեն եկեղեցու բարձրաքանդակների հետ, ամփոփ պատկերացում են տալիս X դարի հայ որմնանկարչության բարձր մակարդակի, պատկերագրական և գեղարվեստական սկզբունքների մասին:

Նշենք, որ չնայած որպես որմնանկարների հեղինակ գրեթե մշտապես նշվում է ճարտարապետ Մանուելը, սակայն այստեղ ևս գործ ունենք հետագա հավելումների հետ: Հովսեփ Օրբելին դեռևս 1912 թ. տեղում նկարագրել է որմնանկարներն ըստ տեղաբաշխման և պատկերագրական թեմաների. «Իր հազարամյա պատմության ընթացքում Աղթամարի տաճարը մի շարք անգամներ վերանորոգվել և ներսից երկրորդ անգամ ծեփվել է, տարբեր ժամանակներում նորից հարդարվել որմնանկարներով: Ընդ որում, այդ իրականացվել է ոչ պակաս, քան երկու տարբեր շրջաններում: Օրինակ՝ թագավորական գահավորակի գմբեթարդին ծեփի վերին շերտի անջատման հետևանքով բացվել է ներքևի շերտը, որը նույնպես ծածկված է եղել որմնանկարներով»⁶⁵: Այսպիսով, ակնհայտ է դառնում, որ տաճարի որմնանկարների թվագրման հարցում մեծ դժվարություններ կան և ոչ մի դեպքում չի կարելի նրանց անվերապահորեն համարել X դարի առաջին քառորդի գործեր և դրա հիմամբ կառուցել նրանց պատկերագրական հետազոտությունը⁶⁶:

Հատկանշանական է այն, որ որմնանկարների հաջորդականությունը տարբերվում է բյուզանդականից: Դրանք ոճով մի կողմից առնչվում են վաղմիջնադարյան հայկական որմնանկարչությանը (Արուճ, Լմբատավանք ևն), մյուս կողմից՝ IX-XI դդ. արվեստի բոլոր ճյուղերն ընդգրկած գեղարվեստական նոր ուղղությանը: Որմնանկարները մասամբ եղծված են: Ս. Խաչ եկեղեցու ավագ խորանում պահպանվել է «Բարեխոսություն» տեսարանը, իսկ հաջորդ շարքում պատկերված են առաքյալները:

⁶⁴ *Ս. Տեր-Ներսեսյան*, նշվ. աշխ., էջ 110:

⁶⁵ *И. Орбели*, Памятники армянского зодчества на острове Ахтамар, «Избранные труды», М., 1968, էջ 79:

⁶⁶ *Ստ. Մնացականյան*, Աղթամար, Երևան, 1983, էջ 144-148:

44. Տաթևի վանքի Ս. Պողոս-Պետրոս եկեղեցի

Կառուցվել է 895-906 թթ.:

Որմանակարները՝ 930 թ.:

Նկարագրություն - Եկեղեցին 930 թ. որմանակարագարել է տվել Սյունյաց Հակոբ Դվինեցի եպիսկոպոսը: Ստեփանոս Օրբելյանի վկայությամբ՝ այդ գործի համար նա հրավիրել է «Փռանգ» (հավանաբար նկատի է ունեցել եվրոպացիների) նկարիչներ: Քանի որ եկեղեցու՝ երկրաշարժերի հետևանքով մեծապես վնասված որմանակարները հատվածաբար են պահպանվել, հետաքրքրական է Ստեփանոս Օրբելյանի (XIII դար)՝ ամբողջական որմանակարների վերաբերյալ պատկերավոր նկարագրությունը: Պատմագրի հաղորդմամբ՝ «[Հակոբը] տաճարի լուսադեմ հարկերը ամբողջովին, վերևից մինչև ներքև, անսահման ծախսերով նկարագարել տվեց: Փրկչի պատկերն էլ խիստ ահեղ տեսքով նկարել տվեց աստվածագործ Սեդանի ճիշտ դիմացը, վերևից՝ երկնքի բոլորակը մեծ կամարի վրա, իսկ սրանից ներքև, Սեդանի շուրջ՝ մարգարեների, առաքյալների ու հայրապետների բնականակերպ նկարները՝ շատ խորհրդավոր: Ամբողջը համատարած կերպով զարդարեց այնպես, որ նայելիս տեսնողների աչքերը շլանում էին: Եվ երբեք չէր թվում, թե ներկերով ու երանգներով են ստեղծված, այլ բոլորն էլ կենդանի են և նայողները զարհուրում ու պատկառում էին նրանցից»⁶⁷: Այժմ որմանակարից հատվածներ են պահպանվել ավագ խորանում՝ հյուսիսային պատի վրա:

Ուշադրության է արժանի ողջ արևմտյան պատը ծածկող Ահեղ դատաստանի ինքնատիպ որմանակարը, ուր ներկայացվում է Փրկչի երկրորդ հայտնության ժամանակ մեռյալների հարության և վերջին դատաստանի ազդու տեսարանը: Վերջինս առանձնակի արժեք է ներկայացնում թեմայի պատկերագրական ակունքները որոշելու գործում⁶⁸: Տաթևի որմանակարում կիրառված է հայկական ավանդական զարդանկարչությունը, կան նաև հայերեն գրություններ՝ արված նկարիչների ձեռքով: Այսպիսով, կասկածից վեր է, որ որմանակարի ստեղծմանը մասնակցել են թե՛ «Փռանգ», թե՛ տեղացի հայ նկարիչներ⁶⁹:

⁶⁷ **Ստեփանոս Օրբելյան**, Սյունիքի պատմություն, թարգմանությունը, ներածությունը և ծանոթագրությունները՝ **Ա. Աբրահամյանի**, Երևան, 1986, էջ 228:

⁶⁸ **Ա. Միրզոյան**, Հայկական մանրանկարչություն. Գրիգոր Տաթևացի և Անանուն Սյունեցի, Երևան, 1987, էջ 6:

⁶⁹ **Н. Команджян, И. Дрампян**, Фрески Татевы. Судьба росписи и история ее изучения, «Հայ արվեստի հարցեր» գիտական հոդվածների ժողովածու, գիրք 5, Երևան, 2013, էջ 283-316:

Փաստորեն, Տաթևի վանքի Ս. Պողոս-Պետրոս տաճարն այն ամենավաղ քրիստոնեական կառույցներից է, որտեղ պատկերվել է Ահեղ դատաստանի լայնածավալ հորինվածքը (Աղթամարի վանքի Ս. Խաչ եկեղեցում նույնպես առկա է Երկրորդ գալստյան տեսարանը՝ հարավային պատի դռան վերնամասում, սակայն պակաս զարգացած հորինվածքով): Ս. Պողոս-Պետրոս եկեղեցու ավագ խորանում պահպանվել է նաև Յամբարձման տեսարանը, հաջորդ շարքում՝ առաքյալները:

Տաճարի գլխավոր խորանի գմբեթարդին պատկերված է եղել գահի վրա նստած Զրիստոսը, ավելի ցած՝ առաքյալներ և սրբեր: Արևմտյան պատի վրա, ինչպես նշեցինք, մնացել են Ահեղ դատաստանի մնացորդները, իսկ հյուսիսային պատին՝ Ծննդյան թեմայի հետ առնչվող տեսարաններ: Կարող ենք ասել, որ այստեղ պահպանվել է X դարի որմնանկարչական ամբողջական հարդարանքը, որը պատկերացում է տալիս վաղմիջնադարյան հայ եկեղեցական նկարագրողման համակարգի մասին: Պատկերներն արվել են ֆրեսկո տեխնիկայով, հայկական որմնանկարչությանը հատուկ 3-4 մմ հաստության ծեփի վրա՝ տեղական բնական հանքաներկերով, մասնավորապես՝ լաջվարդով: Առաքյալների շարքում՝ կենտրոնական պատուհանի հյուսիսային և հարավային կողմերից, նկարված են Յովհաննես Մկրտիչը և Աստվածամայրը՝ Զրիստոսի հետ կազմելով Բարեխոսության պատկերագրությունը: Այս հիերարխիկ հորինվածքն արտահայտում է Երկնային և Երկրային եկեղեցիների, Յին և Նոր կտակարանների հաջորդությունը խորհրդանշող գաղափարները և համընկնում վաղմիջնադարյան որմնանկարչական պատկերագրությանը: Խորանի հանդիսավոր հորինվածքին հակադրված է արևմտյան պատի «Ահեղ դատաստանի» խիստ դիսամիկ տեսարանը, որից պահպանվել են կենտրոնական և ստորին հատվածները: Որմնանկարն իր ամբողջական մեծ հորինվածքում ներառում է Ահեղ դատաստանը և Փրկչի Երկրորդ գալուստը՝ ըստ Մատթեոսի Ավետարանի (24.30-31) ու Յովհաննեսի Հայտնության գրքի: Վերևում պատկերված է եղել Երկնային դատաստանը: Զրիստոս-Դատավորին երկու կողմից շրջապատել են առաքյալները: Պողոսը՝ Զրիստոսի աջ կողմից, Պետրոսը՝ ձախ, առանձնացած: Գահի տակ երկու բացված գրքեր են, որոնցով, ըստ Յովհաննեսի Հայտնության, պետք է դատվեին մեռյալները (20.12): Հորինվածքի միջնամասում պատկերված են երկու մեծ հրեշտակներ՝ արձանագիր գալարակները ձեռքերին, աջ գալարակի վրա Հայտնության գրքի խոսքերն են՝ «Եկա... մեռելների ժամանակը որ դատվեն» (11.18): Աջ կողմում դրախտի

Կենաց ծառն է, ձախ կողմում՝ դժոխքի հրե գետը, որն այստեղ մեծ մասամբ կապույտ է, ինչպես Հայտնության գրքի «կենդանի ջուրը» (22.1): Հորինվածքի ամենաուշագրավ մասը ստորին հատվածն է՝ ծածկված մեռելների հարության տեսարանով: Դեն նետելով դագաղների կափարիչները՝ Փրկչի Երկրորդ գալստյան դատին են ելնում մեռելները. նրանց կենտրոնում են Ադամն ու Եվան: Հյուսիսային պատին պատկերված «Ծննդյան» հորինվածքից պահպանվել են պատուհանների միջանկյալ երկու հատվածները՝ «Մանկան լոգանքը» և «Հովիվների ավետումը»⁷⁰:

45. Ցաքուտի եկեղեցի

Կառուցվել է 932 թ.:

Որմանակարները՝ թվագրելի են նշված ժամանակաշրջանով:

Նկարագրություն - Ստեփանոս Օրբելյանի հաղորդմամբ՝ Հակոբ Դվինեցի եպիսկոպոսը, Սյունյաց Վասակ իշխանի որդի Փիլիպեից գնում է Ձագեծորի Վարարակն կոչված ջուրն ու մեծ դժվարությամբ բերում հասցնում Ցաքուտ կոչված անջրդի վայրը: Նա այստեղ այգիներ է հիմնում, այնուհետ «տեղում շինեց գմբեթահարկ մի խորան՝ շատ հրաշալի կառուցվածքով. պատերն ու առաստաղը նկարիչներին զարդարել տվեց զանազան երանգներով, նկարել տվեց քրիստոնեական բոլոր պատկերները, առաքյալներին ու հայրապետներին»⁷¹:

46. Գնդեվանքի գլխավոր եկեղեցի

Կառուցման ավարտը՝ 931 թ.:

Հին շերտի որմանակարները՝ 931 թ., նոր շերտի որմանակարները՝ ենթ. XVIII դար:

Նկարագրություն - Ստեփանոս Օրբելյանը հիշատակում է Գնդեվանքի որմանակարի հեղինակ Եղիշեին⁷²: Եկեղեցու ավագ խորանում

⁷⁰ Առավել մանրամասն տե՛ս արվեստաբան Սեյրանուշ Մանուկյանի մեծարժեք հոդվածը – **Ս. Մանուկյան**, Տաթևի որմանակարները (930 թ.) եւ արեւմտաքրիստոնեական վաղ միջնադարեան արուեստը, «Բազմավեպ» հայագիտական, բանասիրական, գրական հանդես, 2006, թ. 1-4, էջ 293-311, տե՛ս նաև Լույսի՝ ռուսերենը՝ **С. Манукян**, Фрески Татевы (930 г.), «Ամստառ Ծննդոց» հոդվածների ժողովածու՝ նվիրված Ֆելիքս Տեր-Մարտիրոսովի հիշատակին, պատ. խմբ. և կազմողներ՝ **2. Հակոբյան, Լ. Միքայելյան**, Երևան, 2015, էջ 296-325 – Ա. Հ.:

⁷¹ **Ստեփանոս Օրբելյան**, Սյունիքի պատմություն, էջ 226-227 – Ա. Հ.:

⁷² Միանշանակ չէ Եղիշե երեցի՝ որմանակարների հեղինակը լինելու հանգամանքը, քանզի պատմագիրը նկարչի անունն ուղղակի չի նշում. Սովիա տիկինը «բերել է տալիս ճարտար քարագործ վարպետներ, սկսում շինարարությունը. վանքի առաջնորդ նշանակելով հայր Սարգսին և գործակալ՝ Եղիշե երեցին և նկարչին և այն հանձնում է Տեր Հակոբին...» (**Ստեփանոս Օրբելյան**, Սյունիքի պատմություն, էջ 231) – Ա. Հ.:

պահպանված որմնանկարի չնչին հատվածներից կարելի է ենթադրել, որ գմբեթարդին՝ խոշոր ծիածանակամարի մեջ, պատկերված է եղել Զրիստոսը: Կառույցի արևելյան զույգ ավանդատների մուտքերից վեր պահպանվել են ուշ միջնադարում ստեղծված պատկերներ, որոնցից մեկը «Տիրամայրը Մանկան հետ» հորինվածքն է:

47. Սանահինի վանքի Ս. Աստվածածին և Ս. Ամենափրկիչ եկեղեցիներ

Կառուցվել են 930-940 թթ., 966 թ.:

Որմնանկարները՝ X դարի երկրորդ կես⁷³:

48. Ծառաքարի վանքի վիմափոր գլխավոր եկեղեցի

Կառուցվել է 952 թ.:

Որմնանկարները՝ X դարի երկրորդ կես:

Նկարագրություն - Ըստ ճարտարապետական հորինվածքի՝ խաչածն հատակագծով վիմափոր եկեղեցի է՝ արևելյան անկանոն կիսաբուլբուլով խորանով, չորս անկյունային դեկորատիվ տրոմպների վրա նստած կեղծ գմբեթով և հարավային մուտքով: Գմբեթի շրջագիծը երիզված է զիգզագաձև կարմիր զարդագոտիով: Նույն զույնով ներկված են նաև գմբեթի կենտրոնի խաչաքանդակն ու տրոմպների եզրագծերը⁷⁴:

49. Ծառաքարի վանքի հարավարևմտյան վիմափոր մատուռ

Կառուցվել է X դարի կեսերին:

Որմնանկարները՝ ենթադրաբար X դարի երկրորդ կես:

Նկարագրություն - Կառույցը հիմնականում կրկնում է գլխավոր եկեղեցու հորինվածքը՝ այն տարբերությամբ, որ խորանը գտնվում է հյուսիսային կողմում, իսկ մուտքը՝ արևելյան: Գմբեթի կենտրոնի խաչաքանդակը ներկված է կարմրավուն ներկով, գմբեթի մնացյալ մակերեսն ու տրոմպների հատվածները՝ կապտամոխրագույնով⁷⁵:

⁷³ «Զրիստոնյա Յայաստան» հանրագիտարանում Սանահինի վանքի ինչպես Ս. Աստվածածին, այնպես էլ Ս. Ամենափրկիչ-Կաթողիկե եկեղեցիների որմնանկարների մասին նշվում է, որ դրանց ներսույթը ծածկված է եղել որմնանկարներով, որոնցից, սակայն, աննշան հետքեր են մնացել (տե՛ս **Կ. Ղաֆադարյան**, Սանահինի վանք, «Զրիստոնյա Յայաստան» հանրագիտարան, Երևան, 2002, էջ 887-888) – Ա. Բ.:

⁷⁴ **Ս. Կարապետյան**, Ծառաքարի վանքը, «Վարձք», 2011, թ. 4, էջ 39-41:

⁷⁵ Նույն տեղում, էջ 37-39:

50. Սուքի Ապարանից Ս. Խաչ (Ս. Նշան) վանքի Ս. Աստվածածին եկեղեցի

Կառուցվել է 983 թ.:

Որմնանկարները՝ 980-ական թթ.:

Նկարագրություն - Տեղակայված է վանական համալիրի կենտրոնում՝ Ս. Առաքելոց, Ս. Ստեփանոս եկեղեցիների և արևմտյան գավթի միջև: Ըստ ճարտարապետական հորինվածքի՝ եկեղեցին զույգ որմնամույթերով և ավանդատներով գմբեթավոր դահլիճ է: Որմնանկարները ժամանակակից են կառույցին: Գրիգոր Նարեկացին վանքին նվիրված «Պատմութիւն Ապարանից Ս. Խաչին» երկում նշում է. «Չորմոցն վերադրութիւն՝ վիմախարիսխ արծանակառոյց կերպիւ առկայեաց. եւ իբր յականց վանեաց յեռելոց ճարտարագործ արուեստայարմար բազմատեսակ երփնիւ նորոգեաց: Եւ զԵգեկիւլեան տեսլեանն երեւոյթ անյօղն էութեամբ՝ նոր նմանութեամբ իբր զգայութիւն իրի արծարծեաց», ապա և՝ «Իսկ զգեղանկար ծաղկայօրինուորակ պատկերացն կենդանագիր տեսակի գեղոցն զստուերացեալ հին ամանակացն զաներեւոյթն աչաց ներկայիցս, իբր զերեւոյթ յայտնի տեսակի ունողաց շնչոյ եւ զգայութեանց արգասաւորեաց»⁷⁶: Առաջին հիշատակումը թերևս վերաբերում է խճանկարին, երկրորդը՝ որմնանկարին:

51. Հաղբատի վանքի Ս. Նշան եկեղեցի

Կառուցվել է 976-991 թթ.:

Որմնանկարները՝ առաջին շերտը՝ 990-ական թթ., երկրորդը՝ XIII դարի կեսեր, երրորդը՝ XIV դարի սկիզբ:

Նկարագրություն - Ավագ խորանի գմբեթարդին ներկայացված է Բարեխոսությունը, որից փոքր հատվածներ են պահպանվել: Նոր՝ XIII դարի շերտին պահպանվել են ավետարանական նկարաշարի որոշ նմուշներ՝ «Ավետում», «Ծնունդ», «Տեառնդառաջ», «Մկրտություն», «Հոգեգալուստ», որոնք ուղեկցվում են հայերեն և վրացերեն մակագրություններով: Պատկերները ոճական և պատկերագրական սերտ ընդհանրություններ ունեն նույն շրջանի հայ մանրանկարչության՝ Մեծ Հայքի դպրոցի ստեղծագործությունների հետ: Եկեղեցու հարավային պատի

⁷⁶ Ս. Գրիգոր Նարեկացի, Ապարանքի Ս. Խաչի պատմությունը. Ուսումնասիրություններ, կազմեց՝ Ա. Պետրոսյանը, Երևան, 2006, էջ 34-37: Տե՛ս նաև Ա. Սեդրակեան, Հայաստանայց եկեղեցու պակերայարգութիւնը, Կ. Ա. Պետերբուրգ, 1904, էջ 83:

որմամույթի վրա պահպանվել է որմանակարների պատվիրատու հուղարկուհա Արծրունու (աթաբեկ Սադունի որդու) ամբողջ հասակով պատկերը: Այս բավական լավ պահպանված դիմանկարն ունի ինքնուրույն գեղարվեստական արժեք, ներկայացնում է իրական մարդու պատկերն ըստ նկարչի կատարողական վարպետության և գեղարվեստական մտածելակերպի: Ենթադրվում է, որ հուղարկուհայի պատկերի մոտ եղել է նաև նրա հոր դիմանկարը, որը չի պահպանվել⁷⁷:

52. Ռշտունիքի Կապուտկողի կամ Ընծաքարի վանքի Ս. Զակոր եկեղեցի

Կառուցվել է XI դարում, վերանորոգվել XV դարի սկզբին:

Որմանակարները՝ XI դարի սկիզբ:

Նկարագրություն - Վանքն այժմ հիմնավեր է: Որմանակարները պատկերագրական և ոճական առումով աղերսներ ունեն Աղթամարի Ս. Խաչ եկեղեցու որմանակարների հետ: Հատվածաբար պահպանվել են ավետարանական նկարաշարի որոշ դրվագներ՝ «Ավետում», «Մարիամի այցը Եղիսաբեթին», «Ծնունդ», «Հովսեփի երազը», «Փախուստ դեպի Եգիպտոս»: Որմանակարում եղել են նաև Արծրունյաց տոհմից սերող պատվիրատուների դիմանկարներ, սուրբ զորավարների պատկերներ և այլն⁷⁸: Վանքն իր բարձրարժեք որմանակարներով 1970 թ. ավերվել է մղանով (կալսած հարդն ու ցորենը կալում հավաքելու գործիք – Ա. Զ.)՝ ճանապարհն ընդարձակելու համար⁷⁹:

⁷⁷ **Կ. Ղաֆադարյան**, Հաղբատ. ճարտարապետական կառուցվածքները և վիմական արձանագրությունները, Երևան, 1963, էջ 19, հմմտ. «Քրիստոնյա Հայաստան» հանրագիտարան, Երևան, 2002, էջ 530. **Տ. Հեթում քին. Թարվերդյան**, Հաղբատի վանքի որմանակարները, «Հայկական որմանակարչություն» գիտական հոդվածների ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 98-102, նկ.՝ էջ 345-352: Վերջերս լույս տեսավ որմանակարչության վերականգնող մասնագետներ Քրիստին Լամուրեի և Արա Չարյանի ստվարածավալ պատկերագիրք-ուսումնասիրությունը՝ նվիրված Հաղբատավանքի Ս. Նշան եկեղեցու որմանակարների վերականգնմանը – տե՛ս **Ք. Լամուրե, Ա. Չարյան**, Հաղբատ. Սբ Նշան եկեղեցու 976-991 թթ. Ժ, Ժ-ԺԳ դդ. որմանակարների պահպանական վերականգնում, Նախաբանը՝ **Ս. Մանուկյանի**, Երևան, 2020 – Ա. Զ.:

⁷⁸ **Յր. Զակորյան**, Ռշտունիքի Ս. Զակոր վանքի որմանակարը, «Լրաբեր» հաս. գիտ., 1985, թ. 9, էջ 69-77:

⁷⁹ **Ժ. Ս. Թեերի**, Հայկական հուշարձանների կրած վնասները Արևելյան Թուրքիայում, «Անի» - Անիի պահպանության և ուսումնասիրման միջազգային գիտական կենտրոնի գիտական-հասարակական եռամսյա հանդես, թ. 1, 1992, էջ 35-36:

53. Որոտնավանքի Ս. Կարապետ եկեղեցի

Կառուցվել է 1006 թ.:

Որմանակարները՝ XI դարի սկիզբ:

Նկարագրություն - Եկեղեցու գրեթե ողջ աղոթասրահը ծածկված է եղել որմանակարներով: Ներկայումս մնացել է միայն հյուսիսային խորանի հատվածը, որը պատկերում է շրջանի մեջ աստղազարդ կապույտ երկինք, կենտրոնում՝ հրեշտակ⁸⁰:

Ըստ որմանակարների վերականգնման մասնագետ Արժանիկ Հովհաննիսյանի՝ որմանակարի գունապնակը բավականին ինքնատիպ է: Հայաստանում նման սյուժետային պատկերումներ չեն հանդիպել: Հորինվածքը ներկայացված է կլոր շրջանակի մեջ, որտեղ բավական խիտ են թե՛ կենդանակերպերը, թե՛ մարդկային ֆիգուրները, թե՛ հրեշտակները: Հավանաբար սա Հին կտակարանի նկարագրողումներից է: Պատկերագրությունն առայժմ մեզ անհայտ է, քանի որ որմանակարի վրա կատարվող մաքրման աշխատանքներն ի հայտ են բերում նորանոր հատվածներ⁸¹: 2011 թ. որմանակարը վերականգնել է այդ գործի գիտակ Զրիստին Լամուրեն⁸²: Նա թորած ջրով նախ մաքրել է որմանակարը, այնուհետ վերականգնել վնասված հատվածները: Եղել են պատից առանձնացված մասեր, փոքրիկ անցքեր են արվել, իրականացվել սոսնձե սրսկումներ: Վերջում վերականգնվել են գունային պատկերները: Որմանակարը մաքրելուց հետո պարզվել է, որ կան ջրաներկով արված միջամտություններ: Այդ ամենը հեռացվեց, մաքրվեց և օգտագործվեցին միայն այն պիգմենտները, այն գույները, որոնցով արվել է բնօրինակը:

54. Հռոմոսի վանքի Ս. Գևորգ եկեղեցի

Կառուցվել է 1010-ական թթ.:

Որմանակարները՝ 1010-1020-ական թթ.:

⁸⁰ «Զրիստոնյա Հայաստան» հանրագիտարան, էջ 838-839:

⁸¹ Որոտնավանք. որմանակարի վերականգնում, «Լրագիր», երկուշաբթի, 5 սեպտեմբերի, 2011 – Ա. Հ.:

⁸² Մինչ այդ, 1974-1975 թթ. որմանակարի ամրացման և վերականգնման առաջին փորձը կատարել են ռուս մասնագետները, որոնք վերականգնել են գունային որոշ հատվածներ՝ որմանակարի ամբողջ եզրագիծն ամրացնելով հատուկ նյութով:

Որմանակարին համառոտ անդրադարձել է նաև Սեյրանուշ Մանուկյանը՝ այն թվագրելով XI կամ XIII դարերով (*Ս. Մանուկյան*, Միջնադարյան Հայաստանի կոթողային գեղանկարչությունը, «Հայկական որմանակարչություն» գիտական հոդվածների ժողովածու, էջ 36, ծնթ. 71. հմմտ. *Կ. Մաթևոսյան*, Նյութեր հայկական միջնադարյան որոշ որմանակարների վերաբերյալ, «Հայկական որմանակարչություն» գիտական հոդվածների ժողովածու, էջ 94):

Նկարագրություն - Պահպանվել են որմնանկարների որոշ հատվածներ: Ըստ Թ. Թորամանյանի՝ «Այս եկեղեցին ի ներքուստ ներկված և նկարագրով բնորոշ է խորանի կիսագմբեթի մեջ նկարված է մեծադիր Զրիստոսի պատկեր, ինչպես Անիի մեջ Լուսավորչի (Տիգրան Յոնենցի եկեղեցու – Ա. Յ.) գմբեթը և Փրկչի ու Ապուղամբենց և Ս. Գրիգորի խորաններուն կիսագմբեթները»⁸³: Որմնանկարին վերջերս անդրադարձել է Կարեն Մաթևոսյանը. ըստ նրա՝ «խորանի գմբեթարդում գահակալ Զրիստոսը պատկերված է փառքի պսակի (մանդրուլայի) մեջ... պատուհանի երկու կողմերում երևում են հասակով մեկ պատկերված կերպարների՝ կարմիրով գծված հագուստների և որոշ մասերում՝ գլխի և լուսապսակի ուրվագծերը»⁸⁴: Պատկերագրական հորինվածքը թույլ է տվել ուսումնասիրողին ենթադրել, որ կերպարները, ըստ ամենայնի, եպիսկոպոսական հանդերձանքով եկեղեցու հայրապետներն են⁸⁵:

55. Անիի «Պալատական» եկեղեցուն կից երկհարկանի մատուռ

Կառուցվել է՝ ենթադրաբար XIII դարում:

Որմնանկարները՝ [Ժամանակը չի նշում]:

Նկարագրություն - Ըստ Յովսեփ Օրբելու՝ կառույցի պատերին պահպանվել են ծեփի մնացորդներ՝ որմնանկարների հետքերով⁸⁶:

56. Տայքի Օշկվանք

Կառուցվել է 950-960-ական թթ.:

Որմնանկարները՝ 1020-1030-ական թթ.:

Նկարագրություն - Պատկերում է Տայքի Բանակի տաճարում Բագրատ Դ-ի պսակադրությունը: Ինչպես գիտենք, 1027 թ. Վրաց Բագրատ Դ թագավորը Բանակի տաճարում է թագադրվել և պսակադրվել բյուզան-

⁸³ Թ. Թորամանյան, Նյութեր հայկական ճարտարապետության պատմության, հ. II, Երևան, 1948, էջ 161:

⁸⁴ Կ. Մաթևոսյան, Նյութեր հայկական միջնադարյան որոշ որմնանկարների վերաբերյալ, «Հայկական որմնանկարչություն» գիտական հոդվածների ժողովածու, էջ 87:

⁸⁵ Նույն տեղում:

⁸⁶ Ի. Օրբելու, Краткий путеводитель по городу Ани, С. Петербург, 1910, էջ 16. հմմտ. Կ. Մաթևոսյան, Անի. եկեղեցական կյանքը և ձեռագրական ժառանգությունը, Ս. Էջմիածին, 1997, էջ 162: Յովսեփ Օրբելին ժամանակին ներկայացրել է Անիի թանգարանում ցուցադրված Միջնաբերդի պալատական դահլիճի որմերի որմնանկարչական մնացորդները (տե՛ս Ի. Օրբելու, Каталог Анийского музея древностей, С. Петербург, 1910, էջ 12-17):

դական կայսեր ազգականուհու՝ Յելենայի հետ, որին Կոստանդնուպոլսից որդու համար կնության էր բերել Բագրատի մայրը՝ Մարիամ Արծրունին⁸⁷:

57. Անիի Տիգրան Հոնենցի դամբարան

Կառուցվել է XII դարի վերջին:

Որմանակարները՝ 1198-1212 թթ.:

Նկարագրություն - Անիում պահպանվել է մի որմանակարագարի քարայր, որի վրա եղած ներկագիր արձանագրությունը վկայում է դրա՝ Տիգրան Հոնենցի ընտանիքին պատկանելու մասին: 1915 թ. Ն. Մառի հանձնարարությամբ Անիի հնագիտական արշավախմբի անդամ Դավիթ Դիփչիձեն կատարել է քաղաքի հարակից ծորերի քարայրների ուսումնասիրությունը⁸⁸: Դիփչիձեի նկարագրության համաձայն՝ քարայրի խորքում՝ խորանաձև փորվածքում, Բարեխոսության՝ Քրիստոսը գահի վրա պատկերագրությունն է, երկու կողմերում՝ Աստվածամայրը և Հովհաննես Մկրտիչը, իսկ կամարի վրա, երկու կողմից՝ ամբողջ հասակով, դիմահայաց պատկերված են Միքայել և Գաբրիել հրեշտակապետերը: Ձեռքերին ունեն մեկական գունդ (սֆերա) կամ հայելի⁸⁹:

58. Կիրանց վանքի գլխավոր եկեղեցի

Կառուցվել է XIII դարում:

Որմանակարները թվագրելի են նշված ժամանակաշրջանով:

Նկարագրություն - Որմանակարները խիստ վնասված են: Ավագ խորանի հարդարանքը հիշեցնում է Ախթալայի և Զոբայրի մեծ եկեղեցիների համապատասխան որմանակարները: Գմբեթի և թմբուկի վրա պատկերները տեղադրված են հինգ շարքով, կենտրոնում հավասարաթև խաչն է, այնուհետ՝ երկնային հենքի վրա, չորս հրեշտակ, արև և լուսին, երրորդ շարքում՝ Տիրամորը շրջապատող տասներկու առաքյալները,

⁸⁷ **N. Thierry**, Peintures Historiques D'Oshk'i (T'ao), "Revue Des Études Géorgiennes et Caucasiennes", N 2, 1986, pp. 140-143. **Skhirtladze Z.**, The Oldest Murals at Oshki Church: Byzantine Church Decoration and Georgian Art, "Eastern Christian Art", 2010, vol. 7, pp. 97-134.

⁸⁸ 1916-ին քարայրների ուսումնասիրության գործը, ցավոք, ընդհատվել է, բայց արշավախմբի մասնակիցներից Ն. Տոկարսկին, այնուամենայնիվ, որոշ աշխատանքներ կատարել է: Վաղամեռիկ Դ. Դիփչիձեի և իր ուսումնասիրությունների համադրումով Ն. Տոկարսկին 1972 թ. հրատարակել է «Անիի քարայրները» (ռուսերեն) գիրքը (**Д. Куншадзе**, Пещеры Ани, Ереван, 1972):

⁸⁹ Մանրամասն տե՛ս **Կ. Սաթևոսյան**, Նյութեր հայկական միջնադարյան որոշ որմանակարների վերաբերյալ, «Հայկական որմանակարչություն» գիտական հոդվածների և նյութերի ժողովածու, էջ 87-91 – Ա. Հ.:

չորրորդում՝ տասնվեց մարգարեները, իսկ ստորին շարքում՝ դրվագներ մարգարեների կյանքից: Եկեղեցու պատերին և որմնամուկներին հատվածաբար պահպանվել են նաև ավետարանական տեսարանների, ավետարանիչների և եկեղեցու հայրերի պատկերները⁹⁰:

59. Հռոմեական Ս. Աստվածածին եկեղեցի

Եկեղեցին կառուցվել է 1201 թ., գավիթը՝ 1210-ական թթ.:

Որմնանկարները՝ 1235 թ.:

Նկարագրություն - Գավթից բացվող եկեղեցու մուտքի վերնամասում ժամանակին եղել է «Աստվածամայրը Մանկան հետ» ճոխ գունապնակով որմնանկար, որից այժմ մի մասն է պահպանվել⁹¹: Որմնանկարի ծեփի վրա մասամբ պահպանվել է միատող ներկագիր արձանագրությունը, ուր վկայված է նաև թվականը՝ ՌՁԴ (1235)⁹²:

60. Կեչառիսի վանքի Ս. Գրիգոր եկեղեցի

Եկեղեցին կառուցվել է 1003 թ., գավիթը՝ 1205-1214 թթ.:

Որմնանկարները՝ XIII դար:

Նկարագրություն - Ս. Գրիգոր եկեղեցու գավթում, գլխավոր եկեղեցու արևմտյան մուտքի բարավորի վրա պատկերված է Բարեխոսության տեսարանը: Ստեղծվել է գավթի շինարարությունից հետո, հավանաբար XIII դարում: Ըստ Կ. Մաթևոսյանի՝ որմնանկարի արձանագրության հնագրությունը XII-XIII դարերի է, իսկ պատկերագրությունն ավելի ուշ շրջան է հիշեցնում⁹³:

61. Անիի Մայր տաճար

Կառուցվել է 989-1010 թթ.:

Որմնանկարները՝ XIII դար:

Նկարագրություն - Ն. Մառի գրառումներում առկա է Մայր տաճարի որմնանկարին վերաբերող հետևյալ նկարագրությունը. «[ավագ խորանում], դեկորատիվ զարդագույներից բացի, ուշադրության է արժանի լուսամուտից վեր պատկերված հայկական խաչը, որին խունկ են ծխում

⁹⁰ Фрески монастыря Киранц. материалы из архива Л. Дурново, подгот. к изд. А. Аракелян, Ереван, 1990.

⁹¹ Կ. Մաթևոսյան, Նյութեր հայկական միջնադարյան որոշ որմնանկարների վերաբերյալ, «Հայկական որմնանկարչություն» գիտական հոդվածների և նյութերի ժողովածու, էջ 91-92:

⁹² Դիվան հայ վիմագրության, պրակ X, էջ 55, արձ. 72:

⁹³ Կ. Մաթևոսյան, նշվ. աշխ., էջ 92-93:

Նրա երկու կողմերում կանգնած հրեշտակները: Ավելի վեր տեղավորված է եղել Փրկչի պատկերը, որից պահպանվել է միայն գահը: Ձախ կողմում պատկերված է արծիվ, աջում՝ թևավոր եգ»⁹⁴: Մայր տաճարի որմանակարներն ավելի ուշ ծածկվել են ծեփի բարակ շերտով⁹⁵:

62. Անիի Ս. Գրիգոր Լուսավորիչ (Տիգրան Հոնենցի) եկեղեցի

Կառուցվել է 1215 թ.:

Որմանակարները՝ XIII դար:

Նկարագրություն - Արտաքուստ հարուստ պատկերաքանդակներով ձևավորված այս եկեղեցին ներքուստ ամբողջությամբ նկարագարող է: Պատկերազարդ է նաև եկեղեցու գավիթը, որը կառուցվել է մի փոքր ուշ՝ 1251 թ.⁹⁶: Եկեղեցու գմբեթին և թմբուկի վրա ներկայացված են Համբարձումը, ավագ խորանում՝ վերից վար, երեք շարքով՝ Բարեխոսությունը, Հաղորդությունն ու սրբապատկերների շարքերը: Մյուս պատերին Հին և Նոր կտակարանների թեմաներով տեսարաններ են⁹⁷: Եկեղեցու արևմտյան պատին՝ երկու շարքով ներկայացված է 16 դրվագ Գրիգոր Լուսավորչի տանջանքների և քարոզչական գործունեության պատկերներով, ինչպես նաև երկու տեսարան՝ Ս. Հռիփսիմի և Նրա ընկերուհիների կյանքից⁹⁸: Որոշ պատկերներում տեղ է գտել նաև հայոց առաջին քրիստոնյա թագավոր Տրդատը: Եկեղեցու հյուսիսային պատին պատկերված է Ս. Գրիգոր Լուսավորչի տեսիլքը. այն Հայաստանում քրիստոնեության տարածման առաջիմ հայտնի հնագույն գեղանկարչական մեկնաբանությունն է: Որմանակարի պատվիրատուն և ստեղծողները նպատակ են ունեցել փառաբանել Հայաստանում քրիստոնեության հաստա-

⁹⁴ Ստ. Մնացականյան, Նիկողայոս Մառը և հայկական ճարտարապետությունը, Երևան, 1969, էջ 150:

⁹⁵ Թ. Թորամանյան, Նյութեր հայկական ճարտարապետության պատմության, հ. Ա, Երևան, 1942, էջ 166:

⁹⁶ Ս. Մուրադյան, Строительство и конфессия церкви Тиграна Оненца по памятникам эпиграфики, «Պատմաբանասիրական հանդես», 1985, թ. 4, էջ 174-190: Ի դեպ, Ա. Կակրավինի կարծիքով, գավիթը նկարագարովել է մինչև մոնղոլական արշավանքը՝ 1236 թ. (տե՛ս Ա. Կակովին, О датировке росписей часовни, притвора и церкви Св. Григория в Ани, IV Международный симпозиум по армянскому искусству, тезисы докладов, Ереван, 1985, էջ 137-139):

⁹⁷ Ա. Կակովին, Роспись церкви Григория Тиграна Оненца в Ани, «Բանբեր Երևանի համալսարանի», 1983, թ. 2, էջ 107-109:

⁹⁸ Երկու հատվածների ընդօրինակություններ ցուցադրվում են ՀԱՊ-ում, ևս երկուսը, այդ թվում՝ «Տրդատի երթը»՝ ՀՊԹ-ում:

տումը և մեր պատմության այդ դրվագը ներկայացնել որպես մի կարևոր իրադարձություն համաքրիստոնեական պատմության մեջ:

Անիի նկարագարող եկեղեցիներից միայն Ս. Գրիգոր Լուսավորչի որմնանկարներում են պատկերներն ուղեկցվում այլալեզու (վրացերեն և մասամբ հունարեն) բացատրություններով: Հայկական թեմաներով պատկերների մոտ եղած «վրացերեն մակագրությունները կատարված են ըստ Ս. Գրիգորի վարքի հայերեն խմբագրության բնագրական հատվածների ոչ հմուտ վրացերեն թարգմանության»⁹⁹: Պետք է կարծել, որ որմնանկարի ստեղծողները քաղկեդոնական դավանանք ընդունած անեցի հայերն են եղել, ընդ որում՝ այդ դավանանքը նրանց բնավ չի խանգարել, որպեսզի պատկերաշարում շեշտեն հայկական եկեղեցու երկնային ծագումը (Լուսավորչի տեսիլքը), նրա գերակայությունը եկեղեցական պատմության մեջ ընդհանրապես¹⁰⁰:

63. Անիի Ս. Փրկիչ եկեղեցի

Կառուցվել է 1035 թ.:

Որմնանկարները՝ XII-XIII դարեր:

Նկարագրություն - Ներկայացված են «Փրկիչը հրեշտակների հետ» (ավագ խորան), «Խորհրդավոր ընթրիքը», ավետարանիչների պատկերները և նկարչի՝ Սարգիս Փառշիկի ինքնանկարը: Տեղին է նկատում ակադ. Յ. Օրբելին, երբ նշում է, որ որմնանկարներն առանձնակի արժեք են ստանում նկարչի ինքնանկարի առկայության շնորհիվ¹⁰¹: Մատթեոս ավետարանչի պատկերի մոտ նկարված է ծնրադիր արվեստագետը և կից մակագրված է. «Սուրբ ավետարանիչ Քրիստոսի, բարեխաւսեա՛ առ Քրիստոս Սարգիս Փառշկանս»¹⁰²: Վերջինիս անունը վկայված է նաև Խծկոնքի Ս. Սարգիս եկեղեցու մոտ կանգնեցված խաչքարի 1216 թ. նվիրատվական վիմագրում¹⁰³:

⁹⁹ **Ս. Մուրադյան**, նշվ. աշխ., էջ 190:

¹⁰⁰ Առավել մանրամասն տե՛ս **2. Հակոբյան**, Հայ-քաղկեդոնական ավանդույթների արտացոլումը Անիի Ս. Գրիգոր (Տիգրան Հոնենց) եկեղեցու որմնանկարներում, «Հայկական որմնանկարչություն» գիտական հոդվածների և նյութերի ժողովածու, էջ 103-118 – Ա. Հ.:

¹⁰¹ **Ի. Օրբելի**, Краткий путеводитель по городу Ани, էջ 45:

¹⁰² Արձանագրությունն ավելի վաղ հիշատակել են Ն. Մառը, Թ. Թորամանյանը, Յ. Օրբելին, իսկ առավել հանգամանալից՝ բանասեր-վիմագրագետ Սուրեն Ավագյանը (տե՛ս **Ս. Ավագյան**, Վիմական արձանագրությունների բառաքնություն, Երևան, 1978, էջ 326):

¹⁰³ **Ս. Ավագյան**, նշվ. աշխ., էջ 328:

64. Անիի Աբուղամրենց Ս. Գրիգոր Լուսավորիչ եկեղեցի

Կառուցվել է X դարի երկրորդ կեսին:

Որմնանկարները՝ XIII դար:

Նկարագրություն - Ավագ խորանում նշմարվում է հրեշտակներով շրջապատված Քրիստոսի պատկերը:

65. Անիի Խաչուտի կամ Բախտաղեկի Ս. Գրիգոր եկեղեցի

Կառուցվել է XII-XIII դդ.:

Որմնանկարները՝ XIII դար:

Նկարագրություն - Իր շքեղ քանդակազարդմամբ հայտնի այս եկեղեցին հիմնահատակ ավերված է եղել և նրա որմնանկարների հատվածներն ի հայտ են եկել միայն պեղումներից հետո: Գտնվել է Քրիստոսի դիմապատկերը՝ խաչազարդ լուսապսակով, Տիրամոր դիմանկարը (ընդգծված ազգային դիմագծերով), Գրիգոր Լուսավորչի, Գրիգոր Նյուսացու պատկերները, որոնք ուղեկցվում են հայերեն գրություններով¹⁰⁴: Որմնանկարազարդ բեկորները հավաքված են եղել Անիի թանգարանում, որի նյութերը թուրքերի ներխուժումից հետո (1920 թ.) ցիրուցան են արվել: Որմնանկարի երկու հատված այժմ պահվում է Էրմիտաժում¹⁰⁵:

66. Անիի Պարոնի պալատ

Կառուցվել է XIII դարում:

Որմնանկարները՝ XIII դար:

Նկարագրություն - Հայտնաբերվել են հիմնաներկի մնացորդներ:

67. Սեդվու վանքի աշտարակ

Կառուցվել է XIII դարում:

Որմնանկարները՝ [Ժամանակը չի նշում]:

Նկարագրություն - Սեդվու վանքը գտնվում է ՀՀ Լոռու մարզի Կաճակուտ գյուղից 3 կմ հարավ՝ Սեդվու ձորում: Վանական համալիրից պահպանվել են Ս. Նշան եկեղեցին (XIII դար)՝ կից մատուռով, որոշ օժանդակ շինություններ և պարսպապատերի մնացորդներ: Վանքից մոտ կես կմ հեռավորությամբ գտնվող «Ղուլի Ղաշ» կոչվող վայրում եղել է Սեդվու ամրոցը (Սեդվա դալա), որից գրեթե ոչինչ չի պահպանվել: Համեմատաբար լավ վիճակում է եռահարկ աշտարակածև կառույցը,

¹⁰⁴ **Н. Мэпп**, Ани. Книжная история города и раскопки на месте городища, табл. XVI. **Իմմտ. Թ. Թորամանյան**, նշվ. աշխ., էջ 166:

¹⁰⁵ Путеводитель по залам Государственного Эрмитажа, Л., 1963, էջ 120:

որի երեք հարկերում էլ եղել են քառակուսի հատակագծով սենյակներ, որոնք ունեցել են դրսից բացվող մուտքեր: Հենց այդ աշտարակի ներսում էլ պահպանվել են որմնանկարների որոշ մնացորդներ (երևում է սրբի որմնանկարի վերին մասը), որոնք ոչնչացման եզրին են, ինչպես և ամբողջ աշտարակը:

68. Եղիպատրուշի Կաթողիկե Ս. Աստվածածին եկեղեցի

Կառուցվել է XIII դարի սկզբին:

Որմնանկարները թվագրելի են նշված ժամանակաշրջանով:

Նկարագրություն - Եկեղեցու հարավային պատին՝ լուսամուտի վերին մասում երևում են իրար նայող երկու կերպար, որոնցից աջակողմյանը կարծես հրեշտակ է: Կարեն Մաթևոսյանի կարծիքով, «հնարավոր է, որ սա Ծնունդը (կամ Ավետումը) ներկայացնող հորինվածքի հատված է»¹⁰⁶:

69. Արջոռառիճի վանքի Ս. Աստվածածին եկեղեցի

Կառուցվել է XIII դարի սկզբին:

Որմնանկարները թվագրելի են նշված ժամանակաշրջանով:

Նկարագրություն - Վանքի Ս. Աստվածածին եկեղեցու որմնանկարի մասին ուշագրավ է հնագետ Աշխարիբեկ Զալանթարի հաղորդած տեղեկությունը, ըստ որի՝ որմնանկարի մնացորդները պահպանված են եղել արևմտյան պատի հարավային անկյունին կից և պատկերել են «շատ աղոտ՝ երեք մարդու նկար ամբողջ հասակով կանգնած իրար կողքի իշխանական հագուստով. մեկի շորերը հասնում են մինչև ծնկները, երկարավիզ կոշիկներով, իսկ երկուսինը քիչ ավելի երկար են: Դրա ձախ կողմից սրբի նկար է նիմբով (լուսապսակով – Կ. Մ.), նայում է ներս, բայց ավելի ցածրից է նկարված (գոտկատեղի ուղղությամբ): Հետքեր կան նաև նույն անկյունին կպած հարավային պատի վրա, նաև ընկած կտորների վրա՝ ներկերի հետքեր»¹⁰⁷:

70. Գեղարդավանքի Ս. Աստվածածին ժայռափոր եկեղեցի

Կառուցվել է XIII դարում:

Որմնանկարները՝ [Ժամանակը չի նշում]:

¹⁰⁶ **Կ. Մաթևոսյան**, Նյութեր հայկական միջնադարյան որոշ որմնանկարների վերաբերյալ, «Հայկական որմնանկարչություն» գիտական հոդվածների և նյութերի ժողովածու, էջ 94:

¹⁰⁷ **Ա. Զալանթար**, Հայաստան. քարե դարից միջնադար, երկերի ժողովածու, Երևան, 2007, էջ 140. տե՛ս նաև **Կ. Մաթևոսյան**, նշվ. աշխ., էջ 96 – Ա. Հ.:

Նկարագրություն - Գեղարդավանքում (Այրիվանքում) 1258 թ. Նորոգված Ս. Աստվածածին ժայռափոր եկեղեցին որմանկարագրով է Պռոշ Պռոշյան իշխանի պատվերով: Հատվածաբար պահպանված այս որմանկարը մոտ մեկ դար առաջ ուսումնասիրած և լուսանկարած Գարեգին Հովսեփյանը գրում է. «Ափսիդի կեդրոնում տիրամայրն է, Յիսուս գրկին, մեղալիոնի մեջ, երկու կողմից մի մի հրեշտակ, գլուխները խոնարհած...: Իսկ առաստաղի վերայ կայ մի ուրիշ խմբանկար. կանգնած է մի քաղոր մի մարդ, Նորա ձախից կանացի մի ֆիգուր, աջից դարձյալ մի տղամարդ, հանդերձը կարճ՝ մինչ ծնկները, նեղ անդրավարտիկով եւ կօշիկներով...: Իշխանական հագուստներով այս խմբանկարը կարծում ենք Պռոշն է իւր կնոջ եւ աւագ որդու հետ»¹⁰⁸: Այժմ որմանկարից աննշան հետքեր են մնացել¹⁰⁹:

71. Բախչիսարայի ժայռափոր մատուռ

Կառուցման ժամանակն անհայտ է:

Որմանկարները թվագրելի են XIII դարով:

Նկարագրություն - Գտնվում է Ղրիմի թերակղզու Բախչիսարայ քաղաքի մերձակա Էսկի-քերմեն կոչվող վայրում¹¹⁰: Ներկայացնում է արևելյան կողմում ավագ խորանով և հյուսիսային ու հարավային խորշերով ժայռափոր շինություն: Հյուսիսային խորշում պատկերված են դեպի աջ շարժվող երեք սուրբ հեծյալներ՝ զինված նիզակներով և վահաններով: Աջակողմյան հեծյալի ետևում տեսնում ենք նաև ավելի փոքրամարմին կերպար, իսկ մեջտեղի հեծյալը նիզակով խոցում է ձիու ոտքերի տակ գալարվող վիշապին: Ենթադրաբար պատկերված են Ս. Սարգիսն ու որդի Սարտիրոսը, Ս. Գևորգը և Ս. Թեոդորոսը: Որմանկարի ստորին հատվածում հունարեն միատող արձանագրություն է, որից ներքև՝ լայն զիգզագաձև զարդագուտի¹¹¹:

¹⁰⁸ Գ. Հովսեփյան, Խաղբակեանք կամ Պռոշեանք Հայոց պատմութեան մեջ, Անթիլիաս, 1969, էջ 201 (պատկեր 31, էջ 52):

¹⁰⁹ Կ. Մաթևոսյան, Նյութեր հայկական միջնադարյան որոշ որմանկարների վերաբերյալ, «Հայկական որմանկարչություն» գիտական հոդվածների ժողովածու, էջ 93-94:

¹¹⁰ Ազգային-դավանաբանական պատկանելության առումով առկա է անորոշություն: Դեռևս հստակ չէ՝ որմանկարի ստեղծման ժամանակ մատուռը պատկանել է հայ-քաղկեդոնականների՞ն, թե՞ հունական համայնքին:

¹¹¹ Օ. Домбровский, Фрески средневекового Крыма, Киев, 1966, էջ 34-42. Յ. Корхмазян, Армянская миниатюра Крыма, Ереван, էջ 143-148. Տ. Մարգարյան, Ղրիմի հայկական որմանկարչությունը, «Հայկական որմանկարչություն» գիտական հոդվածների և նյութերի ժողովածու, էջ 177-183:

72. Արցախի Առաջածոր գյուղի եկեղեցի

Կառուցվել է 1249 թ.:

Որմնանկարները թվագրելի են XIII դարի երկրորդ կեսով:

Նկարագրություն - Եկեղեցու ավագ խորանի հյուսիսային և հարավային պատերին պատկերված են զույգ տաճարներ, մեկը՝ ուղղանկյուն, մյուսը՝ շրջանաձև հատակագծով¹¹²: Ուշագրավ է, որ Տեկորի որմնանկարում ևս եղել է զվարթնոցատիպ տաճարի պատկեր¹¹³: Սրբերի և ավետարանական տեսարանների փոխարեն եկեղեցական կառույցների պատկերումը խիստ ինքնատիպ երևույթ է:

73. Ախթալայի վանքի (Պղնձահանքի) Ս. Աստվածածին եկեղեցի

Կառուցվել է XIII դարում:

Որմնանկարները՝ 1205-1216 թթ.¹¹⁴:

Նկարագրություն - Եկեղեցին ամբողջովին նկարագրված է լավ պահպանված, երկշերտ որմնանկարներով: Ստորին, վաղ շերտը ոճական աղբյուրներ ունի XI դարի հայ մանրանկարչության Արշարունիքի դպրոցի ստեղծագործությունների հետ («Մողևու Ավետարան» և այլն): Առանձնապես տպավորիչ է Հաղորդության մեծադիր հորինվածքը: Որմնանկարն աչքի է ընկնում հագեցած կապույտ ֆոնով, կերպարների ու դիմապատկերների կատարման բարձր վարպետությամբ: Երկրորդ, մի փոքր ավելի ուշ ստեղծված որմնանկարչական շերտը կրում է բյուզանդական պատկերագրության որոշ ազդեցություն: Երկշերտ բարձրարվեստ որմնանկարները պատկերում են Հին և Նոր կտակարաններից առանձին դրվագներ, սրբապատկերներ, այդ թվում՝ Գրիգոր Լուսավորչի պատկերը: Խորանի գմբեթարդին Մարիամ Աստվածածինն է՝ գահին նստած, Մանուկ Հիսուսը գրկին (պահպանվել է որմնանկարի միայն մի մասը), նրանից ցած՝ Հաղորդության տեսարանն է: Հիսուս պատկերված է երկիցս՝ մերթ շրջված դեպի աջ և մերթ դեպի ձախ՝ առաքյալների հետ հացը կիսելիս: Պահպանվել են Պետրոս, Յովհաննես, Պողոս առաքյալների, Ղուկաս և Մատթեոս ավետարանիչների պատկերները:

¹¹² *Պ. Դյրնոբո*, *Очерки изобразительного искусства средневековой Армении*, էջ 153:

¹¹³ *Ստ. Մնացականյան*, *Նիկողայոս Մառը և հայկական ճարտարապետությունը*, էջ 150:

¹¹⁴ Հայաստանի պատմական հուշարձանները. Ախթալա, տեքստի հեղինակ՝ *Ա. Թադևոսյան*, Երևան, 2007, էջ 16 – Ա. Հ.:

Հաջորդ շարքում ողջ հասակով պատկերված են սուրբ հայրերի՝ Հռոմի Սեղբեստրոս պապի, Հակոբ Տյառնեղբոր, Հովհան Ոսկեբերանի, Բարսեղ Մեծի, Գրիգոր Լուսավորչի, Աթանաս Ալեքսանդրացու, Հռոմի Կլեմենտ (Կղեմես) պապի, Գրիգոր Սքանչելագործի, Կյուրեղ Ալեքսանդրացու, Գրիգոր Աստվածաբանի, Կիպրիանոս Կարթագենացու պատկերները: Արևմտյան պատի որմնանկարներում պատկերված է երկնային արքայությունը, իսկ հյուսիսային պատին՝ Հիսուսի չարչարանքները, Կալիստոս քահանայապետն ու հռոմեական կառավարիչ Պիղատոս Պոնտացին: Կամարները, միջնապատերն ու սյուները նույնպես պատկերազարդված են սուրբգրային թեմաներով և սրբերի դիմապատկերներով: Որմնանկարների մի մասը վերականգնվել է 1979 թ.: Ներկայացված են ավետարանական նկարաշարի տեսարաններ, եկեղեցու հայրերի (այդ թվում՝ Գրիգոր Լուսավորչի) և այլ սրբերի պատկերներ: «Ծնունդ» ծավալուն հորինվածքում նորածնին երկրպագելու եկած հովիվներն ու Նրանց հոտը ներկայացնող հատվածը, իր ազատ ու անկաշկանդ մեկնաբանությամբ, աշխարհիկ տեսարան է հիշեցնում: Նշելի են հատկապես սրինգ նվագող երիտասարդի, կաթ ուտող գառնուկի պատկերները: Կարելի է զուգահեռներ անցկացնել, հավանաբար, Անիի շրջանում ապրած XIII դարի մանրանկարիչ Աբասի «Ծնունդ» մանրանկարի և որմնանկարչական սույն հատվածի միջև¹¹⁵:

74. Քոբայրավանքի Կաթողիկե եկեղեցի և հյուսիսային մատուռ

Կառուցվել է XIII դարում:

Որմնանկարները՝ 1282 թ.:

Նկարագրություն - Քոբայրավանքի մեծ եկեղեցու որմնանկարները ստեղծվել են Չաքարյանների տոհմից սերող Գեորգիի պատվերով: Ավագ խորանի որմնանկարը եռաշարք է. վերևում Տիրամայրն է Մանկան հետ, միջնամասում՝ Հաղորդությունը, ներքևում՝ սրբապատկերներ: Համեմատաբար լավ է պահպանված զարդագոտիով շրջանակված Հաղորդության կոթողային հորինվածքը: Թերևս փոքր-ինչ ավելի վաղ են ստեղծվել եկեղեցու ավանդատան որմնանկարները (պատվիրատուն,

¹¹⁵ Գ. Հովսեփյան, Մի ձեռագիր Ավետարան, «Նյութեր և ուսումնասիրություններ հայ արվեստի պատմության», հ. Բ, Երևան, 1987, էջ 108-115. տե՛ս նաև **A. Lidov**, The mural Paintings of Akhtala, Moscow, 1991:

ենթադրաբար, Գեորգիի հայր Շահնշահն է եղել¹¹⁶: Ավանդատան հյուսիսային և արևմտյան պատերին պահպանվել են պատվիրատուների հատվածական դիմանկարները: Հնարավոր է տարբերակել աշխարհականի հագուստով չորս տղամարդու, մեկ կնոջ և երկու պատանիների պատկերները:

Ինչպես նշում է արվեստաբան Իրինա Դրամբյանը, Զոբայրի որմնանկարն ունի «տեղական մի շարք առանձնահատկություններ, որոնց ակունքները սկիզբ են առնում հայ մոնումենտալ գեղանկարչության առավել վաղ շրջանում, VII դարից սկսած»¹¹⁷:

75. Դադիվանքի Ս. Աստվածածին Կաթողիկե եկեղեցի

Կառուցվել է 1214 թ.:

Որմնանկարները՝ 1297 թ.:

Նկարագրություն - Եկեղեցու հյուսիսային պատին պատկերված է Ստեփանոս Նախավկայի քարկոծումը, հարավային կողմում Նիկողայոս Հրաշագործի տվչության պատկերն է՝ Զրիստոսի, Աստվածամոր և Միքայել հրեշտակապետի կերպարներով¹¹⁸ (տե՛ս ներդիր, նկ. 10):

Կարծիք կա, թե եկեղեցու հարավային պատին Զրիստոսն Ավետարան է մեկնում Դավիթ Սքանչելագործին, իսկ Աստվածածինը՝ խաչագարդ ուրար: Կիրակոս Գանձակեցու հաղորդմամբ՝ Դավիթ Ծարեցին՝ Սքանչելագործը, իր գործունեությունը ծավալել է Հանդաբերդ ամրոցին մերձակա Ծար ավանում. «Գիւղ մի է ի սահմանս Գեղարքունւոյ ծովուն, ի կողմ Խաչենոյ, հուպ ի բերդն Հանդաբերդ, ուր ջերմուկն է՝ Ծար անուն»¹¹⁹: Պատմիչը վկայում է, որ Դավիթ Ծարեցին սկսել է քարոզել, քանզի Զրիստոս երևացել է նրան ու ասել. «Դարձո՛ւ զաշխարհս եւ բժշկութիւնս կատարեա՛»¹²⁰: Սրանից հետո շատերն են նրանից բժշկվել ու կոչել Դավիթ Միայնակյաց և Սքանչելագործ: Արցախի պատմա-ճարտարապետական հուշարձաններն ուսումնասիրած Շահեն Մկրտչյանի կարծիքով, որմնանկարների գոյությունը վկայում է այն, որ «միջնադարյան Արցախում ստեղծագործել են հրաշալի վարպետներ: Եվ որ

¹¹⁶ **И. Драмбян**, Фрески Кобайра, Ереван, 1979, էջ 12-13, 18:

¹¹⁷ Նույն տեղում, էջ 19:

¹¹⁸ **Л. Дурново**, Очерки изобразительного искусства средневековой Армении, էջ 154:

¹¹⁹ **Կիրակոս Գանձակեցի**, Պատմություն Հայոց, աշխատասիրությամբ՝ **Կ. Մելիք-Օհանջանյանի**, Երևան, 1961, էջ 322:

¹²⁰ Նույն տեղում, էջ 323:

Նրանք ոչ միայն գերազանց տիրապետել են պատերը նկարազարդելու տեխնիկային, այլև գունավոր նկարներով ձեռագրեր պատկերազարդելու արվեստին»¹²¹:

Կիրակոս Գանձակեցին վկայում է, որ եկեղեցու հարավային պատի բարձրարժեք որմնանկարի հեղինակը հենց Արզուխաթունն է, որը «բազում ինչ օժանդակ եղև, արար և վարագոյր գեղեցիկ՝ դստերօք իւրովք՝ ծածկոյթ սուրբ խորանին, զարմանալի տեսողաց, ի մագոյ այծից կակղագունաց՝ ներկեալ պեսպես և զանազան, գործ քանդակակերպ և նկարեալ պատկերօք, ճշգրտագոյն հանուածովք՝ տնօրինականօք փրկչին և այլ սրբոց, որ հիացուցանէր զտեսողսն»¹²²: Մատենագրությունից հայտնի է, որ Արզուխաթունն իր դուստրերի հետ վարագույրներ է գործել Նոր Գետիկի, Հաղբատի, Մակարավանքի, Դադիվանքի եկեղեցիների համար:

76. Վաճառի Ս. Ստեփանոս վանքի գլխավոր եկեղեցի և մատուռ

Կառուցվել է XIII դարի առաջին կես:

Որմնանկարները՝ XIII դարի կեսեր:

Նկարագրություն - Ս. Ստեփանոս եկեղեցու բեմառեջքին և մուտքի բարավորի վրա պահպանվել են բուսաերկրաչափական մոտիվներով որմնանկարների մնացորդներ և արձանագրության հետքեր: 2017 թ. ամռանը վանքում իրականացված հնագիտական պեղումների արդյունքները պարզեցին (ղեկ.՝ Հ. Պետրոսյան), որ համալիրի՝ քառակուսի հատակագծով երկխորան մատուռի հարավային խորանի հատակին դեռևս նշմարվել են կարմրավուն որմնանկարի հետքերով պատի սալերի բեկորներ¹²³:

77. Առաքելոց վանք (Տավուշի մարզ)

Կառուցվել է XIII դարում:

Որմնանկարները՝ XIII դարի երկրորդ կես - XIV դարի առաջին կես:

Նկարագրություն - Մարդկային երկու խոշոր կերպարների հարևանությամբ պատկերված է գեղեցիկ, ճերմակ նժույգ հեծած Ս. Սարգիսը

¹²¹ Ը. Մկրտչյան, Լեռնային Դարաբաղի պատմաճարտարապետական հուշարձանները, Երևան, 1985, էջ 42:

¹²² Կիրակոս Գանձակեցի, էջ 215:

¹²³ Հ. Պետրոսյան, Վաճառի Ս. Ստեփանոս վանքի հնագիտական հետազոտության հիմնական արդյունքները և նորահայտ արձանագրությունները, «Սեդրակ Բարխուդարյան - 120» գիտական հոդվածների ժողովածու (խմբ.՝ Գ. Սարգսյան, Ա. Հարությունյան), Երևան, 2019, էջ 16, ծնթ. 19:

(ծիու գավակին նրա որդի Մարտիրոսն է): Հեծյալի դիմաց՝ պատկերի ստորին աջ մասում, նկարված է մեկ այլ, համեմատաբար փոքր մարդկային կերպար՝ ձեռքին շղթա: Հավանորեն ներկայացված է մի դրվագ Ս. Սարգսի վարքից: Հատկապես ուշագրավ է հեծյալի պատկերը, որի օղագրահին ամբողջովին կազմված է եղել արծաթե փոքր թերթիկներից:

78. Ֆամագուստայի (Հյուսիսային Կիպրոս) Ս. Աստվածածին եկեղեցի

Կառուցվել է XIII դարում:

Որմնանկարները՝ XIV դարի սկիզբ:

Նկարագրություն - Գմբեթադրոհի պահպանվել է մի կնոջ կերպար, որի բարձրաշխարհիկ հագուստն ու պատկերագրությունը թույլ են տվել արվեստաբան Գ. Գրիգորյանին կարծել, որ նա առնվազն որմնանկարների պատվիրատուներից է: Կինը պատկերված է ծնրադիր՝ մի սրբի առջև. վերջինս, հավանաբար, Տիրամայրն է: Եկեղեցու հյուսիսային պատին պատկերված են Զրիստոսի կյանքին առնչվող տեսարաններ, իսկ նույն պատի կամարակապ որմնախորշը հարդարված է Զրիստոսի մերկ կիսամարմինը ներկայացնող պատկերով: Որմնանկարների շարքում նշելի են նաև հեծյալ Ս. Թեոդորոսի, Ս. Հեղինե թագուհու, Ս. Պարասկևի, Ս. Հովհաննես Մկրտչի որմնանկարները, ինչպես նաև «Տիրամոր նինջը» տեսարանը և երբեմնի գոյություն ունեցած Զրիստոս Ամենակալ պատկերը¹²⁴:

79. Ուշիի Ս. Սարգիս վանքի գլխավոր եկեղեցի

Կառուցվել է XIII դարասկզբին:

Որմնանկարները՝ XIV դարի սկիզբ:

Նկարագրություն - Հնագետ Ֆրինա Բաբայանի կողմից վանական համալիրում՝ 1999-2001 թթ. իրականացված պեղումների արդյունքներն ամփոփող աշխատության մեջ նշվում է, որ գլխավոր եկեղեցու ավագ խորանը որմնանկարազարդ է եղել¹²⁵:

80. Սամսոնավանք (Տավուշի մարզ)

Կառուցվել է XIII դարում:

Որմնանկարները՝ [Ժամանակը չի նշում]:

¹²⁴ Գ. Գրիգորյան, Ֆամագուստայի հայկական եկեղեցու որմնանկարները, «Հայկական որմնանկարչություն» գիտական հոդվածների և նյութերի ժողովածու, էջ 287-288 – Ա. Հ.:

¹²⁵ Ֆ. Բաբայան, Ուշիի Ս. Սարգիս վանքը, Երևան, 2005, էջ 8 – Ա. Հ.:

Նկարագրություն - Վանքի երկու եկեղեցիներն էլ որմնանկարազարդված են եղել: Մեծ (գմբեթավոր) եկեղեցում այժմ էլ պահպանվել են կրոնական բովանդակությամբ որմնանկարների մնացորդներ: Փոքր եկեղեցին, որի միայն արևելյան հատվածն ու պատերի ստորին շարքերն են պահպանվել, ունեցել է որմնանկարներով զարդարված թաղակապ ծածկ:

81. Կաֆայի Ս. Սարգիս եկեղեցի

Կառուցվել է X-XIV դդ.:

Որմնանկարները՝ ունի ժամանակագրորեն տարբեր 5 շերտ (XI-XIX դդ.):

Նկարագրություն - Եկեղեցին գտնվում է Ղրիմի թերակղզու Կաֆա (Թեոդոսիա) քաղաքի հարավային հատվածում՝ «Մորսադ» այգու հարևանությամբ: Ըստ ճարտարապետական հորինվածքի՝ միանավ դահլիճ է՝ արևելյան երեք խորաններով և երկթեք տանիքով:

I շերտի որմնանկարներ՝ ենթադրաբար XI դար. խիստ հարցական, զարդանախշեր (բացվել է 2016-2017 թթ.),

II շերտի որմնանկարներ՝ ենթադրաբար XIV-XV դդ., «Բարեխոսություն» (ավագ խորանի գմբեթարդ, չի պահպանվել), ավետարանիչների չորս պատկերներ՝ վարդյակների մեջ, կենտրոնում՝ Բեթղեհեմի աստղը (ավետարանիչների պատկերները բացվել են 1965-1966 թթ.),

III շերտի որմնանկարներ՝ ենթադրաբար XVI դար, սև, կանաչ, կարմրադեղնավուն զարդանախշեր (ավագ խորանի կամար, թաղակիր կամարներ, պատուհանների շրջագծեր), այս շերտի որոշ մասեր բացվեցին նաև 2016-2017 թթ. ավագ խորանի գմբեթարդի ստորին քիվին և հարավային պատուհաններին կից,

IV շերտի որմնանկարներ՝ ենթադրաբար XVIII դար, ոսկեգույնի և երկնագույնի երանգների բուսական զարդանախշեր (թաղեր և թաղակիր կամարներ),

V շերտի որմնանկարներ՝ 1888 թ., կապտականաչավուն յուղաներկի շերտ, որի վրա փակցված են գիպսե աստղիկներ¹²⁶:

82. Կաֆայի Ս. Հովհաննես Մկրտիչ եկեղեցի

Կառուցվել է 1348 թ.:

Որմնանկարները՝ XIV դարի երկրորդ կես:

¹²⁶ **Տ. Սարգսյան**, Ղրիմի հայկական որմնանկարչությունը, «Հայկական որմնանկարչություն» գիտական հոդվածների և նյութերի ժողովածու, էջ 161-166:

Նկարագրություն - Եկեղեցին գտնվում է Ղրիմի թերակղզու Կաֆա (Թեոդոսիա) քաղաքի հարավային հատվածում՝ «Կարանտին» կոչվող արգելոցում: Ըստ ճարտարապետական հորինվածքի՝ փոքրիկ գմբեթավոր կառույց է՝ ութանիստ թմբուկով և արևմտյան մուտքով: Ներկայումս օգտագործվում է ռուս-ուկրաինա համայնքի կողմից:

Որմնանկարները հայտնաբերվել են 1930-ական թթ. Իգոր Գրաբարի և Լիդիա Դուռնովոյի կողմից: Դրանք չեն պահպանվել: Նշմարվել են երեք կանգնած կերպարների զգեստների ծալքերը¹²⁷:

ՈՒՇ ՄԻՋՆԱԴԱՐ

83. Կաֆայի Ս. Հրեշտակապետաց եկեղեցի

Կառուցվել է 1408 թ.:

Որմնանկարները՝ XV դարասկիզբ, XVII-XVIII դդ.:

Նկարագրություն - Եկեղեցին գտնվում է Ղրիմի թերակղզու Կաֆա (Թեոդոսիա) քաղաքի հարավային հատվածում: Ըստ ճարտարապետական հորինվածքի՝ միանավ բազիլիկ է՝ արևելյան երեք խորաններով, նրանց հարող տրանսեպտով, վերջինիս միջնամասում վեր հառնող փոքրիկ գմբեթով, հարավային պատին կից ավանդատնով և արևմտյան պատի չորս մուտքերով:

Հին շերտի որմնանկարներ. հեղինակն անհայտ: 1970-ական թթ. վերանորոգման ժամանակ ծածկվել են սպիտակ ներկով: Գաբրիել և Միքայել հրեշտակապետների պատկերներ՝ առնված օվալաձև վարդյակների մեջ (ավագ խորանի ելուստներ):

Նոր շերտի որմնանկարներ. հեղինակն անհայտ: 1970-ական թթ. վերանորոգման ժամանակ ծածկվել են սպիտակ ներկով: Հրեշտակներ և ժապավեններով պարուրված ծաղկաշղթաներ (կողային խորանների գմբեթարդներ)¹²⁸:

84. Ռումինիայի Սուչավա քաղաքի Չամկա հայոց վանքի Ս. Օգսենտ եկեղեցի և գանգակատան երկրորդ հարկ (Ս. Գրիգոր Լուսավորչի մատուռ)

Կառուցվել է՝ XV դար:

Որմնանկարները՝ XV-XVII դարեր:

¹²⁷ Տ. Սարգսյան, նշվ. աշխ., էջ 174:

¹²⁸ Նույն տեղում, էջ 174, ծնթ. 83:

Նկարագրություն - Ս. Օգսենտ եկեղեցին հարդարված է թեմատիկ տերունական և Աստվածամորը նվիրված պատկերներով, իսկ հեծյալ երեք մոզերին ներկայացնող տեսարանի վերին մասում հայերեն ներկագիր արձանագրություններ կան. «Հրեշտակ», «Մելքոն, Գասպար, Բաղդասար»: Չանգակատան երկրորդ հարկում, որտեղ Ս. Գրիգոր Լուսավորչի անվանակիր մատուռն է, պահպանվել է «Աստվածամոր նինջը» տեսարանը¹²⁹:

85. Կիևի Ս. Սոփիա տաճար

Կառուցվել է՝ XI դար:

Հայկական որմնանկարները՝ XVI-XVII դդ.:

Նկարագրություն - Կիևի Ս. Սոփիա տաճարի Ս. Անտոնիոս և Ս. Թեոդոս սրբերի անվանակիր հարավային խորանը տեղի իշխաններն ու մետրոպոլիտը թույլատրել են տրամադրել եկվոր հայերին՝ հայկական ծիսակարգով պատարագ մատուցելու համար: Այս խորանում են եղել Ս. Գրիգոր Լուսավորչի և Ս. Հռիփսիմեի որմնանկարները, որոնց տակ փաստագրվել են հայերեն արձանագրություններ¹³⁰:

86. Կաֆայի Ս. Ստեփանոս եկեղեցի

Կառուցվել է XV դարի առաջին կեսին:

Որմնանկարները՝ XVI-XVII դդ.:

Նկարագրություն - Եկեղեցին գտնվում է Ղրիմի թերակղզու Կաֆա (Թեոդոսիա) քաղաքի հարավային հատվածում՝ «Կարանտին» կոչվող արգելոցում: Կառույցը միանավ դահլիճ է՝ արևմտյան մուտքով և երկթեք տանիքով:

Հին շերտի (հայկական շրջան) որմնանկարների հեղինակն անհայտ է¹³¹: Պատկերված են՝ «Բարեխոսություն» (խորանի գմբեթարդ, կրկնօրի-

¹²⁹ **Տ. Հեթում քին. Թարվերդյան**, Ռումինիայի Չամկա և Հաճկատար որմնանկարագրող հայոց վանքերը, «Հայկական որմնանկարչություն» գիտական հոդվածների և նյութերի ժողովածու, էջ 284 – Ա. Հ.:

¹³⁰ Դիվան հայ վիմագրության, պրակ VII, Ուկրաինա, Մոլդովա, կազմեց՝ **Գր. Գրիգորյան**, Երևան, 1996, էջ 152:

¹³¹ XVIII դարում եկեղեցին «փոխանցվել» է հունական համայնքին: Ենթադրաբար նույն դարում էլ ստեղծվել են նոր շերտի հունական որմնանկարները՝ «Աստվածամոր Ս. Նշանը» (խորանի լուսամուտի վերին հատված, կից՝ հունարեն գրություն), «Հաղորդությունը» (խորանի ստորին հատված) և մարգարեների եղծված պատկերներ (խորանից աջ և ձախ, ըստ նրանցից մեկի հունարեն կցագրի՝ Ամբակում մարգարեն է): 1998 թ. եկեղեցին հանձնվել է ռուս-ուկրաինա համայնքին:

նակը գտնվում է ՀԱՊ-ում), «Ահեղ դատաստան» (արևմտյան պատ, պահպանվել է Զրիստոսի գահի ստորին մասը, վեցաթև քերովբեի ուրվագծերը և մի քանի կերպարների մնացորդներ)¹³²:

87. Կաֆայի Ս. Թորոս եկեղեցի

Կառուցման ժամանակը՝ անհայտ:

Որմնանկարները՝ 1620 թ.:

Նկարագրություն - Որմնանկարները չեն պահպանվել, հեղինակն անհայտ է: Ըստ Խաչատուր Կաֆայեցու՝ ավագ խորանում պատկերված է եղել Տիրամայրը Մանկան հետ հորինվածքը: Եկեղեցում ներկայացված է եղել նաև Ս. Աստվածածնի մեկ այլ պատկեր, ինչպես նաև Ս. Գրիգոր Լուսավորիչը, Ս. Սարգիսն ու որդի Մարտիրոսը, Ս. Մինաս սքանչելագործը¹³³:

88. Կաֆայի Ս. Հովհաննես ավետարանչի եկեղեցի

Կառուցվել է՝ [չի նշում]:

Որմնանկարները՝ XVII-XVIII դարեր:

Նկարագրություն - Եկեղեցին գտնվում է Կաֆա (Թեոդոսիա) քաղաքի հարավային հատվածում, «Կարանտին» կոչվող արգելոցում: Քաղաքի 1784 թ. հատակագծում կառույցը ներկայացված է որպես «հայկական եկեղեցի որմնանկարներով»: Հետագայում որմնանկարները ծածկվել են սպիտակ ներկի շերտով. այդպես էլ մնում են մինչ օրս: Բովանդակության, ինչպես նաև ներկի տակ առկա նրանց վիճակի մասին տեղեկություններ չկան¹³⁴:

89. Սուդակի «Տասներկու առաքյալների եկեղեցի»

Կառուցման ժամանակն անհայտ է:

Որմնանկարները՝ XVII-XVIII դարեր:

Նկարագրություն - Գտնվում է Ղրիմի թերակղզու Սուդակ քաղաքի Աստագուների միջնադարյան աշտարակի մոտ: Որմնանկարները չեն պահպանվել: Պատկերված են եղել Զրիստոսի տասներկու առաքյալները¹³⁵:

¹³² **Տ. Սարգսյան**, Ղրիմի հայկական որմնանկարչությունը, էջ 183-190:

¹³³ **Խաչատուր Կաֆայեցու** տարեգրությունը, «Մանր ժամանակագրություններ. XIII-XVIII դդ.», Կ. Ա., կազմեց՝ **Վ. Հակոբյան**, Երևան, 1951, էջ 209, հմմտ.՝ **Տ. Սարգսյան**, նշվ. աշխ., էջ 173-174:

¹³⁴ **Տ. Սարգսյան**, նշվ. աշխ., էջ 174-175:

¹³⁵ Նույն տեղում, էջ 176-177:

90. Լվովի Ս. Աստվածածնի Վերափոխման եկեղեցի¹³⁶

Կառուցվել է՝ 1360-ական թթ. (Ա. Յ.):

Որմանակարները՝ Հին շերտի որմանակարները՝ ենթադրաբար XVI դ. վերջ - XVII դ. սկիզբ, հեղինակն անհայտ¹³⁷:

Նկարագրություն - Որմանակարները հայտնաբերվել են 1920-ական թթ. եկեղեցու վերականգնման ժամանակ: Այս շերտից պահպանվել են հյուսիսարևելյան որմամույթի և հարավային պատուհանի խոռոչում: Պատուհանի խոռոչի որմանակարները ներկայացնում են «Քրիստոս Ամենակալ» հորինվածքը (մեդալիոնի մեջ), Հակոբոս առաքյալին, Հովհաննես ավետարանչին Պրոխորոնի հետ և մի ծնրադիր աղոթող աշխարհականի, որը կամ որմանակարների հեղինակն է, կամ՝ կտիտորը:

Նոր շերտի որմանակարները (մոդեռն ոճով) արվել են 1925-1927 թթ., Յան Հենրիկ Ռոզենի կողմից:

91. Տրապիզոնի Ս. Ամենափրկիչ վանք

Կառուցվել է՝ 1420-ական թթ. (Ա. Յ.):

Որմանակարները՝ 1593-1622 թթ., հեղինակն անհայտ:

¹³⁶ Այստեղից սկսած հեղինակը ներկայացրել է XVII-XX դդ. 123 միավոր հուշարձանի տվյալների գրանցման միայն կաղապարային մասը: Դա պայմանավորում ենք նրանով, որ հիշյալ շրջանի հուշարձաններից 110-ը Ավետիս Ավետիսյանն ավելի վաղ հրատարակել էր «Հայկական որմանակարչություն» գիտական հոդվածների և նյութերի ժողովածուում (Էջ 259-278), ուստի այստեղ չի կրկնել արդեն հրատարակածը, կամ էլ դրանք Նշել է հետագայում լրացնելու և ամբողջական հրատարակելու պայմանով: Մենք նպատակահարմար գտանք, նյութը լիարժեք դարձնելու համար, այստեղ վերահրատարակել նշված 110 միավոր-նկարագրությունը՝ իր կողմից հետագայում հավելված ևս 2 միավորի հետ միասին (ընդհանուրը՝ 112): Նշելի է այն, որ հեղինակն այս շրջափուլի հուշարձանների դեպքում չի հատկանշում դրանց կառուցման ժամանակը: Ասենք նաև, որ բացի հրատարակված միավորներից, հեղինակը ծրագրած է եղել հետագայում ընդգրկել ևս 14 միավոր նյութ՝ Ղրիմի եկեղեցիներից, Սուլավայի վանքից, Սիմֆերոպոլից, Հնչեշտից, նաև՝ Հովհաննավանքից և այլն - Ա. Յ.:

¹³⁷ Ջ. Գալստյանը, իդում անելով հայագետ Տադեոշ Մանկովսկու ուսումնասիրություններին, որմանակարները թվագրում է XVI դ. II քառորդով (**Ջ. Գալստյան**, Տադեոշ Մանկովսկին միջնադարյան Լեհաստանի հայկական արվեստի հետազոտող, «Լրաբեր» հաս. գիտ., 1966, թ. 3, էջ 78), Ս. Ղազարյանը՝ XVI դ. վերջ կամ XVII դ. սկիզբ (**Ս. Ղազարյան**, Հայ կերպարվեստը XVII-XVIII դարերում, Երևան, 1974, էջ 103-104), Յ. Վոլանսկան՝ XV-XVI դդ. (**P. Baranowski, Ż. Komar, J. Purchla, M. Wiśniewski, J. Wolańska**, Katedra ormiańska we Lwowie i jej twórcy, Kraków, 2015, s. 265): Ըստ Գրիգորի Լոզվինի՝ հարկ է պարզել, թե 1527 թ. հորհեից հետո որմանակարները նկարվել, թե վերանկարվել են, քանզի երկրորդ դեպքում գործ ունենք XIV-XV դդ. որմանակարչական բացառիկ նմուշների հետ (**Գ. Лозвин**, Украина-Армянские средневековые художественные связи, Հայ արվեստին նվիրված միջազգային երկրորդ սիմպոզիում. զեկուցումների ժողովածու, հ. III, Երևան, 1978, էջ 315):

Նկարագրություն - Ներկայումս պահպանվել են միայն գլխավոր եկեղեցու որմնանկարները: Որմնանկարված է եղել նաև գավիթը (այժմ՝ քանդված) և Ս. Հովհաննես մատուռը (որմնանկարներն ամբողջովին ոչնչացված են): Ներկայացնում են հիմնականում նորկտակարանային տեսարաններ, նաև սրբերի դիմանկարներ¹³⁸:

92. Վասպուրականի Վարագավանք

Որմնանկարները՝ XVII դ., հեղինակն անհայտ:

Նկարագրություն - Պահպանվել են միայն Ս. Գևորգ ժամատան որմնանկարները, որոնք հիմնականում ներկայացնում են ազգային սրբերի պատկերներ: Որմնանկարված է եղել նաև Ս. Նշան եկեղեցին, որն այժմ ավերված է¹³⁹:

93. Նոր Զուղայի Ս. Բեթղեհեմ եկեղեցի

Հին շերտի որմնանկարները՝ XVII դ., հիմնական մասի հեղինակն անհայտ է: Ավագ խորանի «Խաչելություն» տեսարանի հեղինակը նկարիչ Մինասն է:

Նկարագրություն - Ներկայացնում են աստվածաշնչյան թեմաներով տեսարաններ: Առաջին անգամ ականատես ենք լինում պատվիրատուի դիմանկարի պատկերմանն ավանդական նկարներում (խոջա Պետրոսը «Դրախտ» կոչվող տեսարանում)¹⁴⁰:

Նոր շերտի որմնանկարները՝ XVIII դ., հեղինակն անհայտ:

Ներկայացնում են աստվածաշնչյան թեմաներով տեսարաններ, որոնց մի մասը հին շերտի որմնանկարների վերականգնված օրինակներն են¹⁴¹:

94. Նոր Զուղայի խոջա Սաֆրազի ապարանք

Որմնանկարները՝ XVII դ. կես, չեն պահպանվել, հեղինակ՝ ենթադրաբար Մինաս:

¹³⁸ G. Millet, D. Talbot Rice, Byzantine Painting at Trebizond, London, 1936, pp. 138-143. **Յ. Քիլրոտեան**, Ակնարկ մը Տրապիզոնի հայ արուեստի յիշատակութեանց վրայ, «Հասկ», Անթիլիաս, 1961, թիւ 7-8, էջ 298-302, թիւ 9, էջ 347-350:

¹³⁹ **Հր. Հակոբյան**, Վարագի Սբ Գևորգ եկեղեցու ժամատան որմնանկարները, «Հուշարձան» տարեգիրք, Բ, Երևան, 1993, էջ 113-120. **Ա. Աղասյան**, **Հր. Հակոբյան**, **Մ. Հասրաթյան**, **Վ. Ղազարյան** (այսուհետ՝ Ա. Աղասյան և այլք), Հայ արվեստի պատմություն, Երևան, 2009, էջ 238:

¹⁴⁰ **Մ. Ղազարյան**, նշվ. աշխ., էջ 23-24, 28. **Լ. Մինասեան**, Նոր Զուղայի եկեղեցիները, Նոր Զուղա, 1992, էջ 28:

¹⁴¹ **Մ. Ղազարյան**, նշվ. աշխ., էջ 23:

Նկարագրություն - Բովանդակության մասին տեղեկություններ չեն պահպանվել¹⁴²:

95. Նոր Զուղայի խոջա Պետրոս Վելիջանյանի ապարանքի գավիթ և սրահներ

Հին շերտի որմնանկարները՝ XVII դ. կես, հեղինակ՝ ենթադրաբար Մինաս:

Նկարագրություն - Ներկայացնում են միաֆիգուր պատկերներ (իշխաններ և այլ անձինք), նաև կենցաղային տեսարաններ¹⁴³:

Նոր շերտի որմնանկարները՝ XVIII դ., հեղինակն անհայտ:

Նկարագրություն - Այս շերտին են պատկանում գավթի և սրահների եվրոպական և պարսկական տարազներով միաֆիգուր կերպարները¹⁴⁴:

96. Նոր Զուղայի խոջա Սուլթանի (հետագայում՝ խոջա Աղանուր Տեր-Բարսեղյանի) առանձնատուն

Հին շերտի որմնանկարները՝ XVII դ. կեսեր, հեղինակ՝ ենթադրաբար Մինաս:

Նկարագրություն - Որմնանկարները ներկայացնում են դիմանկարների շարք, որոնցից առավել հետաքրքիր են շահ Աբաս II-ի և խոջա Սուլթանի դիմանկարները¹⁴⁵:

Նոր շերտի որմնանկարները՝ XVIII դ. սկիզբ, հեղինակն անհայտ:

Այս շերտին են պատկանում Պետրոս I-ի, Իսրայել Օրու (այլ վարկածներով՝ պատկերված է Պֆալցի Կյուրֆուրստ Յոհան Վիլհելմը կամ Պետրոս I-ի մտերիմ Արտեմի Վոլինսկին) դիմանկարներն ու Նախաճաշի տեսարանը¹⁴⁶:

¹⁴² **C. Le Brun**, Voyages par la Moscovie, en Perse, et aux Indes Orientales, tom I, Amsterdam, 1718, p. 233 (նույն էջում հեղինակը թռուցիկ հիշատակում է նաև խոջա Հովհաննեսի, խոջա Մուրզայի և մի քանի այլ երևելի հայերի առանձնատների շքեղ ձևավորումների մասին, առանց նշելու դրանց բովանդակությունը). **Առաքել Դավրիժեցի**, Պատմութիւն, Վաղարշապատ, 1896, էջ 410-411. **Ա. Երեմեան**, Նորագիտ էջեր Նոր Զուղայի որմնանկարչությունից, «Անահիտ», Փարիզ, 1939, № 1-2, էջ 24-32. **Գ. Լևոնյան**, Հովհաննեսյան Նաղաշները հայ նկարչության պատմության մեջ, «Խորհրդային արվեստ», թ. 1, Երևան, 1938, էջ 52. **Ե. Մարտիրոսյան**, Հայկական կերպարվեստի պատմություն, XVII-XIX դդ., գիրք Ա, Երևան, 1971, էջ 13-14:

¹⁴³ **Ե. Մարտիրոսյան**, նշվ. աշխ., էջ 16-18. **Մ. Ղազարյան**, նշվ. աշխ., էջ 40-41. **Р. Драмбян**, «Из истории армянского искусства», Сборник статей, Ереван, 2016, էջ 111-112:

¹⁴⁴ **Մ. Ղազարյան**, նշվ. աշխ., էջ 40-41:

¹⁴⁵ **Ե. Մարտիրոսյան**, նշվ. աշխ., էջ 19-22. **Մ. Ղազարյան**, նշվ. աշխ., էջ 41-43:

¹⁴⁶ **Մ. Ղազարյան**, նշվ. աշխ., էջ 43-44. **Ա. Աղասյան և այլք**, նշվ. աշխ., էջ 242:

97. Էջմիածնի Մայր տաճարի արևմտյան զանգակատուն

Որմնանկարները՝ 1664 թ., հեղինակ՝ ենթադրաբար Չաքարե ոսկերիչ, Ստեփանոս Լեհացի կամ տեր Յոհան¹⁴⁷:

Նկարագրություն - Չանգակատան առաջին հարկում՝ ամբողջ հասակով պատկերված են Պողոս և Պետրոս առաքյալները, նաև վեցաթև սերովբեներ, ծաղկատերևային և այլ նախշազարդեր: Դրանց մի մասը նկարվել կամ վերանկարվել է XVIII դարում, Յովնաթանյան նկարիչների կողմից:

98. Նոր Զուղայի Ս. Ամենափրկիչ վանքի Ս. Յովսեփ Արիմաթացի եկեղեցի

Հին շերտի որմնանկարները՝ 1660-ական թթ., հեղինակներ՝ Յովհաննես Մրջուզ և ենթադրաբար՝ Մինաս¹⁴⁸:

Նկարագրություն - Այս շերտի որմնանկարները ներկայացնում են Զրիստոսի և Գրիգոր Լուսավորչի կյանքը պատկերող տեսարանների շարքը, նաև «Չննչող ակն» կոչվող խիստ հետաքրքիր հորինվածքը՝ Յովհաննես Մրջուզի ինքնանկարով¹⁴⁹:

1711 թ. շերտի որմնանկարներ, հեղինակն անհայտ:

Այս շերտին է պատկանում հարավային կամարի Յովհաննես Մկրտչի պատկերը և մի քանի այլ որմնանկարներ¹⁵⁰:

99. Նոր Զուղայի Ս. Հակոբ Բաղաթայի եկեղեցի

Որմնանկարները՝ 1660-ական թթ., այժմ՝ ոչնչացված, հեղինակ՝ Կարապետ:

Նկարագրություն - Որմնանկարները ներկայացնում են տեսարաններ Հին և Նոր կտակարաններից և հիշեցնում են Ս. Ամենափրկիչ վանքի՝ Յովհաննես Մրջուզի որմնանկարները¹⁵¹:

¹⁴⁷ Մ. Ղազարյան, նշվ. աշխ., էջ 145-147. Ա. Գևորգյան, Յովնաթանյան տոհմի Նորահայտ մանրանկարիչներ, «Պատմաբանասիրական հանդես», Երևան, 1982, թ. 2, էջ 78-79:

¹⁴⁸ Խաչատուր աբեղայ Զուղայեցի, Պատմություն Պարսից, Վաղարշապատ, 1905, էջ 210:

¹⁴⁹ Յարութիւն Թ. Տէր-Յովհաննէանց, Պատմութիւն Նոր Զուղայու որ յԱսպահան, հատոր երկրորդ, Նոր Զուղա, 1881, էջ 10-14. Գ. Լևոնյան, Յովնաթանյան նաղաշները..., թ. 1, էջ 53-54. Ե. Մարտիրոսյան, նշվ. աշխ., էջ 23-29. Լ. Միևասեան, Իրանի հայկական վանքերը, Թեհրան, 1971, էջ 50-52. Մ. Ղազարյան, նշվ. աշխ., էջ 32-34, 36-37. Լ. Միևասեան, Նոր Զուղայի եկեղեցիները, էջ 29. Ա. Աղասյան և այլք, նշվ. աշխ., էջ 241:

¹⁵⁰ Մ. Ղազարյան, նշվ. աշխ., էջ 45:

¹⁵¹ Նույն տեղում, էջ 38. տե՛ս նաև Լ. Միևասեան, Նոր Զուղայի եկեղեցիները, էջ 175:

100. Նոր Ջուղայի Ս. Մինաս եկեղեցի

Որմանակարները՝ XVII դ. երկրորդ կես, հեղինակն անհայտ:

Նկարագրություն - Որմանակարները նորկտակարանային թեմաներով են. առանձնանում է հատկապես «Ահեղ դատաստանը»¹⁵²:

101. Ագուլիսի Ս. Հովհաննես Սկրտիչ եկեղեցի

Որմանակարները՝ 1686 թ., այժմ՝ ոչնչացված, հեղինակ՝ ենթադրաբար Նաղաշ Հովնաթան¹⁵³:

Նկարագրություն - Բովանդակության մասին տեղեկություններ չեն պահպանվել:

102. Երևանի Ս. Պողոս-Պետրոս եկեղեցի

Երրորդ շերտի որմանակարները՝ ենթադրաբար 1680-1690-ական թթ., հեղինակ՝ ենթադրաբար Նաղաշ Հովնաթան¹⁵⁴:

Նկարագրություն - Ամենայն հավանականությամբ այս շերտին են արևելյան պատին նկարված Պետրոս և Պողոս առաքյալների որմանակարները¹⁵⁵:

Չորրորդ (վերին) շերտի որմանակարները՝ 1890-ական թթ., այժմ՝ ոչնչացված, հեղինակն անհայտ¹⁵⁶:

¹⁵² **Լ. Ավագյան**, Նոր Ջուղայի հայկական եկեղեցիները, «Էջմիածին», 2000, ԺԱ, էջ 98. **Լ. Մինասեան**, Նոր Ջուղայի եկեղեցիները, էջ 115-116. **Ա. Աղասյան և այլք**, նշվ. աշխ., էջ 240:

¹⁵³ **Չաքարիա Ագուլեցու** Որագրությունը, Յերեվան, 1938, էջ 65. **Ա. Ավագյան**, Նախիջևանի որմանակարական արվեստը, Երևան, 1998, էջ 31:

¹⁵⁴ Գ. Լևոնյանն ու Ե. Մարտիրոսյանը հավելած են որմանակարները թվագրել 1680-ական թթ. (**Գ. Լևոնյան**, Հովնաթանյան Նաղաշները..., թ. 2, էջ 25, **Ե. Մարտիրոսյան**, նշվ. աշխ., էջ 57-58), Ս. Ղազարյանը՝ 1690-ական թթ. (**Ս. Ղազարյան**, նշվ. աշխ., էջ 151-153): Տե՛ս նաև **Յ. Քիրտեան**, Նորագիտ հին որմանակարներ Երևանի սուրբ Պողոս-Պետրոս եկեղեցույն, «Անահիտ», Փարիզ, 1932/3, թիւ 3-6, էջ 56-63. **Ս. Նավասարդյան**, Երկու ճակատագիր. Սբ Պողոս-Պետրոս և Սբ Աստվածածին-Կաթողիկե եկեղեցիները, «Երևան-3» գիտաժողովի նյութեր, Երևան, 2012, էջ 93-108:

¹⁵⁵ Ըստ Կ. Ղաֆադարյանի, եկեղեցում եղել է որմանակարների վեց շերտ, որոնցից հնագույնը՝ VI-VII դդ., իսկ ամենավերին շերտը՝ XIX դ. (**Կ. Ղաֆադարյան**, Երևան. միջնադարյան հուշարձանները և վիմական արձանագրությունները (այսուհետ՝ Երևան), Երևան, 1975, էջ 30-32): Պետրոս առաքյալի որմանակարն այժմ վերականգնված վիճակում ցուցադրվում է ԵՊԹ-ում և ներկայացվում որպես XI-XIII դդ. ստեղծագործություն, թերևս Երվանդ Շահազիզի վկայաբերած Շ և Ձ տառերի պատճառով, որոնք նա թվական է համարում (**Ե. Շահազիզ**, Հին Երևանը, Երևան, 2003, էջ 218-219): Սակայն, ըստ Ղաֆադարյանի, այդ որմանակարներն արված են եղել յուզաներկով, ինչի կիրառումը բացառվում էր տվյալ դարերում (**Կ. Ղաֆադարյան**, Երևան, էջ 31):

¹⁵⁶ **Կ. Ղաֆադարյան**, Երևան, էջ 30-32. **Ս. Նավասարդյան**, Երկու ճակատագիր. Սբ Պողոս-Պետրոս և Սբ Աստվածածին-Կաթողիկե եկեղեցիները, էջ 93-108:

Այս շերտի որմնանկարներն արվել են պաստառի վրա, 1893 թ. վերանորոգումից հետո: Պատկերվել են սյուժետային տեսարաններ («Ս. Երրորդություն», «Բաղարջակերաց գիշերը», «Ս. Ծնունդ», «Ս. Մկրտություն», «Խաչելություն», «Հարություն», «Համբարձում», «Փրկչի գալուստը»), նաև Ս. Մարիամ Աստվածածնի պատկերը:

103. Երևանի Ս. Կաթողիկե եկեղեցի

Որմնանկարները՝ 1690-ական թթ., այժմ՝ ոչնչացված, հեղինակ՝ ենթադրաբար Նաղաշ Հովնաթան¹⁵⁷:

Նկարագրություն - Արևմտյան պատի վրա պատկերված են եղել Պողոս և Պետրոս առաքյալների, Ս. Սարգսի, Ս. Գևորգի, ինչպես նաև Հռիփսիմեի և Գայանեի որմնանկարները, որոնցից ոմանք վերանկարվել են 1819 թ.¹⁵⁸:

104. Երևանի Ս. Չորավոր եկեղեցի

Որմնանկարները՝ 1690-ական թթ., հեղինակ՝ ենթադրաբար Նաղաշ Հովնաթան¹⁵⁹:

Նկարագրություն - Արևմտյան շքամուտքի վերնամասում պատկերված է «Քրիստոսի աղոթքը Գեթեմանիի այգում» տեսարանը, ստորին հատվածում՝ «Տիրամայրը Մանկան հետ» հորինվածքը, իսկ աջ և ձախ կողմերում՝ Ս. Ստեփանոս Նախավկան և, ենթադրաբար՝ Ս. Լավրենտիոսը¹⁶⁰:

105. Դարաշամբի Ս. Ստեփանոս Նախավկայի վանք (Մաղարդավանք)

Որմնանկարները՝ 1697 թ.¹⁶¹, վերականգնվել են 1826 թ., հեղինակ՝ ենթադրաբար Նաղաշ Հովնաթան:

¹⁵⁷ Ս. Ղազարյան, նշվ. աշխ., էջ 151: Գ. Լևոնյանը որմնանկարները թվագրում է 1680-ական թթ. (**Գ. Լևոնյան**, Հովնաթանյան Նաղաշները հայ նկարչության պատմության մեջ, «Խորհրդային արվեստ», 1938, թ. 2, էջ 24-25), սակայն Կաթողիկե եկեղեցին հիմնովին վերակառուցվել է 1693-1695 թթ. (**Կ. Ղաֆադարյան**, Երևան, էջ 21, 23):

¹⁵⁸ **Կ. Ղաֆադարյան**, Երևան, էջ 156-157. **Ս. Նավասարդյան**, նշվ. աշխ., էջ 93-108:

¹⁵⁹ Գ. Լևոնյանն այս որմնանկարները ևս թվագրում է 1680-ական թթ. (**Գ. Լևոնյան**, նշվ. աշխ., էջ 24-25), սակայն Չորավոր եկեղեցին վերակառուցվել է 1693 թ. (**Կ. Ղաֆադարյան**, Երևան, էջ 36-37): Տե՛ս նաև Ս. Ղազարյան, նշվ. աշխ., էջ 151:

¹⁶⁰ **Ա. Ենոքյան**, Երևանի Չորավոր Ս. Աստվածածին եկեղեցու որմնանկարը, «Հայկական որմնանկարչություն» գիտական հոդվածների ժողովածու, էջ 223-231:

¹⁶¹ **Հ. Ղևոնդ Ալիշան**, Սիսական. տեղագրություն Սիւնեաց աշխարհի, Վենետիկ, 1893, էջ 515-516:

Նկարագրություն - Ներկայումս պահպանվել են հիմնականում գլխավոր եկեղեցու զմբեթի, առագաստների և ավագ խորանի որմնանկարները, որոնք ներկայացնում են բուսական զարդատարրեր և սերովբեների ու քերովբեների պատկերներ¹⁶²:

106. Դարաշամբի Ս. Աստվածածին եկեղեցի

Որմնանկարները՝ ենթադրաբար XVII դարի վերջ, հեղինակն անհայտ:
Նկարագրություն - Ներկայումս պահպանվել է սուրբ ձիավորների երկու որմնանկար:

107. Գնդեվանքի գլխավոր եկեղեցի

Նոր շերտի որմնանկարները՝ ենթադրաբար XVII-XVIII դդ., այժմ՝ ոչնչացած, հեղինակն անհայտ:

Նկարագրություն - Հյուսիսային ավանդատան մուտքի վերին մասում պատկերված է եղել «Տիրամայրը Մանկան հետ» հորինվածքը (կրկնօրինակը գտնվում է ՀԱՊ-ում), որը հավանական է՝ եղել է «Մոգերի երկրպագությունը» տեսարանի մի հատվածը: Հարավային ավանդատան վերին մասում կանացի զգեստով և ուրարով մարդկային ֆիգուրի մնացորդներ են եղել, որը, ենթադրաբար, եղել է Սոփի իշխանուհին կամ Ս. Ստեփանոս Նախավկան¹⁶³:

108. Նոր Զուղայի Ս. Ստեփանոս եկեղեցի

Որմնանկարները՝ XVII դ. երկրորդ կես - XVIII դ., հեղինակն անհայտ:
Նկարագրություն - Եկեղեցու որմնանկարները պատվել են ծեփի շերտով: Հատուկենտ երևացող պատկերները ներկայացնում են հիմնականում նորկտակարանային թեմաներով տեսարաններ¹⁶⁴:

109. Շատիվանքի Ս. Սիոն եկեղեցի

Կառուցվել է 929 թ., վերակառուցվել 1655 թ.:

Որմնանկարները՝ XVII դ. երկրորդ կես - XVIII դ., հեղինակն անհայտ:

¹⁶² **Լ. Միևսեան**, Իրանի հայկական վանքերը, Թեհրան, 1971, էջ 29-30. **Ա. Այվազյան**, Նախիջևանի որմնանկարչական արվեստը, էջ 31-33, 35. **Ա. Հախնազարյան**, Արտագի երեք վանքերը, ՀՀԴԻ գիտական ուսումնասիրություններ, գիրք 15, Երևան, 2012, էջ 221, 261-262, 286:

¹⁶³ **Պ. Դըրնովո**, Очерки изобразительного искусства средневековой Армении, էջ 148-149. **Կ. Մաթևոսյան**, Որմնանկարչությունը Հայաստանի պետական պատկերասրահում, էջ 21-22. **Ք. Ավետիսյան**, Աստվածածնի պատկերագրությունը հայ միջնադարյան արվեստում, Երևան, 2015, էջ 146-147:

¹⁶⁴ **Լ. Միևսեան**, Նոր Զուղայի եկեղեցիները, էջ 158. **Ա. Աղասյան և այլք**, նշվ. աշխ., էջ 241:

Նկարագրություն - Ավագ խորանի հարավային հատվածում պահպանվել են «Աստվածամոր նինջը» պատկերը (ստորին մասում կա արծանագրություն՝ «ՎԵՐՆԱՏՈՒՆ»): Հարևանությամբ պահպանվել են ևս երկու տեսարանների արծանագրություններ՝ «ՈՏՆԱԼՈՒՎՅ» և «ԶԱՐԸՆԿԵՑ», իսկ ստորին հատվածում՝ երկթև քերովբեի պատկեր¹⁶⁵:

110. Սաղմոսավանքի Ս. Աստվածածին եկեղեցի-գրատուն

Որմնանկարները՝ XVII դ. երկրորդ կես - XVIII դ., հեղինակն անհայտ:

Նկարագրություն - Հիմնականում սրբերի (Նան՝ ազգային) պատկերներ են, ավետարանական թեմաներից՝ «Խաչելությունը», «Հարությունը» և, ենթադրաբար, «Ավետումը»¹⁶⁶:

111. Թեոդոսիայի Ս. Սարգիս եկեղեցի

Վերին շերտի որմնանկարները՝ XVII-XVIII դդ., հեղինակն անհայտ:

Նկարագրություն - Ավագ խորանի և թաղակիր կամարի միջև պահպանվել են չորս ավետարանիչների պատկերները և բուսական զարդատարրեր:

112. Ներքին կամ Դաշտ Ագուլիսի Ս. Ստեփանոս կամ Ս. Երրորդություն եկեղեցի

Որմնանկարները՝ XVII-XVIII դդ., այժմ՝ ոչնչացված, հեղինակն անհայտ:

Նկարագրություն - 1962 թ. ծեփաշերտի տակից հայտնաբերվել է Աստվածամոր պատկերի մի մասը: Որմնանկարների հատվածներ են հայտնաբերվել նաև հետագա տարիներին¹⁶⁷:

113. Ներքին կամ Դաշտ Ագուլիսի Ս. Նշան (Ամառային) եկեղեցի

Որմնանկարները՝ XVII-XVIII դդ., այժմ ոչնչացված, հեղինակն անհայտ:

Նկարագրություն - XIX դարավերջին դեռ տեսանելի են եղել որմնանկարների որոշ հատվածներ. «կպրե կարասը, դժոխքը, արքայութիւնը և այլն»¹⁶⁸:

¹⁶⁵ Մանրամասն տե՛ս **Կ. Մաթևոսյան**, Նյութեր հայկական միջնադարյան որոշ որմնանկարների վերաբերյալ, «Հայկական որմնանկարչություն» գիտական հոդվածների ժողովածու, էջ 95-96:

¹⁶⁶ **Աշ. Մանուկարյան**, Սաղմոսավանք, Երևան, 2015, էջ 119-121:

¹⁶⁷ **Գ. Աբգարյան**, Ճանապարհներ, խոհեր, «Սովետական արվեստ», Երևան, 1962, թ. 2, էջ 60. **Ա. Այվազյան**, Նախիջևանի որմնանկարչական արվեստը, էջ 30-31:

¹⁶⁸ **Ա. Արծրունի**, Նամակ Ներքին-Ագուլիսից, «Մշակ», 1876, թ. 15, էջ 2. **Ա. Այվազյան**, նշվ. աշխ., էջ 31:

114. Ագուլիսի Ս. Շմավոն եկեղեցի

Որմնանկարները՝ XVII-XVIII դդ., այժմ՝ ոչնչացված, հեղինակն անհայտ:
Նկարագրություն - Որմնանկարված է եղել գմբեթը, կամարները, ավագ խորանն ու աղոթասրահը¹⁶⁹:

115. Շոռոթի Ս. Աստվածածին եկեղեցի (Կուսանաց անապատ)

Որմնանկարները՝ XVII-XVIII դդ., այժմ՝ ոչնչացված, հեղինակ՝ ենթադրաբար տեր Հոհան կամ Նաղաշ Հովնաթան:

Նկարագրություն - Հիմնականում պատկերված են եղել ծաղկանկարներ: Խորանի նիստերի վերին մասերում եղել են նաև ինը սրբապատկերներ¹⁷⁰:

116. Շոռոթի Ս. Գրիգոր Լուսավորիչ եկեղեցի և սրահ-գավիթ

Որմնանկարները՝ XVII-XVIII դդ., այժմ՝ ոչնչացված, հեղինակ՝ ենթադրաբար Նաղաշ Հովնաթան:

Նկարագրություն - Գավթի կամարներին կից եղել են ծաղկային մոտիվներով որմնանկարներ¹⁷¹:

117. Շոռոթի Ս. Հակոբ Հայրապետ եկեղեցի

Որմնանկարները՝ XVII-XVIII դդ., այժմ՝ ոչնչացված, հեղինակ՝ ենթադրաբար Նաղաշ Հովնաթան:

Նկարագրություն - Որմնանկարված է եղել գմբեթը (պատկերված են եղել չորս ավետարանիչները) և ավագ խորանը¹⁷²:

118. Աբրակունիսի Ս. Գևորգ եկեղեցի

Հին շերտի որմնանկարները՝ XVII-XVIII դդ., այժմ՝ ոչնչացված, հեղինակն անհայտ:

Ավագ խորանում եղել են Աստվածամոր երկու և առաքյալների չորս պատկերներ¹⁷³:

¹⁶⁹ **В. Сысоев**, Нахичеванский край. отчет о поездке летом 1927 г., “Известия Азкомстара”, вып. 4, тетрадь 2, с. 162. **Ա. Այվազյան**, նշվ. աշխ., էջ 31:

¹⁷⁰ **Ա. Այվազյան**, նշվ. աշխ., էջ 39-40:

¹⁷¹ **Արիստակես վրդ. Սեդրակեան**, Հնութիւնք հայրենեաց ի գաւառին Երևակու, Վաղարշապատ, 1872, էջ 130. **Հ. Ղեւոնդ Ալիշան**, Սիսական, էջ 355. **Ա. Այվազյան**, նշվ. աշխ., էջ 38-39:

¹⁷² **Ա. Այվազյան**, նշվ. աշխ., էջ 39:

¹⁷³ Նույն տեղում, էջ 97:

Նոր շերտի որմնանկարները՝ 1875 թ., այժմ՝ ոչնչացված, հեղինակ՝ աստապատցի Հակոբ Տեր-Աբրահամյան:

Նկարագրություն - Դահլիճի մույթերի կամարները զարդարված են եղել ծաղկատերևային զարդատարրերով¹⁷⁴:

119. Ագուլիսի Ս. Թովմա եկեղեցի

Որմնանկարները՝ XVII-XVIII դդ., այժմ՝ ոչնչացված, հեղինակ՝ ենթադրաբար Նաղաշ Հովնաթան:

Նկարագրություն - Տաճարի ներսում հիմնականում բուսական և այլ զարդատարրեր են, արևմտյան շքամուտքի բարավորին՝ Մարիամ Աստվածածնի, Մարիամ Մագդաղենացու և Հայր Աստծու պատկերներն են¹⁷⁵:

120. Ագուլիսի Ս. Քրիստափոր եկեղեցի (Մայր եկեղեցի)

Որմնանկարները՝ XVII-XVIII դդ., այժմ՝ ոչնչացված, հեղինակ՝ ենթադրաբար Նաղաշ Հովնաթան:

Նկարագրություն - Որմնանկարները նման են եղել Ս. Թովմայի տաճարի որմնանկարներին: Թմբուկի վերնամասի ութ կամարաղեղների մեջ պատկերված են եղել չորս վեցաթև սերովբեներ և չորս հայ սրբերի դիմանկարներ՝ Գրիգոր Լուսավորիչ, Մեսրոպ Մաշտոց, Սահակ Պարթև, Ներսես Ա Կաթողիկոս¹⁷⁶:

121. Էջմիածնի Ս. Գայանե եկեղեցու սրահ-գավիթ

Որմնանկարները՝ XVII դ. վերջ - XVIII դ., հեղինակն անհայտ:

Նկարագրություն - Պատկերված են «Ընծայումն տաճարին», «Խաչելություն» տեսարանները, Պողոս, Պետրոս առաքյալների և Կաթողիկոս եղիազար Այնթապցու պատկերները և Քրիս

122. Մեղրիի Փոքր Թաղի Ս. Հովհաննես Մկրտիչ եկեղեցի

Հին շերտի որմնանկարները՝ 1700 թ., հեղինակ՝ ենթադրաբար Նաղաշ Հովնաթան:

Նկարագրություն - Ներկայացնում են տեսարաններ Հին և Նոր կտակարաններից, Նաև սրբերի պատկերներ: Համանման զարդատար-

¹⁷⁴ Ա. Այվազյան, նշվ. աշխ., էջ 97:

¹⁷⁵ Ե. Մարտիրոսյան, նշվ. աշխ., էջ 59. Ա. Այվազյան, նշվ. աշխ., էջ 20-26. Ա. Աղասյան և այլք, նշվ. աշխ., էջ 235-236:

¹⁷⁶ Ե. Մարտիրոսյան, նշվ. աշխ., էջ 60. Ա. Այվազյան, նշվ. աշխ., էջ 26-27, 30, նույնի՝ Ագուլիս, Երևան, 1986, էջ 36. Ա. Աղասյան և այլք, նշվ. աշխ., էջ 236:

րեր կան նաև Ագուլիսի Ս. Թովմայի տաճարի ներքին հարդարանքում: Դրանք բավականին նման են Ագուլիսի Ս. Թովմայի տաճարի զարդատարրերին: Որմանակարներից մեկի ստորին մասում պահպանվել է թվականը ներառող արձանագրությունը՝ զ(Բ)ՃԽԹ (1700):

Նոր շերտի որմանակարները՝ 1793 թ., հեղինակ՝ աստապատցի Աստվածատուր քահանա:

Այս շերտին են պատկանում խորանի և խորանին կից չորս սրբերի պատկերները:

123. Թիֆլիսի Վախթանգ VI թագավորի պալատ

Որմանակարները՝ 1710-ական թթ., չեն պահպանվել, հեղինակ՝ ենթադրաբար Նաղաշ Հովնաթան:

Նկարագրություն - Բովանդակության մասին տեղեկություններ չեն պահպանվել¹⁷⁷:

124. Ս. Էջմիածնի Մայր տաճար

Որմանակարները՝ 1712-1721 թթ., հեղինակ՝ ենթադրաբար Նաղաշ Հովնաթան:

Նկարագրություն - Ծաղկատերևային զարդատարրերով նկարագարվել է տաճարի գմբեթը¹⁷⁸: Պատերին տեղ են գտել նաև Հովնաթանին վերագրվող «Տրդատ, Աշխեն և Խոսրովիդուխտ», «Աղոթող զինվոր» և «Հայկ նահապետ» (կամ՝ Ս. Մինաս) որմանակարները (վերջին երեքն այժմ գտնվում են ՀԱՊ-ում)¹⁷⁹: Հովնաթանին են վերագրվում նաև բեմի ճակատամասի մարմարապատ երեսին պատկերված «Տիրամայրը Ման-

¹⁷⁷ Ս. Ղազարյան, նշվ. աշխ., էջ 154-155:

¹⁷⁸ Գ. Հովսեփյան, Էջմիածնի տաճարի նկարագրողումն ու ծաղկազարդումը ԺԵ-ԺԸ դարերում, «Նյութեր և ուսումնասիրություններ հայ արվեստի պատմության», հ. Բ, Երևան, 1987, էջ 272-312. Ա. Աղասյան և այլք, նշվ. աշխ., էջ 236:

¹⁷⁹ Ե. Մարտիրոսյանը Տրդատի ընտանիքի խմբանկարն ու «Հայկ նահապետը» համարում է Աբրահամ Մշեցի կաթողիկոսի (1729-1734 թթ.) շրջանի գործեր և վերագրում Նաղաշի որդուն՝ Հակոբ Հովնաթանյանին (Ե. Մարտիրոսյան, նշվ. աշխ., էջ 82-84. տե՛ս նաև Բ. Ժամբյան, «Из истории армянского искусства», էջ 117): Ինչ վերաբերում է բովանդակությանը, «Տրդատ, Աշխեն և Խոսրովիդուխտ» և «Աղոթող զինվոր» պատկերները կազմել են «Հրեշտակի հայտնությունը Գրիգոր Լուսավորչին» տեսարանի առանձին հատվածները (և ոչ թե «Հայաստանում քրիստոնեության ընդունման» տեսարանի, ինչպես համարվում էր մինչ այդ): Դա պարզել է Ռ. Դրամբյանը 1834 թ. Էջմիածնի վանքին նվիրաբերված մի նկարի հետ համեմատության արդյունքում, որը փաստացի որմանակարի հեռավոր կրկնօրինակն է (Очерки по истории армянского изобразительного искусства, Ереван, 1979, էջ 106-107. Բ. Ժամբյան, նշվ. աշխ., էջ 135-136):

կան հետ» (կենտրոնում), Ս. Ստեփանոսի և Ս. Փիլիպպոսի (ծախ և աջ կողմերում, աստիճանների տակ) պատկերները¹⁸⁰:

1720-ական թվականների որմնանկարներ, հեղինակներ՝ ենթադրաբար Հակոբ և Հարություն Հովնաթանյաններ:

Ավարտել են բեմի ճակատային մասի ձևավորումը՝ նկարելով տասներկու առաքյալներին¹⁸¹:

Հովնաթան Հովնաթանյանի ստեղծած որմնանկարներ՝ 1778-1780, 1785-1786 թթ.:

Վերանկարել է գմբեթը և ավելացրել աղոթասրահի մնացյալ մասի որմնանկարները¹⁸²:

Հովնաթանին է վերագրվում նաև Մայր տաճարի իջման ս. Սեդանի ամպիոկանու նկարագրողումը, որի գմբեթային հատվածում պատկերված են «Տիրամայրը Մանկան հետ» հորինվածքը, չորս ավետարանիչների, ինչպես նաև, Հոր, Որդու և Ս. Հոգու պատկերները¹⁸³: Ամե-

¹⁸⁰ **Գ. Լևոնյան**, Հովնաթանյան նաղաշները..., էջ 24-29. **Ե. Մարտիկյան**, նշվ. աշխ., էջ 79-80. **Մ. Ղազարյան**, նշվ. աշխ., էջ 158-163: Բեմի ճակատային մասի մարմարապատումը կատարվել է Աստվածատուր Համադանցի կաթողիկոսի օրոք, 1720 թ. (**Սիմեոն կթ. Երեւանցի**, Ջամբռ գիրք, որ կոչի յիշատակարան արձանացուցիչ, հայելի և պարունակող բնակից որպիսութեանց Սրբոյ Աթոռոյս և իւրոյ շրջակայից վանօրէիցն (այսուհետ՝ Ջամբռ), Վաղարշապատ, 1873, էջ 28), այնպես որ, եթե Աստվածածնի պատկերի հեղինակը Հովնաթանն է, այն պետք է արված լինի 1720-1721 թթ., մինչև նկարչի մահը: Ռ. Դրամբյանը, սակայն, Աստվածածնի պատկերը վերագրում է Հովնաթանի որդիներին և թվագրում 1725-1728 թթ.-ով՝ Աստվածատուր կաթողիկոսի մահվան (1725 թ.) և Կարապետ կաթողիկոսի փաստացի գահին նստելու (1728 թ.) տարեթվերի միջանկյալ շրջանով: Ըստ նրա՝ դա է պատճառը, որ դրանք չեն հիշատակվում «Ջամբռ»-ի ոչ մեկ, և ոչ էլ մյուս կաթողիկոսներին նվիրված գլուխներում (Очерки по истории армянского изобразительного искусства, էջ 108):

¹⁸¹ Տասներկու առաքյալները, ըստ Սիմեոն Երևանցու, բեմի ճակատամասին նկարել է տվել Կարապետ Ուկնեցի (Չեյթունցի) կաթողիկոսը 1726-1729 թթ. (**Սիմեոն կթ. Երեւանցի**, Ջամբռ, էջ 28): Մ. Ղազարյանի ենթադրությամբ, Հակոբն ու Հարությունը բեմի ճակատամասն ավարտել են ըստ Նաղաշ Հովնաթանի գծագրերի (**Մ. Ղազարյան**, նշվ. աշխ., էջ 161-163): Ե. Մարտիկյանը, բացի տասներկու առաքյալներից, «Աստվածամոր և մանկան» որմնանկարը ևս վերագրում է Հակոբ Հովնաթանյանին (**Ե. Մարտիկյան**, նշվ. աշխ., էջ 90-93): Տե՛ս նաև **Ք. Ժամբռ**, «Из истории армянского искусства», էջ 120-121:

¹⁸² **Ե. Մարտիկյան**, նշվ. աշխ., էջ 100-103, **Մ. Ղազարյան**, նշվ. աշխ., էջ 177-181, 183-186. Օчерки по истории армянского изобразительного искусства, էջ 110-111:

¹⁸³ Իջման ս. Սեդանի ամպիոկանին կառուցվել է Եղիազար Այնթապցի կաթողիկոսի օրոք (1681-1691 թթ.) և նկարագրողվել (կամ՝ վերանկարագրողվել) Ղուկաս Կարնեցի կաթողիկոսի օրոք (1780-1799 թթ.): 2001 թ. տեղափոխվել է Երևանի Ս. Գրիգոր Լուսավորիչ եկեղեցի: Տե՛ս **Ք. Ավետիսյան**, Իջման Սեդանի նկարագրողումները, «Հայ արվեստ», 2007, թիվ 1, էջ 32-34: Ե. Մարտիկյանն ամպիոկանու նկարագրողումները համարում է Նաղաշ Հովնաթանի ստեղծագործություն (**Ե. Մարտիկյան**, նշվ. աշխ., էջ 65-66):

Նայն հավանականությամբ, Հովնաթան Հովնաթանյանը վերանկարել է Նաև բեմի մարմարյա ճակատամասի պատկերաշարը¹⁸⁴:

125. Նոր Զուղայի Ս. Աստվածածին եկեղեցի

Որմնանկարները՝ 1718 թ., հեղինակ՝ Տեր Ստեփանոս¹⁸⁵:

Նկարագրություն - Որմնանկարները ներկայացնում են հիմնականում Նորկոտակարանային թեմաներով տեսարաններ:

126. Նոր Զուղայի Ս. Կատարինե մենաստան (Կուսանաց վանք)

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Ներկայացնում են Քրիստոսի, Նրա աշակերտների, Աստվածածնի պատկերները և այլք¹⁸⁶:

127. Նոր Զուղայի Ս. Նիկողայոս եկեղեցի

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Որմնանկարները ներկայացնում են հիմնականում ծաղկատերևային զարդատարրեր¹⁸⁷:

128. Նոր Զուղայի Ս. Հովհաննես (Շաւէլեց) եկեղեցի

Որմնանկարները՝ ենթադրաբար XVIII դ., այժմ՝ ոչնչացված, հեղինակն անհայտ¹⁸⁸:

Նկարագրություն - Բովանդակության մասին տեղեկություններ չունենք:

129. Նոր Զուղայի Ս. Սարգիս (Նախկին Ամենափրկիչ) եկեղեցի

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Որմնանկարները հետագայում պատվել են ծեփի շերտով: Այժմ բացված են միայն ավագ խորանի Քրիստոսի պատկերը՝ շրջապատված առաքյալներով և հրեշտակներով, և մի քանի որմնանկար աղոթասրահում¹⁸⁹:

¹⁸⁴ **Ս. Ղազարյան**, նշվ. աշխ., էջ 197. **Ե. Մարտիրոսյան**, նշվ. աշխ., էջ 103-104:

¹⁸⁵ **Ս. Ղազարյան**, նշվ. աշխ., էջ 45. **Լ. Մինասեան**, նշվ. աշխ., էջ 57:

¹⁸⁶ Նույն տեղերում, համապատասխանաբար՝ էջ 23, 108:

¹⁸⁷ Նույն տեղերում, համապատասխանաբար՝ էջ 23, 144:

¹⁸⁸ Նույն տեղերում, համապատասխանաբար՝ էջ 45, 181:

¹⁸⁹ **Լ. Մինասեան**, նշվ. աշխ., էջ 149:

130. Նոր Զուղայի Ս. Սարգիս (Օհանայ վանք) եկեղեցի

Որմնանկարները՝ ենթադրաբար XVIII դ., այժմ՝ ոչնչացված, հեղինակն անհայտ¹⁹⁰:

Նկարագրություն - Բովանդակության մասին տեղեկություններ չունենք:

131. Սալայի Սուրբ Աստվածածին եկեղեցի

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Ավագ խորանի քիվատակին պահպանվել է առաքյալների շարքը, կենտրոնական պատուհանից աջ՝ խաչը պահած երկու վեցաթև սերովբեներ, որոնց ստորին թևերի միջև զետեղված է հայերեն երկտող արձանագրություն:

132. Աշտարակի Ս. Մարիանե եկեղեցու արևմտյան գավիթ-ժողովրդանոց

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Պատկերված են եղել սրբերի պատկերներ, ողջ հասակով, իսկ գլխավոր եկեղեցու արևմտյան մուտքի բարավորին՝ «Տասը կույսերի առակը»¹⁹¹: Հետագայում ամբողջը պատվել է սպիտակ ծեփով: 2007 թ. բացվել է «Տասը կույսերի առակը» տեսարանի վերին հատվածը (Զրիստոսի և աջակողմյան երեք կույսերի դեմքի հատվածները):

133. Քանաքեռի Ս. Հակոբ եկեղեցի

Հին շերտի որմնանկարները՝ 1739 թ., հեղինակն անհայտ:

Պահպանվել են ավագ խորանի, արևելյան և հյուսիսային պատերի, հյուսիսարևելյան և հարավարևելյան մույթերի որոշ որմնանկարներ, որոնք ներկայացնում են սրբերի պատկերներ և մեկ սյուլժետային տեսարան՝ «Խաչելությունը»¹⁹²:

Նոր շերտի որմնանկարները՝ ենթադրաբար XIX դ., հեղինակն անհայտ:

¹⁹⁰ **L. Մինասեան**, նշվ. աշխ., էջ 187:

¹⁹¹ **Ե. Շահազիզ**, Աշտարակի պատմությունը, Երևան, 1987, էջ 170. **Ս. Սաղումյան**, Աշտարակ, Երևան, 1998, էջ 135:

¹⁹² **A. Есаян**, Консервация настенной живописи в церкви Сурб Агоп в Канакере, «Հուշարձան» տարեգիրք, Գ, Երևան, 2005, էջ 64-72:

Նկարագրություն - Ներկայացրել են սրբերի պատկերներ և դեկորատիվ զարդատարրեր՝ մասամբ արված հին շերտի որմնանկարների վրա, որոնցից առանձնացվել և տեղափոխվել են ՀԱՊ:

134. Չնաբերդի (Նախնական գավառ) Ս. Գրիգոր եկեղեցի

Հին շերտի որմնանկարները՝ ենթադրաբար 1730-40-ական թթ., հեղինակներ՝ ենթադրաբար Հակոբ և Հարություն Յովնաթանյաններ:

Ըստ Արգամ Այվազյանի՝ այս շերտին են պատկանել Մեսրոպ Մաշտոցի, Սահակ Պարթևի, բեմառեջքի տասներկու առաքյալների և մի քանի այլ որմնանկարներ¹⁹³:

Նոր շերտի որմնանկարները՝ 1867 թ., այժմ՝ ոչնչացված, հեղինակն անհայտ:

Նկարագրություն - Ներկայացնում է որմնանկարների բավականին մեծ շարք՝ թեմատիկ տեսարաններով, սրբերի դիմապատկերներով և ծաղկատերևային զարդատարրերով: Այս ընթացքում նաև վերանկարվել են նախորդ շերտի մի քանի որմնանկարներ¹⁹⁴:

135. Էջմիածնի հին վեհարան

Որմնանկարները՝ 1730-ական թթ. վերջ - 1740-ական թթ. սկիզբ, հեղինակներ՝ ենթադրաբար Հակոբ և Հարություն Յովնաթանյաններ:

Նկարագրություն - Գահակալական դահլիճն («Ծաղկյա սրահ») ու կաթողիկոսական աշխատասենյակը նկարագարված են ծաղկատերևային զարդագոտիներով և այլ պատկերներով¹⁹⁵:

136. Երնջակի Ս. Կարապետ եկեղեցի

Հին շերտի որմնանկարները՝ 1740 թ., այժմ՝ ոչնչացված, հեղինակներ՝ Հակոբ և Հարություն Յովնաթանյաններ¹⁹⁶:

Այս շերտին են պատկանել գմբեթի, ավագ խորանի (որմնախորշերում պատկերված են Աստվածամայրն ու Պողոս և Պետրոս առաքյալները), դահլիճի որմնախորշերը գոտևորող որմնանկարները, որոնք նման են

¹⁹³ Մ. Ղազարյան, նշվ. աշխ., էջ 172-173. Ա. Այվազյան, նշվ. աշխ., էջ 67, 74, 83-84:

¹⁹⁴ Ա. Այվազյան, նշվ. աշխ., էջ 67, 74, 83-84:

¹⁹⁵ Очерки по истории армянского изобразительного искусства, էջ 108. Գ. Յովսեփյան, Էջմիածնի տաճարի նկարագարումն ու ծաղկագարդումը ԺԵ-ԺԸ դարերում, էջ 285-286. Բ. Ժրամյան, «Из истории армянского искусства», էջ 152:

¹⁹⁶ Մեսրոպ արք. Սմբատեանց, Նկարագիր սուրբ Կարապետի Վանից Երնջակայ եկ շրջակայից Նորա, Տփլիս, 1904, էջ 6, 15 (էջ 6-ում թվականը սխալմամբ նշված է ՌՃՅԹ, իսկ էջ 15-ում որմնանկարների հեղինակ է անվանվում Նաղաշ Յովնաթանը):

ինչպես Հակոբի և Հարությունի ծաղկած Հայսմավուրքին (ՄՄ ձեռ. 1533), այնպես էլ Չնաբերդի Ս. Գրիգոր եկեղեցու որմնանկարներին¹⁹⁷:

Նոր շերտի որմնանկարները՝ 1870-ական թթ., այժմ՝ ոչնչացված, հեղինակ՝ աստապատցի Հակոբ Տեր-Աբրահամյան:

Որմնանկարվել են դահլիճի հյուսիսային և հարավային որմնախորշերն ու նրանց հարակից տարածքը, որոնք ներկայացնում են հիմնականում ծաղկազարդեր և հրեշտակների պատկերներ¹⁹⁸:

137. Էջմիածնի Ղազարապատ հյուրատուն

Որմնանկարները՝ 1742 թ., հեղինակներ՝ Հակոբ և Հարություն Հովնաթանյաններ¹⁹⁹:

Նկարագրություն - Որմնանկարների բովանդակության և վիճակի մասին տեղեկություններ չկան:

138. Մեղրիի Անապաստանաց վանքի Ս. Հովհաննես Մկրտիչ եկեղեցի

Հին շերտի որմնանկարները՝ 1745 թ., հեղինակն անհայտ:

Այս շերտին են խորանի, հարավարևելյան և հյուսիսարևելյան մույթերի որմնանկարները:

Նոր շերտի որմնանկարները՝ 1793 թ., հեղինակ՝ Աստվածատուր քին. Աստապատցի: Այս շերտից են խորանի և ավանդատների մուուքերի միջև պատկերված հրեշտակապետերի երկու որմնանկարները:

139. Մեղրիի Մեծ թաղի Ս. Աստվածածին եկեղեցի

Առաջին շերտի որմնանկարները՝ 1745 թ., հեղինակն անհայտ:

Այս շերտին է պատկանում Պողոս առաքյալի որմնանկարը (ավագ խորանի և հարավային ավանդատան մուուքի միջև):

Երկրորդ շերտի որմնանկարները՝ ենթադրաբար 1793 թ., հեղինակ՝ Աստվածատուր քին. Աստապատցի:

¹⁹⁷ Գ. Լևոնյան, Հովնաթանյան Նաղաշները հայ նկարչության պատմության մեջ, «խորհրդային արվեստ», Երևան, 1938, թ. 4, էջ 51. Ե. Սարտիկյան, Նշվ. աշխ., էջ 93-94, Ս. Ղազարյան, Նշվ. աշխ., էջ 172-173. Ա. Այվազյան, Նշվ. աշխ., էջ 37-38, 58, 63-65, 67:

¹⁹⁸ Ա. Այվազյան, Նշվ. աշխ., էջ 67:

¹⁹⁹ ՄՄ Կաթողիկոսական դիվան, թղթ. 1, վավ. 13, էջ 4, 50. Գ. Լևոնյան, Հովնաթանյան Նաղաշները հայ նկարչության պատմության մեջ, էջ 52. Ս. Ղազարյան, Նշվ. աշխ., էջ 170-172:

Այս շերտին են պատկանում խորանի Միքայել հրեշտակապետի, հյուսիսարևելյան մույթի Ս. Գևորգի և հարավարևելյան մույթի Ս. Մինասի որմնանկարները (վերջին երկուսը վերանկարվել են 1840-ական թթ.):

Երրորդ շերտի որմնանկարները՝ 1844-1848 թթ., հեղինակ՝ Մանուկ Ստեփանոսենց (Ստեփանոսյանց):

Եկեղեցու որմնանկարների մի մասը վերանկարվել է այս ընթացքում, նաև ավելացվել են որոշ սյուժետային տեսարաններ:

140. Ռամիսի (Գողթն գավառ) Ս. Աստվածածին եկեղեցի

Հին շերտի որմնանկարները՝ XVIII դ., այժմ՝ ոչնչացված, հեղինակն անհայտ:

Լուսանկարում պահպանվել են ավագ խորանի ծաղկատերևային նախշազարդերի որոշ հատվածներ:

Նոր շերտի որմնանկարները՝ XIX դ. II կես, այժմ՝ ոչնչացված, հեղինակն անհայտ:

Նկարագրություն - Ըստ Արգամ Այվազյանի՝ այս շերտին են պատկանել եկեղեցու ավագ խորանի, բեմի ճակատի, մույթերի և արևմտյան պատի որմնանկարները, որոնք ներկայացնում են ծաղկազարդ մոտիվներ և հրեշտակների պատկերներ (դրանց մի մասն արվել է XVIII դ. շերտի վրա)²⁰⁰:

141. Սուրխաթի (Ղրիմ) Ս. Խաչ վանք

Որմնանկարները՝ ենթադրաբար XVIII դ., հեղինակն անհայտ²⁰¹:

Նկարագրություն - Գլխավոր եկեղեցու ավագ խորանի գմբեթադրդին պատկերված է եղել «Բարեխոսություն» տեսարանը (չի պահպանվել), հյուսիսային ճակատին՝ «Աստվածամայրը Մանկան հետ» հորինվածքը:

142. Էջմիածնի Ս. Հռիփսիմե տաճար

Որմնանկարները՝ ենթադրաբար XVIII դ., հեղինակներ՝ ենթադրաբար Հակոբ և Հարություն Հովնաթանյաններ:

Նկարագրություն - Բեմի ճակատային մասում ներկայացված են Տիրամայրը Մանկան հետ և տասներկու առաքյալները, իսկ ծայրերին՝ Ս. Ստեփանոս և Փիլիպոս սարկավազները: Պատկերաշարն իր հաջորդականությամբ և կերպարների պատկերագրությամբ բավականին մոտ է Մայր տաճարի բեմառեջքի պատկերաշարին:

²⁰⁰ Ա. Այվազյան, նշվ. աշխ., էջ 97-98:

²⁰¹ Օ. Домбровский, В. Сидоренко, Солхат и Сурб Хач, Симферополь, 1978, էջ 107-108:

143. Քանաքեռի Ս. Աստվածածին եկեղեցի

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Պահպանվել են ավագ խորանի, հյուսիսարևելյան և հարավարևելյան մույթերի որոշ որմնանկարներ, որոնք ներկայացնում են սրբերի պատկերներ և «Ավետում» տեսարանը (հյուսիսարևելյան մույթին պատկերված է Գաբրիել հրեշտակապետը ծաղկեփնջով, իսկ հարավարևելյան մույթին՝ Աստվածամայրը):

144. Երևանի Նորագավիթի Ս. Գևորգ եկեղեցի

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Որմնանկարներ են պահպանվել ավագ խորանում, չորս մույթերի վրա և մկրտության ավազանի վերին մասում: Պատկերված են բուսական զարդատարրեր, սրբերի պատկերներ և մեկ թեմատիկ տեսարան («Ավետում»):

145. Աստապատի Ս. Վարդան եկեղեցի

Որմնանկարները՝ ենթադրաբար XVIII դ., այժմ՝ ոչնչացված, հեղինակն անհայտ:

Նկարագրություն - Տաճարն ամբողջովին որմնանկարված է եղել: Բովանադակային մասով հայտնի է միայն, որ չորս առագաստներին պատկերված են եղել չորս ավետարանիչները²⁰²:

146. Ֆանայի (Խոյ գավառ) Հոգեվանք

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Պահպանվել են ավագ խորանի որմնանկարների որոշ հատվածներ, որոնք ներկայացնում են ծաղկային զարդատարրեր²⁰³:

147. Մահլազանի (Խոյ գավառ) Ս. Խաչ եկեղեցի

Որմնանկարները՝ ենթադրաբար XVIII դ., հեղինակն անհայտ:

Նկարագրություն - Պահպանվել են տերունական պատկերաշարից տեսարաններ, սրբապատկերներ և դեկորատիվ զարդատարրերի որոշ հատվածներ:

²⁰² Ե. **Լալայեան**, Նախիջեանի ոստիկանական շրջան կամ Նախճաւան, «Ազգագրական հանդես», գիրք XV, Տփլիս, 1907, էջ 147. Զ. **Ոսկեան**, Վասպուրական-Վանի վանքերը, Բ մաս, Վիեննա, 1942, էջ 504-505. Ա. **Այվազյան**, նշվ. աշխ., էջ 50:

²⁰³ A. **Alpago-Novello**, Sorhul /Documents of Armenian architecture, 20/, Milano, 1989, էջ 49. Տե՛ս նաև Խոյի Ֆանայի գիւղի հայոց Հոգեվանքը՝ իր հոգեվաքն է ապրում, «Ալիք», Թեհրան, 21.07.2015, թիւ 147(22245), էջ 4, 8:

148. Խոյ քաղաքի Ս. Սարգիս եկեղեցի

Որմանակարները՝ ենթադրաբար XVIII դ., հեղինակն անհայտ:
Նկարագրություն - Պահպանվել են սերովբեների, սրբերի պատկերներ և դեկորատիվ զարդատարրեր:

149. Ալափարսի Ս. Հովհաննես (Ծիրանավոր) եկեղեցի

Որմանակարները՝ ենթադրաբար XVIII դ., հեղինակն անհայտ:
Նկարագրություն - Խիստ եղծված վիճակում պահպանվել են Ս. Հայկո Մծբնեցու ամբողջ հասակով պատկերը, զանգակատան մի որմանակարը և սաղավարտով գլխի հատվածը²⁰⁴:

150. Գևորգի Ս. Աստվածածին եկեղեցի

Հին շերտի որմանակարները՝ ենթադրաբար XVIII դ., հեղինակն անհայտ:

Նկարագրություն - Հին շերտի որմանակարները տեղ են գտել ավագ խորանում, արևելյան պատի աջ հատվածում, և չորս մույթերին: Ներկայացնում են թեմատիկ տեսարաններ («Ավետում», «Մկրտություն», «Խաչելություն», «Հարություն», «Համբարձում», «Հոգեգալուստ» (տե՛ս ներդիր, նկ. 15), «Ս. Ստեփանոսի քարկոծումը»), նաև Ս. Միքայել հրեշտակապետի, Ս. Գևորգի, Ս. Սարգսի և այլ սրբերի պատկերներ²⁰⁵: Այս որմանակարներից որոշներն անհաջող կերպով վերանկարվել են 1906 թ.:

Նոր շերտի որմանակարները՝ 1906 թ., հեղինակն անհայտ:

Այս շերտին են պատկանում խորանի և հյուսիսային ավանդատան մուտքի միջև գտնվող Տիրամոր որմանակարը, բեմի ճակատային հատվածի ծաղկային պատկերները և ենթադրաբար, նաև «Ավետում» տեսարանը²⁰⁶:

151. Թիֆլիսի Զիգրաշեհի Ավետյաց եկեղեցի

Որմանակարները՝ ենթադրաբար 1780-ական թթ., այժմ՝ ոչնչացված, հեղինակ՝ Հովնաթան Հովնաթանյան²⁰⁷:

Նկարագրություն - Որմանակարների բովանդակության մասին տեղեկություններ չունենք:

²⁰⁴ Նշենք, որ նմանօրինակ որմանակարներ են պահպանվել նաև Ներկայիս Հրազդան համայնքի Կաքավաձոր թաղամասի Ս. Աստվածածին եկեղեցու ավագ խորանի երկու կողմում. հասակով մեկ պատկերված են Ս. Գրիգոր Լուսավորիչն ու Ս. Ստեփանոս Նախավկան՝ սևաներկ մակագրություններով, թվագրելի են XIX-XX դդ. - Ա.Հ.:

²⁰⁵ **Ա. Ավետիսյան**, Գևորգի Ս. Աստվածածին եկեղեցին, «Լրաբեր» հաս. գիտ., 2018, թ. 3, էջ 267-275:

²⁰⁶ Նույն տեղում, էջ 275-276:

²⁰⁷ **Ս. Ղազարյան**, նշվ. աշխ., էջ 206-207:

152. Թիֆլիսի Հայոց վանք (Հարանց վանք)

Որմնանկարները՝ ենթադրաբար 1780-ական թթ., այժմ՝ ոչնչացված, հեղինակ՝ Հովնաթան Հովնաթանյան²⁰⁸:

Նկարագրություն - Հին լուսանկարներում երևում են ավետարանիչների (առաքաստներին), հրեշտակների պատկերներ, ծաղկային զարդատարրեր (մույթերին) և այլ որմնանկարներ:

153. Երևանի խանի պալատ

Որմնանկարները՝ 1780-1790-ական թթ., հեղինակ՝ ենթադրաբար Հովնաթան Հովնաթանյան²⁰⁹:

Նկարագրություն - Ներկայացրել են տարբեր գործիչների (այդ թվում՝ Հուսեին խանի) դիմանկարներ և զարդանախշային որմնանկարներ:

154. Սղնախի (Կախեթ) Բադբիի Ս. Նինո վանք

Որմնանկարները՝ 1780-1790-ական թթ., հեղինակ՝ ենթադրաբար Հովնաթան Հովնաթանյան²¹⁰:

Նկարագրություն - Որմնանկարների բովանդակության մասին տեղեկություններ չունենք:

155. Թիֆլիսի Նորաշենի Ս. Աստվածածին եկեղեցի

Հին շերտի որմնանկարները՝ ենթադրաբար 1790-ական թթ., հեղինակ՝ Հովնաթան Հովնաթանյան²¹¹:

Նկարագրություն - Ըստ Մանյա Ղազարյանի՝ այս շերտին են պատկանում «Մոգերի երկրպագությունը», «Հիսուսը և սամարացի կինը», «Ռեբեկան՝ Իսահակի հարսնացուն», «Հուդիթը սպանում է Օլոֆեռնին» և մի քանի այլ տեսարաններ²¹²:

Նոր շերտի որմնանկարները՝ 1830-ական թթ., հեղինակ՝ ենթադրաբար Մկրտում Հովնաթանյան²¹³:

Այս շերտին են պատկանում եկեղեցու թեմատիկ տեսարանների և սրբապատկերների մեծ մասը:

²⁰⁸ Մ. Ղազարյան, նշվ. աշխ., էջ 206-207:

²⁰⁹ Նույն տեղում, էջ 207-209:

²¹⁰ Որմնանկարները Հովնաթանյանին վերագրել է Գրիգոր (Գիգոր) Շարբաբյանը (Մ. Ղազարյան, նշվ. աշխ., էջ 206):

²¹¹ Նույն տեղում, էջ 206-207:

²¹² Նույն տեղում, էջ 217:

²¹³ Նույն տեղում, էջ 217-218:

156. Նոր Զուղայի Ս. Գրիգոր Լուսավորիչ եկեղեցի

Որմանակարները՝ 1790 թ., հեղինակն անհայտ:

Նկարագրություն - Եկեղեցու պատերը ներսից ամբողջովին եղել են որմանակարված, և հետագայում պատվել են ծեփով: XX դ. վերջին, նորոգումների ընթացքում բացվել են մի քանի որմանակարներ, որոնցից են «Ավետումը», «Հաղորդությունը» և այլն²¹⁴:

157. Նոր Զուղայի Մարգար Լղվորյանի առանձնատուն

Որմանակարները՝ 1790-ական թթ., հեղինակն անհայտ:

Նկարագրություն - Որմանակարները ներկայացնում են պարսից տիրակալների այցելությունները²¹⁵:

158. Ագուլիսի Մեծ Աստվածածին եկեղեցի

Որմանակարները՝ ենթադրաբար XVII-XVIII դդ., այժմ ոչնչացված, հեղինակն անհայտ²¹⁶:

Նկարագրություն - Բովանդակության մասին տեղեկություններ չեն պահպանվել:

159. Փառակայի Ս. Շմավոն եկեղեցի

Որմանակարները՝ ենթադրաբար XVIII-XIX դդ., այժմ ոչնչացված, հեղինակն անհայտ²¹⁷:

Նկարագրություն - Բովանդակության մասին տեղեկություններ չեն պահպանվել:

160. Հին Զուղայի Ս. Ամենափրկիչ վանք

Որմանակարները՝ ենթադրաբար XVIII-XIX դդ., այժմ՝ ոչնչացված, հեղինակն անհայտ²¹⁸:

Նկարագրություն - Բովանդակության մասին տեղեկություններ չեն պահպանվել:

²¹⁴ **Լ. Մինասեան**, Նոր Զուղայի եկեղեցիները, էջ 101-102:

²¹⁵ **Ա. Երեմեան**, Էջեր Նոր Զուղայի մի հին ապարանքի և որմանակարների պատմությունից, «Անահիտ», Փարիզ, 1937, թ. 5-6. **Մ. Ղազարյան**, Նշվ. աշխ., էջ 47-49. **Ա. Աղասյան և այլք**, Նշվ. աշխ., էջ 242:

²¹⁶ **Ա. Այվազյան**, Նախիջևանի ԻՍՍՀ հայկական հուշարձանները, Երևան, 1986, էջ 30:

²¹⁷ Նույն տեղում, էջ 62:

²¹⁸ Նույն տեղում, էջ 104:

161. Կարճևանի (Սյունիքի մարզ) Ս. Աստվածածին եկեղեցի

Որմնանկարները՝ 1793 թ., հեղինակ՝ Աստվածատուր քին. Աստապատցի:

Նկարագրություն - Պահպանվել են Միքայել հրեշտակապետի, Ս. Գևորգի և Ս. Սարգսի որմնանկարները խորանում և խորանին կից, նաև որոշ նախշազարդեր խորանում և հյուսիսարևելյան մույթին:

162. Հաֆթվանի (Սալմաստ գավառ) Ս. Գևորգ եկեղեցու գավիթ

Որմնանկարները՝ 1819 թ., հեղինակն անհայտ²¹⁹:

Նկարագրություն - Եկեղեցու գավթի մույթերին ու պատերի որոշ հատվածներում պահպանվել են որոշ որմնանկարներ, որոնք ներկայացնում են սրբերի պատկերներ, նախշազարդեր ևն:

163. Մուղնու Ս. Գևորգ եկեղեցի

Որմնանկարները՝ XIX դ. առաջին կես, հեղինակն անհայտ:

Նկարագրություն - Ավագ խորանում, արևելյան և հյուսիսային պատերին պատկերված են մի քանի որմնանկարներ, որոնք ներկայացնում են սրբերի պատկերներ և թեմատիկ տեսարաններ («Տրդատի թագադրությունը Գրիգոր Լուսավորչի կողմից», «Գաբրիել հրեշտակապետը սուր Է հանձնում Ս. Գևորգին»)²²⁰:

164. Թիֆլիսի Ս. Գևորգ առաջնորդանիստ եկեղեցի

Երկրորդ շերտի որմնանկարները՝ ենթադրաբար XIX դ. I կես, հեղինակն անհայտ²²¹:

Թեմատիկ տեսարանների մեծ մասն այս շերտից է: 1867 թ. դրանց մի մասը վերանկարվել է:

Երրորդ շերտի որմնանկարները՝ XIX դ. վերջ կամ XX դ. սկիզբ, հեղինակն անհայտ:

²¹⁹ Ս. Կարապետյան, «Հայաստանի պատմություն», հ. Բ, Սալմաստ, Երևան, 2017, էջ 219-222:

²²⁰ Ս. Սաղումյան, Աշտարակ, էջ 134-135. Կ. Մաթևոսյան, Մուղնու Սուրբ Գևորգ վանքը, Էջմիածին, 2009, էջ 25-31. Ա. Պապոյան, Մուղնու Սբ Գևորգ եկեղեցու որմնանկարների վերստեղծման սկզբունքները, «Հուշարձան» տարեգիրք, ԺԱ, Երևան, 2016, էջ 40-46:

²²¹ Առաջին շերտի որմնանկարները (1780-ական թթ., հեղինակ՝ ենթադրաբար Հովնաթան Հովնաթանյան) չեն պահպանվել (Կ. Matevosyan, A. Avetisyan, Surb Gevorg Cathedral. The Frescoes, Yerevan, 2015, էջ 30):

Այս շերտին են թմբուկի տասներկու առաքյալների, առաքաստների չորս ավետարանիչների՝ իրենց խորհրդանշաններով, նաև մի քանի այլ, առավել փոքրածավալ որմնանկարներ²²²:

Չորրորդ շերտի որմնանկարները՝ 1922-1923 թթ., հեղինակ՝ Գևորգ Բաշինջադյան:

Բաշինջադյանը եկեղեցում ստեղծել է չորս որմնանկար. «Աղոթք Գեթսեմանիում», «Հուդայի գղջումը», «Հիսուսը քայլում է ծովի վրայով» և «Սերմնացանի առակը»:

165. Թիֆլիսի Ս. Նշան (Ս. Նիկողայոս) եկեղեցի

Նոր շերտի որմնանկարները՝ 1830 թ., այժմ՝ ոչնչացված, հեղինակ՝ ենթադրաբար Մկրտում Հովնաթանյան²²³:

Նկարագրություն - Եկեղեցու ներսը գրեթե ամբողջովին որմնանկարված է եղել: Որմնանկարների մեծ մասը ոչնչացվել է 2002 թ. հրդեհից: Մնացած հատուկենտ բեկորներն էլ (առաքաստների ավետարանիչների պատկերները և այլն) բաժին են դառնում 2012 թ. երկու հրդեհներին²²⁴:

166. Որդուարի (Օրդուբադ, Գողթն գավառ) Ս. Ստեփանոս եկեղեցի

Որմնանկարները՝ ենթադրաբար XIX դ., այժմ ոչնչացված, հեղինակն անհայտ²²⁵:

Նկարագրություն - Բովանդակության մասին տեղեկություններ չեն պահպանվել:

167. Ներքին Հանդամեջի (Գողթն գավառ) Ս. Աստվածածին եկեղեցի

Որմնանկարները՝ ենթադրաբար XIX դ., այժմ ոչնչացված, հեղինակն անհայտ²²⁶:

Նկարագրություն - Բովանդակության մասին տեղեկություններ չեն պահպանվել:

²²² **K. Matevosyan, A. Avetisyan**, Surb Gevorg Cathedral..., էջ 40-41:

²²³ Ըստ Մ. Ղազարյանի՝ հին շերտի որմնանկարները հնարավոր է, որ արված լինեն Նաղաշ Հովնաթանի և Հովնաթան Հովնաթանյանի կողմից (**Մ. Ղազարյան**, Նշվ. աշխ., էջ 218):

²²⁴ **Ս. Կարապետյան**, Թիֆլիսի Սբ Նշան, Սբ Նիկողայոսի եկեղեցի, «Վավերագրեր հայ ճարտարապետության», գիրք 1, Երևան, 2012, էջ 12-16:

²²⁵ **Ա. Այվազյան**, Նախիջևանի ԻՍՍՀ հայկական հուշարձանները, էջ 35:

²²⁶ Նույն տեղում, էջ 38:

168. Քաղաքիկի (Գողթն գավառ) անանուն եկեղեցի

Որմնանկարները՝ ենթադրաբար XIX դ., այժմ ոչնչացված, հեղինակն անհայտ²²⁷:

Նկարագրություն - Բովանդակության մասին տեղեկություններ չեն պահպանվել:

169. Տրունիսի կամ Դրնիսի (Գողթն գավառ) Ս. Ստեփանոս եկեղեցի

Որմնանկարները՝ ենթադրաբար XIX դ., հեղինակն անհայտ, չեն պահպանվել²²⁸:

Նկարագրություն - Բովանդակության մասին տեղեկություններ չեն պահպանվել:

170. Տանակերտի (Գողթն գավառ) Ս. Աստվածածին եկեղեցի

Որմնանկարները՝ ենթադրաբար XIX դ., այժմ ոչնչացված, հեղինակն անհայտ²²⁹:

Նկարագրություն - Բովանդակության մասին տեղեկություններ չեն պահպանվել:

171. Շահկերտի կամ Ղազանչիի Ս. Ամենափրկիչ վանք

Որմնանկարները՝ ենթադրաբար XIX դ., այժմ՝ ոչնչացված, հեղինակն անհայտ²³⁰:

Նկարագրություն - Բովանդակության մասին տեղեկություններ չեն պահպանվել:

172. Կեսարիայի Թոմարզա գյուղի Ս. Պողոս-Պետրոս եկեղեցի

Որմնանկարները՝ XIX դ., հեղինակն անհայտ:

Նկարագրություն - Ներկայացնում են նախշազարդեր, հրեշտակների, աղավաղների պատկերներ ևն:

173. Կեսարիայի Թոմարզա գյուղի Ս. Աստվածածին վանք

Որմնանկարները՝ XIX դ., այժմ՝ ոչնչացված, հեղինակն անհայտ:

²²⁷ Ա. Այվազյան, Նշվ. աշխ., էջ 41:

²²⁸ Նույն տեղում, էջ 42:

²²⁹ Նույն տեղում, էջ 43:

²³⁰ Նույն տեղում, էջ 72-73:

Նկարագրություն - Ըստ պահպանված լուսանկարների՝ դահլիճն ամբողջովին պատված է եղել որմնանկարներով: Երևում են սրբերի պատկերներ, նախշազարդեր ևն²³¹:

174. Շուշիի Կուսանաց վանք (Կուսանաց անապատ)

Որմնանկարները՝ XIX դ., այժմ՝ ոչնչացված, հեղինակն անհայտ²³²:

Նկարագրություն - Բովանդակության մասին տեղեկություններ չեն պահպանվել:

175. Կուտկաշենի²³³ Նիժ գյուղի Ներքին թաղի Ս. Աստվածածին եկեղեցի

Որմնանկարները՝ ենթադրաբար XIX դ., հեղինակն անհայտ:

Նկարագրություն - 1980-ական թթ. դեռ պահպանվել էին եկեղեցու ներսի երկու որմնանկարները (Հովհաննես ավետարանիչը և «Մկրտություն» տեսարանը):

176. Քարագլուխի (ՀՀ Վայոց ձորի մարզ) անանուն եկեղեցի

Որմնանկարները՝ ենթադրաբար XIX դ., հեղինակն անհայտ:

Նկարագրություն - Չարդատարրերի հետքեր են մնացել կամարների վրա:

177. Թիֆլիսի Բերդեհեմի Ս. Աստվածածին եկեղեցի

Որմնանկարները՝ ենթադրաբար XIX դ., այժմ՝ ոչնչացված, հեղինակն անհայտ:

Նկարագրություն - Գմբեթին եղել է Հայր Աստծու պատկերը²³⁴:

178. Աստապատի Ս. Ստեփանոս եկեղեցի (Կարմիր վանք)

Որմնանկարները՝ 1859-1860 թթ., այժմ՝ ոչնչացված, հեղինակ՝ աստապատցի Հակոբ Տեր-Աբրահամյան:

Նկարագրություն - Գմբեթին պատկերված են եղել ութ սրբերի պատկերներ, առագաստներին՝ չորս ավետարանիչների պատկերները, խորանում՝ այլ սրբերի պատկերներ, ծաղկային զարդատարրեր և այլն,

²³¹ **Տրդատ եպս. Պալեան**, Հայ վանօրայք ի Թուրքիա, Իզմիր, 1914, էջ 89-97:

²³² **Կ. Մաթևոսյան**, Որմնանկարչությունը Հայաստանի պետական պատկերասրահում, էջ 51:

²³³ Ներկայիս Ադրբեջանի Հանրապետության Գաբալա քաղաքն է:

²³⁴ **Ս. Կարապետյան**, Վրաց պետական քաղաքականությունը և հայ մշակույթի հուշարձանները, Երևան, 1998, էջ V:

խսկ երկու մույթերին և ընդերկայնական որմերին՝ նաև սյուժետային տեսարաններ, այդ թվում՝ «Ընծայումն տաճարին», «Աբրահամի զոհաբերությունը» ևն²³⁵:

179. Ճահուկի (համանուն գավառ) Ս. Յովհաննես Սկրտիչ եկեղեցի

Որմնանկարները՝ 1860-1880-ական թթ., այժմ ոչնչացված, հեղինակն անհայտ:

Նկարագրություն - Որմնանկարվել է ավագ խորանը, գմբեթն ու առագաստները: Որմնանկարները ներկայացնում են հիմնականում հրեշտակների պատկերներ և ծաղկատերևային զարդատարրեր²³⁶:

180. Սղնախի (Կախեթ) Ս. Գևորգ եկեղեցի

Որմնանկարները՝ XIX դ., հեղինակն անհայտ:

Նկարագրություն - Որմերին նկատվում են հայերեն մակագրություններով կիսաեղծ որմնանկարներ:

181. Դիղումի (Թբիլիսիի մոտ) Ս. Կիրակի եկեղեցի

Որմնանկարները՝ XIX դ., հեղինակն անհայտ:

Նկարագրություն - Հայերեն արձանագրություններով որմնանկարներ են առկա եկեղեցու հյուսիսային և արևմտյան որմերին: 2010-ական թվականներին եկեղեցու վրացականացման նպատակով որմնանկարների մի մասը քերվել է:

182. Բիստի (Գողթն գավառ) Ս. Աստվածածին եկեղեցի

Որմնանկարները՝ 1877 թ., այժմ՝ ոչնչացված, հեղինակն անհայտ:

Նկարագրություն - Ավագ խորանում եղել են սրբերի և հրեշտակների պատկերներ²³⁷:

²³⁵ **Ս. Փափագեանց**, Յնութիւնք վանօրեից. չորրորդ գիրք. Գողթան գաւառ, Վաղարշապատ, 1891, էջ 5. **Ե. Լալայեան**, Նախիջեւանի ոստիկանական շրջան կամ Նախճաւան, «Ազգագրական հանդէս», գիրք XV, Տփլիսի, 1907, էջ 152-153. Сборник материалов для описания местностей и племень Кавказа, вып. 27, Тифлис, 1900, էջ 57: Ըստ Ա. Այվազյանի՝ Կարմիր վանքի որմնանկարներն ունեցել են նաև հին շերտ, նկարված Հակոբ և Հարություն Յովնաթանյանների կողմից (**Ա. Այվազյան**, Նախիջեւանի որմնանկարչական արվեստը, էջ 42, 48):

²³⁶ Ըստ Ա. Այվազյանի՝ այստեղ առկա է եղել նաև հին շերտ, արված 1680-1760 թթ., սակայն դրանց մասին որևէ տեղեկություն չունենք (**Ա. Այվազյան**, նշվ. աշխ., էջ 89, 94-97):

²³⁷ Նույն տեղում, էջ 67:

183. Գաղի (Երնջակ գավառ) Ս. Գրիգոր Եկեղեցի

Որմնանկարները՝ XIX դ. II կես, այժմ՝ ոչնչացված, հեղինակն անհայտ:

Նկարագրություն - Պահպանված լուսանկարներում երևում են ծաղկային զարդատարրերով որմնանկարներ: Արգամ Այվազյանի ենթադրությամբ՝ դրանք Հովնաթանյան վարպետների նկարած գործերի վերանկարումներ են²³⁸:

184. Երևանի Պատմական հուշարձանների պահպանման հայկական դաշնության գրասենյակի շենք (Պարսկաստանի Նախկին հյուպատոսարան)²³⁹

Որմնանկարները՝ XIX դ. վերջին քառորդ, հեղինակն անհայտ:

Նկարագրություն - Որմնանկարները շինության ներսում բավականին մեծ ծավալ են զբաղեցնում և ներկայացնում են ինչպես հայկական (գորգերին հատուկ հորինվածք, մանրանկարչության մեջ հանդիպող դրվագներ ևն), այնպես էլ պարսկական զարդատարրեր: Որմնանկարների հետքեր են առկա նաև շինության դրսի կողմից:

185. Սուրամի (Ջավախք) Ս. Գրիգոր Լուսավորիչ Եկեղեցի

Որմնանկարները՝ 1895-1896 թթ., այժմ՝ ոչնչացված, հեղինակն անհայտ²⁴⁰:

Նկարագրություն - Գմբեթին պատկերված է եղել Հայր Աստված, առաքաաստներին՝ չորս ավետարանիչներն իրենց խորհրդանիշներով: Աղոթասրահում եղել են նաև «Տրդատի թագադրումը Գրիգոր Լուսավորչի կողմից» տեսարանը և այլ պատկերներ:

186. Կամարիսի (Կոտայքի մարզ) Ս. Հովհաննես Եկեղեցի

Որմնանկարները՝ XIX-XX դդ., հեղինակն անհայտ:

Նկարագրություն - Որմնանկարներ են պահպանվել ավագ խորանում (խաչապատկեր, բուսական զարդատարրեր և այլն), ավագ խորանի 1880 թ. կառուցված պատկերակալին («Ավետում», հրեշտակներ և այլն), որոշ հետքեր են մնացել նաև մույթերին:

²³⁸ Ա. Այվազյան, նշվ. աշխ., էջ 67

²³⁹ Գտնվում է Հանրապետության 32 հասցեում:

²⁴⁰ Ս. Կարապետյան, Վրաց պետական քաղաքականությունը և հայ մշակույթի հուշարձանները (1988-1998), ՀԾՈՒ գիտական ուսումնասիրություններ, գիրք Բ, Երևան, 1998, էջ 62:

187. Չալթիր գյուղի (Դոնի Ռոստով քաղաքի մոտ) Ս. Համբարձում եկեղեցի

Որմնանկարները՝ XIX-XX դդ., հեղինակն անհայտ:

Նկարագրություն - Թմբուկին պատկերված են Զրիստոսի տասներկու առաքյալները, առագաստներին՝ չորս ավետարանիչները (պահպանվել են երեքը): Որոշ հետքեր են մնացել նաև հյուսիսային (հավանաբար «Ծնունդ» տեսարանն է) և հարավային պատերին: Որմնանկարները վերականգնվել են 2017 թ.:

188. Նեսվետայ գյուղի (Դոնի Ռոստով քաղաքի մոտ) Ս. Կարապետ եկեղեցի

Որմնանկարները՝ XIX-XX դդ., հեղինակն անհայտ:

Նկարագրություն - Որմնանկարների մնացորդներ են պահպանվել ավագ խորանում, առագաստներին (չորս ավետարանիչների պատկերները) և պատերին («Մկրտություն» տեսարանը և այլն)²⁴¹:

189. Մեծ Սալա գյուղի (Դոնի Ռոստով քաղաքի մոտ) Ս. Աստվածածին եկեղեցի

Որմնանկարները՝ XIX-XX դդ., հեղինակն անհայտ:

Նկարագրություն - Որմնանկարների մնացորդներ են պահպանվել հիմնականում գմբեթի հատվածում (սրբերի պատկերներ, բուսական մոտիվներ և այլն)²⁴²:

190. Իգմայիլ քաղաքի (Օդեսայի մարզ) Ս. Աստվածածնի Վերափոխման եկեղեցի

Որմնանկարները՝ XIX-XX դդ., այժմ՝ ոչնչացված, հեղինակն անհայտ:

Նկարագրություն - Որմնանկարների բովանդակության մասին տեղեկություններ չեն պահպանվել²⁴³:

191. Կորխի (Ջավախք) Ս. Ստեփանոս եկեղեցի

Որմնանկարները՝ XIX-XX դդ., հեղինակն անհայտ:

Նկարագրություն - Որոշ հետքեր (հրեշտակների պատկերներ) են պահպանվել ավագ խորանում, եկեղեցու բեմի որմնասյուներին և մկրտության ավազանի մոտ:

²⁴¹ Օ. *Халпахчян*, Архитектура Нахичевани-на-Дону, Ереван, 1988, էջ 101:

²⁴² Նույն տեղում, էջ 106:

²⁴³ *А. Тораманян*, Из истории строительной деятельности армян в Молдавии, Москва, 1991, էջ 59:

192. Պետերբուրգի Ս. Կատարինե եկեղեցի

Որմնանկարները՝ XIX-XX դդ., հեղինակն անհայտ:

Նկարագրություն - Պատկերված են Հայր Աստծու, հրեշտակների պատկերներ, չորս առագաստներին՝ ավետարանիչները:

193. Սարուշենի (Հադրութի շրջան) Ճաղախի վանքի նոր եկեղեցի և հյուրատուն

Որմնանկարները՝ XIX-XX դդ., հեղինակն անհայտ:

Նկարագրություն - Մեկ որմնանկար (Ռաֆայելի «Սիքստինյան Տիրամոր» կրկնօրինակն է) պահպանվել է նոր եկեղեցու հյուսիսային որմնամույթին, ներկի որոշ հետքեր էլ պահպանվել են հյուրատան պատերին:

194. Արտիմետի (Արմավիրի մարզ) Ս. Աստվածածին եկեղեցի

Որմնանկարները՝ XIX-XX դդ. սկիզբ, հեղինակն անհայտ:

Նկարագրություն - Չարդանախշային որմնանկարներ են պահպանվել ավագ խորանում²⁴⁴:

195. Հայկավանի (Արմավիրի մարզ) Ս. Աստվածածին եկեղեցի

Որմնանկարները՝ XIX դ. վերջ կամ XX դ. սկիզբ, հեղինակն անհայտ:

Նկարագրություն - Որմնանկարները հատվածաբար պահպանվել են ավագ խորանում և մկրտության որմնախորշում: Ներկայացնում են քառատերևի մեջ պատկերված մարդկային դեմքեր, աղավնի, ծաղկատերևային զարդատարրեր և այլ պատկերներ:

196. Ակունքի (Կոտայքի մարզ) Ս. Կարապետ եկեղեցի

Որմնանկարները՝ XIX դ. վերջ կամ XX դ. սկիզբ, հեղինակն անհայտ:

Նկարագրություն - Արևելյան պատին պահպանվել են սրբերի պատկերներ²⁴⁵:

197. Գանձակի Ս. Գրիգոր Լուսավորիչ եկեղեցի

Որմնանկարները՝ XIX դ. վերջ կամ XX դ. սկիզբ, հեղինակն անհայտ:

²⁴⁴ Արտիմետ գյուղի և եկեղեցու պատմության մասին տեղի հոգևոր հովիվ Ս. Ներսես քին. Ռուշանյանի աշխատասիրությամբ վերջերս մի գիրք է հրատարակվել, որտեղ չնայած որմնանկարներին հատուկ անդրադարձ չկա, սակայն եկեղեցու վերանորոգումների ժամանակագրությունը թույլ է տալիս ենթադրել, որ դրանք XX դարի երկրորդ կեսին են արվել, երբ եկեղեցին վերակառուցվել է (տե՛ս **Ս. Ներսես քին. Ռուշանյան (Ազիխաչոյան)**, Հիմ ու նոր Արտիմետ, Երևան, 2019) – Ա. Հ.:

²⁴⁵ **Ս. Կարապետյան**, Ակունք և Կաթնաղբյուր գյուղերի պատմական հուշարձանները, Երևան, 2014, էջ 5:

Նկարագրություն - Բովանդակության մասին տեղեկություններ չեն պահպանվել²⁴⁶:

198. Մցգունի (Գողթն գավառ) Ս. Ստեփանոս եկեղեցի

Որմնանկարները՝ 1902 թ., այժմ ոչնչացված, հեղինակ՝ Յոնեցի Մալաց Դուկաս:

Նկարագրություն - Պահպանված լուսանկարներում երևում են ծաղկատերևային զարդատարրերով որմնանկարներ²⁴⁷:

199. Երևանի Պուշկինի փողոցի թիվ 38 շենք²⁴⁸

Որմնանկարները՝ XX դ. սկիզբ, հեղինակն անհայտ:

Նկարագրություն - Առաջին և երկրորդ հարկերի միջանցքների, նաև երկրորդ հարկի երկու սենյակների առաստաղներին պահպանվել են դիմանկարներ, նատյուրմորտներ և դեկորատիվ զարդատարրեր պառուկաձևով որմնանկարներ:

200. Կուտկաշենի Նիժ գյուղի Վերին թաղի Ս. Աստվածածին եկեղեցի

Որմնանկարները՝ 1914 թ., հեղինակն անհայտ:

Նկարագրություն - 1980-ական թթ. հարավային մուտքի արևմտյան կողմում դեռ պահպանվել էր Էջմիածնի Մայր տաճարի պատկերը:

201. Յալթայի Ս. Հռիփսիմե եկեղեցի

Որմնանկարները՝ 1917-1918 թթ., հեղինակ՝ Վարդգես Սուրենյանց²⁴⁹:

Նկարագրություն - Որմնանկարները հիմնականում դեկորատիվ բնույթ են կրում՝ բուսական և թռչնային մոտիվներով²⁵⁰:

²⁴⁶ Միակ աղբյուրը, որտեղ խոսվում է Ս. Գրիգոր Լուսավորիչ եկեղեցում որմնանկարների առկայության մասին, Լ. Մելիք-Շահնազարյանի «Гандзак. нейтральный мир» գիրքն է (Степанакерт, 1996), որտեղ կարդում ենք. «Изнутри церковь была украшена великолепными образцами армянской настенной живописи на религиозные темы» (էջ 18):

²⁴⁷ **Ա. Ավագյան**, Նախիջևանի վիմագրական ժառանգությունը, հ. Գ., Գողթն գավառ, Երևան, 2007, էջ 87, լուս. 60: Նույն հեղինակի «Նախիջևանի ԻՍՄՀ հայկական հուշարձանները» գրքում որմնանկարները թվագրված են XIX դարով:

²⁴⁸ Շենքը հայտնի է որպես Աֆրիկյանների ընդունելությունների տուն, Առաքել Աֆրիկյանի առանձնատուն, Մովսես Սիլիկյանի տուն և այլ անուններով:

²⁴⁹ Սուրենյանցի ծանր հիվանդության պատճառով 1918-ից նրա էսքիզների հիմամբ գմբեթի նկարագրողումը շարունակել և ավարտել է նկարիչ և արվեստաբան Տարագրոսը: Մնացյալ հատվածների նկարագրողումը մնացել է կիսատ և ավարտվել է միայն 2010-2013 թթ., նկարիչ Աշոտ Ներսիսյանի կողմից:

²⁵⁰ **Ե. Մարտիրոսյան**, Հայկական կերպարվեստի պատմություն. XVII-XIX դդ., գիրք Բ, Երևան, 1975, էջ 96-97. **Ա. Աղասյան և այլք**, նշվ. աշխ., էջ 310:

ԽՈՐՀՐԴԱՅԻՆ ՇՐՋԱՆ

202. Օշականի Ս. Մեսրոպ Մաշտոց եկեղեցի

Կառուցվել է 1875-1879 թթ.:

Որմնանկար՝ «Հայոց գրերի ստեղծումը», 1964-1966 թթ., հեղինակներ՝ Յովհաննես Մինասյան, Հենրիկ Մամյան:

203. Ս. Էջմիածնի Գևորգյան հոգևոր ճեմարանի կլոր դահլիճ

Կառուցվել է 1871 թ.:

Որմնանկար՝ «Կոմիտաս», 1969 թ., հեղինակներ՝ Աշոտ Մելքոնյան, Հակոբ Հակոբյան, Հենրիկ Սիրավյան, Ռաֆայել Սարգսյան:

204. Գյումրիի Գալվանամետրերի գործարանի հիմնական մասնաշենք, 2011-ից՝ Չվարթնոց օդանավակայանի մեկնման սրահ

Որմնանկար՝ «Թել են մանում», 1970 թ., հեղինակ՝ Մինաս Ավետիսյան:

205. Ազատան գյուղի մշակույթի տուն

Որմնանկար՝ «Լեռներում», 1970-ական թթ. սկիզբ, հեղինակ՝ Մինաս Ավետիսյան:

206. Գյումրիի Էլեկտրատեխնիկական գործարանի ճաշարանի մասնաշենք, 2011-ից՝ Չվարթնոց օդանավակայանի նախագահական մասնաշենք

Որմնանկար՝ «Երկանք», 1970-ական թթ. սկիզբ, հեղինակ՝ Մինաս Ավետիսյան:

207. Գյումրիի Էլեկտրատեխնիկական գործարանի ճաշարանի մասնաշենք, 2009-ից՝ ՀԱՊ մասնաճյուղ Մինաս Ավետիսյանի տուն-թանգարան

Որմնանկար՝ «Թորոս Ռուսլինի ծնունդը», 1972 թ., հեղինակ՝ Մինաս Ավետիսյան:

208. Վահրամաբերդի մշակույթի տուն

Որմնանկար՝ «Արմենիա», 1973 թ., հեղինակ՝ Մինաս Ավետիսյան:

209. Գյումրիի Էլեկտրատեխնիկական գործարանի ճաշարանի մասնաշենք, 2010-ից՝ ՀՀ կառավարության նիստերի դահլիճ

Որմնանկար՝ «Հանդիպում», 1973 թ., հեղինակ՝ Մինաս Ավետիսյան:

210. Գյումրիի Էլեկտրատեխնիկական գործարանի ճաշարանի մասնաշենք, 2010-ից՝ ՀՀ կառավարության նիստերի դահլիճ

Որմնանկար՝ «Խաչքարի մոտ», 1973 թ., հեղինակ՝ Մինաս Ավետիսյան:

211. Գյումրիի Գալվանամետրերի գործարան, 2019-ից՝ Երևանի Մեգամոլ-Արմենիա

Որմնանկար՝ «Գիշեր», 1973 թ., հեղինակ՝ Մինաս Ավետիսյան:

212. Գյումրիի Գալվանամետրերի գործարան, 2019-ից՝ ՀԱՊ մասնաճյուղ Մինաս Ավետիսյանի տուն-թանգարան

Որմնանկար՝ «Ցերեկ» (հատված), 1973 թ., հեղինակ՝ Մինաս Ավետիսյան:

213. ՀՀ վերաքննիչ դատարանի շենք

Որմնանկարներ՝ «Թորոս Ռոսլինի ծնունդը», «Լավաշ են թխում», «Հանդիպում գյուղում», հեղինակ՝ Մինաս Ավետիսյան:

214. Գյումրիի Անալիտիկ սարքերի գործարան, 1991-ից՝ Գյումրիի Վ. Աճեմյանի անվան պետական դրամատիկական թատրոնի շենք

Որմնանկար՝ «Աղբյուրի մոտ», հեղինակ՝ Մինաս Ավետիսյան:

215. Գյումրիի Մեքենաշինական գործարան, 2013-ից՝ Գյումրիի քաղաքապետարան

Որմնանկար՝ «Հայկական հովվերգություն», հեղինակ՝ Մինաս Ավետիսյան:

216. Գյումրիի Էլեկտրատեխնիկական սարքերի գործարան, 2019-ից՝ Գյումրիի Apricot Hotels and Resort

Որմնանկար՝ «Գորգ են գործում», հեղինակ՝ Մինաս Ավետիսյան: Այս և նախորդ երկու որմնանկարները Մ. Ավետիսյանը հեղինակել է 1972-1974 թթ.²⁵¹:

²⁵¹ Մեր երախտագիտությունն ենք հայտնում ՀԱՊ մասնաճյուղ Մինաս Ավետիսյանի տուն-թանգարանի աշխատակիցներին՝ որմնանկարների վերաբերյալ լրացուցիչ տեղեկություններ տրամադրելու համար:

217. Գյումրիի «Ստրոմմաշինա» (հետագայում՝ «Քարհատմեքենա») գործարանի ճաշարանի մասնաշենք, 2016-ից՝ Գյումրիի Վ. Աճեմյանի անվան թատրոն

Որմնանկար՝ «Սարերում», 1973 թ., հեղինակ՝ Հակոբ Հակոբյան:

218. Գյումրիի Էլեկտրատեխնիկական գործարան, 2015-ից՝ Գյումրիի Երիտասարդական պալատ

Որմնանկար՝ «Ջաղացի ճանապարհին», 1973 թ., հեղինակ՝ Ռաֆայել Աթոյան:

219. Ապագա գյուղի մշակույթի տան նախասրահ

Որմնանկար՝ «Սասունցիներ», 1974 թ., հեղինակ՝ Սարգիս Մուրադյան:

220. Քաղսի գյուղի մշակույթի տուն

Որմնանկար՝ «Որս», 1970 թ., հեղինակ՝ Հենրիկ Սիրապյան:

221. Քաղսի գյուղի մշակույթի տուն

Որմնանկար՝ «Աղբյուրի մոտ», 1970 թ., հեղինակ՝ Հենրիկ Սիրապյան:

222. Հայաստանի գրողների տուն

Որմնանկար՝ «Հայաստան», եռապատկեր, 1973 թ., հեղինակ՝ Հենրիկ Սիրապյան:

223. Բջնի գյուղի մշակույթի տուն

Որմնանկար՝ «Պատմությունը և ներկան», 1975 թ., հեղինակ՝ Հենրիկ Սիրապյան:

224. Հայաստանի երաժշտական ընկերության շենքի ճեմասրահ

Որմնանկար՝ «Հայ ժողովրդական երգի տուն, ծաղկի տուն», 1984-1987 թթ., հեղինակ՝ Հենրիկ Սիրապյան:

ՄԱՍՆԱԳԻՏԱԿԱՆ ԳՐԱԿԱՆՈՒԹՅՈՒՆ

Ալինեան Ն., Հովնաթան Նաղաշ եւ Նաղաշ Հովնաթանեանք եւ իրենց բանաստեղծական եւ նկարչական աշխատութիւնք, Վիեննա, 1911:

Աղասյան Ա., Հակոբյան Հր., Հասարայան Մ., Ղազարյան Վ., Հայ արվեստի պատմություն, Երևան, 2009:

Այվազյան Ա., Ագուլիս. պատմամշակութային հուշարձաններ, Երևան, 1984:

Այվազյան Ա., Նախիջևանի ԻՍՍՀ հայկական հուշարձանները /համահավաք ցուցակ/, Երևան, 1986:

Այվազյան Ա., Նախիջևանի կոթողային հուշարձաններն ու պատկերաքանդակները, Երևան, 1987:

Այվազյան Ա., Նախիջևանի որմնանկարչական արվեստը, Երևան, 1998:

Ասատրյան Գ., Պատմական Քանափեռը և քանափեռցիները, Երևան, 1990:

Ասատրյան Ա., Մոզնու Սուրբ Գևորգ և Սուրբ Նշան եկեղեցիները (պատմություն և տարեգրություն), Էջմիածին, 2016:

Ավետիսյան Ա., Գնդեվազի Ս. Աստվածածին եկեղեցին, «Լրաբեր» հաս. գիտ., 2018, ք. 3, էջ 259-277:

Ավետիսյան Ա., Աստվածատուր Աստապատցի. նոր անուն XVIII դարի հայ որմնանկարչության ասպարեզում, ՊԲՀ, 2019, ք. 2, էջ 78-92:

Ավետիսյան Ա., Տրապիզոնի հայոց Ս. Ամենափրկիչ վանքի որմնանկարները, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ Կ. Մաթևոսյան, Երևան, 2019, էջ 125-151, 361-365:

Ավետիսյան Ա., Մեղրիի Անապաստանաց վանքի որմնանկարները, «Լրաբեր» հաս. գիտ., 2019, ք. 3, էջ 219-230:

Ավետիսյան Ա., Մեղրու Փոքր թաղի Ս. Հովհաննես Մկրտիչ եկեղեցու որմնանկարների 2017-2019 թթ. ուսումնասիրման և վերականգնման աշխատանքները, «Հուշարձան» տարեգիրք, Երևան, 2020, էջ 9-29:

Ավետիսյան Ա., Հայ միջնադարյան մեծարժեք որմնանկար եգիպտոսում (Թեոդորոս Քեսունցու «Քրիստոսը Փառքի մեջ» պատկերը), «Հայկական որմնանկարչություն» գիտական հոդվածների և նյութերի ժողովածու, էջ 77-84:

Ավետիսյան Ք., Որմնանկարչությունը Հայաստանի ազգային պատկերասրահում, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ Կ. Մաթևոսյան, Երևան, 2019, էջ 232-243:

Բաբայան Ա., Հայկական որմնանկարչությունը Նոր Զուլայում, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 192-206:

Բարխուդարյան Ա., Կաթողիկե եկեղեցու արձանագրությունները, ՀՍՍՌ Գիտությունների ակադեմիայի Տեղեկագիր, 1947, ք. 5, էջ 69-78:

Գրիգորյան Գ., Ֆամագուստայի հայկական եկեղեցու որմնանկարները, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 286-288:

Գրիգորյան Վ., էջմիածնի Մայր տաճարը, «Հայ արվեստի հարցեր», Երևան, 2010, էջ 466-481:

Գևորգյան Ա., Հովնաթանյան տոհմի նորահայտ մանրանկարիչներ, ՊԲՀ, 1982, ք. 2, էջ 72-80:

Գևորգյան Ա., Մի լրացում Հովնաթանյան տոհմաձառին, ՊԲՀ, 1996, ք. 1-2, էջ 377-381:

Եղիազարյան Հ., Ազիզբեկովի շրջանի կոլտուրայի հուշարձանները, Երևան, 1955:

Ենոֆյան Ա., Լվովի Ս. Աստվածածնի վերափոխման տաճարի ներքին հարդարանքը և որմնանկարները, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 207-214:

Ենոֆյան Ա., Երևանի Զորավոր Ս. Աստվածածին եկեղեցու որմնանկարը, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 223-231:

Եսայան Ա., Սբ Հակոբ եկեղեցու որմնանկարների վերականգնումը, «Հուշարձան» տարեգիրք, Երևան, 2005, էջ 64-72:

Երեմեան Ա., Նոր Զուլայի Ժէ դարու որմնանկարչական յուշարձանը, Նիւ-Յորք, 1942:

էջմիածնի գանձերը, խմբ. **Մ. Ղազարյան**, էջմիածին, 1984:

Տ. Հեթում ֆհն. Թարվերդյան, Հաղբատի վանքի որմնանկարները, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 98-102:

Տ. Հեթում ֆհն. Թարվերդյան, Ռումինիայի Զամկա և Հանկատար որմնանկարազարդ Հայոց վանքերը, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 283-285:

Թորմանյան Թ., Նյութեր հայկական հարտարապետության պատմության, Երևան, 2013:

Առնյան Գ., Հովնաթանյան նաղաշները հայ նկարչության պատմության մեջ, «Խորհրդային արվեստ», 1938, թ. 1, 2, 4:

Կարապետյան Հ., Վայոց ձորն ու նրա հուշարձանները, Մուսալեռ, 2012:

Կարապետյան Ս., Հայկական եկեղեցիները Վրաստանում, Երևան, 1995:

Կարապետյան Ս., Վրաց պետական ֆաղափականությունը և հայ մշակույթի հուշարձանները (1988-1998), ՀՀՈՒ գիտական ուսումնասիրություններ, գիրք Բ, Երևան, 1998:

Հախնազարյան Ա., Արտագի երեք վանքերը, ՀՀՈՒ գիտական ուսումնասիրություններ, գիրք ԺԵ, Երևան, 2012:

Հակոբյան Զ., Հայ-ֆաղկեդոնական ավանդույթների արտացոլումը Անիի Ս. Գրիգոր (Տիգրան Հոնենց) եկեղեցու որմնանկարներում, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 103-124:

Հակոբյան Հր., Հայոց տերունական սրբապատկերները, Երևան, 2003:

Հակոբյան Հր., Վասպուրականի որմնանկարչության երկու հուշարձան, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 63-76:

Հասրաթյան Մ., Սյունիքի XVII-XVIII դդ. հարտարապետական համալիրները, Երևան, 1973:

Հասրաթյան Մ., Մեղրու շրջանի հուշարձանները, Երևան, 1987:

Հարությունյան Վ., Էջմիածին, Երևան, 1978:

Հարությունյան Վ., Էջմիածին, Երևան, 1985:

Հարությունյան Ա., Երևանը և շրջակայքը, Երևան, 2012:

Հարությունյան Ռ., Հին Երևանի հարտարապետական առեղծվածների պարզաբանումը, Երևան, 2007:

Հարությունյան Վ., Հայկական հարտարապետության պատմություն, Երևան, 1992:

Հովհաննիսյան Կ., Էրեբունիի որմնանկարները, Երևան, 1973:

Ղազարյան Մ., Հայ կերպարվեստը XVII-XVIII դարերում, Երևան, 1974:

Ղազարյան Վ., **Հակոբյան Հր.**, Հայ միջնադարյան կերպարվեստի պատմություն, Երևան, 2012:

Ղաֆադարյան Կ., Երևան. միջնադարյան հուշարձանները և վիմական արձանագրությունները, Երևան, 1975:

Մաթևոսյան Կ., Որմնանկարչությունը Հայաստանի պետական պատկերասրահում, Երևան, 1990:

Մաթևոսյան Կ., Մուղնու Ս. Գևորգ վանքը, էջմիածին, 2009:

Մաթևոսյան Կ., Միջնադարյան հեղինակների վկայությունները հայկական որմնանկարչության մասին, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 7-18:

Մաթևոսյան Կ., Նյութեր հայկական միջնադարյան որոշ որմնանկարների վերաբերյալ, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 85-97:

Մանուկյան Ս., Կեսարիայի և շրջակայքի եկեղեցիների հայկական որմնանկարչությունը, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 215-222:

Մանուկյան Ս., Տաթևի որմնանկարները եւ արեւմտաֆրիստոնէական վաղ միջնադարեան արուեստը, «Բագմավեպ», 2006, ք. 1-4, էջ 294-311:

Մանուկյան Ս., Միջնադարյան Հայաստանի կոթողային գեղանկարչությունը, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 19-56:

Մանուչարյան Ա., Սաղմոսավանք, Երևան, 2015:

Մարանչի Ք., Նոր տվյալներ Մրենի որմնանկարների և խորանի արձանագրության վերաբերյալ, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 57-62:

Մարտիրոսյան Ե., Հայկական կերպարվեստի պատմություն, հատոր Ա, Երևան, 1971:

Մարտիրոսյան Վ., Նորագավիթի Ս. Գևորգ եկեղեցի, Երևան, 2011:

Մինասեան Լ., Իրանի հայկական վանքերը /Ս. Թադևոս, Ս. Ստեփանոս եւ Ս. Ամենափրկիչ/, Թեհրան, 1971:

Մինասյան Լ., Համառոտ ակնարկ Նոր Զուղայի հին տների վրայ, Հայկազեան հայագիտական հանդես, հ. ԺԷ, Բէյրութ, 1997, էջ 219-243:

Մկրտչյան Մ., Նաղաշ Հովնաթան, Երևան, 1957:

Մկրտչյան Շ., Լեոնային Դարաբաղի պատմանարտարապետական հուշարձանները, Երևան, 1985:

Մնացականյան Սա., Հայկական ճարտարապետության Սյունիքի դպրոցը, Երևան, 1960:

Մնացականյան Սա., Հայկական որմնանկարչական արվեստի պատմական նախադրյալների հարցի շուրջ, «Տեղեկագիր» հաս. գիտ., 1963, թ. 7, էջ 49-60:

Մուրադյան Պ., Հին Թիֆլիսի Հայոց եկեղեցիները, Ս. Էջմիածին, 2009:

Նավասարդյան Մ., Երկու ճակատագիր. Սբ Պողոս-Պետրոս և Սբ Աստվածածին-Կաթողիկե եկեղեցիները, «Երևան-3» գիտաժողովի նյութեր, Երևան, 2011, էջ 93-108:

Շահագիր Շ., Աշտարակի պատմությունը, Երևան, 1987:

Շահագիր Շ., Հին Երևանը, Երևան, 2003:

Չոպանյան Ա., Նաղաշ Հովնաթան աշուղը և Հովնաթան Հովնաթանյան նկարիչը, Փարիզ, 1910:

Սաղումյան Ս., Աշտարակ, Երևան, 1998:

Սարգսյան Տ., Դրմի հայկական որմնանկարները, «Հայկական որմնանկարչություն» գիտական հոդվածների և նյութերի ժողովածու, էջ 152-191:

Սուրբ Էջմիածին. Թանգարան բաց երկնքի տակ, կազմեց՝ **Տ. Արարատ ԲՆՆ. Պողոսյանը**, Էջմիածին, 2015:

Վարդանյան Ս., XX-XXI դարերի եկեղեցական մի ֆանի որմնանկար, «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 244-258:

Քալանթար Ա., Էջմիածնի պեղումները, Երևան, 1934:

Քալանթար Ա., Հայաստան. ֆաբլ դարից միջնադար, Երկերի ժողովածու, Երևան, 2007:

Քոթանջյան Ն., Թալինի Մեծ տաճարի գլխավոր աբսիդի որմնանկարի գծային վերակառուցման փորձը, «Հայ արվեստի հարցեր», գիրք 1, Երևան, 2006:

Акопян З., Фрески церкви Тиграна Оненца (св. Григория) (1215) в Ани. Конфессиональный аспект (Актуальные проблемы теории и истории искусства, сб. науч. статей. Вып. 7), СПб, 2017, с. 269-279, 753-754.

Драмбян И., Фрески Кобайра, Ереван, 1979.

Дурново Л., Краткая история древнеармянской живописи, Ереван, 1957.

Дурново Л., Очерки изобразительного искусства средневековой Армении, Москва, 1979.

Каковкин А., О датировке росписей храма Св. Григория (1215 г.) в Ани, его часовни и притвора, Византийский временник, 1987, № 108-115.

Каковкин А., Житийный цикл Лусаворича в храме Тиграна Оненца 1215 г. в Ани, ВЕУ, 1989, № 3, с. 107-113.

Котанджян Н., Художественный язык Аручской росписи и раннесредневековые фрески Армении, II Международный симпозиум по армянскому искусству. сборник докладов, т. III, Ереван, 1978.

Котанджян Н., Цвет в раннесредневековой живописи Армении, Ереван, 1978.

Котанджян Н., Фрески Аруча как отражение античной традиции в раннесредневековой живописи Армении, Художественное наследие, вып. 6/36, Москва, 1980.

Котанджян Н., Монументальная живопись раннесредневековой Армении, Ереван, 2017.

Котанджян Н., Драмбян И., Фрески Татева. Судьба росписи и история ее изучения, «Հայ աղվեսաճի հարցեր», գիրք 5, Երևան, 2013, № 283-316:

Пуцко В., Иконографические схемы армянских алтарных росписей VII века (Истоки и параллели), ՊԲՀ, 1980, ք. 3, № 141-158:

Халпахчян О., Архитектурные ансамбли Армении, Москва, 1980.

Lidov A., The mural paintings of Akhtala, Moscow, 1991.

The Armenian church of Famagusta and the Complexity of Cypriot Heritage, ed. by **Michael J. K. Walsh**, 2017, January.

Ս. ԷԶՄԻԱԾՆԻ ՄԱՅՐ ՏԱՃԱՐԻ ՈՐՄԱՆԿԱՐՆԵՐԸ

Էջմիածնի Մայր տաճարը վերջին տասնյոթ դարերի ընթացքում վերակառուցվել է ավելին, քան հայկական որևէ այլ եկեղեցի: Ներկա դրությամբ, XVII-XIX դդ. վերակառուցումների արդյունքում, գրեթե ամբողջովին փոխվել է տաճարի նախնական՝ վաղմիջնադարյան տեսքը: Աղոթասրահը ևս անմասն չի մնացել փոփոխություններից. այն պատկերը, որն այժմ տեսնում ենք տաճարի ներսում, ամբողջովին կրում է Նոր շրջանի, մասնավորապես՝ XVIII դարի որմնանկարչության շունչը:

Մայր տաճարի միջնադարյան որմնանկարների մասին մատենագրական տեղեկություններ չեն պահպանվել: Կարող ենք փաստել միայն, որ տաճարի ներկայիս՝ 483-484 թթ. կառույցն ամբողջովին նկարագարոված չի եղել, քանի որ 2018 թ. ծեփից ազատված պատերի բոլոր հատվածների հին որմածքն արված է քարերի երեսակներով, ինչը կառուցման գոնե առաջիկա տարիներին տաճարի նկարագարում չէր ենթադրում: Բացառված չէ, որ ավագ խորանի նկարագարոված շերտերի տակ պահպանված կլինեն նաև վաղմիջնադարյան որմնանկարների հետքեր, որը հաստատելու համար հարկավոր է իրականացնել հետազոտական աշխատանք:

1603 թ. Էջմիածին այցելած գերմանացի ճանապարհորդ **Գեորգ Ֆոն դեր Յաբել Տեկտանդերը** նշում է, որ «տաճարում սրբապատկերներ բոլորովին չկան: Եվ երբ ես հարցրի դրա պատճառը, ապա ինձ պատասխանեցին, որ հիմա թուրքերը թույլ չեն տալիս ունենալ սրբապատկեր և զանգեր, ինչպես նախկինում»¹:

1627 թ. դեռևս Ս. Էջմիածնի լուսարարի պաշտոնը զբաղեցրած Մովսես Եպս. Տաթևացի (Ամենայն Հայոց կաթողիկոս 1629-1633 թթ.) նախաձեռնում է տաճարի վերանորոգումը, որի մասին վկայող հիմնա-

¹ *Какаш и Тектандер*, Путешествие в Персию через Московию 1602-1603 гг., Москва, 1896, էջ 37:

կան աղբյուրը նույն ժամանակի պատմագիր Առաքել Դավրիժեցու երկն է: Արվեստաբան Մանյա Ղազարյանը, հղում անելով Դավրիժեցու՝ «իսկ եթե մեկը ցանկանում է իմանալ Սուրբ Էջմիածնի լուսակառույց, քրիստոսանկար աստվածաբանական տաճարի չափը...» խոսքերին², նշում է. «1627 թ. Մովսես վարդապետը ձեռնամուխ է լինում վանքի վերանորոգմանը: Նա շինարարական խոշոր կառույցների և վերանորոգման հետ միասին նկարագարում է նաև տաճարի ներսը, որի մասին Դավրիժեցին օգտագործում է քրիստոսանկար արտահայտությունը»³: Պատմաբան Կարեն Մաթևոսյանը, սակայն, հիմնավորում է, որ «քրիստոսանկար» բառը պարզապես Ս. Էջմիածնի աստվածային ծնունդն ընդգծող փառաբանական արտահայտություն է և չի կարող Մովսես Տաթևացու օրոք տաճարում որմնանկարների փաստն արձանագրել⁴:

Ըստ երևույթին, Մանյա Ղազարյանը սխալվում է նաև մյուս հարցում, երբ վկայակոչում է **Միքայել Չամչյանին**՝ ի հաստատումն այն բանի, որ 1631 թ. Մայր տաճարում եղել են սրբապատկերներ: Չամչյանը նշում է հետևյալը. «Եւ եղև իբրև գերծաւ յայն աւուրս ի բանտե Նախջուանայ Պօղոս (Ղազարյանը սխալմամբ նշում է «Պետրոս» - Ա. Ա.) Սիդերնացի լատին կրօնաւոր, զոր յիշեցաք ի նախընթաց գլուխդ, խնդրեալ տեղի ապահով՝ եկն անկաւ ի վանս Երևանայ. և անդ հանդիպեալ Փիլիպպոսի կաթողիկոսի՝ ընկալեալ եղև ի նմե բազում մարդասիրութեամբ, ուր և սփոփեցաւ և հանգեաւ ի տառապանաց իւրոց. ուստի եւ ի փոխարեն այսր մատոյց ընծայ առ կաթողիկոսն զմեծ պատկեր մի վայելչանկար. և Փիլիպպոս ետ դնել զայն **ընդ այլ պատկերս եկեղեցւոյ** այնր վանից յերևելի տեղուոջ...»⁵: Նկատենք, որ նվիրաբերումը Փիլիպպոս Ա Աղբակեցի կաթողիկոսի օրոք է եղել, որը գահակալել է 1633-1655 թթ. և, ինչպես տեսնում ենք, դեպքերը Երևանում են տեղի ունեցել, ամենայն հավանա-

² **Առաքել Դավրիժեցի**, Պատմություն, թարգմանությունը, առաջաբանը և ծանոթագրությունները՝ **Վ. Առաքելյանի**, Երևան, 1988, էջ 243 (քննական բնագրում՝ «Եւ թէ ոք տենչացեալ գիտել կամիցի զչափ լուսակառույց Զքրիստոսանկար աստուածաբանական տաճարի սուրբ Էջմիածնի» - **Առաքել Դավրիժեցի**, Գիրք պատմութեանց, աշխատասիրութեամբ՝ **Լ. Խանլարեանի**, Երևան, 1990, էջ 253 - Ա. Յ.): Նույն թեզը կրկնվում է 1984 թ. հրատարակված «Էջմիածնի գանձերը» պատկերագրի առաջաբանում:

³ **Ս. Ղազարյան**, Յայ կերպարվեստը XVII-XVIII դարերում, Երևան, 1974, էջ 144:

⁴ **Վ. Մաթևոսյան**, Ինչո՞ւ է Առաքել Դավրիժեցին Էջմիածնի տաճարը «քրիստոսանկար» կոչել, «Գեղարվեստ», 1990, 3^{րդ} 5:

⁵ **Ս. Չամչյանց**, Յայոց պատմություն, հ. Գ, Երևան, 1984, էջ 614:

կանությամբ, Ս. Անանիա առաքյալի անապատում, և «այլ պատկեր» արտահայտությունն էլ, ըստ երևույթին, վերաբերում է հիշյալ անապատի եկեղեցու նկարներին⁶:

Էջմիածնի Մայր տաճարում պատկերներ չեն եղել նաև ֆրանսիացի ճանապարհորդ **Ժան Շարդենի** այցի ժամանակ (1673 թ.): Ճանապարհորդի նկարագրությունը ներկայացնենք թարգմանաբար. «Երևանից երեք մղոն հեռավորության վրա է գտնվում Երեք եկեղեցիների նշանավոր վանքը՝ հայ քրիստոնյաների սրբություն սրբոցը, եթե ես համարձակվեմ այսպես կոչել այն, որին նրանք վերաբերվում են առանձնակի բարեպաշտությամբ: Ես բերում եմ եկեղեցու հատակագիծը և ավելացրել եմ գծագիրը, ինչպես նաև գլխավոր եկեղեցու արտաքին տեսքի փոքրիկ ուրվանկարը, վանքի ավելի հստակ նկարագրությունը՝ ավելի պարզ պատկերացում տալու համար:

Հայերն այն կոչում են Էջմիածին, որը նշանակում է Միածին Որդու Էջը կամ Միածին Որդին վայր իջավ: Նրանք՝ հայերը, ասում են, որ այս անունն է տրվել այդ վայրին, քանի որ այս տաճարի կառուցման վայրում Հիսուս Քրիստոս տեսանելիորեն Իրեն ցույց տվեց Սուրբ Գրիգորին, ով նրանց առաջին պատրիարքն էր: Մահմեդականներն այն կոչում են Ուչ-Քիլիսե կամ Երեք եկեղեցիներ, քանի որ վանքի եկեղեցուց բացի, նրա մոտ ևս երկու ուրիշ եկեղեցիներ կան, որով նրանք դառնում են երեքը:

Առաջին և գլխավոր եկեղեցին՝ Էջմիածին անվանվողը, շատ ամուր և մռայլ կառույց է, ամբողջովին կառուցված մեծ ավազաքարերից [տուֆից]: Քառանկյունի հարթ որմնասյուները, որոնք 72 ոտնաչափ (ֆունտ=39,5սմ) բարձրություն ունեն, քարե մշակված սյուներ են, ինչպիսիք են նաև կաթողիկե գմբեթը և զանգակատները:

Տաճարի ներսում չկան քանդակազարդեր և նկարչական զարդարանք (ընդգծումը մերն է – Ա. Ա.): Խորանները կանգնած են արևելյան կողմում, բացի եկեղեցու վերջում գտնվող երեքից: Դրանցից կենտրոնականը շատ ընդարձակ է, քարե բեմով, շատ լավ զարդարված արևելաքրիստոնեական ոճով: Սակայն նրա կողմնային ավանդատներում բեմի սեղաններ չկան, մեկը ծառայում է որպես ավանդատուն՝ զգեստավորման համար, մյուսը՝ որպես գանձատուն:

⁶ Փիլիպոս Ա Աղբակեցի հայրապետի՝ Ս. Անանիա առաքյալի անապատը վերականգնելու և այստեղ մի որոշ ժամանակ կենցաղավարելու մասին տե՛ս **Ա. Հարությունյան**, Երևանի Ս. Անանիա առաքյալի անապատը կամ Չորավոր Ս. Աստվածածին եկեղեցին, Երևան, 2020, էջ 74-75 – Ա. Հ.:

Տեղի վանականները ցույց են տալիս այնտեղ պահվող գեղեցիկ և շատ շքեղ եկեղեցական սպասքի տարբեր առարկաներ՝ խաչեր, ոսկե սկիհներ, արծաթե կանթեղներ և մոմի աշտանակներ»⁷:

Ավելի ուշ՝ 1701 թ. Հայաստան այցելած ֆրանսիացի ճանապարհորդ, բուսաբան **Ժոզեֆ Պիթոն դը Տուրնեֆորն** այսպես է նկարագրում Մայր տաճարի ներքին տեսքը. «Առաջնորդանիստ եկեղեցին կառուցված է ընդարձակ բակի կենտրոնում և նվիրված է Ս. Գրիգոր Լուսավորչին, որը եղել է առաջին պատրիարքը Հայոց Տրդատ արքայի և Կոնստանտին Մեծի օրոք: Հայերը կարծում են, որ արքայական պալատը գտնվելիս է եղել վանքի տեղում, և որ Հիսուս Քրիստոսը հայտնվել է Ս. Գրիգորին հենց այն վայրում, որտեղ գտնվում է եկեղեցին...»:

Եկեղեցին շատ ամուր շինություն է՝ կառուցված սրբատաշ քարերից. մույթերն ու թաղերը ծավալուն են, սակայն կառույցը մռայլ է և վատ լուսավորված, ներքին տարածքն ամբողջանում է երեք մատուռներով, որոնցից կենտրոնականն ավագ խորանն է, որն ունի ս. Սեդան, իսկ մյուսները ծառայում են որպես ավանդատուն: Այդ երկու սենյակները հագեցած են եկեղեցական սպասքով: Հայերը, որ հպարտանում են եկեղեցու շքեղությամբ, ոչինչ չեն ինայել այն զարդարելու համար: Այնտեղ տեսնում ենք Եվրոպայում պատրաստված թանկարժեք իրեր. սրբազան սպասք, ջահեր, արծաթե, ոսկե կամ մոխրա-շագանակագույն մոմակալներ: Նավի և «արեսպիտերի», այսինքն՝ խորան տանող ճանապարհը ծածկված են գեղեցիկ գորգերով: Խորանը երեսպատված է «դամասով» կամ թավիշով: Դա զարմանալի չէ, քանզի Եվրոպայում առևտրով զբաղվող և մեծ հաջողությունների հասնող հայ վաճառականները, մեծ նվիրատվություններ են անում եկեղեցուն...:

Այս եկեղեցուն են պահվում Ս. Գրիգոր Լուսավորչի աջը, Ս. Պետրոսի մատը, Ս. Հովհաննես Մկրտչի երկու մատներն ու մի մասունք Ս. Հակոբից...»⁸:

⁷ **Jean Chardin**, Journal du Voyage en Perse & aux Indes Orientales, par la Mer Noire & par la Colchide, premiere partie, Londres, 1686, էջ 258: Հայերեն թարգմանությունը տե՛ս Սըր Ժան Շարդենի ճանապարհորդությունները Պարսկաստանով և Արևելյան Հնդկաստանով, անգլերենից թարգմանությունը և ծանոթագրությունները՝ **Գ. Պողոսյանի**, «Էջմիածին», 2008, Բ, էջ 108-115 – Ա. Հ.:

⁸ **M. Pitton de Tournefort**, Relation d'un Voyage du Levant, tome second, Amsterdam, 1718, էջ 139. հմմտ. **Գ. Карагезян**, Армянский мир в «Путешествии в Левант» Турнефора, Ереван, 2017, էջ 93-95 – Ա. Հ.:

Չնայած Տուրնեֆորը չի հերքում եկեղեցում որմնանկարների կամ պատկերների առկայության փաստը, սակայն չի էլ նշում դրանց մասին: Ուստի, ի մի բերելով վերոնշյալ աղբյուրների տեղեկությունները, կարող ենք մեծ հավանականությամբ նշել, որ մինչև Աստվածատուր Ա Յամադանցի կաթողիկոսի գահակալությունը (1715-1725 թթ.), Մայր տաճարի աղոթասրահում որմնանկարներ չեն եղել:

Որոշակի տեղեկություններ են պահպանվել 1654-1658 թթ. կառուցված արևմտյան զանգակատան նկարագարդման վերաբերյալ: Այդ է վկայում տաճարի արևմտյան մուտքի վերնամասի երկտող վիմագիրը, ըստ որի՝ Փիլիպոս Աղբակեցի և Հակոբ Ջուղայեցի կաթողիկոսների օրոք «հրաշակերտեցաւ զանկակատունս եւ ծաղկեցաւ ի թվ(ա)կ(ա)նիս ՌՃԺԳ. (1664)»⁹:

Միևնույն զանգակատան միջնահարկի արևելահայաց ճակտոնի վիմագրերից մեկում, ի թիվս կառուցող վարպետների, հիշատակված է նաև Չաքարե «նկարողի» անունը. «Սբ խ(ա)չս յ(հ)շ(ա)տ(ա)կ է ոսկերիճ Զ(ա)ք(ա)րե(ին), որ նկարեց զանկ(ա)կատունս»¹⁰:

Զանգակատան նկարագարդման մասին որոշակի տեղեկություններ է հաղորդում նաև **Առաքել Դավրիժեցին**՝ վկայաբերելով Կ. Պոլսում Անտոն Զելեպիի՝ Փիլիպոս Աղբակեցի կաթողիկոսին ուղղված խոսքերը. «Օգնութեամբն Աստուծոյ ի Ժամանելն քո ի սուրբ Էջմիածինն, որքան բաւ է և ախորժ է յօժարութիւն մտաց քոց, լայն և ընդարձակ, հաստահեղոյս և բարձրաշէն, **գեղեցկազան նկարակերտութեամբ** ձեռնարկեալ շինեսցես, և ամենայն ծախս գանձուց, որ անդ լինի, ես լիով և յօժարութեամբ նաև աւելեալ հատուցանեմ» (ընդգծումը մերն է – Ա. Ա.)¹¹: Ապա, խոսելով արդեն զանգակատան շինարարության ընթացքի մասին, գրում է. «այնուհետև սկսան շինել մինչև ցկատարումն զարմանալի արուեստիւ, **յոքնազան նկարակերտութեամբ քանդակեալ ի վեմսն յամենայն**

⁹ **Ա. Հարությունյան**, Վաղարշապատ. վանքերը և վիմական արձանագրությունները, Ս. Էջմիածին, 2016, էջ 54-55, արձ. 10:

¹⁰ **Ս. Սաղումյան**, Երբ և ովքեր են կառուցել Էջմիածնի Մայր տաճարի զանգակատունը, «Էջմիածին», 1976, Ե, էջ 32. **Ա. Հարությունյան**, նշվ. աշխ., էջ 56, արձ. 13: Մյուս վիմագրերում վկայված են տեր Հովհաննեսի (ենթադրաբար եղել է զանգակատան կառուցման վերակացուն) և վարպետներ (ուստա) Սահակ Հիզանցու և Մովսեսի անունները (**Ս. Սաղումյան**, նշվ. աշխ., էջ 30-32. **Ա. Հարությունյան**, նշվ. աշխ., էջ 55-56, արձ. 11, 12, 14:

¹¹ **Առաքել Դավրիժեցի**, էջ 276:

պատշաճաւոր տեղիս տեսակս զանազան կենդանեաց, գազանաց՝ անասնոց, թռչնոց, բուսոց և տնկոց...» (ընդգծումը մերն է – Ա. Ա.)¹²:

Առաջին հիշատակությունը լիովին կարող էր վերաբերել քանդակազարդմանը, իսկ երկրորդում, ինչպես տեսնում ենք, վկայված է միայն քանդակազարդումը:

Այսպիսով, զանգակատան «ծաղկողը» կամ «նկարողը» Չաքարե ոսկերիչն է եղել, սակայն անորոշ է՝ արդյո՞ք միևնույն Չաքարեն է նաև քանդակազարդման հեղինակը: Հաշվի առնելով այն, որ զանգակատան հարդարանքում գերակշռող են քանդակները, և վերոնշյալ արձանագրության մեջ զանգակատունը կառուցողների շարքում նշվում է նաև Չաքարեն, կարող ենք մեծ հավանականությամբ ասել, որ հենց նա է եղել քանդակազարդողը: Ինչ վերաբերում է որմնանկարներին, ապա զանգակատան առաջին հարկում, բացառությամբ Ս. Պողոս և Ս. Պետրոս առաքյալների պատկերների, պահպանվել են միայն Հովնաթանյանների՝ XVIII դարում վրձնած որմնանկարները:

XVII դարի նկարազարդումներին է մասամբ վերաբերում նաև **Հովհաննես եպս. Շահխաթունյանցի** աշխատության հետևյալ հատվածը, որն ավելորդ չենք համարում մեջբերել առանց կրճատումների. «Գտանին յայսմ փառացի տաճարիս քաջարուեստ պատկերք տերունականք եւ ականաւոր սրբոց, որպիսի են քաջահմուտ նկարք՝ պատկերքն աւետման շրջանակաւ ամրացեալ ի բարձրութեան անդ արեւմտակողման երկուց սեանցն արեւելեան. հրեշտակին՝ ի սիւն հիւսիսային. կուսին սրբոյ՝ ի հարաւային: Եւ պատկերքն երկուտասան առաքելոց, յորում է շօշափումն Թովմայի, դասաւորեալք ի կիսաշրջանակի անդ կամարայարկին արեւմտեան մեծի դրանն ի ներքին կողմանէ. եւ պատկերքն երկուքին՝ աղօթելոյն Տեառն ի պարտիզին, որ կայ եղեալ ի ներքուստ ի հարաւային կողմանէ սեղանոյ սրբուհւոյ օրհնաբանեալ կուսին. եւ յարութեանն Ղազարու, որ եղեալ է յորմն հիւսիսային մերձ ի սեղան որդուցն Որոտման: Եւ այլ պատկերք տերունականք առ պատշգամբաւ մեծի կաթողիկէին եւ զանազան սրբոց հայրապետաց եւ վարդապետաց ի սիւնս եւ յորմունս տաճարիս այսորիկ: Ի կիսաշրջանակի կամարայարկին սեղանոյ սրբոյն Ստեփաննոսի նկարեալ կան հայրապետական զգեստուք ի կանգուն պատկերք սուրբ հօրն մերոյ Գրիգորի Լուսաւորչի, որդուց եւ թո-

¹² *Առաքել Դաւրիժեցի*, էջ 277:

ռանց Նորա: Նոյնպես ի կամարայարկին սեղանոյ Յովհաննու Կարապետի պատկերքն սրբոց առաքելոց Պետրոսի եւ Պողոսի եւ այլ սրբոց հայրապետաց: Ի սոսա քաջարուեստ են պատկերք երկուց առաքելոցն:

Յամենեսին ի սոսա քաջապես փայլին շնորհք ձեռաց **մեծանուն վարդապետին Ստեփաննոսի Լեհացոյ եւ քաջ նկարչին հոր Յովնաթանու»**¹³:

Հիմք ընդունելով Շահխաթունյանցի վերոհիշյալ վկայությունը՝ Գարեգին Հովսեփյանը թեև կասկածելով, բայց Ստեփանոս Լեհացուն է վերագրում արևմտյան խորանի տասներկու առաքյալների պատկերները¹⁴: Նույն կարծիքին է նաև Մ. Ղազարյանը: Ավելին, վկայաբերելով զանգակատան երկու որմնանկարների նմանությունը Լեհացուն վերագրվող տասներկու առաքյալների պատկերներին՝ նշում է, որ դրանք ևս, ըստ ամենայնի, Լեհացու գործերն են¹⁵:

Արվեստաբան Աստղիկ Գևորգյանը ենթադրում է, որ զանգակատան որմնանկարների հեղինակը Նաղաշի հայր տեր Հովհանն է: Դարձյալ վկայակոչելով Շահխաթունյանցի հաղորդումը, թե իբր Մայր տաճարի և զանգակատան որմնանկարները «փայլին շնորհոք ձեռաց մեծանուն վարդապետին Լեհացոյ և քաջ նկարչին հոր Յովնաթանու»¹⁶, Ա. Գևորգյանը նշում է, որ մասնագիտական գրականության մեջ կարծիք է ստեղծվել է, թե խոսքը Նաղաշ Հովնաթանի մասին է¹⁷: Գ. Լևոնյանն այդ հայտարարությունը համարել է թյուրիմացություն, որովհետև Լեհացին ու Նաղաշը միաժամանակ չեն աշխատել ու ստեղծագործել¹⁸: Սակայն Շահխաթունյանցը հազիվ թե «հայր Յովնաթանու» փոխարեն գրեր «հոր Յովնաթանու»: Ե. Մարտիրոսյանը, Շահխաթունյանցի հիշյալ նախադասությունը մեջբերելիս, «հոր Յովնաթանու» բառակապակցության

¹³ **Յովհաննես եպս. Շահխաթունեանց**, Ստորագրութիւն Կաթողիկէ Էջմիածնի եւ հինգ զաւառացն Արարատայ (այսուհետ՝ Ստորագրութիւն), աշխատասիրութեամբ՝ **Ա. Տէր-Ստեփանեանի**, Ս. Էջմիածին, 2014, էջ 35-36:

¹⁴ **Գ. Հովսեփյան**, Էջմիածնի տաճարի նկարազարդումն ու ծաղկազարդումը XVII-XVIII դարերում, «Նյութեր և ուսումնասիրություններ հայ արվեստի պատմության», հ. Բ, Երևան, 1987, էջ 277:

¹⁵ **Մ. Ղազարյան**, նշվ. աշխ., էջ 146-147:

¹⁶ **Յովհաննես եպս. Շահխաթունեանց**, Ստորագրութիւն, էջ 36:

¹⁷ **Ա. Գևորգյան**, Հովնաթանյան տոհմի Նորահայտ մանրանկարիչներ, «Պատմաբանասիրական հանդես», 1982, թ. 2, էջ 79:

¹⁸ **Գ. Լևոնյան**, Հովնաթանյան Նաղաշները հայ նկարչության պատմության մեջ, «Խորհրդային արվեստ», 1938, թ. 4, էջ 54:

փոխարեն գրում է միայն «Յովնաթանու»՝ «հոր» բառը համարելով ավելորդ¹⁹, իսկ Ս. Ղազարյանն աշխատում է «հոր Յովնաթանու» արտահայտության ենթատեքստում տեսնել Նաղաշ Յովնաթանին²⁰: Ոչ ոք չի մտածել այդ կարևոր տվյալը վերագրել Նաղաշ Յովնաթանի հորը:

Այս ամենից հետո Ա. Գևորգյանն արձանագրում է հետևյալը. «Այժմ, երբ մեզ հայտնի է, որ Յովնաթանի հայրը եղել է Նկարիչ և ժամանակակից Ստեփանոս Լեհացուն, ինչո՞ւ չմտածել, թե Շահխաթունյանը «հոր Յովնաթանու» ասելով, Նկատի է ունեցել Յովնաթանի հորը՝ տեր Յոհաննի: Եվ քանի որ Շահխաթունյանի ժամանակի համար ճանաչված ու Նշանավոր Նկարիչ էր Նաղաշ Յովնաթանը, ուստի տեր Յոհաննին նա Ներկայացնում է Յովնաթանի անունով՝ «հոր Յովնաթանու»... Կարելի է ենթադրել, որ տասնութամյա պատանին Երևան էր հրավիրվել հոր որմնանկարները վերանորոգելու համար (դրանք Ս. Պողոս-Պետրոս, Կաթողիկե, Ս. Անանիա առաքյալի (Չորավոր)) եկեղեցիներում էին – Ա. Ա.): Անհավանական չէր լինի կարծել, որ Ագուլիսի, Շոռոթի եկեղեցիների որմնանկարները կատարած լինեն տեր Յոհանը և նրա որդիները: Այսպիսով հիմք կա պնդելու, որ ճանաչում գտած տեր Յոհանը ժամանակին հրավիրվել է Էջմիածին և մասնակցել զանգակատան Նկարագարդմանը...»²¹:

Հաշվի առնելով այն, որ Շահխաթունյանցի աշխատության մեջ հիշատակվում է միայն Յովնաթան Յովնաթանյանը, չի բացառվում, որ նա «հոր Յովնաթանու» ասելով Նկատի է ունեցել ոչ թե Նաղաշ Յովնաթանի, այլ Յովնաթան Յովնաթանյանի հորը՝ Հակոբին, որն իր եղբոր՝ Հարությունի հետ 1720-30-ական թթ. Նկարագարդումներ է արել Մայր տաճարում և ենթադրաբար Նկարագարդել է նաև զանգակատունը:

Մայր տաճարի որմնանկարագարդման վերաբերյալ մեզ հայտնի մատենագրական տեղեկությունները սկսում են Յովնաթանյան վարպետների գործունեության շրջանից: Մասնավորապես, Աստվածատուր Ա Համադանցի կաթողիկոսի օրոք՝ XVIII դարի սկզբին, սկսվում են Մայր տաճարի Նկարագարդման աշխատանքները, որի մասին հետագայում Սիմեոն Երևանցին գրում է. «Սա զարդարեաց զմեջն մեծի տաճարիս. զի շինեաց և գտուրբ Իջման տեղն մարմարեայ քարիւ ի վերայ չորից մար-

¹⁹ Ե. Մարտիկյան, Հայկական կերպարվեստի պատմություն, հ. Ա, Երևան, 1971, էջ 30:

²⁰ Ս. Ղազարյան, Ստեփանոս Լեհացի, «Էջմիածին», 1978, 2, էջ 52:

²¹ Ա. Գևորգյան, Յովնաթանյան տոհմի նորահայտ մանրանկարիչներ, էջ 79:

մարեայ սեանց, և ծաղկեցոյց ոսկու և պէս պէս երանգօք, և արար զարմանալիս տեսողաց: Նմանապէս և զճակատ մեծի սեղանոյն արար մարմարիոնեայ. Սպիտակացոյց բռամբ և ծաղկեաց զբոլոր տաճարս ի միջոյ կողմանէ: Եւ զեկեղեցւոյ առաջնոյ Աւագ դասի մին սիւնն (եւ ըստ ոմանց զչորեսին սիւնսն ևս) ի հիմանէ նորոգեաց: Նորոգեաց սալիւ և գլատակս մեծի տաճարիս...»²²:

Մայր տաճարի նորոգման, բարեկարգման ու ծաղկման մասին է վկայում տաճարի գմբեթատակ ներքին բոլորակին՝ Աստվածատուր կաթողիկոսի անունից կազմված միատող սևաներկ արձանագրությունը, ըստ որի՝ հիշյալ կաթողիկոսը 1720 թ. «ետու նորոգել զչորեսին խախտեալ սիւնք սբ եկեղեցւոյս եւ զբոլոր եկեղեցիս նորոգել եւ ծաղկել հանդերձ մարմարոնեայ շինուածովք...»²³:

Ինչպէս տեսնում ենք, աղբյուրներում նշված չէ որմնակարների հեղինակի անունը: Սակայն, քանի որ այդ ժամանակաշրջանը համընկնում է Նաղաշ Հովնաթանի ստեղծագործական շրջանի հետ, ենթադրվում է, որ նա է 1712-21 թթ. տաճարը նկարագարողը: Նաղաշ Հովնաթանին՝ իբրև Մայր տաճարի նկարագարող, առաջին անգամ վկայաբերում է Ղուկաս Ինճիճեանը. «Պատկերք ամենայն խորանացս են գործ նկարչին, որ մականուանեալ կոչի Նաղաշ Յովնաթան յազգես հայոց, ճարտար նկարիչ, և յաջող բանաստեղծ ի ռամկաց լեզու ի ժամանակս Դահմաս գուլի (Թահմազ Ղուլի – Ա. Հ.) խանին»²⁴:

Ավանդաբար Նաղաշին են վերագրվում տաճարի գմբեթի և ավագ խորանի ծաղկազարդերը, բեմի մարմարյա ճակատամասի Տիրամոր և Մանկան, Ս. Ստեփանոսի, Ս. Փիլիպոսի պատկերները²⁵, ինչպէս նաև

²² *Սիմեոն կթղ. Երեւանցի*, Ջամբո, էջ 28:

²³ *Յովհաննէս եպս. Շահխաթունեանց*, Ստորագրութիւն, էջ 26. *Ա. Հարությունյան*, Վարդապատ. վանքերը և վիմական արձանագրությունները, էջ 64, արձ. 34 – Ա. Հ.:

²⁴ *Հ. Ղուկաս վրդ. Ինճիճեան*, Աշխարհագրութիւն չորից մասանց աշխարհի Ասիոյ, Երոպիոյ, Ափրիկոյ եւ Ամերիկոյ, մասն առաջին, Կ. Ա. Վէնետիկ, 1806, էջ 262:

²⁵ *Գ. Լևոնյան*, Հովնաթանյան Նաղաշները հայ նկարչության պատմության մեջ, էջ 24-29. *Ե. Մարտիրոսյան*, նշվ. աշխ., էջ 79-80. *Ս. Ղազարյան*, նշվ. աշխ., էջ 158-163: Ռուբեն Դրամբյանը, սակայն, Աստվածածնի պատկերը վերագրում է Հովնաթանի որդիներին և թվագրում 1725-1728 թթ.՝ Աստվածատուր կաթողիկոսի մահվան (1725 թ.) և Կարապետ կաթողիկոսի փաստացի գահին նստելու (1728 թ.) տարեթվերի միջանկյալ շրջանով: Ըստ նրա՝ այդ է պատճառը, որ դրանք չեն հիշատակվում «Ջամբո»-ի ոչ մեկ, և ոչ էլ մյուս կաթողիկոսներին նվիրված գլուխներում (Очерки по истории армянского изобразительного искусства, էջ 108):

ժամանակին տաճարի պատերին տեղ գտած և ներկայում ՀԱՊ-ում ցուցադրվող «Տրդատ, Աշխեն և Խոսրովդուխտ», «Հայկ Նահապետ» և «Աղոթող զինվոր» որմնանկարները²⁶:

1720-ական թթ. երկրորդ կեսին՝ Կարապետ Բ Ուլենցի Ամենայն Հայոց կաթողիկոսի օրոք (1726-1729 թթ.), տաճարում նկարազարդման աշխատանքներ են կատարում Հովնաթանի որդիները՝ Հակոբն ու Հարությունը, մասնավորապես՝ նրանց անվան հետ են կապված բեմառեջքի տասներկու առաքյալների պատկերները²⁷:

Վերջապես 1770-ական թթ. վերջերին, Սիմեոն Ա Երևանցի կաթողիկոսը (1763-1780 թթ.) տաճարի նկարազարդումն ավարտելու համար Էջմիածին է հրավիրում անվանի գեղանկարիչ Հովնաթան Հովնաթանյանին, որն աշխատանքներն ավարտում է արդեն Ղուկաս Ա Կարնեցի կաթողիկոսի օրոք (1780-1799 թթ.)՝ 1786 թ.²⁸: Վերջինիս նկարազարդումները գլխավորապես զարդանախշային են, բացառությամբ արևմտյան սրահի Քրիստոս-Ամենակալ հորինվածքի և արևելյան սրահի ինքնախոցող «հաւալասան» (հավալուսն, հավալուսան) թռչնի և ձագերի պատկերի:

²⁶ Եղիշե Մարտիրոսյանը Տրդատի ընտանիքի խմբանկարն ու «Հայկ Նահապետը» համարում է Աբրահամ Բ Մշեցի (Խոշաբեցի) կաթողիկոսի (1729-1734 թթ.) գահակալման ժամանակաշրջանի գործեր և վերագրում Նաղաշի որդուն՝ Հակոբ Հովնաթանյանին (**Ե. Մարտիրոսյան**, նշվ. աշխ., էջ 82-84, տե՛ս նաև **Ք. Ժամբյան**, «Из истории армянского искусства», էջ 117): Ինչ վերաբերում է բովանդակությանը, ապա «Տրդատ, Աշխեն և Խոսրովդուխտ» և «Աղոթող զինվոր» պատկերները կազմել են «Հրեշտակի հայտնությունը Գրիգոր Լուսավորչին» տեսարանի առանձին հատվածները (և ոչ թե «Հայաստանում քրիստոնեության ընդունման» տեսարանի, ինչպես համարվում էր մինչ այդ): Դա պարզել է Ռուբեն Դրամբյանը, 1834 թ. Էջմիածնի վանքին նվիրաբերված մի նկարի հետ համեմատության արդյունքում, որը փաստացի հանդիսանում է որմնանկարի «հեռավոր կրկնօրինակը» (Очерки по истории армянского изобразительного искусства, էջ 106-107. **Ք. Ժամբյան**, «Из истории армянского искусства», էջ 135-136):

²⁷ **Սիմեոն կթղ. Երևանցի**, Ջամբյան, էջ 28: Մ. Ղազարյանի ենթադրությամբ՝ Հակոբն ու Հարությունը բեմի ճակատամասն ավարտել են ըստ Նաղաշ Հովնաթանի գծագրերի (**Մ. Ղազարյան**, նշվ. աշխ., էջ 161-163): Ե. Մարտիրոսյանը, բացի առաքյալներից, «Աստվածամոր և Մանկան» որմնանկարը ևս վերագրում է Հակոբին (**Ե. Մարտիրոսյան**, նշվ. աշխ., էջ 90-93. տե՛ս նաև **Ք. Ժամբյան**, նշվ. աշխ., էջ 120-121):

²⁸ **Ե. Մարտիրոսյան**, նշվ. աշխ., էջ 100-103. **Մ. Ղազարյան**, նշվ. աշխ., էջ 177-181, 183-186. Очерки по истории армянского изобразительного искусства, էջ 110-111:

ՄԱՍՆԱԳԻՏԱԿԱՆ ԳՐԱԿԱՆՈՒԹՅՈՒՆ

Ակինեան Ներսէս վրդ., Յովնաթան Նաղաշ եւ Նաղաշ Յովնաթանեանք եւ իրենց բանաստեղծական եւ նկարչական աշխատութիւնք, «Հանդէս ամսօրեայ», Վիեննա, 1911, թիւ 4-5, էջ 211-231, թիւ 6-8, էջ 390-410:

Աստուածատրեան Սահակ վրդ., Պատկերացոյց հաւաքածոյ մասնատու հնութեանց Մայր Աթոռոյ Ս. Էջմիածնի եւ շրջակայից, պրակ Ա, Վաղարշապատ, 1910:

Գևորգյան Ա., Հովնաթանյան տոհմի նորահայտ մանրանկարիչներ, «Պատմաբանասիրական հանդէս», 1982, թիւ 2, էջ 72-80:

Էփրիկեան Ս., Պատկերազարդ բնաշխարհիկ բառարան, հ. Ա, Վենետիկ, 1902:

Էփրիկեան Ս., Ս. Էջմիածին. 303-1903. պատկերազարդ նկարագրութիւն, Վենետիկ, 1903:

Իննիսեան Ղուկաս վրդ., Աշխարհագրութիւն չորից մասանց աշխարհի, մասն առաջին, Վենետիկ, 1806:

Լևոնյան Գ., Հովնաթանյան նաղաշները հայ նկարչության պատմության մեջ, «Խորհրդային արվեստ», Երևան, 1938, թիւ 4, էջ 51-55:

Հովսէփյան Գ., Էջմիածնի տանարի նկարազարդումն ու ծաղկազարդումը XVII-XVIII դարերում, «Նյութեր և ուսումնասիրություններ հայ արվեստի պատմության», հ. Բ, Երևան, 1987, էջ 272-312:

Ղազարյան Մ., Հայ կերպարվեստը XVII-XVIII դարերում, Երևան, 1974:

Ղազարյան Մ., Ստեփանոս Լեհացի, «Էջմիածին», 1978, Զ, էջ 47-56:

Մարտիկյան Ե., Հայկական կերպարվեստի պատմություն, հ. Ա., Երևան, 1971:

Շահխաթունեանց Յովհաննէս եպս., Ստորագրութիւն Կաթողիկէ Էջմիածնի եւ հինգ գաւառացն Արարատայ, աշխատասիրութեամբ՝ **Ա. Տէր-Ստեփանեանի**, Ս. Էջմիածին, 2014 (1842 թ. տպագրության վերահրատարակություն):

Զոպանեան Ա., Նաղաշ Յովնաթան աշուղը եւ Յովնաթան Յովնաթանեան նկարիչը, Փարիզ, 1910:

Սիմէոն կթղ. Երեւանցի, Զամբո գիրք, որ կոչի յիշատակարան արձանացոյցիչ, հայելի եւ պարունակող բնաւից որպիսութեանց Սրբոյ Աթոռոյս եւ իւրոյ շրջակայից վանօրէիցն, Վաղարշապատ, 1873:

Дрампян Р., «Из истории армянского искусства», Сборник статей, Ереван, 2016.

Какаш и Текандер, Путешествие в Персию через Московию 1602-1603 гг., Москва, 1896.

Очерки по истории армянского изобразительного искусства, отв. редакторы: **М. Айвазян, К. Глonti, Н. Степанян**, Ереван, 1979.

Хакстхаузен Август фон, Закавказский край, С. Петербург, 1857.

Jean Chardin, Journal du Voyage en Perse & aux Indes Orientales, par la Mer Noire & par la Colchide, premiere partie, Londres, 1686.

Pitton de Tournefort M., Relation d'un Voyage du Levant, tome second, Amsterdam, 1718.

ՑՈՒՑԱԿ

Ս. ԷԶՄԻԱԾՆԻ ՄԱՅՐ ՏԱՃԱՐԻ ԿՏԱՎՆԵՐԻ

Սույն համահավաք ցուցակը կազմել ենք՝ հիմք ընդունելով Սիմեոն Ա Երևանցի կաթողիկոսի՝ «Դավթար» անունով հայտնի գույքացուցակը, ինչպես նաև արվեստաբաններ Մանյա Ղազարյանի և Եղիշե Մարտիկյանի համապատասխան ուսումնասիրությունները: Սիմեոն կաթողիկոսի «Դավթար»-ից քաղված «Պատկերք մեծք, որք ի յորմոց կախին ի մեջ Մեծի խորանին Սուրբ Աստուածածնի, են այսք» խորագրով հատվածը Էջմիածնի Մայր տաճարի՝ XVII-XVIII դարերի նկարազարդման աշխատանքներին նվիրված ուսումնասիրության վերջում, իբրև հավելված, ներկայացրել է Գարեգին Յովսեփյանը՝ ծանոթագրելով հետևյալը. «Կրճատումները բացել ենք՝ դյուրացնելու համար ընթերցումը: Տողատումը պահել ենք ուղղահայաց գծիկներով»¹:

Ս. Աստվածածնի ավագ խորան

Ս. Աստվածածին, վերնամասում՝ Ս. Երրորդությունը,
Զրիստոսի աղոթքը Գեթսեմանիի այգում (ավագ խորանի աջ կողմում,
խաչկալի մեջ),
Իջեցումն խաչից (ավագ խորանի ձախ կողմում, խաչկալի մեջ),
Ներսես Մեծ (ծառայում է որպես մեծ խաչկալի ներքին դուռ),
Նիկողայոս հայրապետ (ծառայում է որպես մեծ խաչկալի ներքին դուռ),
Յրեշտակը՝ Ավետման տեսարանից (ծառայում է որպես մեծ խաչկալի
վերին դուռ),
Մարիամը՝ Ավետման տեսարանից (ծառայում է որպես մեծ խաչկալի
վերին դուռ):

¹ **Գ. Յովսեփյան**, Էջմիածնի տաճարի նկարազարդումն ու ծաղկազարդումը ԺԷ-ԺԸ դարերում. Յավելված Ա (Սիմեոն կաթողիկոսի «Դավթար»-ից), «Նյութեր և ուսումնասիրություններ հայ արվեստի պատմության», հ. Բ., Երևան, 1987, էջ 289-292, ծնթ. 1 – Ա. Յ.:

Նկատառելով Ս. Էջմիածնի Մայր տաճարին նվիրված նախորդ հոդվածի բովանդակային հենքը՝ նպատակահարմար գտանք, իբրև տրամաբանական շարունակություն՝ ընդգրկել նաև սույն «Ցուցակ»-ը՝ հեղինակի որոշ ծանոթագրություններով – Ա. Յ.:

Ս. Հակոբ Տեառնեղբայր առաքյալի խորան և հարակից հատվածներ

Հրեշտակը Ս. Հակոբ առաքյալի գլուխը բերել է Աստվածածնին և առաքյալներին, վերնամասում՝ Ս. Երրորդությունը (խորանի մեջ),

Աստվածածնի վերափոխումը²,

Աստվածածնի վերափոխումը (մեծադիր),

Աստվածածնի յոթ վերքը (գրկում՝ մեռյալ Քրիստոսը),

Քրիստոսի թաղումը,

Մատթեոս ավետարանիչ,

Ս. Հովհաննես Մկրտիչ՝ եզրագծված շրջան-մեղալիոններում ներառված տեսարաններով, որոնք ներկայացնում են նրա կյանքի դրվագները՝ ծննդից մինչև մահն ու մասունքները Հայաստան բերելը (մեծադիր):

Ս. Գրիգոր Լուսավորչի խորան և հարակից հատվածներ

Քրիստոսը քառակերպին, ներքևում՝ Ս. Գրիգորն ու Հովհաննես Մկրտիչը (խորանի մեջ),

Ս. Գրիգոր Լուսավորիչը բժշկում է Տրդատին (մեծադիր),

Ս. Գրիգոր Լուսավորիչը բժշկում է Տրդատին (մեծադիր),

Ս. Գրիգոր Լուսավորիչ (մեծադիր),

Ս. Հռիփսիմեն խաչափայտով, ոտքերի մոտ՝ Տրդատ արքան:

Ս. Ստեփանոս Նախավկայի խորան (հյուսիսային խաչաթև)

Ծնունդ (խորանի մեջ),

Խորհրդավոր ընթրիք,

Ս. Ստեփանոսի քարկոծումը (փոքրադիր):

Ս. Հովհաննես Մկրտչի խորան (հարավային խաչաթև)

Տիրամայրը Մանկան հետ, առընթեր՝ Հովհաննես Մկրտիչն ու Հովսեփը (խորանի մեջ),

Հրեշտակը Ս. Հակոբ առաքյալի գլուխը բերել է Աստվածածնին և առաքյալներին:

Առաջին դասի սյուների

Ավետում,

Ավետում,

Ս. Տրդատ,

Ս. Կոնստանդին:

² Այժմ՝ ՀԱՊ-ում: Պատվիրել է Սիմեոն Ա Երևանցի կաթողիկոսը՝ 1769-1771 թթ., հեղինակ՝ ենթադրաբար Հովնաթան Հովնաթանյան:

Հետին դաս

Տասներկու առաքյալների պատկերները (գլխավոր մուտքի վերնամասում),

Թովմասի անհավատությունը (գլխավոր մուտքի վերնամասում),

Ադամի ստեղծումը, խաբվելն ու դրախտից վտարումը (առաքյալների նկարաշարից վեր, «ռաբի» վրա),

Մեծ ջրհեղեղն ու Նոյի՝ տապան մտնելը (առաքյալների շարքից վեր, «ռաբի» վրա),

Իսահակի զոհաբերությունը և ծառից կախված խոյը (առաքյալների շարքից վեր, «ռաբի» վրա),

Հրեաների ելքը Եգիպտոսից (առաքյալների նկարաշարից վեր, «ռաբի» վրա),

Մովսեսն ու անապատի օձը (առաքյալների նկարաշարից վեր, «ռաբի» վրա),

Հիսուսի ծնունդն ու մարգարեները՝ Կտակարանի տախտակները ձեռքներին,

Հիսուսի փախուստը Եգիպտոս,

Ղազարոսի հարությունը (կախված է զանգակատան վերին դռան մոտ),

Մոլորյալ ոչխարին գտնելը,

Քրիստոսը Պետրոսի ձկնորսական նավակում,

Քրիստոսի կողմից վաճառականների վտարումը տաճարից,

Առաքյալների հարությունը (Ահեղ դատաստանից):

Հյուսիսային դռան մոտ

Քրիստոսն ու քահանայապետը,

Փարիսեցու և մաքսավորի աղոթքը տաճարում,

Բարի սամարացու առակը,

Ս. Ալեքսիանոսի ծնողների մահը,

Փիլիպպոս կաթողիկոս:

Հարավային դռան մոտ

Տիրոջ ըմբռնումը,

Հակոբի տեսիլքը (սանդուղք երկնքից երկիր),

Տասը կույսերի առակը,

Աղքատ Ղազարոսի առակը,

Անիրավ տնտեսի առակը,

Քրիստոսի համբարձումը (խորանաձև պատկեր է, որից աջ և ձախ՝ Պետրոս և Պողոս առաքյալների պատկերներն են, կից՝ Պետրոսի խաչելությունը և Պողոսի գլխատումը):

Մեծ Կաթողիկեի թմբուկին

Ավետում,
Ծնունդ,
Տեառնընդառաջ,
Մանկանց կոտորածը Բեթղեհեմում,
Մկրտություն,
Պայծառակերպություն,
Ղազարոսի հարությունը,
Մուտք Երուսաղեմ,
Ոտնվա,
Խորհրդավոր ընթրիք,
Աղոթք Գեթսեմանիում,
Քրիստոսին սյանը կապելն ու ձաղկելը,
Քրիստոսի գլխին փշե պսակ դնելը,
Խաչի կրումը,
Խաչելություն,
Խաչից իջեցումը,
Քրիստոսը նստած գերեզմանին, շուրջը՝ չարչարանքների գործիքները,
Դժոխքի ավերումը,
Հարություն,
Համբարձում,
Հոգեգալուստ,
Ահեղ դատաստան,
Տիրամոր վերափոխումը:

Գլխավոր մուտքի վերին մասում՝ արտաքուստ

Քրիստոսի Էջըը, վերևում՝ Հայր Աստվածն ու Ս. Հոգին, ներքևում՝ Տրդատը, Աշխենն ու Խոսրովիդուխտը, խորհրդածու հրեշտակը և այլք (խորանաձև մեծադիր նկար է):

**ՀՈՎՆԱԹԱՆ ՀՈՎՆԱԹԱՆՅԱՆԻ (ԿԱՍ ՆՐԱՆ ՎԵՐԱԳՐՎՈՂ)՝
Ս. ԷԶՍԻԱԾՆԻ ՄԱՅՐ ՏԱՃԱՐԻ ՀԱՄԱՐ ԱՐՎԱԾ ԿՏԱՎՆԵՐԻ ՑԱՆԿ³**

Թեմատիկ տեսարաններ

Նոյի զոհաբերությունը, կտավ, յուղ., 2,54x1,00 մ, այժմ՝ «Ալեք և Մարի Մանուկյան» գանձատուն (այսուհետ՝ ԱՄՄԳ),

Աբրահամի զոհաբերությունը, կտավ, յուղ., 2,53x0,97 մ, այժմ՝ ԱՄՄԳ,
Հովհաննես Մկրտիչն աղոթելիս⁴, կտավ, յուղ., 1,47x1,02 մ, Մայր տաճարի Ս. Հովհաննես Մկրտչի (Ս. Կարապետի) խորան,

Մոգերի երկրպագությունը, կտավ, յուղ., 2,07x1,00 մ, հյուսիսարևելյան մույթի հարավային նիստին, ստորին գոտի, այժմ՝ ՀԱՊ, 47 սրահ,

Մկրտություն, կտավ, յուղ., 2,32x1,22 մ, հարավարևելյան մույթի արևմտյան նիստին, ստորին գոտի, Վեհարան,

Պայծառակերպություն, կտավ, յուղ., այժմ՝ ՀԱՊ, 47 սրահ,

Մուտք Երուսաղեմ, կտավ, յուղ., 2,11x1,00 մ, այժմ՝ ԱՄՄԳ,

Խորհրդավոր ընթրիք, կտավ, յուղ., 2,31x1,14 մ, հյուսիսարևմտյան մույթի հարավային նիստին, ստորին գոտի, այժմ՝ ԱՄՄԳ,

Ոտնվա, կտավ, յուղ., 2,24x1,11 մ, հարավարևմտյան մույթի հյուսիսային նիստին, ստորին գոտի, այժմ՝ ԱՄՄԳ,

Ոտնվա, կտավ, յուղ., 1,35x1,26 մ, Մայր տաճար,

Քրիստոսի աղոթքը Գեթսեմանիի այգում⁵, կտավ, յուղ., 2,53x1,55 մ, Վեհարան,

Խաչելություն, կտավ, յուղ., 2,24x1,11 մ, այժմ՝ ՀԱՊ, 47 սրահ,

Հարություն, կտավ, յուղ., 2,55x0,99 մ, հարավարևմտյան մույթի արևմտյան նիստին, ստորին գոտի, XX դարի սկզբին օգտագործվել է որպես խաչկալի պատկեր, այժմ՝ ՀԱՊ,

Համբարձում, կտավ, յուղ., 2,54x0,99 մ, այժմ՝ Գևորգյան հոգևոր ճեմարանի դահլիճ,

Դժոխքի ավերումը, կտավ, յուղ., 1,10x0,90 մ, ՀԱՊ,

³ Ամբողջական ցուցակը տե՛ս **Ս. Ղազարյան**, Հայ կերպարվեստը XVII-XVIII դարերում, Երևան, 1974, էջ 260-263:

⁴ Ս. Ղազարյանի ցուցակում դասված է անհայտ նկարիչների շարքին (տե՛ս նշվ. աշխ., էջ 263):

⁵ Ե. Մարտիկյանը վերագրում է Ստեփանոս Լեհացուն (տե՛ս **Ե. Մարտիկյան**, Հայկական կերպարվեստի պատմություն, գիրք Ա, Երևան, 1971, էջ 35-37):

Հոգեգալուստ, կտավ, յուղ., 2,53x0,95 մ, այժմ՝ Գևորգյան հոգևոր ճեմարանի դահլիճ,

Աստվածամոր նինջը, կտավ, յուղ., 2,10x1,04 մ, այժմ՝ ՀԱՊ, 46 սրահ,

Աստվածամոր փառքը, կտավ, յուղ., 2,51x1,33 մ, այժմ՝ ՀԱՊ, 46 սրահ,

Աստվածամոր թագադրումը, կտավ, յուղ., 1950-ական թթ. օգտագործվել է որպես խաչկալի պատկեր, այժմ՝ ԱՄՄԳ,

Աստվածամայրը գահին, Ս. Կարապետի և Ս. Հակոբոսի հետ (կամ Ս. Գրիգոր Լուսավորչի և Ս. Ստեփանոսի հետ), կտավ, յուղ., 2,51x1,93 մ, այժմ՝ ՀԱՊ, 46 սրահ,

Հովիվները նկատում են Ս. Գրիգոր Լուսավորչին ծառի փչակում, կտավ, յուղ., 2,19x1,67 մ, ՀԱՊ,

Հովիվները տանում են Ս. Գրիգոր Լուսավորչի մարմինը, կտավ, յուղ., 2,53x1,50 մ, այժմ՝ ԱՄՄԳ,

Ստեփանոս Նախավկան՝ աղոթելիս, կտավ, յուղ., 2,14x1,01 մ, Վեհարան⁶:

Համաքրիստոնեական սրբեր

Միքիա մարգարե, կտավ, յուղ., 2,21x0,96 մ, այժմ՝ ՀԱՊ պահոց,

Նավում մարգարե, կտավ, յուղ., 2,20x0,97 մ, այժմ՝ ՀԱՊ պահոց,

Սովսես մարգարե, կտավ, յուղ., 2,20x0,97 մ, այժմ՝ ՀԱՊ պահոց,

Անդիա մարգարե, կտավ, յուղ., 2,16x0,96 մ, այժմ՝ ՀԱՊ պահոց,

Սոփոնիա մարգարե, կտավ, յուղ., 2,19x0,93 մ, այժմ՝ ՀԱՊ պահոց,

Հովել մարգարե, կտավ, յուղ., 2,20x0,99 մ, այժմ՝ ՀԱՊ պահոց,

Ամուս մարգարե, կտավ, յուղ., 2,20x0,97 մ, այժմ՝ ՀԱՊ պահոց,

Ամբակում մարգարե, կտավ, յուղ., այժմ՝ ՀԱՊ պահոց,

Եզեկիել մարգարե, կտավ, յուղ., այժմ՝ ՀԱՊ, 47 սրահ,

Հովնան մարգարե, կտավ, յուղ., այժմ՝ ՀԱՊ, 47 սրահ,

Եսայի մարգարե, կտավ, յուղ., 2,18x0,93 մ, այժմ՝ ՀԱՊ պահոց,

Եղիա մարգարե, կտավ, յուղ., 2,18x0,97, այժմ՝ ՀԱՊ, 46 սրահ,

Մակար ճգնավոր, կտավ, յուղ., այժմ՝ ԱՄՄԳ,

Սրապիոն ճգնավոր, կտավ, յուղ., այժմ՝ ԱՄՄԳ,

Հովհաննես Մկրտիչ, կտավ, յուղ., այժմ՝ ԱՄՄԳ,

⁶ Մայր Աթոռի «Ալեք և Մարի Մանուկյան» գանձատանը պահվում է մեկ այլ աղոթող Ս. Ստեփանոս, 1,69x0,99 մ:

Թաղենու առաքյալ, կտավ, յուղ., 2,10x0,97 մ, նախկինում՝ Մայր տաճարի խաչկալի դռնակ, այժմ՝ նոր Վեհարանի գահասրահ,

Բարդուղիմեոս առաքյալ, կտավ, յուղ., 2,10x0,97 մ, նախկինում՝ Մայր տաճարի խաչկալի դռնակ, այժմ՝ նոր Վեհարանի գահասրահ,

Կոստանդին կայսր, կտավ, յուղ., 2,08x0,91 մ, Վեհարան, այժմ՝ ՀԱՊ, 47 սրահ,

Հովհան Ոսկեբերան, կտավ, յուղ., 2,40x0,88 մ, այժմ՝ ՀԱՊ, 46 սրահ,

Գրիգոր Աստվածաբան, կտավ, յուղ., 2,28x0,93 մ, Վեհարան, այժմ՝ ՀԱՊ, 47 սրահ:

Հայ սրբեր

Հռիփսիմե, կտավ, յուղ., 2,16x1,29 մ, ՀԱՊ,

Գայանե, կտավ, յուղ., 2,10x1,29 մ, ՀԱՊ,

Հակոբ հայրապետ, կտավ, յուղ., 2,36x1,10 մ, Վեհարան (այժմ՝ ՀԱՊ 46 սրահ),

Տրդատ Մեծ, կտավ, յուղ., 2,20x0,91 մ, այժմ՝ նոր վեհարանի գահասրահ,

Գրիգոր Լուսավորիչ, կտավ, յուղ., 2,22x0,99 մ, այժմ՝ ՀԱՊ,

Գրիգոր Լուսավորիչ, կտավ, յուղ., 2,16x1,04 մ, ՀԱՊ,

Արիստակես հայրապետ, կտավ, յուղ., 2,13x1,08 մ, Վեհարան,

Հուսիկ հայրապետ, կտավ, յուղ., 2,31x0,94 մ, ՀԱՊ,

Գրիգորիս հայրապետ, կտավ, յուղ., 2,16x1,04 մ, ՀԱՊ,

Վրթանես հայրապետ, կտավ, յուղ., 2,36x1,03 մ, ՀԱՊ,

Ներսես Մեծ, կտավ, յուղ., 2,17x1,06 մ, Վեհարան,

Խսահակ հայրապետ, կտավ, յուղ., 2,23x1,16 մ, Վեհարան,

Մեսրոպ Մաշտոց, կտավ, յուղ., 2,27x0,94 մ, Վեհարան,

Սահակ Պարթև, կտավ, յուղ., 2,27x1,29 մ, Վեհարան,

Մովսես Խորենացի, կտավ, յուղ., 2,28x0,86,5 մ, Վեհարան,

Դավիթ Անհաղթ, կտավ, յուղ., 2,22x0,89 մ, Վեհարան,

Հովհան Օձնեցի, կտավ, յուղ., 2,31x0,94 մ, Վեհարան,

Ներսես Շնորհալի, կտավ, յուղ., 2,04x0,91 մ, Վեհարան,

Հովհան Որոտնեցի, կտավ, յուղ., 2,05x0,90 մ, Վեհարան,

Գրիգոր Տաթևացի, կտավ, յուղ., 2,07x0,91 մ, Վեհարան:

ՄՏԵՓԱՆՈՍ ԼԵՅԱՑՈՒՆ ՎԵՐԱԳՐՎՈՂ ԿՏԱՎՆԵՐ

Գաբրիել հրեշտակապետ (ներքևի զույգ կերպարներով)⁷, կտավ, յուղ., 2,64x1,05 մ, այժմ՝ ԱՄՄԳ,

Ավետընկալ Մարիամ (ներքևի զույգ կերպարներով)⁸, կտավ, յուղ., 2,52x0,59 մ, այժմ՝ ԱՄՄԳ:

Կիսանդրի-դիմանկարներ⁹

Թադեոս առաքյալ, կտավ, յուղ., Մայր Աթոռի դիվանատուն,
Շմավոն (Սիմոն) առաքյալ, կտավ, յուղ., Մայր Աթոռի դիվանատուն,
Հակոբոս առաքյալ, կտավ, յուղ., Մայր տաճարի թանգարան,
Պողոս առաքյալ, կտավ, յուղ., Մայր տաճարի թանգարան,
Պետրոս առաքյալ, կտավ, յուղ.,
Անհայտ առաքյալ, կտավ, յուղ.:

Առաքյալների այլ շարք

Պողոս առաքյալ, կտավ, յուղ., 2,03x0,87 մ, Վեհարան,
Պետրոս առաքյալ, կտավ, յուղ., 2,03x0,87 մ, Վեհարան,
Թադեոս առաքյալ, կտավ, յուղ., 2,03x0,87 մ, Վեհարան,
Բարդուղիմեոս առաքյալ, կտավ, յուղ., 2,03x0,87 մ, ՀԱՊ,
Մատթեոս առաքյալ, կտավ, յուղ., 2,03x0,87 մ, ՀԱՊ,
Հակոբ առաքյալ, կտավ, յուղ., 2,03x0,87 մ, Վեհարան,
Սիմեոն առաքյալ, կտավ, յուղ., 2,03x0,87 մ, Վեհարան,
Անդրեաս առաքյալ, կտավ, յուղ., 2,03x0,87 մ, ՀԱՊ,
Հովհաննես առաքյալ, կտավ, յուղ., 2,03x0,87 մ, ՀԱՊ,
Անհայտ առաքյալ, կտավ, յուղ., 2,03x0,87 մ, ՀԱՊ,
Թովմայի անհավատությունը, կտավ, յուղ., 1,10x0,84 մ, այժմ՝ ԱՄՄԳ¹⁰:

⁷ Մ. Ղազարյանը վերագրում է Հովնաթան Հովնաթանյանին (Մ. Ղազարյան, նշվ. աշխ., էջ 260):

⁸ Մ. Ղազարյանը վերագրում է Հովնաթան Հովնաթանյանին (տե՛ս նույն տեղում):

⁹ Այս շարքը Լեհացուն է վերագրել Եղիշե Մարտիրոսյանը (տե՛ս Ե. Մարտիրոսյան, նշվ. աշխ., էջ 40-42): Դրանք պետք է որ տեղադրված լինեն արևմտյան խորանում, որի շրջանակների չափսերը՝ 1,22x0,83 մ, մոտավորապես համապատասխանում են կտավներին:

¹⁰ Մ. Ղազարյանն իր ցուցակում Ստեփանոս Լեհացուն է վերագրում մեկ այլ «Թովմայի անհավատություն», 2,03x0,87 մ, Վեհարան (Մ. Ղազարյան, նշվ. աշխ., էջ 259):

Ս. ԷԶՄԻԱԾՆԻ ՄԱՅՐ ՏԱՃԱՐԻ ԻԶՄԱՆ Ս. ՍԵՂԱՆԸ ԵՎ ՆԿԱՐԱԶԱՐԴ ԱՄՊՅՈՎԱՆԻՆ

Ս. Էջմիածնի Մայր տաճարի գմբեթի ներքո՝ չորս գմբեթակիր մույթերի միջև է գտնվում Հայ առաքելական սուրբ եկեղեցու մեծագույն սրբություններից մեկը՝ Իջման ս. Սեղանը: Այն խորհրդանշում է Հայ եկեղեցու պատմության թերևս ամենակարևոր դրվագը՝ Մայր եկեղեցու հիմնադրումը: Ընդունված է ասել, որ Ս. Գրիգոր Լուսավորչի տեսիլքում հենց այստեղ է Տերը ոսկե կռանով հարվածել գետնին՝ նախանշելով տաճարի կառուցման վայրը. «Եւ մի ահաւոր տեսիլ մարդոյ բարձր եւ ահեղ, որ զառաջն ունէր եւ զէջսն ի վերուստ մինչեւ ի խոնարի առաջապահ յառաջեալ, եւ ի ձեռինն իւրում ուռն մի մեծ ոսկի. եւ այն ամենայն զհետ խաղացեալ գայր: Եւ ինքն սլացեալ խոյացեալ գայր՝ ըստ նմանութեան արագաթել արծուոյ. եւ եկն էջ եհաս մինչեւ մօտ ի յատակս երկրիս, ի շինամէջ քաղաքին, եւ բաղխեաց զթանձրութիւն լայնատարած գետնոյն, եւ մեծ եւ անչափ դրնդիւնքն հնչեցին սանդարամետս անդնդոց. եւ ամենայն երկիր յերեւելիս, յական տեսանելեաց բաւելոյ, հարթ հաւասար դաշտածել յատակեցաւ»¹:

Թե ինչպիսի տեսք կամ կահավորանք է ունեցել Մայր տաճարի Իջման տեղը վաղ և զարգացած միջնադարում՝ դժվար է ասել: Սակայն կասկածից վեր է, որ այս հատվածը չէր կարող հատուկ ուշադրության չարժանանալ, քանզի հենց Իջման տեղով է պայմանավորված հայ եկեղեցու, մասնավորապես՝ Մայր տաճարի բացառիկությունը: Ավելորդ է ասել, որ Ս. Աստվածածնին նվիրված տաճարի² միջնադարյան երեք՝

¹ *Ազաթանգեղոս*, Պատմութիւն Հայոց, քննական բնագիրը՝ **Գ. Տէր-Մկրտչեանի** եւ **Ս. Կանայեանցի**, Երեւան, 1983, էջ 414-417:

² Լուսավորչի տեսիլքի հաջորդ օրը՝ օգոստոսի 15-ը, Ս. Աստվածածնի Վերափոխման տոնն էր, ինչի կապակցությամբ էլ Մայր տաճարի ավագ խորանն անվանակոչվում է Ս. Աստվածածին: Հետաքրքիր զուգահեռությամբ 303 թ. Վերափոխման տոնին էլ տեղի է ունենում տաճարի օծումը (Սուրբ Էջմիածինը հայ մատենագրությունում, աշխատ.՝ **Հակոբ Զյոսեյանի** և **Վարդան Դևրիկյանի**, Ս. Էջմիածին, 2003, էջ 22, 30):

առավել տարածված անվանումները (Վաղարշապատի Կաթողիկե, Ս. Էջմիածին, Ս. Շողակաթ կամ Շողակաթ Ս. Աստվածածին) անմիջակա-
նորեն կապված են Իջման իրադարձության հետ³:

Իջման տեղի կահավորման վերաբերյալ մեզ մասնակի տեղեկու-
թյուններ են հասել սկսած XVII դարից: Ինչպես հայտնի է, 1604–1605 թթ.
մեծ բռնագաղթից մեկ տասնամյակ անց, պարսից շահ Աբաս Ա-ը, ցան-
կանալով հայ գաղթականներին ետ պահել Հայաստան վերադառնալու
մտքից, որոշում է հայերի համար Նոր Զուղայում կառուցել Նոր Մայր
տաճար: Այս նպատակով Էջմիածնից Նոր Զուղա են տեղափոխվում
Լուսավորչի Աջն ու Մայր տաճարի կարևորագույն տասնհինգ քարերը,
այդ թվում՝ Իջման քարը. «Իսկ Թահմազդուլի խանն՝ յետ Լուսավորչի
Աջին առաքելոյ, բազում ջանիւ հոգայր զքարինսն առաքել, վասն որոյ
ինքն յոլով զօրականօք գնաց ի Սուրբ Էջմիածին, և զնշանաւոր քա-
րինսն Էջմիածնի քակեալ հանին ի տեղոյն, որք են այսոքիկ. սուրբ սե-
ղանն, յորոյ վերայ պատարագն սուրբ մատչէր, և այս սեղանոյս սիւնն.
Քրիստոսի Իջման տեղեաց քարն (ընդգծումը մերն է – Ա. Ա.), աւա-
զանն, մեկ քար ի հարաւային կողման աստիճանէ բեմին. և մեկ քար ի
հիւսիսային կողման աստիճանէ բեմին, վասն զի աւագ բեմի աստի-
ճանքն յերկուց կողմանց են՝ ի հիւսիսոյ եւ ի հարաւոյ. չորս քար ի չորից

³ Մայր տաճարի հնագույն՝ «Կաթողիկե» անվանումը (դեռևս V դարում այսպես է կոչում
Ղազար Փարպեցին. «գիրեշտակացոյց հիմնարկութիւնն սրբոյ տանն Աստուծոյ, մեծի եկե-
ղեցոյն Կաթողիկեի...» - *Ղազար Փարպեցի*, Պատմութիւն Հայոց. թուղթ առ Վահան
Մամիկոնեան, քննական բնագիրը՝ **Գ. Տէր-Սկրտչեանի** եւ **Ստ. Մախասեանցի**, Երեւան,
1982, էջ 24-27) կիրառվել է եկեղեցաբանական և ճարտարապետական իմաստներով:
Առաջին դեպքում գործ ունենք Կաթողիկե (ընդհանրական, տիեզերական) եկեղեցու առաջին
և մայր տաճարի հետ՝ նախագծված (ըստ Ագաթանգեղոսի) հենց Քրիստոսի Իջմամբ:
Նույն Իջմամբ է պայմանավորված եղել նաև տաճարի ճարտարապետական ձևը՝ սյուներ-
ով, կամարներով և զմբեթով, իսկ միջնադարում ճարտարապետական իմաստով «կաթո-
ղիկե» նշանակում էր զմբեթ (որպես կանոն՝ բարձրադիր) կամ զմբեթավոր եկեղեցի (տե՛ս
Սուրբ Էջմիածինը հայ մատենագրությունում, էջ 17-19): Տաճարն «Էջմիածին» անվանելը,
որն արդեն անմիջականորեն նույնականացվում է Իջման խորհրդին, կապվում է Ստեփա-
նոս Օրբելյանի մի հիշատակության հետ. «Այս ե՛ս, այս ե՛ս, Էջք Միածնին...» (**Ստեփան-
սոս Օրբելյան**, Ողբ ի Ս. Կաթողիկեն, բնագիրը յառաջաբանով եւ ծանոթութիւններով
հրատարակեց **Կ. Կոստանեանց**, Թիֆլիս, 1885, էջ 27, տե՛ս նաև **Յ. Ղեւոնդ Ալիշան**,
Այրարատ. բնաշխարհի Հայաստանեայց, Վենետիկ, 1890, էջ 209-210): Վերջապես, Մայր
տաճարն ամենաուշը XI դարից (Ստեփանոս Տարնուացի) մինչև XVII դ. վերջերը (երբ 1694 թ.
Էջմիածնում կառուցվեց Ս. Շողակաթ եկեղեցին) անվանվել է նաև Ս. Շողակաթ կամ Շողա-
կաթ Ս. Աստվածածին՝ «ի պատիվ այն լույսի, որի՝ երկնքից կաթմամբ Լուսավորչի տեսի-
լքում գծագրվեց Մայր տաճարը» (տե՛ս Սուրբ Էջմիածինը հայ մատենագրությունում, էջ 30):

անկեանց եկեղեցւոյն՝ ի դրուց կողմանէ. երկու քարէ մոմդան որ մեծ իւղաբերից մոմ դնեն ի մէջն և վառեն. երեք այլ որիշ քարինք ի սալա-յարկ քարանց բեմին. ընդ ամեն տասն և հինգ քար: Չայս քարինքս քա-կեցին, և հանին յէջմիածնէ և եղին ի մէջ կաշւոյ եւ կարեցին... Չայս քա-րինքս յորժամ հանեալ յէջմիածնէ ուղևորեցին գնալ ի Սպահան՝ թուա-կանն մեր ՌԿԳ (1614 թ. – Ա. Ա.) էր, և յորժամ եհաս ի Սպահան փոխեալ էր տարին և մտեալ էր ի ՌԿԴ (1615 թ. – Ա. Ա.)»⁴:


Այսպիսով, Առաքել պատմագիրը վերոհիշյալ տասնհինգ քարերից միայն մեկն է բնորոշում որպէս Իջման քար: Ներկայումս այդ քարերը (կամ՝ ինչ մնացել է այդ քարերից) պահվում են Նոր Ջուղայի Ս. Գևորգ եկեղեցւոյ⁵: Դրանց շարքում առանձնանում են միմյանց կից երկու բա-զալտե սրբատաշ քարերը, որոնցից առաջինը (նկ. 1, Ա քար) հարթ ուղղան-կյունաձև է, կենտրոնում՝ փոքր փոստորակով, իսկ մյուսը (նկ. 1, Բ քար) չափերով ավելի փոքր և բարձր է, հիշեցնում է կարճ սյուն, որի վերին նիստի կենտրոնում առկա է կիսագնդաձև ելուստ, որը, ըստ ամենայնի, նախատեսված է եղել առաջին քարի փոսիկին ագուցելու համար (չափերը լիովին համապատասխանում են):

Նշված քարերի չափերն ու ձևը հաշվի առնելով՝ կարող ենք նշել դրանց գործառնությանն հնարավոր երկու տարբերակ: Ա քարը կամ եղել է ավագ խորանի ս. Սեդանի քար (այս դեպքում Բ քարը որպէս պատ-վանդան է ծառայել նրան) կամ, որ առավել հավանական է, Ա քարը եղել է Իջման քարի պատվանդան (քանի որ ավագ խորանի համար այնքան էլ բարետես չէ), որի կենտրոնում հարմարեցված է եղել Բ քարը, որպէս բուն Իջման քար: Այլ խոսքով՝ Բ քարը մատնանշել է բուն Իջման տեղը. հավատացյալներն այս քարին են հպվել՝ որպէս Իջման խորհրդանիշ, և Դավրիժեցին, նշելով միայն այս քարի մասին, պարզապէս չի հիշատակել պատվանդանի գոյությունը (որոշ այլ քարերի վերաբերյալ ևս չի նշում):

Իջման տեղի և սուրբ քարի մասին ուշագրավ է XVII դարի ֆրան-սիացի ճանապարհորդ Ժան Շարդենի նկարագրությունը, որը ներկա-յացվում է ֆրանսերենից թարգմանաբար. «Եկեղեցու կենտրոնում գտնվում է մի մեծ քառակուսի քար՝ երեք ոտնաչափ անկյունագծով և հինգ ոտ-նաչափ հաստությամբ: Հայերը հաստատուն հավատն ունեն, որ այս այն

⁴ *Առաքել Դարիժեցի*, Գիրք պատմութեանց, աշխատ.՝ *Լ. Խանլարյանի*, Երևան, 1990, էջ 190-191:

⁵ Ավագանի քարի դիմային հատվածում ընթեռնելի է հետևյալ երկտող վիմագիրը. «Յ(ի)շ(ա)տ(ա)կ է Թալէ որդի / Ղեռնդ» - Ա. Հ.:



Նկ. 1. Ս. Էջմիածնի Մայր տաճարից տեղափոխված քարերը Նոր Զուղայի Ս. Գևորգ եկեղեցում (լսնկ.՝ հեղինակի, 2019 թ.)

տեղն է, ուր իրենց առաքյալ Ս. Գրիգորը մի կիրակի երեկոյան տեսավ Զիսուս Զրիստոսին, երբ ինքն աղոթում էր և որտեղ Նա խոսեց Նրա [Սուրբ Գրիգորի] հետ: Վանականներն այնուհետև համոզում էին մեզ, որ Զիսուս Զրիստոս այդ սրբի առջև լույսի ճառագայթներով գծագրեց Էջմիածնի եկեղեցու պատկերը և պատվիրեց Նրան կառուցել համաձայն այն գծագրի, որ Նա պատկերեց տեսիլքում: Նրանք Նաև ավելացնում են, որ այն տեղում, ուր այժմ հիշյալ քարն է դրված, նույն այդ ժամանակ երկիրը բացվեց և Զրիստոս այդ բացվածքի միջով ձևավորված խորխորատը Նետեց Հայաստանի տաճարներում եղած բոլոր դներին, որոնք կեղծ պատգամախոսներ էին, և Ս. Գրիգորին պատվիրեց սանդարամետը ծածկել մարմարով: Ասվածին ավելացրին, որ Աբաս Մեծը տարավ մարմարե սալը և այն զետեղեց Պարսկաստանի արքունական թանգարանում, իսկ այդ սալի տեղը դրեց այն քարը, որի մասին ես ասացի»⁶:

⁶ Voyages du Chevalier **Chardin** en Perse et autres lieux de l'Orient, tome deuxième, Paris, 1811, էջ 175 – Ա. Զ.:

Եղիազար Ա Այնթապցի (Հռոմկլայեցի) կաթողիկոսի օրոք (1681-1691 թթ.) Իջման տեղում հիմնվում է պատարագի ս. Սեղան, որի վրա կառուցվում է ամպիոկանի-կաթողիկե: Այս մասին առաջին վկայությունը հաղորդում է Չաքարիա Բանաքեռցին. «Այլև կանգնեաց քարեայ կաթուղիկէ ի վերայ Իջման տեղին և հաստատեաց սեղան՝ առնել պատարագ...»⁷: Ավելի ուշ, Սիմեոն Երևանցի կաթողիկոսը գրում է. «Ի սուրբ Աթոռոջ, զԿաթողիկէ ի վերայ սրբոյ Իջման տեղոյն կանգնեաց չորիւք սեամբք խամ քարիւք, և հաստատեաց սեղան՝ զի Պատարագ մատչիցի»⁸: Մոտավորապես նույն տեղեկությունն են հաղորդում Նաև Ս. Էջմիածնի միաբաններ Հովհաննես Եպս. Շահխաթունյանցն ու Աբել արք. Մխիթարյանցը. «Կանգնեաց սա եւ զփոքրիկ կաթուղիկէ ի վերայ չորից սեանց նոյնպէս ի հասարակ քարանց ի միջին տեղոջ յատակի սրբոյ տաճարիս, որ անկանի ուղղակի ի ներքոյ մեծի Կաթուղիկէին. յորում տեղոջ այրն ահաւոր եհար զոսկեռուն ըստ տեսւեան սրբոյն Գրիգորի Լուսաւորչին»⁹, իսկ ըստ Աբել Մխիթարյանցի՝ Եղիազար կաթողիկոսը «տաճարի մէջ Իջման տեղոյ վրայ կանգնեց Կաթուղիկէ՝ հասարակ քարից, չորս սիւնով, և հաստատեց սեղան պատարագի, որ յառաջագոյն քարորմով պատած էր, ուր և «Այրն ահաւոր» երևցած...»¹⁰:

⁷ **Չաքարիա Բանաքեռցի**, Պատմութիւն. Կոնդակ Սուրբ Ուխտին Յօհաննու վանից, աշխատ.՝ **Ա. Վիրաբյանի**, Երևան, 2015, էջ 151: Չաքարիա Բանաքեռցու «Պատմագրութեան» բնագրային հիմք հանդիսացող ՄՄ Հմմ 1662 և 3024 ձեռագրերում կաթողիկեն բնորոշված է իբրև «քարեայ», մինչդեռ երկի առաջին տպագրության տողերում՝ «կճեայ» (**Չաքարեայ Սարկաւագ**, Պատմագրութիւն, հատոր երկրորդ, Վաղարշապատ, 1870, էջ 107), այսինքն՝ մարմարայ:

⁸ **Սիմեոն կթ. Երևանցի**, Ջամբռ, էջ 25-26: Եղիազար կաթողիկոսի օրոք Մայր տաճարի հյուսիսային և հարավային խորաններում հիմնվում են երկու այլ ս. սեղաններ՝ նվիրված համապատասխանաբար Ս. Ստեփանոս Նախավկային և Ս. Հովհաննես Մկրտչին (տե՛ս նշվ. աշխ., էջ 26):

Սրանք իրենց պատակից ամպիոկանիներով պահպանվել են մինչ օրս: Հյուսիսային խորանի քարե ամպիոկանու ճակատային մասում պահպանվել է Նաև Եղիազար կաթողիկոսի անվանակիր՝ 1683 թ. արձանագրությունը, որտեղ պատարագի ս. Սեղանը հիշված է «պրօպիտ» (նախաշեմ, խոնարհման վայր) անվամբ (**Ա. Հարությունյան**, Վաղարշապատ. վանքերը և վիմական արձանագրությունները, Ս. Էջմիածին, 2016, էջ 61, արձ. 31) – Ա. Հ.:

⁹ **Հովհաննես Եպս. Շահխաթունեանց**, (այսուհետ՝ Ստորագրութիւն), աշխատ.՝ **Ա. Տեր-Ստեփանեանի**, Ս. Էջմիածին, 2014, էջ 25 (վերահիշատարակություն):

¹⁰ **Աբել արք. Մխիթարեանց**, Եկեղեցիք Վաղարշապատ քաղաքի, «Արարատ»-ի ժառանգությունը, Երկերի ժողովածու, հրատ. պատրաստեց՝ **Եզնիկ արք. Պետրոսյանը**, Ս. Էջմիածին, 2009, էջ 118:

Վերը նշվածն ամբողջացնելով՝ կարող ենք եզրակացնել, որ Եղիազար կաթողիկոսի կառուցած ամպիովանին «սովորական» (այսինքն՝ ոչ թանկարժեք) և «խամ» (այսինքն՝ անմշակ, անտաշ) քարերով կառուցված չորս սյուներից և դրանք պսակող փոքրածավալ գմբեթածև ծածկից՝ կաթողիկեից բաղկացած մի շինվածք էր, որի ներքո գտնվում էր հնագույն քարաշարով պատված պատարագի ս. Սեղանը:

Մոտ չորս տասնամյակ անց, Աստվածատուր Ա Յամադանցի կաթողիկոսը (1715-1725 թթ.) Մայր տաճարի ներսում բարենորոգություններ անելիս՝ փոփոխում է նաև Իջման հատվածը: Ըստ Սիմեոն Երևանցու՝ «Սա (Աստվածատուր Յամադանցին – Ա. Ա.) զարդարեաց զմեջն մեծի տաճարիս. զի շինեաց և զսուրբ Իջման տեղն մարմարեայ քարիւ ի վերայ չորից մարմարեայ սեանց, և ծաղկեցոյց ոսկով և պէս պէս երանգօք, և արար զարմանալիս տեսողաց»¹¹: Այս առումով հետաքրքիր է Յովհաննես եպս. Շահխաթունյանցի հիշատակությունը. «Չայս յիշատակեալդ կաթուղիկէ ի վերայ Իջման տեղոյն հանդերձ սեամբքն եւ ինչ ինչ քարամբք յատակին՝ Աստուածատուր կաթուղիկոս Յամատանցի նոր ի նորոյ ետ կառուցանել ի սպիտակ մարմարոնեայ քարանց կարի վայելչածն»¹²: Աբել Մխիթարյանցը ևս հիշատակում է այս փոփոխության մասին. «Եղիազարու հասարակ քարով շինածը ի վերայ Իջման տեղոյն, Յամատանցի Աստուածատուր կաթուղիկոսը փոխեց և նոր ի նորոյ կառույց վայելչածն մարմարոնեայ գեղեցիկ կաթուղիկէիւ չորս սեան վրայ. նոյնպէս աւագ սեղանոյ բեմի ճակատը ծայրէ ի ծայր մարմարոնեայ քարով շինելով, խորանածն զարդարեց, ոսկով ու գոյնզգոյն նկարներով Իջման տեղոյ Կաթուղիկէին և աւագ սեղանոյ բեմը ի միասին ծաղկազարդեց»¹³:

Փաստորեն, Աստվածատուր կաթողիկոսի օրոք քանդվել է Եղիազար կաթողիկոսի կառուցած ամպիովանին և տեղում կառուցվել արդեն մեր օրերը հասած սպիտակ մարմարե ամպիովանին, որը նույն Աստվածատուր կաթողիկոսի օրոք նաև նկարազարդվել է¹⁴:


¹¹ *Սիմեոն կթղ. Երևանցի*, Զամբռ, էջ 28:

¹² *Յովհաննես եպս. Շահխաթունյանց*, Ստորագրութիւն, էջ 26:

¹³ *Աբել արք. Մխիթարեանց*, Եկեղեցիք Վաղարշապատ քաղաքի, էջ 118-119:

¹⁴ Նկարազարդումներն ուշմիջնադարյան, առավելապես՝ Յովնաթանյանների դպրոցին բնորոշ բուսական զարդատարրեր են, իսկ ամպիովանու՝ այսպես կոչված թմբուկի նիստերին՝ բուսազարդ խորաններում, պատկերված են ավետարանիչներն իրենց խորհրդանշներով, աղանակերպ Սուրբ Յոզիս, Տիրամայրը և այլ սրբեր – Ա. Զ.:

Իջման ս. Սեդանի ամպիոկանու՝ մեզ հասած ամենահին պատկերն անվանի հայագետ Մարի Բրոսսեի գծային մոտավոր վերարտադրությունն է իր հանրահայտ «Ատլասում» (նկ. 2), որտեղ այն կոչվում է «Իջման տեղի ամպիոկանի» (Baldaquin, sur le Lieu de la Descente)¹⁵:



Նկ. 2. Իջման ս. Սեդանի ամպիոկանու՝
Մարի Բրոսսեի գծանկարը

¹⁵ **M. Brosset**, Atlas du voyage archéologique dans la Transcaucasie, Saint-Pétersbourg, 1950, planche XVIII.




**Նկ. 3. Երևանի Ս. Գրիգոր Լուսավորիչ եկեղեցում՝
Ս. Լուսավորչի մասունքների վրա կանգնեցված
Էջմիածնի Իջման ս. Սեղանի ամպիոկանին
(լսնկ.՝ Ա. Հարությունյանի, 2021 թ.)**

2001 թ., երբ Երևանում ավարտվեցին Ս. Գրիգոր Լուսավորիչ Մայր եկեղեցու շինարարական աշխատանքները, Գարեգին Բ Ամենայն Հայոց կաթողիկոսի տնօրինությամբ այստեղ տեղափոխվեցին Նաև Ս. Գրիգոր Լուսավորչի մասունքները և Իջման ս. Սեղանի ամպիոկանին, որը տեղադրվեց եկեղեցու նախասրահում՝ արևմտյան մուտքի առջև (նկ. 3):

Նորակառույց եկեղեցու նշված տեղում հիմնված մարմարյա պատվանդանի քանդակազարդ պահատուփում են ամփոփված Ս. Գրիգոր Լուսավորչի մասունքները, իսկ պատվանդանը պսակում է չորս սյուների վրա հանգչող Էջմիածնի նկարազարդ ամպիովանին: Վերջինիս գմբեթից ներկայումս կախված է Հայաստանում քրիստոնեության հաստատման 1700-ամյակի առթիվ Մոսկվայի և համայն Ռուսիո պատրիարք Ալեքսեյ Երկրորդի նվիրաբերած բուրվառը¹⁶:

Պատվանդանի արևելյան կողմում մասունքների և ամպիովանու տեղափոխման մասին վկայող հետևյալ արձանագրությունն է, 14 տող.



**Նկ. 4. Ամպիովանու կառուցման և
մասունքների պահպանման մասին վկայող վիմագիրը
(սևնկ.՝ Ա. Հարությունյանի, 2021 թ.)**

¹⁶ Բուրվառի կենտրոնական մասը գտնվում է հետևյալ արձանագրությունը. «Дар Армянской Апостольской церкви к память празднования 1700-летия Христианства в Армении. Алексий II Патриарх Московский и Всея Руси» - Ա. Հ.:

ՄԱՐՄԱՐԱԿԵՐՏ ՉՈՐԵՔԻՆ ՍԻՒՆՔՍ ԵՒ ԳՄԲԵԹՍ ԱՅՍ
ԿԱՌՈՒՅԵԱԼ Ի ՎԵՐԱՅ ՍՐԲՈՅ ՄԻԱԾՆԱԷՉ ՍԵՂԱՆՈՅ ՄԱՅՐ
ՏԱՃԱՐԻ Ի ԿԱԹՈՂԻԿՈՍԷՆ ԵՂԻԱԶԱՐՈՒ ԱՅՆԹԱՓՅԻՈՅ (1681-1691)
ՀՐԱՄԱՆԱԻ ԵՐԱՆԱՇՆՈՐՀ Տ. ՎԱԶԳԵՆԻ Ա ԿԱԹՈՂԻԿՈՍԻՆ
ՓՈԽԱԴՐԵՑԱՆ Ի ՄԱՅՐ ԱԹՈՌՈՅ Ի ՎԱՆՍ ՍՐԲՈՅ ԳԱՅԻԱՆԵԱՅ
ԵՒ ՎԵՐԱԿԱՌՈՒՅԱՆ ԻՔՐԵԻ ԶՄԱՍՈՒՆՍ ՍՐԲՈՅ ԽՈՐԱՆԻՆ
ՅԱՄԻ ՏԵԱՌՆ 2001, ՏՆՕՐԻՆՈՒԹԵԱՄԲ Տ. Տ. ԳԱՐԵԳՆԻ Բ
ՀԱՅՐԱՊԵՏԻՆ ԱՄԵՆԱՅՆ ՀԱՅՈՅ, ԱՐԴԵԱՄԲԵ ԵՒ ԾԱԽԻԻՔ
ԼՈՒԻԶ ՄԱՆՈՒԿԵԱՆ ՍԻՄՕՆԻ: ՄԱՐՄԱՐԱԿԵՐՏ ՍԻՒՆՔՆ ԵՒ
ԳՄԲԵԹՆ ՏԵՂԱԴՐԵՑԱՆ Ի ՍՈՒՐԲ ԳՐԻԳՈՐ ԼՈՒՍԱՒՈՐԻՉ
ՄԱՅՐ ԵԿԵՂԵՑԻ ԵՐԵՒԱՆԱՅ ԵՒ ՆՇԽԱՐՔՆ ՍՐԲՈՅՆ ԳՐԻԳՈՐԻ
ԼՈՒՍԱՒՈՐՉԻ ԶԵՏԵՂԵՑԱՆ ՉԵՌԱՄԲ ՍՐԲԱԶԱՆ
ՀԱՅՐԱՊԵՏԻՆ ՄԵՐՈՅ ԸՆԴ ԳՄԲԵԹՍ, ՈՐՆ ԵՒ ՍԵԱՄԲՔՆ
ԻՒՐՈՎՔ ԱՄՊՀՈՎԱՆԻ ԵՂԻՅԻՆ ՍՐԲԱԶԱՆ ՆՇԽԱՐԱՅՆ. ԱՄԷՆ:

ԱՇՏԱՐԱԿԻ Ս. ՄԱՐԻԱՆԵ ԵԿԵՂԵՑՈՒ ՈՐՄՆԱՆԿԱՐՆԵՐԸ

1281 թ. կառուցված Ս. Մարիանե գմբեթավոր եկեղեցին¹ գտնվում է Աշտարակ քաղաքի հյուսիսարևելյան հատվածում: Ըստ Երվանդ Շահագիզի՝ ծխական եկեղեցու կարգավիճակ ստանալու հետ պայմանավորված՝ եկեղեցու արևմտյան պատին կից, հայտնի չէ, թե երբ, կառուցվել է ժողովրդանոց, որը հետագայում ավերվել, իսկ 1839 թ. վերանորոգվել է²: Ժողովրդանոցն ունեցել է որմնանկարներ, որոնք պատկերված են եղել Ս. Մարիանե եկեղեցու արևմտյան շքամուտքին կից հատվածներում³ և, ամենայն հավանականությամբ, ստեղծվել են XVII-XVIII դդ.: 1905 թ. աշտարակցիները որոշում են ժողովրդանոցի տեղում նոր, մեծ եկեղեցի կառուցել, որի համար նախկին ժողովրդանոցը քանդում են (ստորև բերված արխիվային լուսանկարն արվել է հենց քանդման ժամանակ, նկ. 1): Ինչ-ինչ պատճառներով նոր եկեղեցու շինարարությունը կիսատ է մնում, իսկ Խորհրդային տարիներին նորակառույցի արևելյան նկարագարող պատը ծածկվում է կրաշաղախի ծեփով՝ ծածկելով որմնանկարները:

Գարեգին Յովսեփյանի լուսանկարում եկեղեցու մուտքի բարավորին նկատելի է «Քրիստոսն ու տասը կույսերը» տեսարանը, իսկ շքամուտքը պարփակող արտաքին եզերակալի վերին անկյուններին կից՝ կանացի

¹ Եկեղեցու որմերին պահպանված մեկ տասնյակից ավելի վիմագրերը կառուցման վերաբերյալ ստույգ տեղեկություններ չեն հաղորդում: Այդ բացը մասամբ լրացնում է հարավային ավանդատան մուտքի վերնամասում պահպանված Յայոց ՉԼ (1281) թվակիր նվիրատվական արձանագրությունը, ըստ որի՝ «ի շինութեան սուրբ եկեղեցոյս» Սահակ երիցի դուստր Թագուհին վանքին է նվիրաբերել իր հայրենի (սեփական) տունն ու «Քարհանուց» (քարհանողների) այգին, որի դիմաց պատարագների է արժանացել: Այս արձանագրության հիմամբ՝ վիմագրագետ Սուրեն Սաղումյանը հավանական է համարում, որ եկեղեցին կառուցվել է առնվազն 1270-ականներին (տե՛ս **Ս. Սաղումյան**, Աշտարակ. պատմական անցքեր, հուշարձաններ, վիմագիր արձանագրություններ, Երևան, 1998, էջ 209, արձ. 120) – Ա. Յ.:

² **Եր. Շահագիզ**, Աշտարակի պատմություն, Երևան, 1987, էջ 168:

³ Նույն տեղում, էջ 170:

երկու կերպարներ են, եզերակալից աջ և ձախ՝ չորս սրբեր: Ներկայումս տեսանելի են միայն «Քրիստոսն ու տասը կույսերը» որմնանկարի՝ Քրիստոսի և մի քանի կույսերի գլուխների հատվածները (նկ. 2-4), իսկ մնացած մասերը դեռևս մնում են կրաշերտի տակ:




Նկ. 1. Ս. Մարիանե եկեղեցու արևմտյան պատի որմնանկարները, (լսնկ.՝ Գարեգին Հովսեփյանի, XX դարասկիզբ)

Որմնանկարների վերականգնման նախատեսվող աշխատանքներից առաջ անհրաժեշտ է հետևյալ միջոցառումների իրականացումը.

1. Զիմիական-լաբորատոր հետազոտություններ՝ որմնանկարչական հիմնաշերտի բաղադրությունը (կիր-ավազային, գիպսա-կավային և այլն) պարզելու համար,

2. քիմիական-լաբորատոր հետազոտություններ՝ որմնանկարչական ներկաշերտի բաղադրությունը (յուղային, սոսնձային և այլն) պարզելու համար,



**Նկ. 2-4. Եկեղեցու արևմտյան պատի որմնանկարները
(լսնկ.՝ հեղինակի, 2018 թ.)**

3. քիմիական-լաբորատոր հետազոտություններ՝ կրաշաղախի ծեփի բաղադրությունը պարզելու համար: Խիստ կարևոր է իմանալը՝ արդյո՞ք միայն կրային շերտի հետ գործ ունենք, թե՞ առկա են նաև սոսնձախեժային հավելումներ, բացի դրանից՝ արդյո՞ք որմնանկարները ծածկելիս այն ակտիվ վիճակում է քսվել, թե՞ ոչ,

4. անհրաժեշտ է կրաշաղախի ողջ մակերեսով կատարել մոտ 40 փորձնական բացվածք (յուրաքանչյուրը մինչև 2-3 սմ չափերով)՝ պահպանված որմնանկարի մակերեսը պարզելու նպատակով,

5. կատարել մեխանիկական և լուծույթային փորձնական մաքրումներ՝ ծեփի հեռացման ճիշտ եղանակը պարզելու նպատակով: Հնարավոր է, որ կիրը վերածվի գիպսային շերտի, ապա նոր իրականացվի վերջնական հեռացումը: Ամենայն հավանականությամբ, կիրառելի կլինեն 30%-ից ավելի ջրային մաս չպարունակող լուծույթներ, բացառված չէ, սակայն, որ անհրաժեշտության դեպքում կիրառվեն նաև ջրային բարդ լուծույթներ:

6. Որմնանկարների որոշ հատվածներ, հնարավոր է, որ փոշիացված կամ թեփուկավորված վիճակում կպած լինեն կրածեփին: Նման դեպքերում անհրաժեշտ է գտնել ճիշտ եղանակը՝ ներկաշերտն ամրացնելու և կրածեփից հեռացնելու համար,

7. Լաբորատոր ուսումնասիրություններից զատ՝ անհրաժեշտ է կիրառել խոնավաչափ՝ որմնանկարների խոնավության աստիճանը պարզելու համար, ինչպես նաև սպեկտրիալ հետազոտական սարքավորումներ, մասնավորապես՝ ուլտրամանուշակագույն և ուլտրակարմիր ճառագայթներ, որոնք ցույց կտան բնօրինակ ներկաշերտի վրա հետազայում արված հավելումները:

ՀԱՅԿԱՎԱՆԻ Ս. ԱՍՏՎԱԾԱԾԻՆ ԵԿԵՂԵՑՈՒ ՈՐՄՆԱՆԿԱՐՆԵՐԸ

ՀՀ Արմավիրի մարզի Հայկական գյուղի Ս. Աստվածածին եկեղեցին կառուցվել է 1870-ական թթ.¹: Այն երեք զույգ փայտե մույթերով եռանավ թաղածածկ (բազիլիկ) կառույց է, ունի երկու մուտք՝ արևմուտքից և հարավից: Ներկայումս կիսավեր եկեղեցու ավագ խորանին պահպանվել է քարե պատկերակալը, որի տարբեր հատվածներում, ինչպես նաև խորանի կիսաբոլորակ պատերին և մկրտության ավազանի խորշում նկատելի են որմնանկարների մնացորդներ: Վերջիններս թվագրելի են առնվազն XIX դարի վերջին քառորդով: Հավանաբար 1920-30-ական թթ. եկեղեցին վերածվել է պահեստի, պատերը ներքուստ պատվել են կրաշերտով, ինչի արդյունքում մեծապես տուժել են որմնանկարները: 1990-ական թթ. սկզբներին արդեն եկեղեցու տանիքը փլուզված է եղել, ինչը, բնականաբար, նպաստել է որմնանկարների քայքայմանը: Այդուհանդերձ, դրանց մի մասը դեռևս գտնվում է կրաշերտի տակ:

Եկեղեցին, ըստ ամենայնի, ներքուստ ամբողջովին որմնանկարազարդված է եղել, ընդ որում՝ բավականին արհեստավարժ նկարիչների ձեռքով: 2017 թ. դրությամբ պահպանված էին ավագ խորանի անկյունային երկու քիվերից վեր գտնվող հրեշտակների դիմանկարները (նկ. 2, 3), գմբեթարդի որոշ պատկերազարդ հատվածներ, ավագ խորանի պատկերակալի ճակատային (երկու կամարակապ մուտքերից վեր) և միջին հատվածի դիմանկարները, խաչապատկերներն ու զարդատարրերը, մկրտության ավազանի որմնախորշի աղավնակերպ Ս. Հոգու պատկերը, ինչպես նաև որմնանկարների որոշ հատվածներ՝ արևմտյան և հարավային պատերի լուսամուտներին կից (այս հատվածներում որմնանկարների զգալի մասը կրաշաղախի շերտի տակ են):

¹ Ըստ եկեղեցու հարավային մուտքի վերնամասում՝ արտաքուստ պահպանված խաչաքանդակին կից արձանագրության՝ կառուցվել է 1875 թ., համայնքի միջոցներով - Ա. Հ.:



**Նկ. 1. Ս. Աստվածածին եկեղեցու աղոթասրահը
(լսնկ.՝ հեղինակի, 2017 թ.)**

Որմնանկարներն արված են գիպսա-կավային հիմնաշերտի վրա: Ինչպես ցույց են տալիս քիմիական լաբորատոր ուսումնասիրությունների արդյունքները՝ նշված հիմնաշերտի մեջ կավային մասն իր տեսակարար կշռով բավականին քիչ է, ինչը հուշում է, որ գիպսային ապարի թրծման ջերմաստիճանը եղել է բավականին բարձր, ինչն էլ իր հերթին թույլ է տվել ստանալ որակյալ որմնանկարչական հիմք: Չնայած դրան՝ որմնանկարչական նմանատիպ հիմքը բավականին զգայուն է խոնավության նկատմամբ և, թերևս, դա է եղել հիմնական պատճառը, որ կարճ ժամանակահատվածում որմնանկարների մեծ մասը քայքայվել և մինչ օրս շարունակում է ոչնչանալ: Բացի դրանից՝ խոնավության ազդեցությունից որմնանկարչական նմանօրինակ հիմքը հեշտությամբ ենթարկվում է մեխանիկական փոփոխությունների (դեֆորմացիա), ինչի արդյունքում առանձնանում է պատից: Վերոնշյալ բոլոր երևույթներն առկա են Ս. Աստվածածին եկեղեցու որմնանկարների դեպքում:



**Նկ. 2, 3. Ավագ խորանի հյուսիսային և հարավային քիվերից վեր
պահպանված որմնանկարները
(սևնկ.՝ հեղինակի, 2017 թ.)**

Որմանակարների ներկաշերտը, չնայած հիմքին բավականին լավ կապակցվածությանը, բավականին թույլ է: Ըստ նախնական դիտարկումների՝ ներկաշերտն արված է սոսնձա-խեժային տեխնիկայով, որը, ի տարբերություն տեմպերային գեղանկարչությանը, բավականին զգայուն է խոնավության ազդեցությանը, ինչը մեծապես դրսևորվել է նաև տվյալ դեպքում:



**Նկ. 4. Կրաշերտի տակից նկատելի որմանկարագիրը
(լսնկ.՝ հեղինակի, 2017 թ.)**

Եկեղեցու որմնանկարների վերականգնման շրջանակներում նախնական դիտարկումներով նախատեսված են որմնանկարչական հիմնաշերտերի և ներկաշերտերի մաքրում և ամրակայում, ընդ որում՝ հիմնաշերտերի ամրակայումը պետք է իրականացնել զգալի ներարկումներով, իսկ առանձին փոքրածավալ և առավել վթարային հատվածների դեպքում՝ հանմամբ, ձևափոխությունների (դեֆորմացիա) ուղղմամբ և վերատեղադրմամբ:



Նկ. 5. Ավագ խորանի պատկերակալը
(լսնկ.՝ հեղինակի, 2017 թ.)

ՍԵՎԱՆԱՎԱՆՔԻ Ս. ԱՌԱՔԵԼՈՑ ԵԿԵՂԵՑՈՒ ԽՈՐԱՆԻ ՊԱՏԿԵՐԱԿԱԼԻ ՆԿԱՐԱԶԱՐԴՈՒՄՆԵՐԸ

Սևանավանքում 874 թ. կառուցված Ս. Առաքելոց եկեղեցու (մեծ եկեղեցի)¹ ավագ խորանը զարդարում է XIX դարով թվագրվող փայտե պատկերակալ-իկոնոստասը (տե՛ս ներդիր, նկ. 3), որի՝ եկեղեցում գոյություն ունենալու վերաբերյալ տեղեկություններն առայժմ բացակայում են²: Պատկերակալի վրա առկա են բավականին ուշագրավ պատկերներ, որոնք ևս կարելի է թվագրել XIX դարով: Նշված պատկերների վերականգնման նպատակով 2020 թ. մարտ ամսին մասնագետների խումբը տեղում կատարեց նախնական հետազոտություններ, որի արդյունքները ներկայացնում ենք ստորև:

Պատկերների ներկաշերտը տեմպերային է՝ արված բավականին բարակ հիմնաշերտի վրա: Առկա են նաև վերանկարման հետքեր, որոնք անգեն աչքով երևում են մինչև 2,5 մ բարձրության վրա, ինչը, թերևս, կարելի է բացատրել հաստ ներկաշերտի առկայությամբ (իրականում ներկաշերտի ամբողջ մակերեսին առկա են վերանկարման հետքեր):

¹ Սևանավանքի Ս. Կարապետ եկեղեցու թմբուկի հյուսիսային նիստին է պահպանվել Երևանի հիշատակմամբ մեզ հայտնի վաղագույն մեսրոպատառ վիմագիրը (874 թ.), ուր վկայված է Սյունյաց Մարիամ իշխանուհու նախաձեռնությամբ վանքի Ս. Առաքելոց և Ս. Աստվածածին եկեղեցիների կառուցման, ինչպես նաև Գառնիում ու Երևանում գտնվող այգիներ նվիրաբերելու մասին (տե՛ս ներդիր, նկ. 1, 2): Վիմագիրը քանիցս հրատարակվել է (Լ. Մելիքսեթ-Քեկ, Կ. Ղաֆադարյան, Թ. Հակոբյան, Ա. Ղազարոսյան), վերջին հրատարակությունը տե՛ս **Ա. Հարությունյան**, Միջնադարյան Երևանը վիմական արձանագրություններում, «Վեմ» համահայկական հանդես, 2020, Հ^տ 3, էջ 248-249 – Ա. Հ.:

² Հայտնի է նկարիչ Գրիգոր (Գիգո) Շարբաբչյանի ջրանկարը՝ արված 1910-ական թթ. (այժմ՝ ՀԱՊ), երբ պատկերակալն արդեն Սևանավանքում էր (տե՛ս ներդիր, նկ. 4): Հայաստանի ազգային պատկերասրահի գույքամատյանում նկարը սխալմամբ նշված է «Ագուլիսի եկեղեցու ներքին տեսքը» վերնագրով:

* Մաշտոցյան Մատենադարանի ավագ գիտաշխատող, պ.գ.թ. Արմենիկ Ղազարոսյանը տարիներ առաջ հատուկ անդրադարձել է Սևանավանքի եկեղեցիների պատմաճարտարապետական նկարագրին ու անվանաբանության խնդրին, սակայն պատկերակալի վերաբերյալ որևէ տեղեկություն չի հաղորդում (տե՛ս **Ա. Ղազարոսյան**, Սևանա կղզու եկեղեցիները, «Լրաբեր» հաս. գիտ., 1990, Հ^տ 1, էջ 49-57) – Ա. Հ.:

Նախնական հետազոտությունների ընթացքում արվեց նաև սպեկտրալ ուսումնասիրություն (տե՛ս ներդիր, նկ. 5ա-գ): Ուլտրամանուշակագույն ճառագայթները վեր հանեցին տեմպերայի վրա արված օլիֆի բավականին հաստ շերտ: Կատարվեցին տեղային մաքրման աշխատանքներ, ինչից պարզվեց, որ ներկի վերին շերտն ավելի մգացած է, քան բևորինակը, ինչը վկայում է երկու ներկաշերտի որակական տարբերությունների մասին:

Նկարագարողումները հարում են XIX դարի առաջին կեսի «արհեստագործական ոճի» սրբանկարներին: Այդուհանդերձ, դրանք արված են բավականին ինքնատիպ ձեռագիր ունեցող նկարչի կողմից: Պատկերագրորեն ներկայացնում են սրբերի, սերովբեների, ինչպես նաև բուսական զարդագույններ: Ստորին շարքում պատկերված են հայրապետական հանդերձանքով և կարմրաներկ արձանագրություններով չորս կերպարներ: Ձախակողմյան պատկերի արձանագրությունը չհաջողվեց ընթերցել³, իսկ մյուս երեքն են՝ Անտոն, Պարսամ, Մակար ճգնակյաց սրբերը (տե՛ս ներդիր, նկ. 6ա-դ):

Վերին շարքի չորս սրբերը, որոնք պատկերված են գրելիս, ըստ երևույթին, չորս ավետարանիչներն են (Մատթեոս, Մարկոս, Դուկաս, Յովհաննես – Ա. Բ.): Պատկերակալի կամարակապ դռների վերևում նախապես պատկերված են եղել կենաց ծառեր, որոնց վրա հետագայում վերանկարել են երկթև սերովբեներ (տեղ-տեղ վերին ներկաշերտի տակից թափանցում են ծառերի ճյուղերի ուրվագծերը):

Սրբապատկերների և բուսական զարդագույնների վրա նույնպես նկատելի են վերանկարման հետքեր (տե՛ս ներդիր, նկ. 7ա, բ): Ակնհայտ է, որ հին շերտի ձեռագիրն ավելի պլաստիկ է, քան հետագայում արվածը, ինչը երևում է հատկապես զարդանախշերի վստահ վրձնահարվածներից: Հաստատվեց նաև, որ սրբապատկերների վերանկարումները կրկնում են բևորինակ պատկերներին, սակայն ավելի անվարժ ձեռքով:

Ինչ վերաբերում է բուն պատկերակալին, ապա այն փայտարվեստի բավականին բարձրարվեստ գործ է, որը նաև ներդաշնակորեն լրացնում է եկեղեցու աղոթասրահի ներքին հարդարանքը: Ցավոք, խնդիրներ կան նաև պատկերակալի փայտե կոնստրուկցիաների (համակառուցվածք) հետ կապված: Որոշ դեպքերում, փայտե դետալները սխալ կերպով են


³ Կարծում ենք՝ Աբբա Մարկոսն է – Ա. Բ.:




Նկ. 1. Սևանի թերակղզին և համանուն վանքը հարավից (սնկ.՝ Ա. Հարությունյանի, 2018 թ.)



Նկ. 2. Երևան տեղական հիշատակմամբ վաղագույն՝ 874 թ. արձանագրությունը
Սևանավանքի Ս. Կարապետ եկեղեցու թմբուկի հյուսիսային սիստիկն
(լսմկ.՝ Գ. Սարգսյանի, 2010 թ.)




Նկ. 3. Սևանականացի Ս. Առաքելոց եկեղեցու ավագ խորանն ու պատկերակալը
(սևկ.՝ հեղինակի, 2020 թ.)




Նկ. 4. Գրիգոր (Գիգո) Շարբաբյան.
Սևանավանքի գլխավոր եկեղեցու ավագ խորանը, 1910-ական թթ. սկիզբ
(ՀԱՊ, թուղթ, ջրաներկ, 29x23 սմ)



ա



բ



գ



դ



ե



զ

Նկ. 5ա-զ. Սպեկտրալ ուսումնասիրությունների նմուշներ
(լսնկ.՝ հեղինակի, 2020 թ.)



ա



բ



գ



դ

Նկ. 6ա-դ. Ճգնակյաց սուրբ հայրերի պատկերները
(լսնկ.՝ Ա. Հովհաննիսյանի, 2021 թ.)



Նկ. 7ա, բ. Պատկերակալի վնասված հատվածների օրինակներ
(լսնկ.՝ հեղինակի, 2020 թ.)



 Վերջին տարիներին պատկերակալի վրա անհարկի ավելացված դետալներ, որոնք նախագծով առաջարկվում է հեռացնել:

Նկ. 8. Պատկերակալի վերակազմությունը՝ առաջարկվող հեռացվելիք հատվածներով (ըստ հեղինակի, 2020 թ.)

միմյանց միակցված, ինչը, ի թիվս այլ խնդիրների, ստեղծում է անհարթ մակերեսներ, որի հետևանքով որոշ պատկերներ դիտողին աղավաղված են երևում: Պատկերակալն ունի ընդհանուր ամրակայման կարիք՝ առանձին դետալների վերստին ամրացմամբ: Բացի դրանից՝ վերջին տարիներին խաչկալի պատկերը տեղավորելու նպատակով պատկերակալի կողային հատվածները ծածկվել են լրացուցիչ լամինատե շերտով, ինչը խաթարում է բուն պատկերակալի ամբողջականությունը: Կողային մուտքերի վերնամասում ևս ավելացվել են պատկերակալի ընդհանուր հորինվածքին խիստ աններդաշնակ տախտակներ: Վերականգնման նախագծով առաջարկվում է նաև հեռացնել նշված ավելացված հատվածները (տե՛ս ներդիր, նկ. 8): Պատկերակալի նկարազարդ ընդհանուր մակերեսը 5,5 մ² է:

ՀՈՎՆԱԹԱՆՅԱՆՆԵՐ

Հայ և հարևան ժողովուրդների մշակութային կյանքում նշանակալի դեր ստանձնած Հովնաթանյանների սերունդները գործել և առավել աչքի են ընկել XVII-XIX դդ.¹ Նոր աստիճանի բարձրացնելով հատկապես հայ կերպարվեստը: Խարսխված լինելով հայկական միջնադարյան արվեստի վրա, ինչպես նաև յուրացնելով հարևան ժողովուրդների մշակութային հոգեհարազատ տարրերն ու դրանք զուգակցելով նոր ժամանակների հայ արվեստի պահանջներին՝ Հովնաթանյանները կարողացել են սկզբնավորել հայկական գեղանկարչության մի շարք ժանրեր, ստեղծել արտահայտչականության գաղափարա-գեղարվեստական որոշակի կանոններ, որոնք օրինակելի են դարձել ժամանակի կովկասյան գեղանկարչության համար:

Նկարիչների այս գերդաստանի առաջին սերնդի ներկայացուցիչը Գրիգորի և Չորիկի որդի տեր Հոհանն է (Յոհան, Հովհաննես, կինը՝ Սողովմե), որը, իբրև հոգևորական, սպասավորել է Շոռոթի եկեղեցիներում, գրչագրել և ծաղկել ձեռագրեր (մեզ են հասել երեքը) և, ենթադրաբար, եղել է նաև որմնանկարիչ:

ՏԵՐ ՀՈՅԱՆ (ՅՈՅԱՆ)

Տեր Հոհանի՝ Շոռոթի եկեղեցիներում ու վանքերում գրչագրած ու նկարազարդած ձեռագրերից երեքը պահվում են Մաշտոցյան Մատենադարանի հավաքածուում (ՄՄ 2494, 7363, 9242): Այս գործի ինքնությունը պարզել է արվեստաբան Աստղիկ Գևորգյանը 1982 թ. հրատարակած իր «Հովնաթանյան տոհմի նորահայտ մանրանկարիչներ»¹ հոդվա-

¹ Մինչ այդ Ներսես Ակինյանը, հիմք ընդունելով Նաղաշ Հովնաթանի՝ 1682 թ. Հովսեփոս Փլավիոսի «Վասն հրեական պատերազմին» երկի բնագրի իր ընդօրինակության հիշատակարանում արված «Գրեցաւ զսա ձեռամբ Հովնաթան դպրի ի գեղդէն Շոռոթոյ եւ հայրն իմ ըզտեր Յոհանն՝ հանգուցեալն ի Քրիստոս...» գրությունը, նրան նույնացնում էր Շոռոթում XVII դարում ապրած Հովհաննես վարդապետի հետ, որը 1631 թ. Շոռոթում ընդօրինակել է «Լուծմունք Դաւիթ Անյաղթի և Յովի. Որոտնեցոյ եւ Գր. Տաթեւացոյ» մատյանը: Երկար ժամանակ շրջանառվում էր հենց այս սխալ տեսակետը (*Մ. Սկրտչյան*, Նաղաշ Հովնաթան, Երևան, 1957թ., էջ 28. *Մ. Ղազարյան*, Հայ կերպարվեստը XVII-XVIII դարերում, Երևան, 1974, էջ 147): Չնայած նրան, որ Շուշանիկ Նազարյանն ու Ասատուր Մնացականյանը հերքել են այդ վարկածը՝ հարցը, այնուամենայնիվ, մնում էր բաց:

ծում՝ առաջին անգամ շրջանառության մեջ դնելով նշված ձեռագրերի հիշատակարանները. «Աւարտ եղև սուրբ Աւետարանս ձեռամբ սուղ և նուաստ սուտանուն կոչեցեալ **սարկաւազ Յոհաննիս**, որ և աշակերտ եղէ **Մովսէս րաբունապետի**, որ և կոչի անյաղթ փիլիսոփա, քանզի բազում աշխատութիւն արար ի վերա իմ: Թէ գրի և եթէ ծաղկի վարծս ի Տիրոջէ առջէ: Դարձեալ միւս վարդապետն իմ, որ կոչի **Առաքել**: Նայ այլևս բազում աշխատեցաւ, որ դասատու եղև ինձ», - կարդում ենք 1653 թ. գրչազրված ՄՄ 2494 Ավետարանի հիշատակարանում²:

Ժամանակամերձ ՄՄ 9242 Ավետարանի հիշատակարանում վկայված են նաև գրչի ծնողների, զավակների ու հարազատների անունները. «Բազմաբիծ և դատապարտ ոգւոյ գրողիս՝ **Յոհան** և եթ անուամբ քահանայի, գրեցաւ թվին ՌՃԺԲ (1663), ընտիր յօրինակէ ի գեօղաքաղաքս Շօռոթ... Փա՛ռք... Ետ կարողութիւն անպիտան Յոհան և եթ անուամբ քահանայիս, հասուցանել աւարտ զՍուրբ Աւետարանս՝ գիրն, ծաղիկն, կազմն: Գրեցի զսա յընտիր օրինակէ, որ ո՛չ գտանի և կամ երեւի այսպիսի օրինակ, զոր շնորեցաւ ինձ ի ձեռանէ **Յովհաննէս վարդապետին**: ...յիշեսցի՛ք ի մաքրափայլ յաղօթս ձեր զգրիչ տեր Յոհաննէս և զծնօղսն իմ՝ **զԳրիգորն և զԶօրիկն**, և զկողակիցն իմ՝ **զՍօղովմէն**, և զորդիսն իմ՝ **զՄարգարէն և Յովնաթանն**, և զդստերսն իմ՝ **Զառնիշանն և զՍամիրսն**, և զեղբարսն իմ՝ **Թադէոսն և Զայկազն**, և զքորսն իմ՝ **զԱննախաթունն, զԶինին և զՄարիամն**, և դուք յիշեալ լիջիք»³:

Համանման է նաև 1662-1663 թթ. ընդօրինակված ՄՄ 7363 Հայսմավուրքի հիշատակարանը, որտեղ Հոհանը դարձյալ տեղեկացնում է իր ծաղկող լինելու մասին և հիշատակում միևնույն հարազատների անունները:

Ենթադրվում է, որ Հոհանը զբաղվել է նաև որմնանկարչությամբ: Այս վարկածը վերոնշյալ հոդվածում առաջ է քաշել Ա. Գևորգյանը՝ հիմք ընդունելով Հովհաննէս եպս. Շահխաթունյանցի՝ Ս. Էջմիածնի Մայր տաճարի զանգակատան նկարազարդման հեղինակների մասին հաղորդած հետևյալ տեղեկությունը. «Յամենեսին ի սոսա քաջապէս փայլին շնորհօք ձեռաց մեծանուն վարդապետին Լեհացւոյ և քաջ նկարչին հօր

² **Ա. Գևորգյան**, Հովնաթանյան տոհմի Նորահայտ մանրանկարիչներ, «Պատմաբանասիրական հանդես», 1982, թ. 2, էջ 74: Ըստ Գևորգյանի՝ Մովսէս րաբունապետն ապագա կաթողիկոս Մովսէս Տաթևացին է (1629-1633 թթ.), Առաքել վարդապետը՝ XVII դարի պատմագիր Առաքել Դավրիժեցին:

³ Նույն տեղում, էջ 72-73:

Յովնաթանու»⁴: Յղում անելով Նախորդ հետազոտողներին՝ Ա. Գևորգյանը գրում է. «Կարծվել է, թե խոսքը Նաղաշ Յովնաթանի մասին է: Գ. Լևոնյանն էլ այդ հայտարարությունը համարել է թյուրիմացություն, որովհետև Լեհացին ու Նաղաշը միաժամանակ չեն աշխատել ու ստեղծագործել: Սակայն Շահխաթունյանցը հագիվ թե «հայր Յովնաթանու» փոխարեն գրեր «հոր Յովնաթանու»: Ե. Մարտիրոսյանը, Շահխաթունյանցի հիշյալ Նախադասությունը մեջբերելիս, «հոր Յովնաթանու» բառակապակցության փոխարեն գրում է միայն «Յովնաթանու»՝ «հոր» բառը հավանաբար ավելորդ համարելով: Մ. Ղազարյանն աշխատում է «հոր Յովնաթանու» տվյալի տակ տեսնել Նաղաշ Յովնաթանին: Ոչ ոք չի մտածել այդ կարևոր տվյալը վերագրել Նաղաշ Յովնաթանի հորը»⁵:

Շարունակելով իր միտքը՝ Ա. Գևորգյանն ավելացնում է. «այժմ, երբ մեզ հայտնի է, որ Յովնաթանի հայրը եղել է Նկարիչ և ժամանակակից Ստեփանոս Լեհացուն, ինչո՞ւ չմտածել, թե Շահխաթունյանցը «հոր Յովնաթանու» ասելով Նկարիչ է ունեցել Յովնաթանի հորը՝ տեր Յոհանին: Եվ քանի որ Շահխաթունյանցի ժամանակի համար ճանաչված ու նշանավոր Նկարիչ էր Նաղաշ Յովնաթանը, ուստի տեր Յոհանին Նա Ներկայացնում է Յովնաթանի անունով՝ «հոր Յովնաթանու»: Բացի այդ, Նաղաշ Յովնաթանը հոր մահից հետո Երևան էր եկել վերանորոգելու 1679 թ. երկրաշարժից տուժած Պողոս-Պետրոս, Ս. Անանիա (Չորավոր) և Կաթողիկե եկեղեցիների որմնանկարները, որոնք Գ. Լևոնյանի կարծիքով «գրեթե միևնույն ոճի ու բնույթի որմնանկար, զարդարանքներ ու պատկերներ ունեին»: Կարելի է ենթադրել, որ տասնութամյա պատանին Երևան էր հրավիրվել հոր որմնանկարները վերանորոգելու համար: Անհավանական էր լինի կարծել, որ Ագուլիսի, Շոռոթի եկեղեցիների որմնանկարները կատարած լինեն տեր Յոհանը և Նրա որդիները: Այսպիսով, հիմք կա պնդելու, որ ճանաչում գտած տեր Յոհանը ժամանակին հրավիրվել է Էջմիածին և մասնակցել զանգակատան Նկարազարդմանը...»⁶:

⁴ *Յովհաննես եպս. Շահխաթունեանց*, (այսուհետ՝ Ստորագրությւն), աշխատասիրության մը՝ Ա. Տեր-Ստեփանյանի, Ս. Էջմիածին, 2014, էջ 36:

⁵ Ա. Գևորգյան, նշվ. աշխ., էջ 79:

⁶ Նույն տեղում:

ԹԱԴԵՈՍ ԳՐԻՉ

Թադեոսը տեր Հոհանի եղբայրն էր, որի մասին վերջինս հիշատակում է իր՝ 1663 թ. Ավետարանի հիշատակարանում: Որպես գրիչ և ծաղկող՝ նրան «հայտնաբերել» է Աստղիկ Գևորգյանը: Թադեոսի ծաղկած մատյաններից մեկը՝ 1667-1668 թթ. Աստվածաշունչը, պահվում է Մաշտոցյան Մատենադարանում (ՄՄ 3545): Այն պատվիրել է վերը հիշատակված Հովհաննես վարդապետը. «Եւ ողորմութեանց և յիշմանց կարօտ **Յովաննէս վարդապետս** ցանկացայ այսմ Կտակարանացս և յաւաքեալ ետու ծրել զայսոսիկ Թադեոս դպրի ի գեղաքաղաքն Շոռոթ...»⁷: Ըստ Ա. Գևորգյանի՝ Թադեոսն ընդօրինակել է ձեռագրի մինչև 127բ էջը, որից հետո շարունակել է գրիչ Ալեքսանը, իսկ Թադեոսը հավանաբար զբաղվել է ձեռագրի նկարազարդմամբ⁸:

ՄԱՐԳԱՐ

Մարգարը տեր Հոհանի ավագ որդին էր, որի մասին դարձյալ հիշատակում է Աստղիկ Գևորգյանը՝ 1663 թ. Ավետարանի հիշատակարանի հիմամբ: Մաշտոցյան Մատենադարանի հավաքածուում է պահվում 1679 թ. Շոռոթում՝ Մարգարի ընդօրինակած մի ժողովածու (ՄՄ 4418), որի հիշատակարանից տեղեկանում ենք. «Գրեցաւ թվականիս ՌԾԻԸ (1679) ի գեղաքաղաքն Շոռոթ, ձեռամբ անարիեստ և մատնագետ միայն անւամբ դպիր Մարգարիս...: Արդ, աղաչեմ հանդիպողաց սուրբ գրոցս, միով հայր մեղայիւ յիշել զհանգուցեալ հայրն իմ՝ զտեր Յոհանն և Աստուած գլխողոթ յիշե...»⁹: Հիշատակարանը պարզում է, որ Հոհանը մահացել է ոչ թե 1682 թ., այլ 1679 թ.¹⁰:

ՆԱՂԱՇ ՀՈՎՆԱԹԱՆ

Տեր Հոհանի կրտսեր որդին Նաղաշ Հովնաթանն էր՝ նոր շրջանի հայ մշակույթի ամենաերևելի դեմքերից մեկը¹¹: Նրա արվեստը լայն շրջանակ է ընդգրկում՝ գրչություն, մանրանկարչություն, հաստոցային նկարչություն, որմնանկարչություն, պոեզիա, երգարվեստ և նվագերգություն:

⁷ Ա. Գևորգյան, նշվ. աշխ., էջ 77:

⁸ Նույն տեղում, էջ 77-78:

⁹ Նույն տեղում, էջ 76:

¹⁰ Նույն տեղում:

¹¹ «Նաղաշ» բառն արաբերեն նշանակում է զարդանկարիչ: Միջնադարի արևելյան երկրներում, այդ թվում նաև Հայաստանում, այդպես էին անվանում նկարիչներին:

Աներկբա համարվում է XVII դարի վերջի և XVIII դարի սկզբի խոշորագույն հայ բանաստեղծը, և եթե հիմնավոր են նրան վերագրվող նկարչական գործերի գոնե մի մասը, ապա նաև նշված ժամանակաշրջանի խոշորագույն հայ նկարիչն է:

Նաղաշ Յովնաթանի կենսագրության մասին տվյալները չափազանց սուղ են: Որոշ տեղեկություններ են հաղորդում իր իսկ ընդօրինակած ձեռագրերն ու հեղինակած բանաստեղծությունները: Լրացուցիչ աղբյուր են նաև նրա որդու՝ Յակոբի «Ողբերգութիւն յաղագս մահուան գեղեցկարուեստ վարպետ Յովնաթանի Նաղաշ» բանաստեղծությունը և մատենագրական սակավաթիվ տեղեկությունները:

Նաղաշ Յովնաթանի մասին մեզ հայտնի վաղագույն տեղեկությունները կապված են 1682 թ. ընդօրինակած նրա երկու ձեռագրերի հետ. դրանք են՝ Վենետիկի հավաքածուում գտնվող Յովսեփոս Փլավիոսի «Վասն հրեական պատերազմին» երկի ընդօրինակությունը՝ գրված Ագուլիսի Ս. Թովմա վանքում (Վնտկ 1407/1626), ինչպես նաև Տաղարանը (ՄՄ 3628): Սրանցից առաջինի հիշատակարանում կարդում ենք. «Գրեցաւ զսա ձեռամբ Յովնաթան դարի ի գեողէն Շոռոթոյ եւ հայրն իմ ըզտեր Յոհանն՝ հանգուցեալն ի Քրիստոս...»¹², որից իմանում ենք, որ 21 տարեկանում Յովնաթանն արդեն կորցրել էր հորը, ինքն էլ Ագուլիսում դպիր էր և ձեռագրեր էր ընդօրինակում: Երկրորդ ձեռագիրը բովանդակում է Ներսէս Շնորհալու, Ստեփանոս Օրբելյանի, Կարապետ վարդապետի, Առաքել Բաղիշեցու, Ներսէս Լամբրոնացու չափածո ծավալուն գործերը, իսկ հիշատակարանում կարդում ենք. «Յիշեցէ՛ք զգրիչ Յովնաթանս և դուք յիշեալ լիջի՛ք, թվին ՌԺԼԱ (1682)»¹³:

Նաղաշի բանաստեղծություններից մեզ են հասել շուրջ 90-ը՝ գետեղված ավելի քան 60 ձեռագրերում (դրանցից 50-ից ավելին գտնվում են Մաշտոցյան Մատենադարանում): Առավել ամբողջական ձեռագրերն են՝ ՄՄ 3263 (1738 թ., գրիչ՝ Պողոս), ՄՄ 4426 (1765 թ., գրիչ՝ Մարգարի որդի Յայրապետ Ագուլեցի), Վիեն. 537, 647:

Նաղաշի կենսագրության մասին ուշագրավ տեղեկություններ են հաղորդում նաև նրա տաղերը, որոնք ներկայացնում ենք քաղվածաբար.

¹² Հիշատակարանն առաջին անգամ հրապարակել է Ալիշանն իր «Սիսականում» (տե՛ս **Հ. Ղեւոնդ Ալիշան**, Սիսական. տեղագրութիւն Սիւնեաց աշխարհի, Վենետիկ, 1893, էջ 331):

¹³ ՄՄ 3628, 545բ:

**2. ՏԱՂ ՍԻՐՈՅ, ՆԱՂԱՇ ՅՈՎՆԱԹԱՆԷ.
«ՅԱՅՏՆԵՑԱԲ ԳԱՐՈՒՆ»-Ի ՁԱՅՆՆ Է**

....

*Ասել ես, թէ՛ «Նա որ Նաղաշ է,
Գիտէ՛ ունքերս դարաղաշ է,
Ասե՛ք՝ սուրաթիս նման քաշէ».
Քաշե՛լ եմ, զալո՛ւմ, զալո՛ւմ,
Մաշվել եմ, զալո՛ւմ, զալո՛ւմ:*

....

*Գիր էի գրում քո անուանն,
Սիրոք է անում քո սիրոյ բանն,
Ետնէս ուղարկեց Վախտանգ Խանն.
Քիզ ո՞նց մոռանամ, զալո՛ւմ,
Ես ո՞նց հեռանամ, զալո՛ւմ:*

....

*Խապար ես դրկել քո բերանէն.
«Ասեք, շատ մի՛ հեռանալ տանէն,
Մէկ օր զալոյ եմ քո քերխանէն».
Մէլով եմ, զալո՛ւմ, զալո՛ւմ,
Սիրոյդ գինով եմ, զալո՛ւմ¹⁴:*

**3. ՏԱՂ Ի ՎԵՐԱՅ ԳՈՒՐԶՍԱՆԱՅ ԳՕԶԱՆԵՐԻՆ
Ի ՆԱՂԱՇ ՅՈՎՆԱԹԱՆԷ ԱՍԱՑԵԱԼ**

*Գովեմ սրտիւ ուրախական
Թիֆլիզ քաղաքն պատուական.
Խիստ գեղեցիկ են սիրական՝
Վրաստանայ զօզալներն,
Վրաստանայ գյոզալներն,
Գուրջստանայ խաթուններն¹⁵:*

¹⁴ *Նաղաշ Հովնաթան*, Տաղեր, աշխատասիրությամբ՝ *Ա. Մնացականյանի*, Երևան, 1983, էջ 17-18: Պահպանել ենք տաղերի համարակալման բնագրային կարգը – Ա. Ա.:

¹⁵ Նույն տեղում, էջ 19:

**4. ՏԱՂ ՍԻՐՈՅ ՆԱՂԱՇ ՅՈՎՆԱԹԱՆԷ ԱՍԱՑԵԱԼ.
«ՔՈՒՍԱՐ ՔԱՔՈՒՐ ՔՈՒՍԱՐ»-Ի ՁԱՅՆՆ Է**

....

*Ասել ես. «Ինձնե քեզ շատ բարև լինի,- Է՞ր ես ինձնե հեռանալիս,
Սեղանն զարդարել արծաթ և չինի,- Է՞ր ես ինձնե հեռանալիս,
Գա՛մ, քեզի մօտ նստիմ, տո՛ւր սիրոյ գինի,- Է՞ր ես ինձնե հեռանալիս,
Իմ գեղեցիկ պատկերիս նման շինի»,- Է՞ր ես ինձնե հեռանալիս¹⁶:*

**11. ՏԱՂ ՍԻՐՈՅ ՆԱՂԱՇ ՅՈՎՆԱԹԱՆԷ ԱՍԱՑԵԱԼ.
«ՅՈՒՍ ԷՆԻ»-Ի ՁԱՅՆՆ Է**

....

*Գերի Նաղաշ եմ, պատկերիդ նման կու քաշեմ, կարմիր վարդի թեր,
Ինձ շատ մի՛ թողիլ, որ քո դարդեն հալիմ, մաշեմ, կարմիր վարդի թեր,
Սիրուդ երվում եմ, ասել ես խիստ դալամդաշ եմ, կարմիր վարդի թեր,
Մէկ գիշեր ինձ տար ծոցդ պահէ, քեզ տո՞ղաշ եմ, կարմիր վարդի թեր¹⁷:*

**28. ՏԱՂ ՍԻՐՈՅ.
Ի ՆԱՂԱՇ ՅՈՎՆԱԹԱՆԷ ԱՍԱՑԵԱԼ ՎԱՍՆ ՌԻԱԿՈՒԹԵԱՆ**

....

*Քո ծոցն՝ ծաղկանց բուրաստան,
Շէն քաղաք է Ֆռանգստան, զալում եա՛ր, Է՛յ:
Ի՞նչ անեմ, չունիս դատաստան,
Նազլու եար, ինսաֆ արա, ամա՛ն, ամա՛ն¹⁸:*

31. ՏԱՂ ՍԻՐՈՅ Ի ՆԱՂԱՇ ՅՈՎՆԱԹԱՆԷ ԱՍԱՑԵԱԼ

....

*Գուրջստան դարիպ մնացի,
Քո կարօտուդ խիստ շատ լացի,
Քեզ որ տեսայ՝ աչքս բացի,
Խիստ խնդացի:
Բանաւշայ, սմբուլ,
Ղըրմզի գուլ,
Է՛յ, քաղցր բլբուլ:*

¹⁶ *Նաղաշ Դովնաթան*, նշվ. աշխ., էջ 24:

¹⁷ Նույն տեղում, էջ 35:

¹⁸ Նույն տեղում, էջ 60:

Մեր մէջն չլնէր թշնամի,
 Ամէն օր քո լեզուդ ծամի,
 Ես՝ նաւաւար, դուն՝ մէկ գեամի,
 Ա՛խ, լաւ քամի.
 Դաստուր տար հանն,
 Նստեմք ձիանն,
 Դէպ՝ մեր վաթանն¹⁹:

33. ՏԱՂ ՍԻՐՈ

....

Գին չէ մին մատիդ քո, Թինա՛, թամամ Հնդեստան, Է՛ր ես ինձնէ հեռանալիս,
 Թարիֆըդ քո հասաւ ի Ֆռանկեստան, Է՛ր ես ինձնէ հեռանալիս,
 Կարօտ են քո տեսուդ չուր Հապաշեստան, Է՛ր ես ինձնէ հեռանալիս²⁰:

49. ԳՈՎԱՍԱՆՈՒԹԻՒՆ ԵՐԵՒԱՆԱՅ ԲԱՂԱՔԻՆ

....

Ես էլ Երևան շատ կացայ,
 Նոցա հասիաթն իմացայ,
 Հազար բան պասպարես Նոցա,
 Կասես՝ Ո՞ր է: Թէ՛ Սոռացայ:

....

Նաղաշն Երևան շատ կացաւ,
 Զիկարն այրեց, հիւանդացաւ,
 Սպիտակ սառուցին զարմացաւ,
 Խմեց՝ սրտիկն զովացաւ²¹:

51. ՏԱՂ Ի ՎԵՐԱՅ ԿԱՆԱՆՑ, ՉՈՐ ՆԵՂՈՒԹԻՒՆ ԿՐԵՆ Ի ՁԵՌԱՅ ՍԵԾ ՊԱՍԻՆ ԵՒ ԶԱՅՐԱՅԻՆ, ՅՈՎԱԹԱՆԷ ԱՍԱՑԵԱԼ

....

Կանանց դարդէն Յովնաթանն
 Գնաց դէպ Թիֆլիզու հանն,
 Կամի այնտեղ դնել վաթանն.
 Թող ազատվի կանանց բերնէն,
 Նոցա տնազ ու սուտ բանէն²²:

¹⁹ Նաղաշ Հովնաթան, նշվ. աշխ., էջ 68:

²⁰ Նույն տեղում, էջ 72:

²¹ Նույն տեղում, էջ 101:

²² Նույն տեղում, էջ 110:

**70. ՎԱՍՆ ԳԵՂԵՑԻԿ ԱՐՈՒԵՍԱԴՈՐԱՑ,
ՈՐ Ո՛Չ ՃԱՆԱԶՕՐ ԿԱՅ ԵՒ Ո՛Չ ՊԱՏԻԻ ՂԵՕՂ**

....

*Իմ քաշած պատկերն, որ լաւ ըռանկ է,
Բանն բարակ է, դեղն ֆռանկ է.
Հենց պատկեր կառնեն, որ քօռ ու լանկ է,
Կասեն. «Աժան է, քոնն՝ խիստ թանկ է»²³:*

**84. ՏԱՂ ԵՒ ԳՈՎԱՍԱՆՈՒԹԻՒՆ ՍՐԲՈՅ ԵԿԵՂԵՑԻՈՅՆ
ՇՈՌՈԹ ԳԵՂԶԻՆ ԵՒ ԲԱՐՁՐԱԲԵՐՁ ԿԱԹՈՒՂԻԿԵՒՆ,
ՈՐ ԿԱՌՈՒՅԵԱԼ Ե Ի ՎԵՐԱՅ ՆՈՐԱ**

....

*Կաթուղիկն՝ խիստ հրաշագան
Ծաղկազարդեալ է զանազան,
Տաճար մաքուր և սրբազան,
Ցուպ զօրութեան և զաւազան²⁴:*

Այսպիսով, Նաղաշի տաղերը պարզում են, որ նա եղել է դիմանկա-
րիչ, նկարել է նրբաոճ, եվրոպական ներկերով, որոշ ժամանակ ապրել է
Երևանում, այնտեղ հիվանդացել է, ապա Վախթանգ VI-ի կողմից հրա-
վիրվել է Թիֆլիս, երկար ժամանակ ապրել է այնտեղ, այդ ընթացքում
թույլտվություն է ստացել այցելելու հայրենիք, ճանապարհորդել է տար-
բեր երկրներում, այդ թվում՝ Ֆռանգստան-Եվրոպայում, կապված է եղել
Շոռոթի Ս. Հակոբ եկեղեցու հետ (թերևս ինքն էլ որմնանկարազարդել է):

Բավականին կարևոր տեղեկություններ է հաղորդում նաև Հակոբի
ողբերգը. այստեղ իմանում ենք, որ հայրը մահացել է 1722 թ. հոկտեմբե-
րի 28-ին (ՌՃՀԱ թուոջ, ամսեանն հոկտեմբերի ԻԸ)²⁵, վաթսուևմեկ տա-
րեկան հասակում (վաթսուն եւ մեկ ամ յորժամ վճարեաց, եկն Գաբրիել,
հոգին հրաւիրեաց)²⁶: Որդին նրան բնորոշում է «շնորհալից վարպետն

²³ *Նաղաշ Հովնաթան*, նշվ. աշխ., էջ 167-168:

²⁴ Նույն տեղում, էջ 204:

²⁵ Հիմնվելով այս տողերի վրա՝ մինչ այժմ բազմաթիվ աղբյուրներում, որպես Նաղաշ Հով-
նաթանի մահվան տարեթիվ, նշված է 1722 թ.: Սակայն Մանյա Ղազարյանը նշում է, որ
ՌՃՀԱ Նավասարդի 1-ը 1721 թ. սեպտեմբերի 22-ն է, հետևաբար հոկտեմբերի 28-ը կընկնի
1721 թվականի մեջ (*Մ. Ղազարյան*, նշվ. աշխ., էջ 148):

²⁶ Նաղաշի շիրմաքարը, շոռոթեցի տարեցների պատմելով, 1920-ական թթ. դեռ պահպան-
ված է եղել: 1961 թ. հոկտեմբերին, երբ Նաղաշի ծննդյան 300-ամյակի առթիվ Մաշտոցյան
Մատենադարանի մի խումբ աշխատակիցներ այցելում են դեռևս չհայաթափված Շոռոթ,
տապանաքարն արդեն չկար:

իմաստուն, որ միշտ զարդարեր բազում սրբոց տուն, մեջ Հայաստանեաց՝ ծաղիկ, ոսկի սիւն», «շնորհալից ձեռն նկարող սրբոց..., քարտուղար տառից հնոց և նորոց», «բազում վանորայք և շատ միաբան, գիտուն կարդացողք և աստուածաբան, դիմէին առ քեզ, հարցանէին բան, տայիր պատասխան», «խոհեմ սարկավագ», «երկիր շատ շրջեաց տար յաշխարհ օտար, ամեն սիրելեաց օգնական, սատար», «ծանօթ համայր մեծաց իշխանաց, բարի հաւատով փոխեալ ի կենաց», «անուամբ հռչակեալ, նաև բանիբուն, յոյժ ուսումնասէր, անսինջ և անքուն» և այլ տողերով, ինչից երևում է, որ Նաղաշը եկեղեցիներ է «զարդարել» սրբերի և ծաղիկների պատկերներով, գրչության մեծ գիտակ է եղել, շատ իմաստուն և ուսյալ, եղել է սարկավագ, ճանապարհորդել է օտար երկրներում, ծանոթ է եղել բարձրաստիճան անձանց հետ և ինքն էլ մեծահամբավ է եղել:

Ամբողջ XVIII դարի ընթացքում մատենագրական և այլ աղբյուրներում Նաղաշի անունն այլևս չի հիշատակվում: Սիմեոն Երևանցին «Ջամբռ»-ում խոսում է Աստվածատուր Համադանցու ձեռնարկած Ս. Էջմիածնի Մայր տաճարի նկարագրողման աշխատանքների մասին, սակայն չի նշվում հեղինակի անունը: Նույնը վերաբերում է նաև Համադանցու թողած սևաներկ արձանագրությանը՝ տաճարի թմբուկի բոլորակին: Ղուկաս Կարնեցու «Գավազանագրքում», որը Գարեգին Հովսեփյանը հրապարակել է «Արարատ» ամսագրում (1901, Գ, էջ 183-190, Ե-2, էջ 326-330), խոսվում է միայն Հովնաթան Հովնաթանյանի մասին:

XIX դարում առաջին անգամ Նաղաշի մասին գրում է Հակոբ Ինճիճյանը՝ խոսելով Ս. Էջմիածնի Մայր տաճարի նկարագրողումների մասին. «Պատկերք ամենայն խորանացս են գործ նկարչին, որ մականուանեալ կոչի Նաղաշ Հովնաթան յազգես հայոց, ճարտար նկարիչ, և յաջող բանաստեղծ՝ ի ռամկաց լեզու ի ժամանակս Դահմաս գուլի (Թահմազ Ղուլի – Ա. Հ.) խանին»²⁷:

Նաղաշին է վերագրվում նաև Հովհաննես Եպս. Շահխաթունյանցի աշխատության հետևյալ հատվածը.

«Գտանին յայսմ փառացի տաճարիս քաջարուեստ պատկերք տերու-նականք եւ ականաւոր սրբոց, որպիսի են քաջահմուտ նկարք՝ պատ-

²⁷ **Հ. Ղուկաս Ինճիճեան**, Աշխարհագրութիւն չորից մասանց աշխարհի, մասն առաջին, Վենետիկ, 1806, էջ 262: Բացառված չէ իհարկե, որ Նաղաշին շփոթում է թոռան՝ Հովնաթան Հովնաթանյանի հետ:

կերքն աւետման շրջանա-կաւ ամրացեալ ի բարձրութեան անդ արեւ-մտակողման երկուց սեանցն արեւելեան. հրեշտակին՝ ի սիւն հիւսիսային. կուսին սրբոյ՝ ի հարաւայինն: Եւ պատկերքն երկոտասան առաքելոց, յորում է շօշափումն Թովմայի, դասաւորեալք ի կիսաշրջանակի անդ կա-մարայարկին արեւմտեան մեծի դրանն ի ներքին կողմանէ. եւ պատկերքն երկոքին՝ աղօթելոյն Տեառն ի պարտիզին, որ կայ եղեալ ի ներքուստ ի հարաւային կողմանէ սեղանոյ սրբուհւոյ օրհնաբանեալ Կուսին. եւ յարու-թեանն Ղազարու, որ եղեալ է յորմն հիւսիսային մերձ ի սեղան Որդւոցն Որոտման: Եւ այլ պատկերք տերունականք առ պատշգամբաւ մեծի կա-թուղիկէին եւ զանազան սրբոց հայրապետաց եւ վարդապետաց ի սիւնս եւ յորմունս տաճարիս այսորիկ: Ի կիսաշրջանակի կամարայարկին սեղանոյ Սրբոյն Ստեփաննոսի նկարեալ կան հայրապետական զգես-տուք ի կանգուն պատկերք սուրբ հօրն մերոյ Գրիգորի Լուսաւորչի, որդւոց եւ թոռանց նորա: Նոյնպէս ի կամարայարկին սեղանոյ Յովհաննու Կա-րապետի պատկերքն սրբոց առաքելոց Պետրոսի եւ Պօղոսի եւ այլ սրբոց հայրապետաց: Ի սոսա քաջարուեստ են պատկերք երկուց առաքելոցն:

Յամենեսին ի սոսա քաջապէս փայլին շնորհք ձեռաց մեծանուն վար-դապետին Ստեփաննոսի Լեհացւոյ եւ քաջ նկարչին հօր Յովնաթանու»²⁸:

Վերջին նախադասութիւնը տարբեր կերպ է մեկնաբանվել: Գարե-գին Լևոնյանն այն համարել է թյուրիմացութիւն, որովհետեւ Լեհացին ու Նաղաշը միաժամանակ չեն աշխատել ու ստեղծագործել²⁹: Եղիշե Մար-տիկյանը, Շահխաթունյանցի հիշյալ նախադասութիւնը մեջբերելիս, «հօր Յովնաթանու» բառակապակցութեան փոխարեն գրում է միայն «Յովնաթանու»՝ «հօր» բառը հավանաբար ավելորդ համարելով³⁰: Ման-յա Ղազարյանը «հօր Յովնաթանու» տվյալի տակ տեսնում է Նաղաշ Յովնաթանին³¹, իսկ Աստղիկ Գևորգյանը «հօր Յովնաթանու» արտա-հայտութիւնը վերագրում է Նաղաշի հորը՝ տեր Յովհաննին: Մենք, ինչպէս վերը նշել ենք, հակված ենք այդ արտահայտութեան տակ տեսնել Յով-նաթան Յովնաթանյանի հորը՝ Յակոբին:

²⁸ *Յովհաննէս եպս. Շահխաթունեանց*, Ստորագրութիւն, էջ 35-36:

²⁹ *Գ. Լևոնյան*, Յովնաթանյան Նաղաշները հայ նկարչութեան պատմութեան մեջ, «Խորհրդա-յին արվեստ», 1938, թ. 4, էջ 54:

³⁰ *Ե. Մարտիկյան*, Հայկական կերպարվեստի պատմութիւն, գիրք Ա, Երևան, 1971, էջ 30:

³¹ *Մ. Ղազարյան*, Ստեփանոս Լեհացի, «Էջմիածին», 1978, 2, էջ 52:

1885 թ. «Մասիս» շաբաթաթերթի էջերում հրատարակվում են «Յորժամ եղև գարուն, արև ծագեցաւ», «Այսօր ցնծամք պարելով», «Եկայք այսօր ժողովեցէք, ընկերք միաբան» և «Ի միասին ամենեքեան» բանաստեղծությունները՝ հեղինակին ներկայացնելով որպես XVI դարի երգիչ։ «Նաղաշ Յովնաթան 16րդ դարուն մէջ ապրող հայ երգիչ մ'է արեւելեան Հայոց աշխարհներուն մէջ»³²։ Տարիներ անց՝ 1892 թ., Գարեգին Լևոնյանն իր «Հայ աշուղներ» գրքում հրապարակում է Նաղաշի «Ուսկի՞ց կուգաս, քաղցր բլբուլ» տաղը՝ նշելով, որ հեղինակի մասին ոչինչ հայտնի չէ³³, իսկ «Յորժամ եղև գարուն, արև ծագեցաւ» երգը, որը ևս Նաղաշին է, վերագրում է Ադամ-Նաղաշովին³⁴։

Նույն 1892 թ. Ալեքսանդր Երիցյանը «Արծազանք» շաբաթաթերթի էջերում մի քանի տող նվիրում է Նաղաշի կենսագրությանը. «Նա (Վախթանգ 2-ն – Ա. Ա.) երևի այնքան հմուտ էր հայերենին, որ Թիֆլիզ եկած պանդուխտ Շոռոթեցի Նաղաշ Յովնաթանին անդադար հրաւիրած է եղել իւր մօտ սորա հայերեն երգերը լսելու։ Նաղաշ Յովնաթանը, որ թէ նկարիչ է եղել և թէ բանաստեղծ, իւր մէկ երգի մէջ դէպի իւր սիրեկանը՝ գանգատվում է, որք այդ սիրեկանից ստացած նամակին պատասխանն էր գրում, յանկարծ կանչել է Նորան Վախթանգ թագաւորը և գրութիւնը մնացել է կիսատ։ Յառաջ ենք բերում Նաղաշ Յովնաթանի երգից այդ կտորը, որ ուղղած է բանաստեղծը իւր սիրեկանին...»³⁵։ Այնուհետև մեջբերում է երեք հնգատող տարբեր բանաստեղծություններից և շարունակում. «Նաղաշ Յովնաթանի երգերից երևում է, որ նա տեղեակ է եղել նաև թուրքերենին, բայց վրաց լեզու գիտենալը ոչ մի բանից չէ երևում և հաւանականաբար՝ իւր հայերեն երգերից զուարճացող արքայն և սորա արքունիքը հասկանում են եղել (թերևս՝ հասկացել են – Ա. Հ.) հայերեն»³⁶։

1893 թ. Հ. Ղևոնդ Ալիշանը, Ազուլիսի Ս. Թովմա վանքի մասին խոսելիս, նշում է. «Ի թաղի եկեղեցւոյս յամի 1682 Յովնաթան Շոռոթեցի, որպէս թուի՝ երգիչն, ընդօրինակեալ է զգիրս Յովսէպոսի պատմութեան

³² **Յ. Յարութիւնեան**, Գաւառական երգեր (Գիներգութիւնք Նաղաշ Յովնաթանի), «Մասիս», 1885, թ. 3755, էջ 657-658։

³³ **Գ. Լեւոնեան**, Հայ աշուղներ, Ալեքսանդրապոլ, 1892, էջ 79-80։


³⁴ Նույն տեղում, էջ 67-68։ Նույն սխալը կրկնված է նաև «Քնար հայկական» և «Սոխակ Հայաստանի» ժողովածուներում։

³⁵ **Ա. Երիցեանց**, Մի վրացի՝ հայ աշուղ դարձած, «Արծազանք», 1892, թ. 63, էջ 1։

³⁶ Նույն տեղում։

պատերազմաց Յրեից զոր յայտ առնէ իսկատիպ գրուածն»³⁷ (սկ. 1): Ապա հրապարակում է այդ ձեռագրի վերոնշյալ հիշատակարանը³⁸:

1896 թ. նշանավոր հայագետ, ձեռագրագետ Յ. Յակոբոս Տաշյանը Վիեննայի Մխիթարյան միաբանության մատենադարանի ձեռագրացուցակում նկարագրել է տեղի հավաքածուի ՅՄ 537 ձեռագիրը, որը, ինչպես նշել ենք, Նաղաշի տաղերի ամենամբողջական օրինակներից մեկն է (պարունակում է նաև Յակոբի ողբերգը) և հայտնում է համառոտ տեղեկություններ Նաղաշի մահվան թվականի, որդիների մասին և այլն³⁹:



Նկ. 1. Նաղաշ Յովնաթանի 1682 թ. ձեռագրի հիշատակարանը (արտատպված Յ. Ղևոնդ Ալիշանի «Սիսական» աշխատությունից, էջ 331, սկ. 97)

³⁷ Ղ. Ալիշան, Սիսական, էջ 329:

³⁸ Նույն տեղում, էջ 331: Ալիշանը «Սիսական»-ում մեկ անգամ էլ է անդրադառնում Նաղաշ Յովնաթանին. «Իսկ ի բնիկն ի Շոռոթ՝ յայս ժամանակս և յետոյ եւս ծանօթ են ինձ գրոց աշակերտք, Յովնաթան դպիր որդի Յովհաննու երիցու, որոյ ձեռագիր մատենաք գտանին յամին 1682» (նույն տեղում, էջ 357):

³⁹ Յ. Յակոբոս Վ. Տաշեան, Ցուցակ հայերեն ձեռագրաց Մատենադարանին Մխիթարեանց ի Վիեննա, Վիեննա, 1895, էջ 1006-1009:

1899 թ. «Լումայ» ամսագրի Ա գրքի խմբագրական բաժնում (էջ 276-282) տպագրվում են Նաղաշի «Վասն Վարդան ժամահարին» (Գրեմ քարտես յոյժ ողբալի) և «Տաղ ի վերայ Գուրջստանայ զօգալների» (Գովեմ սրտիւ ուրախական) բանաստեղծությունները՝ ըստ Հովհաննես Մկրյանի մոտ եղած մի գրչագրի: Այդ գրչագրում «Վասն Վարդան ժամահարին» բանաստեղծությունն ունեցել է թվական՝ ՌՃԿԲ (1713):

XX դարասկզբի աղբյուրներից հարկ է նշել մի քանի համառոտ ակնարկ.

Առաջինը Հ. Սուքիաս Էփրիկյանի կոթողային «Պատկերագարոյ բնաշխարհիկ բառարան» աշխատության «Էջմիածին» հոդվածում է, որտեղ կարդում ենք. «Տաճարի բոլոր ներքին որմերը և առաստաղը ներկուած են Ղուկաս կաթողիկոսի ժամանակ, 1686-ին (պետք է լինի 1786-ին – Ա. Ա.), Յովնաթան ճարտարին ձեռքով. նկարներն են սրբոց պատկերներ, զանազան արաբական զարդեր, ծաղիկներ, թռչուններ ևն: Կան նաեւ կտաւի վրայ նկարուած բաւական թուով որբոց պատկերներ, շատերը Ստեփանոս Լեհացիէն և Նաղաշ Յովնաթանէն նկարուած. հատ մ'ալ զրկած է Զեր Փորթըր Անգլիացի ուղեւորը, որ հիւրասիրուած էր Եփրեմ կաթողիկոսէն, և կը ներկայացնէ Յիսուս մանուկները օրհնելով»⁴⁰:

Ինչպէս տեսնում ենք, հատվածն ակնհայտորեն հիմնված է Շահխաթունյանցի տողերի վրա և չի կարող համարվել նորություն: Նույն տողերը գրեթե նույնությամբ (միայն Կարնեցու սևաներկ արծանագրության հավելմամբ) կրկնված են մեկ տարի անց՝ 1903 թ. Մայր տաճարի հիմնադրման 1600-ամյակի առթիվ լույս տեսած Էփրիկյանի «Էջմիածին. պատկերագարոյ նկարագրութիւն» գրքում. «Տաճարի բոլոր ներքին որմերը և առաստաղը ներկուած են Ղուկաս կաթողիկոսի ժամանակ, 1686-ին (պետք է լինի 1786-ին – Ա. Ա.), Յովնաթան ճարտարին ձեռքով. նկարներն են սրբոց պատկերներ, զանազան արաբական զարդեր, ծաղիկներ, թռչուններ ևն. այս նորոգութեանց յիշատակարանը դրոշմուած է մեծ կաթողիկէի ստորին շրջապատի խարսխին վրա»⁴¹:

Բերում է սևաներկ արծանագրությունը, ապա՝ շարունակում. «Կան նաեւ կտաւի վրայ նկարուած բաւական թուով որբոց պատկերներ, շատերը Ստեփանոս Լեհացիէն և Նաղաշ Յովնաթանէն նկարուած. հատ

⁴⁰ Հ. Սուքիաս Էփրիկեան, Պատկերագարոյ բնաշխարհիկ բառարան, Կ. Ա., Վենետիկ, 1902, էջ 787:

⁴¹ Նույնի՝ Ս. Էջմիածին. 303-1903. պատկերագարոյ նկարագրութիւն, Վենետիկ, 1903, էջ 28-29:

մ'ալ ղրկած է Զեր Փորթըր Անգլիացի ուղեւորը, որ հիւրասիրուած էր Եփրեմ կաթողիկոսէն, և կը ներկայացնէ Յիսուս մանուկները օրհնելով»⁴²:

Երկրորդը Գարեգին Լեոնյանի փոքրիկ, բայց կարևոր անդրադարձն է Նաղաշ Յովնաթան աշուղին: Ներկայացնելով հայ աշուղական արվեստի զարգացման ուղին՝ Լեոնյանը կարծում է, որ արվեստի այս տեսակը սկիզբ է առել տաղասացներից՝ հասնելով մինչև Նահապետ Զուլակ, Նաղաշ Յովնաթան և վերջինից հետո, արդեն աշխարհիկ բնույթ ստացած, երկու ճյուղի կամ դպրոցի բաժանված, բայց խոշորագույն ներկայացուցիչներ Շիրինն ու Սայաթ-Նովան⁴³:

Երրորդը Մեսրոպ արք. Սմբատյանցի համառոտ ակնարկն է՝ Երնջակի Ս. Կարապետ վանքին նվիրված իր գրքում: Նկարագրելով եկեղեցին՝ Սմբատյանցը հրապարակում է նկարագարդման արձանագրությունը (հարավային ավանդատան երկրորդ հարկի արևմտյան որմ). «ՌՃՅԹ թվին (1740) սուրբ Սեղանն ծաղկեցավ ձեռամբ Յովնաթանի որդւոցն՝ Յակոբին և Յարուբիւնին, ուրեմն յիշեսջի՛ք ի բարին, և դուք յիշեալ լիջիք ի Զրիստոսէ»⁴⁴: Այնուհետ ծանոթագրում է. «Նաղաշ Յովնաթանը Շոռթեցի էր, և յայտնի նկարիչ էր և երգիչ, և երգասաց. որոյ ձեռագիր երգարանը մնայ նորա թոռանց մօտ 'ի Տփիսիս»⁴⁵: Նորից դառնալով տաճարի նկարագարդմանը՝ գրում է. «Տաճարի սեղանը ծաղկեցրած է 1740 թվին Շոռթեցի Նաղաշ Յովնաթանը (շփոթմունք է թերևս – Ա. Ա.), որոյ յիշատակագիրը գրւած է ձախակողմեան խորանի վրայի պահարանի մէջ, ինչպէս գրւած է վերևը: Նաղաշ Յովնաթանի և նրա որդւոց նկարած ծաղկենկարները այսօր իսկ տեղ տեղ երևում են սեղանոյ կամարների վրայ, նոյնպէս և Պօղոս-Պետրոս առաքելոց պատկերներն, ուստի և կարևոր է ամբողջացնել ծաղիկները, կամ բոլորը սպիտակացնել...»⁴⁶: Այնուհետ ծանոթագրում է. «Նաղաշ Յովնաթանի թոռունքը այսօր իսկ կան Տփիսիսում, որոց մին աստիճանաւոր տէրութեան Առաքելն Յովնաթանեանց (1862 թւէն մեր սանն է). ուսեալն 'ի Լազարեանց ճեմարանին:

⁴² **Յ. Սուքիաս Եփրիկեան**, Ս. Էջմիածին. 303-1903. պատկերագարը նկարագրություն, էջ 28-29:

⁴³ **Գ. Լեւոնեան**. Աշուղների մասին պատմական-քննական հայեացք, «Ազգագրական հանդես», գիրք X, Թիֆլիս, 1903, էջ 67, 69:

⁴⁴ **Մեսրոպ արք. Սմբատեանց**, Նկարագիր Սուրբ Կարապետի վանից Երնջակայ եւ շրջակայից նորա, Տփիսիս, 1904, էջ 6: ՌՃՅԹ-ն ստացվում է 1730, ինչը սխալ է, պետք է լինի ՌՃՁԹ:

⁴⁵ Նույն տեղում, էջ 6, ծնթ. 2:

⁴⁶ Նույն տեղում, էջ 15:

Բնաշխարհիկ բառարանի հեղինակը (յերես 787) կասե Ղուկաս կաթողիկոսի ժամանակ – 1686 (պետք է 1786 լինի, որովհետև 1686 թվին Եղիազար կաթողիկոսն է) Էջմիածնայ տաճարի միջի պատկերները և ծաղկանկարները նկարած են Նաղաշ Յովնաթանի ձեռքով»⁴⁷:

Սմբատյանցը հրապարակում է նաև Ս. Կարապետ վանքի վերանորոգման և նկարազարդման դրամահաձևքի՝ Մկրտիչ Ջահկեցի եպիսկոպոսի (կաթողիկոս Ղազար Ջահկեցու եղբայրն է) օրհնության գիրը՝ գրված 1740 թ. մարտի երեքին. «....ընդ օրհնութեան գրոյս ծանուցանեմ սիրելեացդ մերոց, զի վանքն սբ Կարապետի շինեալ յերջանիկ ճգնաւորեն Մաղաքիայ վարդապետէ, և նորոգեալ յերիցս երանեալ յեսայի վարդապետէ՝ պետս ունի պայծառութեան, այն է պետք են նկարուք և պատկերօք ծաղկեցուցանել զսեղանն և զաւազանն և զկամարսն Կաթողիկէին, որոյ աղագաւ և օժանդակութիւն սիրելի ժողովրդոցդ հարկաւոր է մեզ, որովհետև նկարիչն և ծաղկեցուցիչն պատրաստ են, որք են Շոռթեցի երգասաց դպիր Յովնաթանն (հավանաբար կամ Մկրտիչ եպիսկոպոսն է սխալ գրել, կամ Սմբատյանցն է սխալ արտագրել – Ա. Ա.) և նորա օրհնեալ որդիքն՝ Յարութիւնն եւ Յակոբն, որք ՚ի ժամանակիս յայտնի և պայծառ նկարիչքն են...»⁴⁸:

Հիշատակության է արժանի նաև Ս. Էջմիածնի միաբան, լուսարար Սահակ վրդ. Աստվածատրյանի «Պատկերացոյց»-ը, որտեղ հեղինակը, հրապարակելով Նաղաշ Հովնաթանին վերագրվող «Տրդատ, Աշխեն եւ Խոսրովիդուխտ» նկարը, գրում է. «Նկարս առնուած է Մայր Տաճարի կրածեփի որմից փրթած մի բեկորի վերայից, որ այժմ գտնուում է Հայրիկեան թանգարանում: Կը թուի՝ թէ ի վեր անդ յիշուած Ստեփաննոս և Յովնաթան նկարիչներից առաջ արդէն նկարուած էր»⁴⁹:

Սակայն «Նաղաշագիտության»՝ որպես այդպիսին հիմնադիր՝ աներկբայորեն պետք է համարել ականավոր գրող, քննադատ, բանասեր, արվեստաբան և հասարակական գործիչ Արշակ Զոպանյանին (1872-

⁴⁷ *Մեսրոպ արք. Սմբատեանց*, Նկարագիր Սուրբ Կարապետի վանից Երնջակայ եւ շրջակայից նորա, էջ 15, ծնթ. 1:

⁴⁸ Նույն տեղում, էջ 465:

⁴⁹ *Սահակ վրդ. Աստվածատրեան*, Պատկերացոյց հաւաքածոյ մասնաւոր հնութեանց Մայր Աթոռոյ Ս. Էջմիածնի եւ շրջակայից, պրակ Ա, Վաղարշապատ, 1910, էջ 11: Հեղինակը Ստեփանոսին և Հովնաթանին համարում է Ղուկաս Կարնեցու ժամանակ գործած նկարիչներ (տե՛ս նույն տեղում, էջ 10): Նրանց վերագրված նկարների ցանկը կհիշատակենք Հովնաթան Հովնաթանյանին անդրադառնալիս:

1954 թթ.): «Նաղաշագիտությանը» նվիրված անդրանիկ աշխատությունն էլ հանդիսացավ 1910 թ. Փարիզում լույս տեսած նրա «Նաղաշ Յովնաթան աշուղը և Յովնաթան Յովնաթանեան նկարիչը» գիրքը: Աշխատությունը բաղկացած է ներածությունից, երկու մեծ գլուխներից՝ «Նաղաշ Յովնաթան բանաստեղծը» և «Յովնաթան Յովնաթանեան նկարիչը», «Նաղաշ Յովնաթանի տաղերը» բաժնից և բառարանից: Ներածության մեջ Չոպանյանը գրում է, որ Նաղաշի տաղերին ծանոթացել է 1898 թ.՝ Վիեննայի Մխիթարյան միաբանության մատենադարանում: Հետագայում, նրա մասին տեղեկություններ հավաքելիս, Վարդգես Սուրենյանցից ու Փանոս Թերլեմեզյանից իմանում է, որ Ս. Էջմիածնի Մայր տաճարի որմնանկարների հեղինակը ևս Նաղաշ Յովնաթանն է: Ուսումնասիրությունների արդյունքում Չոպանյանը գալիս է այն մտքին, որ «Յովնաթան աշուղը, թեպետ և ինքն ևս նկարիչ, Էջմիածնայ տաճարին որմնանկարիչը չէ, այլ այս վերջինը՝ թոռն է առաջնոյն»⁵⁰:

Այս եզրակացության գալու պատճառն այն է, որ Չոպանյանն օգտվել էր միայն Շահխաթունյանցի աշխատությունից ու Ղուկաս Կարնեցու «Գավազանագրքից»։ Նա, ըստ էության, ծանոթ չի եղել Աստվածատուր Համադանցու սևաներկ արձանագրությանն ու «Զամբռ»-ին, որտեղ խոսվում է տաճարի նկարագրողման մասին և արդյունքում տաճարի բոլոր որմնանկարները վերագրում է Յովնաթան Յովնաթանյանին:

Այդուհանդերձ, չնայած նշված վիճելի դիտարկմանը, Չոպանյանի աշխատությունը կարևոր էր «Նաղաշագիտության» անիվը շարժման մեջ գցելու համար: Ա գլխում նա հրապարակում է Նաղաշ Յովնաթանի՝ թվով 46 բանաստեղծություն, որոնց մեծ մասը՝ առաջին անգամ: Յովնաթան Յովնաթանյանին նվիրված Բ գլխի բովանդակության մասին դեռ կխոսենք, այստեղ միայն նշենք, որ հեղինակը խիստ ուշագրավ մանրամասներ է հայտնում Խրիմյան Հայրիկի կողմից որմնանկարների ոչնչացման մասին: Բացի դրանից՝ աշխատության վերջում, մեջբերելով Շահխաթունյանցի հայտնի նախադասությունը, անդրադառնում է նաև Ստեփանոս Լեհացուն («Խոր Յովնաթանու» արտահայտությունը վերագրում է Յովնաթան Յովնաթանյանին): Հավանական է համարում, որ միգրացե նա հայ-լատիներեն առաջին բառարանի հեղինակ Ստեփանոս Ռոշքան

⁵⁰ Ա. Չոպանյան, Նաղաշ Յովնաթան աշուղը եւ Յովնաթան Յովնաթանեան նկարիչը, Փարիզ, 1910, էջ 9:

Է, որին էլ վերագրում է Մայր տաճարի իտալական ոճի նկարները՝ Գաբրիելն ու Մարիամը, Գաբրիել և Միքայել հրեշտակապետերը և տասներկու առաքյալները⁵¹:

Չոպանյանի աշխատությանը հետևում են մի քանի գրախոսականներ, որոնցից ուշագրավը Հովհաննես Թումանյանի «Նաղաշ Հովնաթանը և Նրա, Քուչակ Նահապետի ու Սայաթ-Նովայի սերը» խորագրով հոդվածն է⁵²: Բարձր գնահատելով Չոպանյանի աշխատությունը՝ Թումանյանն անդրադառնում է Նախ Խրիմյան Հայրիկի «վանդալիզմին»՝ գրելով, որ «ինչքան էլ մեծ լինի մարդու հարգանքը դեպի Խրիմյանի հիշատակը, չի կարող չսիրել Չոպանյանի՝ գեղարվեստագետի էս ազնիվ զայրույթը, որով զայրանում է Նրա արարքի դեմ՝ խստությամբ դատապարտելով քանդողական մոլեգնությունն ու քանդիչ ձեռքը»⁵³: Թումանյանը կարևոր տեղեկություններ է հայտնում Նաև Հովնաթան Հովնաթանյանի մասին, մասնավորապես՝ Նա է առաջինը հրապարակում Հովնաթանին ուղղված Ղուկաս Կարսեցու Նամակը: Այս և այլ հարցերին կանդրադառնանք Հովնաթան Հովնաթանյանին նվիրված հատվածում, իսկ մինչ այդ մեջբերում ենք Թումանյանի հոդվածի՝ Նաղաշ Հովնաթանին վերաբերող առավել կարևոր հատվածները. «Նաղաշ Հովնաթանը ծնվել է աշուղների հայրենիքում՝ Չանգեզուրի (Սիսական) Շոռոթ ավանում 1661 թվին, մեռել է 1722-ին: Շատ աշխարհ տեսած, գիր ու գիտություն սովորած, ազնիվ ու քեֆ սիրող մի անձնավորություն է եղած և շատ սիրված իր ժամանակին»⁵⁴:

Թումանյանը հանգամանորեն մեկնաբանում է Նաղաշի սիրային բանաստեղծությունները՝ համեմատելով դրանք Նահապետ Քուչակի և Սայաթ-Նովայի տաղերի հետ և վերջում եզրակացնում, որ «սրանց Նման չի Նաղաշ Հովնաթանը: Նա չունի սրանց ուժը, դրա հետ և չունի սրանց հանդգնությունը: Իր բանաստեղծությունները հաճախ մասնա-

⁵¹ Ա. Չոպանեան, նշվ. աշխ., էջ 30:

⁵² Հոդվածաշարի տեսքով այն Նախ տպագրվել է «Հորիզոն» օրաթերթի 1911 թ. 30 ապրիլի Հիմ 90, 1 մայիսի Հիմ 91, 3 մայիսի Հիմ 92, 11 մայիսի Հիմ 99, այնուհետ հրատարակվել է առանձին գրքույկով՝ Թիֆլիս, 1916 թ., որտեղից էլ արտատպվել է երկերի լիակատար ժողովածուի տասնհատորյակում (տե՛ս **Հովհ. Թումանյան**, Երկերի լիակատար ժողովածու, հ. վեցերորդ, Քննադատություն և հրապարակախոսություն 1887-1912, բնագրերը պատրաստեցին և ծանոթագրեցին՝ **Խ. Գյուլնազարյանը** և **Զ. Ավետյանը**, խմբ.՝ **Ս. Սարիկյան**, Երևան, 1994, էջ 311-332, 622) – Ա. Հ.:

⁵³ **Հովհ. Թումանյան**, Երկերի լիակատար ժողովածու, հ. վեցերորդ, էջ 312:

⁵⁴ Նույն տեղում, էջ 313:

վոր սիրային նամակագրության բնավորությունն ունեն, և եթե երգում է, նպատակն էն չի, որ ձենը հասնի հեռու դարերին, այլ իր «այվանեն» մինչև սիրածի վարդափթիթ պարտեզը: Դրանից է, ի միջի այլոց, որ նա էնքան մանրամասնություններ է պատմում, որոնք մի ինքնուրույն կենդանություն ու թարմություն են տալիս նրա երգերից մի քանիսին»⁵⁵:

Ամենայն հայոց բանաստեղծը վերջում անդրադառնում է նաև Զոպանյանի բառային վրիպակներին և ավարտում հոդվածը⁵⁶:

Հաջորդ գրախոսականը Մկրտիչ Պոտուրյանի «Յովնաթան Նաղաշ Շոթթեցի» համառոտ անդրադարձն է «Բազմավեպ»-ում⁵⁷: Հեղինակը նշում է, որ Նաղաշից ոչ մի նկարչական գործ մեզ չի հասել և ափոսանք է հայտնում, որ գոնե 1682 թ. Հովսեփոսի պատմության ձեռագրում մի նկարչական նշույլ թողած լիներ (ի դեպ, այստեղ ենք իմանում, որ այդ ձեռագիրը գտնվում է Ս. Ղազարում): Զոպանյանի հրապարակած 26 նկարների ամօրյալում է, որ դրանցից ոչ բոլորն են միևնույն հեղինակի գործը, իսկ Ստեփանոս Լեհացու մասին ասում է, որ նրան պետք չէ Ստեփանոս Ռոշքայի հետ շփոթել, չնայած երկուսն էլ ժամանակակից են և լեհահայ: Ստեփանոս Լեհացին, ըստ Պոտուրյանի, 1657-ից արդեն Էջմիածնում էր, պատրաստել է արծաթյա պահարան Լուսավորչի աջի համար, 1661-ին էլ Ավետարան է ընդօրինակել, որի հիշատակարանում նշել է ծնողների՝ Վարդանի և Կատարինեի անունները: Ավելացնում է նաև, որ հենց Լեհացին է թարգմանել Հովսեփոսի պատմությունը և հենց նրա թարգմանությունն է 1682 թ. ընդօրինակել Նաղաշը (ենթադրում է, որ նրանք եղել են բարեկամներ):

Վերջում ափսոսանք է հայտնում, որ Զոպանյանի հրատարակած ժողովածուում տեղ չեն գտել Հովհաննեսն ավ. քին. Մկրյանի Տաղարանի (ընդօրինակված է 1754 թ. Պետրոս դպիրի ձեռքով) ուր բանաստեղծություն, որոնցից միայն առաջին տողն է հայտնի.

*ա. Այսօր հնչեաց ավետեաց ձայն,
բ. Աստուած անհաս և անքնին,
գ. Յորդորմամբ արտասուակից,
դ. Եկայք զիս լսեցեք ազգ արամազին,*

⁵⁵ **Հովհ. Թումանյան**, Նշվ. աշխ., էջ 328-329:

⁵⁶ Նույն տեղում, էջ 329-332:

⁵⁷ **Յ. Մկրտիչ Պոտուրեան**, Յովնաթան Նաղաշ Շոթթեցի, «Բազմավեպ», Վենետիկ, 1911, թ. 4, էջ 173-174:

Ե. Գրեմ քարտես յոյժ ողբալի,
 Գ. Ես մեղաւորս առոխջ կենօք,
 Է. Եւ որք տենչան կրթից մասին,
 Ը. Յամենայն ժամ տացուք փառս:

Նշվածներից «Գրեմ քարտես յոյժ ողբալի» (Վասն Վարդան ժամահարին) բանաստեղծությունը, ինչպես նաև «Տաղ ի վերայ Գուրջստանայ գօգալներին» (Գովեմ սրտիւ ուրախական) տաղը, ինչպես նշել ենք, տպագրվում են 1899 թ. «Լումայ» ամսագրի Ա գրքի խմբագրական բաժնում (էջ 276-282), դարձյալ ըստ Հովհաննես Մկրյանի նշված գրչագրից:

Հաջորդը Գարեգին Լևոնյանի «Աշուղը» հոդվածն է⁵⁸, որի սկզբում հեղինակն անդրադառնում է իր «Հայ աշուղներ» ժողովածուին՝ ի պատասխան Զոպանյանի այն դիտողությանը, թե ոչինչ այնտեղ տրված չի Նաղաշի կենսագրության մասին⁵⁹: Այնուհետև պատմում է, որ դրանից 2-3 տարի անց Ալեքսանդրապոլում իրեն են բերել Նաղաշի ձեռագիր մի տետրակ՝ «Շարադրեալ Նաղաշ Յովնաթանէ»: Բերում է այդ տետրակի հիշատակարանը.

*«Ես տրուպ Նաղաշ Յովնաթան
 Գծագրեցի զայս տաղարան,
 Խաղ և տաղեր ազնուական,
 Խրատք և խօսք ծիծաղական,
 Եւ ծաղկեցաւ նման գարնան
 Ձեռամբ որդւոյ իմ Յակոբեան,
 Պատկերներով տնօրինական
 Ծաղկօք և թռչնօք զանազան
 Ի վայելումն Յարութեան
 Փոքր որդւոյն իմ սիրական»*⁶⁰:

Այս հիշատակարանից երևում է, որ Հակոբը՝ Նաղաշի ավագ որդին, ևս նկարիչ է եղել, նկարագարդել է հոր Տաղարանը՝ նվիրելով փոքր եղբորը՝ Հարությունին:

⁵⁸ Գ. Լևոնեան, Աշուղը, «Ազգագրական հանդես», գիրք XXI, Թիֆլիս, 1911, էջ 226-235:

⁵⁹ Հեղինակը տողատակում ավելացնում է, որ Ակինյանի աշխատությունից արդեն հայտնի է, որ Նաղաշի մասին գրություններ են եղել 1860 թ. «Ճռաքաղ» ամսագրում և 1882 թ. «Արծազանք» շաբաթաթերթում, իսկ 1885 թ. «Մասիս» լրագրում Ե. Հարությունյանը հրապարակել է «Գաւառական երգեր (Գինեղութիւնք Նաղաշ Յովնաթանի)» խորագրով հոդվածը (տե՛ս նույն տեղում, էջ 229, ծնթ.*):

⁶⁰ Նույն տեղում, էջ 229:

Այնուհետև Լևոնյանը հիշեցնում է «Ազգագրական հանդես»-ի տասներորդ հատորում (Թիֆլիս, 1903 թ.) կատարած իր անդրադարձի մասին և սկսում բուն գրախոսությունը: «Նաղաշ Յովնաթան բանաստեղծը» բաժնում իր ձեռքի տակ եղած Տաղարանից Լևոնյանն ավելացնում է 10 խրատական, 2 սիրո և խնջույքի երգեր (դրանցից մեկը երկլեզու կազմությամբ է, ինչը բացառիկ է), որոնք չեն մտել Չոպանյանի գրքի մեջ: Ավելացնում է նաև մի քանի երգիծական երգեր, որոնք Չոպանյանը հատուկ չէր դրել՝ իրենց կոպիտ և գռեհիկ լեզվի պատճառով:

«Նաղաշ Յովնաթան երաժիշտ-նուագածու» բաժնում Լևոնյանը պատմում է, թե ինչպես մի օր հայտնի արևելագետ-կովկասագետ Ալեքսանդր Երիցյանն իրեն ցույց տվեց մի հետաքրքիր պատկեր, որտեղ վրաց արքունիքում ծալապատիկ նստած էին Նաղաշ Յովնաթանն ու իր երաժիշտների խումբը, պատերի մոտ՝ նրանց ունկնդրող գեղեցկուհիները: Վերջում Լևոնյանը նշում է, որ հաջորդ գլուխը «Նաղաշ Յովնաթան նկարիչ» խորագիրն է կրելու, ընդ որում՝ Յովնաթանյան ընտանիքի գեղարվեստական գործերի բավականին նորություններով (այն, հավանաբար, թերավարտ է մնացել):

Վերջապես անդրադառնանք Արտաշես Հարությունյանի գրախոսական հոդվածին «Ազատամարտ» շաբաթաթերթում⁶¹: Այստեղ առանձնապես նորություն չկա. հիմնականում գովեստի խոսքեր են Չոպանյանի և նրա գրքի մասին՝ որպես Նաղաշին և նրա թոռանը բացահայտողի և այլն:

Նաղաշ Յովնաթանի կյանքին ու գործունեությանն անդրադարձել է նաև անվանի հայագետ, Վիեննայի Մխիթարյան միաբանության անդամ Զ. Ներսես Ակինյանը (1883-1963 թթ.): Չոպանյանի աշխատությունից մեկ տարի անց հրատարակվում է Ակինյանի «Յովնաթան Նաղաշ եւ Նաղաշ Յովնաթանեանք եւ իրենց բանաստեղծական եւ նկարչական աշխատութիւնք» աշխատությունը⁶², ապա և նույն տարում՝ առանձին գրքով⁶³, որից էլ օգտվել ենք:

⁶¹ Ա. Յարութիւնեան, Գրքեր ու դէմքեր, Բ. Նաղաշ Յովնաթան աշուղը եւ Յովնաթան Յովնաթանեան նկարիչը. Փարիզ, 1910, «Ազատամարտ», 1911, թ. 42, էջ 647-649:

⁶² Զ. Ներսես Ակինեան, Յովնաթան Նաղաշ եւ Նաղաշ Յովնաթանեանք եւ իրենց բանաստեղծական եւ նկարչական աշխատութիւնք, «Հանդես ամսօրեայ», Վիեննա, 1911, թ. 4-5, էջ 211-231, թ. 6-8, էջ 390-410:

⁶³ Նույնի՝ Յովնաթան Նաղաշ եւ Նաղաշ Յովնաթանեանք եւ իրենց բանաստեղծական եւ նկարչական աշխատութիւնք, Վիեննա, 1911, էջ 51-117:

Ակինյանը մի փոքր ավելի մանրամասն է ներկայացրել Նաղաշ Հովնաթանի կյանքը, մասնավորապես՝ խոսում է Նաղաշ Հովնաթանի և Նրա մոռացված լինելու մասին, համառոտ ներկայացնում է Նաղաշի մասին անցյալում հրապարակված տեղեկությունները՝ կարևորելով Չոպանյանի աշխատությունը: Վերջինիս օգտագործած հիմնական երկու աղբյուրներին՝ Շահխաթունյանցի աշխատությանն ու Ղուկաս Կարսեցու «Գավազանագրքին» ավելացնում է նաև 1682 թ. վերոնշյալ ձեռագրի հիշատակարանը, որը հրապարակել էր Ալիշանը: Մինևույն ժամանակ, սխալմամբ Նաղաշի հայր տեր Հոհաննիս շփոթում է Շոռոթեցի Հովհաննես վարդապետի հետ, ինչպես արդեն նշել ենք վերևում:

Այնուհետ վկայաբերում է զանազան կենսագրական մանրամասներ՝ ըստ Նաղաշի և Հակոբի բանաստեղծությունների: Նշվածներից զատ՝ Ակինյանը հիշատակում է որոշ մանրամասներ, որոնց մասին որևէ աղբյուր չկա, մասնավորապես. «Ծանօթ և սիրելի եղած է մանաւանդ Տփղիսի արքունիքը»⁶⁴, «Ասոր (սկստի ունի՝ Վախթանգ Զ-ին – Ա. Ա.) եւ Յովնաթանի յարաբերութիւնները բարեկամական եղած են»⁶⁵:

Այնուհետև Ակինյանը ներկայացնում է Նաղաշի գործունեության երկու բնագավառները՝ «Յովնաթան իբրեւ բանաստեղծ» և «Յովնաթան իբրեւ նկարիչ»: Ի դեպ, բանաստեղծական հատվածում հեղինակն ուրվագծում է Նաղաշ-բանաստեղծի ընդհանուր բնութագիրը (սիրո և խրախճանքի երգեր, կրոնական և խրատական տաղեր և երգիծական քերթվածքներ) և բերում Նրա բանաստեղծությունների ցանկն իրենց աղբյուրներով՝ 66 միավոր:

Խոսելով Նաղաշ-նկարչի մասին՝ Ակինյանն ուշադրություն է դարձնում Նրա և որդու բանաստեղծությունների որոշ տողերի վրա՝ մատնանշելով Նաղաշի դիմանկարիչ, սրբանկարիչ լինելն ու եկեղեցիներ նկարազարդելու փաստը և, ըստ էության, ոչինչ չավելացնելով հայտնի փաստերին: Նշում է, սակայն, որ Նրա նկարազարդած եկեղեցիները պետք է փնտրել Շոռոթում, Երևանում, Տփղիսում, հնարավոր է նաև՝ Էջմիածնում:

Ակինյանը դառնում է Նաղաշի որդիների՝ Հակոբի և Հարությունի գործունեությանը հատուկ անդրադարձած առաջին հետազոտողը: Նշելով, որ Հարությունի մասին ոչինչ հայտնի չէ՝ հեղինակն անցնում է

⁶⁴ **Հ. Ներսես Ակինեան**, նշվ. աշխ., էջ 62:

⁶⁵ Նույն տեղում, էջ 63:

Հակոբի բանաստեղծական և նկարչական ժառանգությանը, վկայաբերում նրա հեղինակած 19 բանաստեղծությունների ցանկը, խոսում եղբայրների նկարչական գործերից: Մեջբերելով Ալիշանի՝ Շոռոթի Ս. Գրիգոր Լուսավորիչ եկեղեցու ներսում դեռևս նշմարելի որմնանկարների մասին տեղեկությունը՝ Ալիսյանը «վայրկեան մ' իսկ չի տարակուսիր, թե անոնք արդիւնք են Յովնաթանի եւ իւր որդւոց ճարտար վրձիններուն»⁶⁶:

Այնուհետ ներկայացնում է Ղուկաս Կարնեցու «Գավազանագիրքն» ու համառոտ անդրադառնում Յովնաթան Յովնաթանյանին՝ ներկայացնելով նրան կա՛մ Հակոբի, կա՛մ Հարությունի որդի: Վկայաբերում է նաև Յովնաթանին ուղղված Ղուկաս Կարնեցու նամակը՝ գրված 1784 թ. սեպտեմբերին⁶⁷: Ի տարբերություն Չոպանյանի՝ Ալիսյանը Նաղաշին չի առանձնացնում Էջմիածնի Մայր տաճարի նկարազարդումներից, նույնպես և Հակոբին ու Հարությունին: Նա նախ հիշատակում է Մայր Աթոռում՝ XVII-XVIII դդ. գահակալած շինարար հայրապետների ուշագրավ գործերը.

ա. Սովսես Գ Տաթևացու վերանորոգումներ (1629-1633 թթ.),

բ. Փիլիպոս Ա Աղբակեցի (1633-1655 թթ.) և Հակոբ Ջուղայեցի (1655-1680 թթ.) - արևմտյան զանգակատան կառուցում,

գ. Եղիազար Ա Այնթապցի (1681-1691 թթ.) - կանգնեցրեց Իջման ս. Սեդակի ամպիոնականին, կառուցեց երեք փոքր զանգակատները, հիմնեց Ս. Հովհաննես Մկրտչի և Ս. Ստեփանոս Նախավկայի խորանները հարավային և հյուսիսային խորաններում,

դ. Նահապետ Ա Եղեսպցի (1691-1705 թթ.) - առանձնապես կարևոր շինարարական գործեր չեն հիշատակվում,

ե. Աղեքսանդր Ա Ջուղայեցի (1706-1714 թթ.) - կառուցել է Մայրավանքի ձմեռային սեղանատունը:

Նշված կաթողիկոսների օրոք նկարազարդման աշխատանքներ չեն հիշատակվում: Վաղագույն տեղեկություններն Աստվածատուր Համադանցի կաթողիկոսի գահակալման ժամանակաշրջանից են (1715-1725 թթ.): Ալիսյանը մեջբերում է Ղուկաս Կարնեցու «Գավազանագրքի» մի հատվածը, որտեղ նշվում է Համադանցու ձեռնարկած նկարազարդումների մասին, որոնք, սակայն, Կարնեցու օրոք մաշվել ու քայքայվել էին:

⁶⁶ **Հ. Ներսես Ալիսեան**, նշվ. աշխ., էջ 91, ծնթ. 1:

⁶⁷ Այն առաջին անգամ հրապարակել է Հովհաննես Թումանյանը «Հորիզոն» օրաթերթի 1911 թ. 30 ապրիլի թ. 90 համարում (էջ 2, ծնթ.*):

Մեջբերում է նաև Համադանցու օրոք կազմված սևաներկ արձանագրությունը⁶⁸: Ցավ է հայտնում, որ պարզ չէ Համադանցու օրոք եղած նկարների թիվը, այլ հստակ է միայն 1778 թ. դրությամբ եղած նկարների ցուցակը՝ 88 միավոր (ըստ Սիմեոն Երևանցու «Դավթարի»)⁶⁹: Ենթադրում է, որ այդ 88-ից առնվազն 50-ը Համադանցու օրոք է ստեղծվել: Այդտեղ էլ հարց է տալիս. «Ի՞նչ արուեստաւորներ գործածեց Աստուածատուր իւր ծրագրին յաջողութեան համար»⁷⁰:

Ըստ Ակինյանի՝ «...առանց տարակուսի զինքը (Նաղաշին – Ա. Յ.) հրաւիրած ըլլալու է Աստուածատուր»⁷¹ և իբրև հիմնավորում՝ վկայաբերում է Յ. Ղուկաս Ինճիճյանի հիշատակությունը՝ վերջում ասելով, որ «Ինճիճեան Հոր խօսքերը մեկնութեան պէտք չունին կարծեմ»⁷²: Այնուհետև դառնում է Շահխաթունյանցի խնդրահարույց նախադասությանը՝ «հոր Յովնաթանու»-ն վերագրելով Նաղաշին («այստեղ հոր բառն կ'ակնարկէ բացարձակապէս բանաստեղծ Յովնաթանը»⁷³): Տարակուսում է, սակայն, Շահխաթունյանցի՝ Յովնաթանի մասին մյուս հիշատակմամբ, սակայն անկասկած է համարում Համադանցու օրոք Նաղաշի՝ Էջմիածնում աշխատած լինելը: Այնուհետև գալիս է Կարնեցու գահակալման շրջան, երբ կտավների թիվը հասնում է 120-ի (ըստ «Գավազանագրքի»), որոնց մի մասն էլ նորոգված հին նկարներ էին, որոնք ևս համարում է Նաղաշինը⁷⁴:

Ս. Էջմիածնի Մայր տաճարի նկարների դեպքում Ակինյանը տարբերակում է երեք խումբ. պարսկական-արևելյան, իտալական, խառը (իտալական և արևելյան)⁷⁵: Թե նշվածներից ո՞ր խմբի մեջ կարող էին լինել Նաղաշի նկարները, հեղինակը դժվարանում է ասել, սակայն հակված է դրանք տեսնել «իտալականի» և մասամբ՝ «խառը» խմբի մեջ:

⁶⁸ **Հ. Ներսէս Ակինեան**, Յովնաթան Նաղաշ եւ Նաղաշ Յովնաթանեանք եւ իրենց բանաստեղծական եւ նկարչական աշխատութիւնք, էջ 100-101: Արձանագրության վերջին հրատարակությունը տե՛ս **Ա. Հարությունյան**, Վաղարշապատ. վանքերը և վիմական արձանագրությունները, Ս. Էջմիածին, 2016, էջ 64, արձ. 34 – Ա. Յ.:

⁶⁹ Ակինյանի հավաստմամբ՝ Սիմեոն կաթողիկոսի հրամանով կազմված այս ցուցակն առաջինը հրապարակեց Գարեգին Հովսեփյանը «Անահիտ» հանդեսում (նույն տեղում, էջ 101):

⁷⁰ Նույն տեղում, էջ 101:

⁷¹ Նույն տեղում, էջ 102:

⁷² Նույն տեղում, էջ 103:

⁷³ Նույն տեղում:

⁷⁴ Նույն տեղում, էջ 104:

⁷⁵ Նույն տեղում, էջ 107:

Շատ հավանական է համարում իտալական արվեստի՝ Նադաշին ծանոթ լինելը, քանզի շոռոթեցի և ագուլեցի վաճառականները նշված ժամանակաշրջանում հաճախակի էին գնում եվրոպական քաղաքներ, նրանց հետ հավանաբար ճանապարհորդել է նաև Նադաշը⁷⁶:

Մեջբերելով Յովհաննես Թումանյանի հիշատակությունը, թե Յովնաթան Յովնաթանյանը Պարսկաստան ուղևորվելիս կանգ է առել Ներքին Ագուլիսում և նկարագարողել եկեղեցին⁷⁷, Ալինյանը նշում է, որ այդ տեղեկությունը կարող է վերաբերել Նադաշ Յովնաթանին, քանզի շատերն էին շփոթում նրանց երկուսին⁷⁸: Նաև ցանկություն է հայտնում, որ Թիֆլիսի Յայկական ազգագրական ընկերությունն ուսումնասիրի Թիֆլիսում Յովնաթանյանների թողած նկարչական պատառիկները՝ հարստացնելով այդ գերդաստանի՝ անհայտ մնացած արվեստի էջերը⁷⁹:

Յովնաթանյաններին նվիրված արժեքավոր ուսումնասիրություններից է Գարեգին Լևոնյանի «Յովնաթանյան Նադաշները հայ նկարչության պատմության մեջ» խորագրով հոդվածաշարը՝ բաղկացած 3 մասից.

ա. *Նախընթացը* («Խորհրդային արվեստ», 1938, թ. 1, էջ 50-55),

բ. *Նադաշ Յովնաթան* («Խորհրդային արվեստ», 1938, թ. 2, էջ 24-29),

գ. *Նադաշ Յովնաթանի դպրոցը* («Խորհրդային արվեստ», 1938, թ. 4, էջ 51-55):

Առաջին մասում հեղինակը քննում է նախահովնաթանյան շրջանի նկարիչներին ու նրանց ստեղծագործությունները, մասնավորապես՝ Գրիգոր Աղթամարցու, Չաքարիա Խժժեցու (Գնունյան), Յովասափ Սեբաստացու, Յակոբ Ջուղայեցու, Մինասի, Յովհաննես Մրջուզի, Բոգդան Սալթանովի գործերը՝ փորձելով տեսնել նրանց կապը պարսկահայ կերպարվեստի և Նադաշ Յովնաթանի ստեղծագործությունների միջև: Այդուհանդերձ, Գ. Լևոնյանը չի շտապում հստակ եզրակացություններ անել, քանզի իր աչքով չի տեսել ոչ Մինասի, և ոչ Յովհաննես Մրջուզի գործերը:

Երկրորդ մասում ներկայացնելով Նադաշ Յովնաթանին՝ նրան համարում է անցման շրջանի բանաստեղծ, երբ ավարտվում էր տաղերգուների դարաշրջանը և սկսվում էր աշուղներինը, մյուս կողմից անցման

⁷⁶ Զ. Ներսես Ալինեան, նշվ. աշխ., էջ 111-112:

⁷⁷ Յովհ. Թումանյան, Երկերի լիակատար ժողովածու, հ. վեցերորդ, էջ 313, ծնթ.*:

⁷⁸ Զ. Ներսես Ալինեան, Յովնաթան Նադաշ եւ Նադաշ Յովնաթանեանք եւ իրենց բանաստեղծական եւ նկարչական աշխատութիւնք, էջ 113, ծնթ. 1:

⁷⁹ Նույն տեղում, էջ 113-114:

շրջանի նկարիչ Նաև այն առումով, երբ ավարտվում էր միջնադարյան մանրանկարչությունը և սկսվում էր աշխարհիկ հաստոցային նկարչությունը: Այս տեսանկյունից Հովնաթանը մի կողմից հանդիսանում է միաժամանակ վերջին տաղերգուներից և առաջին աշուղներից մեկը, մյուս կողմից՝ արևելահայ պատմական կերպարվեստի վերջին մոհիկանը և Նոր, ժանրային և պորտրետային նկարչության հիմնադիրը:

Այնուհետև Գ. Լևոնյանը համառոտ խոսում է Նաղաշի սիրո, խրատական, երգիծական բանաստեղծությունների և լեզվի մասին, համեմատում Սայաթ-Նովայի հետ, խոսում է նաև վերջինիս վրա ունեցած Նաղաշի ազդեցության մասին:

Աշխատության վերջում հեղինակը վկայաբերում է Նաղաշի բանաստեղծությունների ձեռագրերը (Վիեն. 537, 1748 թ., Վիեն. 647, XVIII դ. վերջ, ՄՄ 4426, 1765 թ.): Վերջինը, ինչպես նշել ենք, ընդօրինակվել է Մարգարի որդի տիրացու Հայրապետի կողմից, ունի մանրանկարներ, որոնց հեղինակը հայտնի չէ, սակայն ըստ Գ. Լևոնյանի՝ դրանք ընդօրինակվել են Նաղաշի մանրանկարներից: Գ. Լևոնյանի կարծիքով, այդ բնօրինակն է գտնվել Շոռոթում, որը հետագայում Նաղաշի թոռները տեղափոխել են Թիֆլիս⁸⁰:

Երրորդ մասում (Նաղաշ Հովնաթանի դպրոցը) Գ. Լևոնյանը ներկայացնում է Նաղաշի որդիներին, թոռանը և Ս. Էջմիածնի Մայր տաճարի նկարազարդումը:

Չափազանց հետաքրքիր ու մնայուն գործ է Գարեգին Հովսեփյանի «Էջմիածնի տաճարի նկարազարդումն ու ծաղկազարդումը ԺԵ-ԺԸ դարերում» հոդվածը⁸¹, կազմված առաջաբանից և 9 գլուխներից: Առաջաբանում հեղինակը ներկայացնում է Մայր տաճարի նորոգությունները՝ սկսած Գևորգ Դ-ից մինչև Գևորգ Զ:

Ուսումնասիրության առաջին գլխում ներկայացվում է Խրիմյանի «վանդալիզմն» ու այն աղբյուրները, որոնցից օգտվել է հեղինակը հոդ-

⁸⁰ Գ. Լևոնյան, Հովնաթանյան Նաղաշները հայ նկարչության պատմության մեջ, «Խորհրդային արվեստ», 1938, թ. 2, էջ 28:

⁸¹ Գարեգին Ա. Կաթողիկոս, Էջմիածնի տաճարի նկարազարդումն ու ծաղկազարդումը ԺԵ-ԺԸ դարերում, «Հասկ» հայագիտական տարեգիրք, Բ, Անթիլիաս, 1949/1950, էջ 310-346: Նույն հոդվածը (առաջաբանով) արտատպվել է հեղինակի «Նիւթեր եւ ուսումնասիրութիւններ հայ արուեստի եւ մշակոյթի պատմութեան» ժողովածուի Ե պրակում, Անթիլիաս, 1951, էջ 3-43: Վերջին հրատարակությունը տե՛ս Երկհատորյակում՝ «Նյութեր և ուսումնասիրություններ հայ արվեստի պատմության», Կ. Բ, Երևան, 1987, էջ 272-312:

վածը շարադրելիս (Սիմեոն Երևանցու «Ջամբռ»-ը, 1765 թ., «Դավթարը», 1768 թ., Դուկաս Կարնեցու «Գավազանագիրքը», 1780-ական թթ., Շահխաթունյանցի տեղագրական աշխատությունը): Երկրորդ գլխում ներկայացվում է Ստեփանոս Լեհացու գործունեությունը, այնուհետ՝ XVII դարի հայ կերպարվեստի ազդեցությունները, մասնավորապես՝ եվրոպական կերպարվեստից, Աստվածատուր Յամադանցի, Կարապետ Ուլնեցի, Աբրահամ Մշեցի կաթողիկոսների օրոք Մայր տաճարում իրականացված բարենորոգչական աշխատանքները, տաճարի Ս. Ստեփանոս Նախավկա և Ս. Հովհաննես Մկրտիչ խորանների, Նաև արևմտյան խորանի և հարավային դռան կտավները, Ղազար Ջահկեցու կառուցած Վեհարանի ծաղկյա դահլիճի և կաթողիկոսական աշխատասենյակի նկարազարդումները, Դուկաս Կարնեցու ձեռնարկած նկարազարդումները:

ՀԱՎՈՐ ԵՎ ՀԱՐՈՒԹՅՈՒՆ ՀՈՎՆԱԹԱՆՅԱՆՆԵՐ

Վերն արդեն նշվեց, որ Նաղաշ Հովնաթանը երկու որդի է ունեցել՝ Հակոբն ու Հարությունը: Հակոբն առաջինը հիշատակվում է Նաղաշ Հովնաթանի «Վարք Շոռոթոյ տիրացու տիմար տղայոց վերի դասին» բանաստեղծության մեջ, որպես աշակերտ.

Մեր Յակոբ չկարաց տեղի դադարի,

Հի թողիլ մնայ քար վերայ քարի:

Հակոբի կենսագրության համար, ինչպես և հոր դեպքում, որոշակի աղբյուր են ծառայում իր ծաղկած ձեռագրերն ու շուրջ երկու տասնյակ բանաստեղծությունները, որոնցից ամենահայտնին հոր մահվանը նվիրված հայտնի ողբերգն է: Նրա բանաստեղծություններում ևս երևում է իր մասնագիտությունը.

Մեկ օր ինձ մօտ արի, պատկերիդ նման քաշեմ...

Նման ես ծաղկին սմբուլ ռեհանին,

Խեղճ տարար Յակոբ պատկերահանին...

Նաղաշ Յակոբին դարդերն իմացիր... և այլն:

Ողբերգում առաջին անգամ հիշատակվում է Նաև Հակոբի փոքր եղբայրը՝ Հարությունը.

Կարօտ մնացաք շնորհացդ և բանիդ

Ես և Յարութին փոքրիկ պատանիդ,

Մենք միշտ լալով գամք վերայ տապանիդ,

Ասեմք. ո՞ւր ես, հայր, վարպետ Յովնաթան:

Հակոբի և Հարությունի համատեղ ծաղկած ձեռագրերից մեզ են հասել երկուսը. Ավետարան, 1720 թ. (ՄՄ 8645) և Հայսմավուրք, 1729-1730 թթ. (ՄՄ 1533): 1731 թ. Հարությունը միայնակ մի ձեռագիր է նկարագարողել Էջմիածնում: Միայնակ գրչագրել է նաև Կ. Պոլսում՝ 1737 թ. լույս տեսած Ղազար Ջահկեցու Երգարանը: Երկուսի մասին էլ առաջին անգամ խոսել է Գարեգին Լևոնյանը:

ՀՈՎԱԹԱՆ ՀՈՎԱԹԱՆՅԱՆ

Հովնաթան Հովնաթանյանը (1730-1801 թթ.), Հակոբ Հովնաթանյանի որդին էր, որին աներկբա կարելի է համարել նոր շրջանի հայ մեծագույն նկարիչներից մեկը:

Հովնաթանյանի անունը «Ջամբռ»-ում չի հիշատակվում, փոխարենը վկայված է Ղուկաս Կարնեցու՝ Հովնաթանին ուղղված նամակում և «Գավազանագրքում»: «Առ Յովնաթան Շնորհալի Պատկերահան, որ ի Թիֆլիս...» նամակ-կոնդակը՝ գրված 1784 թ. սեպտեմբերին, ինչպես վերը նշեցինք, առաջին անգամ հրապարակել է Հովհաննես Թումանյանը, որին էլ տրամադրել էր Գյուտ ավ. քին. Աղանյանցը⁸²:

«Գավազանագրքում» կարդում ենք. «Եւ ապա ամենայն գովութեանց արժանի և յոյժ անուանի Շոռոթեցի գեղեցկանկար և քաջավարժ Յովնաթանեան Յովնաթան շնորհալի պատկերահան և ծաղկարար վարպետն, որ ի Թիֆլիզ բնակէր, ի մեծագոր արքայէն Վրաց խնդրեալ՝ բերել ետ ի սուրբ Աթոռս աշակերտօքն հանդերձ, զորս հայրական սիրով և պատուով մեծավ ընկալեալ, և զռոճիկս առատս լիաձեռնութեամբ շնորհեալ, և զպատշաճավոր յարկս զարդարեալս ի բնակութիւն նոցա տուեալ՝ հրամայեաց զգանազան և զխորհրդաւոր օրինակս պեսպեսս և գեղեցկատեսիլս ծաղկանց նախանկարել ի տեսութիւն և ի հավանումն ինքեան, առ ի ծաղկագարդել զբոլոր Աստուածակառոյց և երկնամասն տաճարն հրաշալի»⁸³:

«Գավազանագրքի» հաղորդած տեղեկություններից պարզվում է, որ Ղուկաս Կարնեցու գահակալման օրոք՝ 1780-ական թթ., վրաց Հերակլ Բ արքայի արքունիքում էր աշխատում ծագումով շոռոթեցի

⁸² «Հորիզոն» օրաթերթ, 1911 թ. 30 ապրիլի, Հմ 90, էջ 2, ծնթ.*:

⁸³ Մայր Աթոռի Դիանից. Յաղագս ծաղկեցուցմանց եւ հիւսիսաշ շքեղագարդութեանց եւ նկարակերտութեանց եւ գանազան պատկերագրութեանց Զրիստոսահիմն Մեծի տաճարին Սրբոյ Էջմիածնի ի նոյնոյ Վեհապետէն, «Արարատ», 1901, Ե-2, էջ 329:

Նկարիչ Յովնաթան Յովնաթանյանը, որն այդ ժամանակ արդեն բավական հայտնի էր, ուներ աշակերտներ, և որին կաթողիկոսը հրավիրում է Մայր տաճարը նկարազարդելու (նամակի բովանդակությունը պարզում է, որ Յովնաթանյանը նախկինում էլ է աշխատել Էջմիածնում և գործը կիսատ է թողել, իսկ Թիֆլիսում ունի «բարեբողբոջ որդիք»): Էջմիածնում նրան տրամադրվում է աշխատանքի և կեցության համար բոլոր անհրաժեշտ պայմանները, այդ թվում՝ բարձր աշխատավարձ: Թմբուկի սևաներկ արձանագրության համաձայն՝ աշխատանքներն ավարտվել են 1786-ին⁸⁴:

XIX դարի տեղագրական-նկարագրական աշխատություններից հիշատակելի է նաև Հ. Ղուկաս Ինճիճյանի ուսումնասիրությունը, որտեղ հեղինակը կարծես թե շփոթում է Նաղաշին և Յովնաթան Յովնաթանյանին. «Պատկերք ամենայն խորանացու են գործ նկարչին, որ մակա-նուանեալ կոչի Նաղաշ Յովնաթան յազգես հայոց, ճարտար նկարիչ, և յաջող բանաստեղծ 'ի ռամկաց լեզու 'ի ժամանակս Դահմաս գուլի խանին»⁸⁵:

Ժամանակագրորեն հաջորդ հիշատակությունը Ս. Էջմիածնի միաբան Յովհաննես եպս. Շահխաթունյանցինն է, ըստ որի՝ «Նորոգել ետ ըստ բոլորին եւ զմէջ սրբոյ տաճարիս զորմունս եւ զառաստաղն բազմատեսակ գեղեցիկ նկարուք եւ խորհրդաւոր պատկերօք՝ ի ձեռն հանճարաւոր արիեստագետ նկարչին Յովնաթանու, որոյ յիշատակարան արձանագրութեանն ղին ի շրջապատ հիման մեծի կաթողիկէին ի ներքոյ արձանագրութեանն Համատանցի Աստուածատուր կաթողիկոսի...»⁸⁶:

Այնուհետ վերոնշյալ խնդրահարույց հատվածն է. «Գտանին յայսմ փառացի տաճարիս քաջարուեստ պատկերք տերունականք եւ ակա-նաւոր սրբոց... Յամենեսին ի սոսա քաջապէս փայլին շնորհք ձեռաց մեծանուն վարդապետին Ստեփաննոսի Լեհացոյ եւ քաջ նկարչին հօր Յովնաթանու»⁸⁷:

⁸⁴ **Ա. Հարությունյան**, Վաղարշապատ. վանքերը և վիմական արձանագրությունները, էջ 76, արձ. 56 – Ա. Հ.:

⁸⁵ **Հ. Ղուկաս Ինճիճեան**, Աշխարհագրութիւն չորից մասանց աշխարհի, մասն Ա, ՎԷՆԵՏԻԿ, 1806, էջ 262:

⁸⁶ **Յովհաննէս եպս. Շահխաթունեանց**, Ստորագրութիւն, էջ 29-30:

⁸⁷ Նույն տեղում, էջ 35-36:

XX դարի աղբյուրներում առաջին հիշատակումը Սուքիաս Էփրիկյանի կոթողային «Պատկերազարդ բնաշխարհիկ բառարան» աշխատության «Էջմիածին» հոդվածում է՝ ակնհայտորեն հիմնված Շահխաթունյանցի տողերի վրա, որի մասին արդեն գրել ենք. «Տաճարի բոլոր ներքին որմերը և առաստաղը ներկուած են Ղուկաս կաթողիկոսի ժամանակ, 1686ին (պետք է լինի 1786ին – Ա. Ա.), Յովնաթան ճարտարին ձեռքով. նկարներն են սրբոց պատկերներ, զանազան արաբական զարդեր, ծաղիկներ, թռչուններ ևն: Կան նաեւ կտաւի վրայ նկարուած բաւական թուով սրբոց պատկերներ, շատերը Ստեփանոս Լեւոնյան և նաղաշ Յովնաթանէն նկարուած. հատ մ'ալ դրկած է Զեր Փորթըր Անգլիացի ուղեւորը, որ հիւրասիրուած էր Եփրեմ կաթողիկոսէն, և կը ներկայացնէ Յիսուս մանուկները օրհնելով»⁸⁸:

Նույն տողերը գրեթէ նույնությամբ (ներառյալ Կարնեցու սևաներկ արծանագրությունը) կրկնված են մեկ տարի անց՝ 1903 թ. Մայր տաճարի հիմնադրման 1600-ամյակին լույս տեսած «Էջմիածին. պատկերազարդ նկարագրութիւն» գրքում⁸⁹:

Դառնալով Սահակ վրդ. Աստվածատրյանի վերոհիշյալ «Պատկերացոյց»-ին՝ հարկ է արծանագրել, որ հեղինակը, ինչպէս իր նախորդը, Հովհաննէս Եպս. Շահխաթունյանցի հիշատակած «հօր Յովնաթանու»-ն վերագրում է Հովնաթան Հովնաթանյանին և ներկայացնում Մայր տաճարի մի քանի կտավների և որմնանկարների լուսանկարները՝ համառոտ բնութագրականներով.

«Ս. Լուսաւորչի Խոր Վիրապը մտնելն ու այնտեղից ելնելը. 3^{րդ} 13.

Իւղաներկ նկարս Ստեփաննոս և Յովնաթան նկարիչների գործերիցն է, որոնց մասին ևս յիշած է Շահխաթունյանցը իւր գործին մէջ, Ղուկաս կաթողիկոսի ժամանակ նկարուած են:

Տրդատ, Աշխէն եւ Խոսրովիդուխտ. 3^{րդ} 16.

Նկարս առնուած է Մայր տաճարի կրածեփ որմից փրթած մի բեկորի վերայից, որ այժմ գտնուում է Հայրիկեան թանգարանում: Կը թուի՝ թէ ի վեր անդ յիշուած Ստեփաննոս և Յովնաթան նկարիչներից առաջ արդէն նկարուած էր:

⁸⁸ **Հ. Սուքիաս Էփրիկեան**, Պատկերազարդ բնաշխարհիկ բառարան, հ. Ա, էջ 787:

⁸⁹ Նույնի՝ Ս. Էջմիածին. 303-1903. պատկերազարդ նկարագրութիւն, էջ 28-29:

Տրդատը մկրտում է Ս. Գրիգոր Լուսավորչից. Զմր 19.

Իղաներկ նկարս ի վեր անդ յիշուած Ստեփաննոս և Յովնաթան նկարիչների գործերիցն է:

Ս. Զոփսիմէ կոյս. Զմր 23.

Նոյն Ստեփաննոս և Յովնաթան նկարիչների գործերից:

Ս. Գայիանէ կոյս. Զմր 25.

Գործ նոյն նկարիչների:

Ս. Յակոբ Մծբնայ հայրապետ. Զմր 27.

Գործ նոյն նկարիչների:

Ս. Գրիգոր Լուսավորչի ճգնութիւնը Սեպուհ լեռան վերայ. Զմր 30.

Գործ նոյն վերոյիշեալ նկարիչների:

Ս. Լուսավորչի մահից յետոյ՝ հովիւները նրան ճգնարանից դուրս բերելը. Զմր 31.

Այս պատկերի ստորին ծայրը կայ հետևեալ արձանագրութիւնը: Սրբասնեալ մարմին հովուին հսկողի ի հովուաց բարձեալ ամփոփիլ տանի: Սոյն նկարն ևս նոյն նկարիչների գործն է:

Ս. Արիստակէս հայրապետ. Զմր 33.

Գործ նոյն նկարիչների:

Ս. Սահակ Պարթեւ հայրապետ. Զմր 34.

Գործ նոյն նկարիչների:

Մովսէս Խորենացի, հայր Զայոց պատմագիրների. Զմր 36.

Ս. Օհան Օձնեցի հայրապետ. Զմր 38.

Վերոյիշեալ նկարիչների գործերից:

Ս. Գրիգոր Նարեկացի. Զմր 39.

Գործ նոյն նկարիչների:

Ս. Ներսէս Շնորհալի հայրապետ. Զմր 40.

Գործ յիշեալ նկարիչների»⁹⁰:

Այնուհետև Արշակ Զոպանյանի՝ 1910 թ. Փարիզում լույս տեսած «Նաղաշ Յովնաթան աշուղը և Յովնաթան Յովնաթանեան նկարիչը» գիրքն է, որի մասին վերև արդեն խոսել ենք: Այստեղ նշենք, որ Զոպանյանն առաջինն էր, որը Զովնաթանին համարում է Զակոբի որդի, և ոչ Զարությունի. «Էջմիածնայ տաճարը փառազարդող Յովնաթանը, որ կը

⁹⁰ *Սահակ վրդ. Աստուածատրեան*, Պատկերացոյց հաւաքածոյ մասնաւոր հնութեանց Մայր Աթոռոյ Ս. Էջմիածնի եւ շրջակայից, Էջ 10-15:

կոչուի Յովնաթանեան՝ իր նշանաւոր մեծ հօր անունով, թոռն է նկարիչ-տաղերգու Յովնաթանին, որդին Յակոբի՝ որ աշուղ է և նաղաշ»⁹¹:

Չոպանյանի աշխատության Բ գլուխը՝ «Յովնաթան Յովնաթանեան նկարիչը», սկսվում է Շահխաթունյանցի աշխատության և Կարնեցու «Գավազանագրքի»՝ Մայր տաճարի նկարազարդմանը նվիրված հատվածների մեջբերմամբ: Այնուհետև, հաշվի առնելով, որ մինչև Էջմիածին տեղափոխվելը Յովնաթանյանը պետք է որ բավական գործեր արած լիներ, հարց է տալիս, թե վրաց արքունիքում Յովնաթանյանի գործերից արդյոք չէ՞ն մնացել: Բացի դրանից՝ քանի որ Յովնաթանյանը եկել է աշակերտների հետ, բնականաբար ոչ բոլոր նկարազարդումներն է նա արել (առհասարակ, հնարավոր չէր մեկ մարդու կողմից նման մեծածավալ գործն անելը), ուստի ո՞ր մասն է արվել նրա ձեռքով և ո՞րը՝ աշակերտների⁹²:

Այնուհետև Ա. Չոպանյանն անդրադառնում է Խրիմյանի իրականացրած «վանդալիզմին»: Վկայաբերում է բավական հետաքրքիր մանրամասներ, մասնավորապես՝ թաքստոցում պահված բեկորները ոչնչացնելու դրվագը, ինչից, թերևս, կարելի է եզրակացնել, որ «վանդալիզմի» նպատակը ոչ թե նոր նկարազարդումն էր, այլ հովնաթանյանական հետքից տաճարն ազատելը: Հայտնի է դառնում, որ կորստից փրկվել են միայն գմբեթի և վերնամասի մի քանի նկարազարդ հատվածներ, այն էլ Պետերբուրգի Հնագիտական ընկերության միջամտությունից հետո, բեկորների տեսքով՝ երեք զարդատարրերի հատվածներ, Ս. Մինասի պատկերն ու «Տրդատ, Աշխեն և Խոսրովիդուխտ» խմբանկարը, որոնք գտնվում են թանգարանում: Ասում են, որ Խրիմյանը ցանկացել է Իջման ս. Սեդանն էլ քանդել, այդտեղ էլ Միաբանությունն է ընդդիմացել և այլն⁹³: 120 կտավներից մնացել են 20-30-ը. մնացածները Խրիմյանը կամ ջնջել է տվել, կամ ուղարկել հեռավոր գյուղեր⁹⁴:

Արշակ Չոպանյանը հրապարակել է փրկված պատկերների ցանկը.

1. *գմբեթի և որմերի մի մասի նկարազարդումներ և մի քանի դիմանկարներ թանգարանում,*
2. *Իջման ս. Սեդանի ներքին և արտաքին զարդանկարները,*
3. *մուտքի դռան «առաստաղի» խորհրդավոր պատկերները,*

⁹¹ Ա. Չոպանեան, նշվ. աշխ., էջ 9:

⁹² Նույն տեղում, էջ 25:

⁹³ Նույն տեղում, էջ 27, ծնթ. 1:

⁹⁴ Նույն տեղում, էջ 26-27:

4. բեմառեջքի Աստվածածնի և սրբերի շարքը,

5. խաչվառներ,

6. յուղաներկ նկարներ («Տասներկու առաքյալներ», «Թադեոս առաքյալ», «Բարդուղիմեոս առաքյալ», «Ս. Զոփիսիմե», «Տիրամայրը Մանկան հետ», «Տիրամայրը Մանկան հետ և երկու սուրբ», «Գաբրիել հրեշտակապետ», «Միքայել հրեշտակապետ», «Ավետաբեր Գաբրիել հրեշտակապետ», «Ավետընկալ Մարիամ», «Ավետում» (կամ՝ «Մարիամը Եղիսաբեթի մոտ»), «Մկրտություն», «Տեառնըդառաջ» կամ «Մոգերի երկրպագությունը», «Խորհրդավոր ընթրիք», «Ուտնվա», «Հարություն», «Տիրամոր նինջը»)⁹⁵:

Չոպանյանը միաժամանակ նշում է, որ, հաշվի առնելով նշված գործերի ոճական, գծագրական և վրձնի տարբերությունները, դժվար թե բոլորը Հովնաթանյանի կամ նրանց դպրոցի ստեղծածը լինեն: Ըստ նրա՝ նշվածներից անկասկած Հովնաթանյանին են որմնանկարները՝ դիմանկարներով հանդերձ, իսկ կտավներից միայն նրանք կարելի է համարել Հովնաթանյանինը, որոնք հարում են այդ որմնանկարներին⁹⁶:

Հովնաթանյանի ստեղծագործություններում առկա է ինչպես պարսկական, այնպես էլ իտալական արվեստի ազդեցությունը: Եվ դա բնական է: Պետք է հաշվի առնել, որ տաղանդը միշտ էլ կերպարանափոխում ու անհատականացնում է ցանկացած օտար ազդեցություն: Որմնագործների դեպքում առկա է պարսկական ազդեցությունը, սակայն, ըստ Չոպանյանի՝ դրանք «տաղանդաւոր մը հայու ստեղծագործութիւն է՝ պարսիկ տարագի մէջ»⁹⁷: Իսկ դիմանկարները, մասնավորապես «Տրդատ, Աշխեն և Խոսրովիդուխտ», «Ս. Մինաս» պատկերները, որևէ պարսկական ազդեցություն չունեն: Դրանք մի կողմից եվրոպական արվեստի ազդեցության, մյուս կողմից հայկական մանրանկարչությունից ներշնչված լինելու մասին են վկայում: Նույն շարքին պետք է դասել նաև բեմառեջքի կերպարների շարքը (մատնանշում է հատկապես Ս. Ստեփանոսին և Ս. Փիլիպոսին, որոնք «զմայլելի» են), Իջման ս. Սեղանի նկարները, Թադեոս և Բարդուղիմեոս առաքյալները, Տիրամայրը Մանկան հետ (կողքը սրբերով), Ս. Զոփիսիմե, «Խորհրդավոր ընթրիք», «Ուտնվա», «Հարություն», «Տիրամոր նինջը» կտավները, ինչպես նաև ճաճանչավոր շրջանակով Աստվածածնի պատկերը, որոնք, չնայած եվրոպական արվեստի

⁹⁵ Ա. Չոպանեան, նշվ. աշխ., էջ 27:

⁹⁶ Նույն տեղում, էջ 28:

⁹⁷ Նույն տեղում:

ազդեցությանը, այդուհանդերձ արևելյան-հայկական են: Մյուսներն ավելի կանոնավոր են, և, անկասկած, այլ նկարիչների ձեռքի գործ, օրինակ՝ Ավետաբեր Գաբրիելն ու Ավետընկալ Մարիամը, երկու հրեշտակապետերը, «Մկրտությունը» («իտալական գործի մը ընդօրինակությունը կը թուի»), առաքելոց զուխները, Նույնպես և «Մոգերի երկրպագությունը», «Ավետումն» ու որոշ խաչվառների վրա գտնվող նկարները: Դժվար թե այս երկու խմբի նկարները Նույն հեղինակինը լինեն: Չոպանյանը հավանական չի համարում նաև այս երկրորդ խմբի նկարների՝ աշակերտների (միգուցե Եվրոպայում ուսանած) գործ համարելը, որոնց դերը հավանաբար զարդանկարների հարցում ուսուցչին օգնելն էր⁹⁸:

Չոպանյանի աշխատությանը, ինչպես վերը նշեցինք, հետևում է Հովհաննես Թումանյանի գրախոսականը «Հորիզոն» օրաթերթում. «Նկարիչ Հովնաթանը վրաց Հերակլ II թագավորի պալատական նկարիչն է եղած Էն Ժամանակ, երբ Նույն թագավորի պալատական երգիչն էր մեր հոյակապ Սայաթ-Նովան: Եվ վրաց թագավորիցն է, որ Ղուկաս կաթողիկոսը խնդրում է՝ թույլ տալ Հովնաթանին գնալու Էջմիածինը շքեղազարդելու իր նկարներով: Նկարիչ Հովնաթանի և իր աշակերտների նկարները Էջմիածնում 120-ից ավելի են եղած, իսկ այժմ հազիվ 20-30 հատ են մնացել, ինչպես գրքի հառաջաբանում գանգատվում է Չոպանյանը»⁹⁹: Այնուհետ ծանոթագրում է այն, ինչն Ակինյանը հիշատակել էր. «Պատմում են, որ նկարիչ Հովնաթանն անցել է և Պարսկաստան՝ շահի պալատը նկարազարդելու, և ճանապարհին ներքին Ագուլիսի եկեղեցու պատի վրա նկար է թողել հիշատակ: Ասում են Թիֆլիսում էլ կան նրա նկարներից»¹⁰⁰:

⁹⁸ **Ա. Չոպանյան**, նշվ. աշխ., էջ 29: Ա. Չոպանյանի աշխատության մեջ գետեղվել են նաև մի քանի արժեքավոր լուսանկարներ՝ արված հենց հեղինակի կողմից: Դրանցից են. 1. Որմնազարդ (գմբեթի կենտրոնում), 2. Ս. Աստվածածին (Իջման Սեդանի գմբեթին՝ մարմարի վրա), 3. Տրդատ, Աշխեն և Խոսրովիդուխտ (որմնանկար, թանգարանում), 4. Ստեփաննոս (ավագ Սեդանի ճակատին՝ մարմարի վրա), 5. Առաքյալ (նկար), 6. Ավետաբեր հրեշտակը (նկար), 7. Հարություն Զրիստոսի (նկար), 8. Ս. Հռիփսիմե (նկար), 9. Ս. Ընթրիք (նկար), 10. Թագակիր Ս. Աստվածածին (նկար), 11. Ոտնվա (նկար), 12. Ավետընկալ Ս. Մարիամ (նկար), 13. Ս. Աստվածածին (ավագ Սեդանի ճակատին՝ մարմարի վրա), 14. Ս. Թադեոս առաքել (նկար), 15. Ս. Աստվածածնի նինջը (նկար), 16. Առաքյալ (նկար), 17. Հայկ Նահապետ (ըստ ոմանց՝ Ս. Մինաս, որմնանկար, թանգարանում), 18. Մկրտություն Զրիստոսի (նկար), 19. Միքայել հրեշտակապետ (նկար), 20. Ս. Աստվածածին (նկար, արծաթե ճաճանչավոր շրջանակի մեջ), 21. Ս. Պողոս առաքյալ (նկար), 22. Ս. Փիլիպպոս (ավագ Սեդանի ճակատին՝ մարմարի վրա), 23. Գաբրիել հրեշտակապետ (նկար), 24. Առաքյալ (նկար), 25. Որմնազարդեր (թանգարանում), 26. Ս. Բարդուղիմեոս առաքյալ (նկար):

⁹⁹ **Հովհ. Թումանյան**, Երկերի լիակատար ժողովածու, հ. վեցերորդ, էջ 312-313:

¹⁰⁰ Նույն տեղում, էջ 313, ծնթ. *:

Հաջորդը Մկրտիչ Պոտուրյանի համառոտ անդրադարձն է «Բազմավեպ»-ում¹⁰¹: Այնուհետ Գարեգին Լևոնյանի և Արտաշես Հարությունյանի հոդվածներն են, որոնք Հովնաթան Հովնաթանյանի մասին որևէ նոր բան չեն հայտնում:

Հովնաթան Հովնաթանյանին իր հայտնի հոդվածաշարում անդրադարձել է նաև Գարեգին Լևոնյանը¹⁰²: Հեղինակը նախ փորձում է ամբողջացնել նրա կենսագրությունը: Ենթադրում է, որ պետք է ծնված լինի 1730-ական թթ., երիտասարդ տարիներին տեղափոխված լինի Վրաստան, 1780-ական թթ. սկզբին այնտեղ արդեն ընտանիք կազմած՝ «բարեբոլբոջ որդիներով» (ըստ Կարնեցու նամակի): Ժամանակակից լինելով Սայաթ-Նովային՝ «անկասկած եղել է նրա բարեկամը», քանի որ ինքն էլ ապրել է Հերակլ II թագավորի պալատում՝ որպես պալատական նկարիչ: Թե ինչ գործեր է արել վրաց արքունիքում, հայտնի չէ, Հայաստանում կատարված աշխատանքներն էլ բացառապես վերաբերում են Էջմիածնի Մայր տաճարի նկարագրումանը:

Լևոնյանն այստեղ համառոտ անդրադառնում է Մայր տաճարի նկարագրուման պատմությանը: Ըստ նրա՝ մինչև 1715 թ. տաճարում ոչ մի պատկեր չի եղել (հիմնավորում է եվրոպացի ճանապարհորդների ուղեգրություններով):

Աստվածատուր Համադանցին (1715-1725 թթ.) «զարդարեաց զմեջն մեծի տաճարիս. զի շինեաց և զսուրբ Իջման տեղն մարմարեայ քարիվ ի վերայ չորից մարմարեայ սեանց, և ծաղկեցուց ոսկով և պեւ-պեւ երանգօք, և արար զարմանալիս տեսողաց: Նմանապես և զճակատ մեծի սեղանոյն արար մարմարիոնեայ. սպիտակացոյց բռամբ և ծաղկեաց զբոլոր տաճարս ի միջոյ կողմանէ»¹⁰³: Ժամանակակից նկարիչն է Նաղաշ Հովնաթանը:

Կարապետ Բ Ուլենեցին (1726-1730 թթ.) «ետ նկարել զպատկերս երկոտասան Առաքելոցն ի ճակատ Աւագ խորանին և ետ ծաղկել ոսկեզօծ և գեղեցիկ գունօք»¹⁰⁴: Ժամանակակից նկարիչներն են Հակոբն ու Հարությունը:

¹⁰¹ **Հ. Մկրտիչ Պոտուրյան**, Հովնաթան Նաղաշ Շոթթեցի, «Բազմավեպ», Վենետիկ, 1911, թ. 4, էջ 173-174:

¹⁰² **Գ. Լևոնյան**, Հովնաթանյան Նաղաշները հայ նկարչության պատմության մեջ, «Խորհրդային արվեստ», 1938, թ. 4, էջ 52-53:

¹⁰³ **Սիմեոն կթղ. Երեւանցի**, Ջամբռ, էջ 28:

¹⁰⁴ Նույն տեղում:

Աբրահամ Մշեցին (1731-1734 թթ.) «ի մեջ մեծի Տաճարիս զառաջնոյ դասի երկուս սեղանսն կառոյց և անուանեաց սուրբ Յակոբ և սուրբ Լուսավորիչ: Չորս և զարդարեաց ծաղկօք և մարգարեական պատկերովք: Եւ զամենայն պատկերսն՝ որք գոն ի յորմունսն և ի սիւնսն տաճարին՝ սա ետ նկարել»: Ժամանակակից նկարիչներն են Հակոբն ու Հարությունը:

Հաջորդ չորս կաթողիկոսները նկարազարդման գործեր չեն ձեռնարկում: Այս առումով աշխատանքները վերսկսվում են միայն Սիմեոն Երևանցու օրոք՝ 1778 թ.: Ըստ Լևոնյանի՝ կաթողիկոսական արխիվի մի վավերագրում (ՌՄԻՉ (1777), ապրիլի 18) գրված է, որ Սիմեոն Երևանցին 1777 թ. Վանից հրավիրում է «Ավետիս ծաղկարարին»: Վերջինս Մայր տաճարում կամարների համար վեց գազ կտավ է ծաղկել՝ յուրաքանչյուր գազի համար ստանալով մեկ դուռուշ: Ավետիսը, ըստ Երևույթին, Էջմիածնում երկար չի մնացել: Ստանալով 2,5 ոսկի «բախշիշ», 13 դուրուշ էլ ճանապարհածախս՝ նա վերադառնում է Վան:

1778 թ. Սիմեոն Երևանցին Էջմիածին է հրավիրում Հովնաթան Հովնաթանյանին, որն աշխատելով մինչև Նոյեմբերի 20-ը՝ վերադառնում է Թիֆլիս: Լևոնյանը վկայաբերում է անչափ կարևոր մի ձեռագիր հիշատակություն, ըստ որի՝ «Ծաղկարար Հովնաթան մինչ... գերկոսին սիւնսն ի ներքուստ մինչև ցվերին կամարացոտն ծաղկյաց եւ դառնայր ի Թիֆլիզ վարծ եւ բաշխիշ ետուք նմա նաղդ քսանվեց թուման. ՌՄԻԵ (1776), ի Նոյեմբեր ԻԱ (21)»¹⁰⁵:

1780 թ. Սիմեոն Երևանցին վախճանվում է, իսկ կաթողիկոսական գահը ստանձնում է Դուկաս Կարնեցին (1780-1799 թթ.), որը դարձյալ զբաղվում է տաճարի նկարազարդման գործով: 1784 թ. նամակի մասին վերն արդեն նշել ենք: Լևոնյանն այն ևս հատվածաբար հրապարակում է, սակայն, ըստ նրա՝ 1778-1784 թթ. ընթացքում Հովնաթանյանը մեկ անգամ էլ է գալիս Էջմիածին, ենթադրաբար 1782 թ., և գործը կիսատ թողնելով՝ վերադառնում Թիֆլիս¹⁰⁶:

¹⁰⁵ Գ. Լևոնյան, նշվ. աշխ., էջ 53: Եթե Լևոնյանը ճիշտ է ընդօրինակել՝ ՌՄԻԵ-ն 1776-ն է, ստացվում է՝ այդ թվականին է Հովնաթանյանը եկել Էջմիածին:

¹⁰⁶ Նույն տեղում:

Լևոնյանն այնուհետ մեջբերում է Կարնեցու «Գավազանագրքի» այն տվյալները, ըստ որի՝ նկարագարողումից հետո տաճարում 120-ից ավելի պատկերներ կային, և բոլորն էլ վերագրում է Յովնաթանյանին¹⁰⁷:

Յովնաթանյանի՝ Ս. Էջմիածնի Մայր տաճարում արված նկարների շարքում Լևոնյանն առանձնացնում է որմնանկարներ և մույթերին ու կամարներին փակցված կտավներ: Նա քննարկում է նաև այն հարցը, ըստ որի՝ Մայր տաճարի որմնանկարների շարքում կան ոճով բավականին տարբեր նկարներ. արդյո՞ք դրանք այլ վայրերից են բերվել, դիցուք՝ Եվրոպայից, թե՞ կրկնօրինակվել են եվրոպական փորագրանկարներից: Ուսումնասիրման հարցը դժվարանում է հատկապես նորոգված կտավների դեպքում¹⁰⁸:

Ինչ վերաբերում է Շահխաթունյանցի օգտագործած խնդրահարույց նախադասությանը՝ Ստեփանոս Լեհացու և Յովնաթանի հոր մասին, ապա Լևոնյանը վերջինիս ընդունում է որպես Նաղաշ Յովնաթան և Նախադասությունն էլ համարում շփոթմունք, քանզի նշված անձինք տարբեր ժամանակներում են ապրել: Ավելին, նա երկմտում է նաև գիտնական վարդապետ Ստեփանոս Լեհացու՝ նկարիչ լինելու հարցում¹⁰⁹:

Անշուշտ, Լևոնյանն անդրադառնում է նաև Խրիմյան Չայրիկի՝ այսպես կոչված «վանդալիզմին», որ իբր նա քանդել է տվել պատերի ծեփերը

¹⁰⁷ **Գ. Լևոնյան**, նշվ. աշխ., էջ 54: «Գավազանագրքում» կարդում ենք. «Այլ և ի ճակատս չորից լուսակառոյց սեանց ի ներքոյ վերնախարսիսաց բարձրադիտակաց և միջնախարսիսաց սալաթոռ կոչեցելոց իւրաքանչիւր սեանց քառանկիւնից չորից ճակատուց զոյգ զոյգ - «*ի վեր*» - և միակ միակ գիւրաշագեղ պատկերս Տէրունականս և տնօրինականս՝ գտերութից, զքերութից և զառաքելոց և զայլ սրբոց, ոսկեգարդս և գեղաղէս խորհրդաբար և վայելչապես նկարագրել և շքեղագարդել ետ ի վերայ կտաւոց, և ի ճակատս սեանց և - «*որմոց*» - սեղանոց, խորանաց և շրջաբոլոր որմոց և առաստաղաց գետեղել ետ և զոմանս ի վերայ որմոց պատկերագրեցոյց, զարմանակերտ և հրաշատեսիլ յօրինամբ և ոսկեգօծ փայլմամբ, ըստ ընդունելութեան և ըստ աւանդութեան, ըստ ծիսի և ըստ վայելչութեան Չայաստանեայցս ուղղափառ եկեղեցոյ, որք լինին ընդ ամենն թուով իբրև 120 և այլ աւելիք, որք էին պատկերք Տէրունականաց, տնօրինականաց, հրեշտակաց, առաքելոց երկոտասանից, մարգարեից, հայրապետաց, վարդապետաց, ճգնաւորաց, կուսանաց, թագաւորաց, զինուորաց և գերահռչակ մարտիրոսաց հայկաստեռից. զորս ըստ մեծի մասին նոր ի նորոյ ըստ ըղձալի և սիրավառ տենչանաց և ըստ Աստուածազդեցիկ և նրբանկատ հանճարոյն պատկերագրել և յօրինել ետ, և զոմանս, որք հնացեալք և անգեղացեալք էին, նորոգեալ պայծառացոյց (տե՛ս «Արարատ», 1901, Ե-2, էջ 330): Ամենայն հավանականությամբ, 120-ը բոլոր պատկերներն են, այդ թվում՝ Նաղաշ Յովնաթանի և որդիների՝ Յակոբի և Յարությունի կտավները:

¹⁰⁸ **Գ. Լևոնյան**, նշվ. աշխ., էջ 54:

¹⁰⁹ Նույն տեղում:

և նորից սպիտակեցրել: Ըստ նրա՝ պատկերամարտությունը սկսվել է դեռևս 1880-ական թթ., հնարավոր է՝ ավելի վաղ¹¹⁰: Այստեղ նա հիշատակում է դերասան Միսաք Արամյանցի հիշողությունները, ուր նկարագրված է Մայր տաճարի ներսույթը 1886 թ. դրությամբ. «Այժմ եկեղեցու արևելյան կեսի պատկերները և նկարները թողած, արևմտյան կեսի բոլոր որմերը սպիտակեցրել էին, որով տաճարի ներքին տեսարանն այնպես տգեղացել է, որ տեսնողի սիրտը մորմոքում է. կամ բոլորը պետք է ճերմակացնեին, կամ պետք է թողնեին իր հնության մեջ՝ մինչև արմատական վերաշինությունը»¹¹¹:


Վերջում հեղինակը գոհունակություն է հայտնում առ այն, որ նկարիչ Վարդգես Սուրենյանցը 1893-1895 թթ. իր՝ էջմիածնում եղած ժամանակ, մի ալբոմի մեջ խնամքով կրկնօրինակումներ է արել տաճարի որմնանկարներից, սակայն թե ո՞րտեղ է այդ ալբոմը՝ հայտնի չէ¹¹²:

¹¹⁰ **Գ. Լևոնյան**, նշվ. աշխ., էջ 54-55:

¹¹¹ **Մ. Արամյանց**, Սալիանից էջմիածին. Նկարագիր ուխտաւոր ուղեւորութեան, Թիֆլիս, 1887, էջ 50:

¹¹² **Գ. Լևոնյան**, նշվ. աշխ., էջ 55: Մկրտում Հովնաթանյանի և նրա որդիների՝ Հակոբ և Աղաթոն Հովնաթանյանների մասին տեղեկությունները բառացի վերցված էին համացանցից, ուստի դրանք շարվածքից դուրս ենք հանել – Ա. Հ.:

ՀՈՎՆԱԹԱՆՅԱՆ ԳԵՐԴԱՍՏԱՆԻ ՏՈՀՄԱԾԱՌԸ



ՊԱՏՄԱՄՇԱԿՈՒԹԱՅԻՆ
ԺԱՌԱՆԳՈՒԹՅՈՒՆ

ՎԱՆԻ ԹԱԳԱՎՈՐՈՒԹՅՈՒՆ (պատմական ակնարկ)

Հայկական լեռնաշխարհում հայերը պետական կազմավորումներ են ունեցել դեռևս մ.թ.ա. III հազարամյակից¹: Ցավոք, հայկական աղբյուրներում համապատասխան հիշատակությունների բացակայությունը մեզ թույլ չի տալիս ուրվագծել մ.թ.ա. III-II հազարամյակներում գոյություն ունեցած պետական կազմավորումների լիարժեք պատկերը, ինչը հաճախ լրացնում են օտար աղբյուրները: Այդուհանդերձ, այսօր սեղանին դրված սահմանափակ տեղեկություններից կարելի է որոշակի պատկերացում կազմել այդ շրջանի հայկական պետական կազմավորումների մասին.

Արատտա (ըստ շումերական աղբյուրների) – մ.թ.ա. XXVIII-XXVII դդ.,

Արմանում (ըստ աքքադական և էբլայական աղբյուրների) – մ.թ.ա. XXIV-XXIII դդ.,

Հայասա (ըստ խեթական աղբյուրների) – մ.թ.ա. XV-XIII դդ.,

Նաիրի (ըստ ասսուրական աղբյուրների) – մ.թ.ա. XIII-XI դդ.:

Մ.թ.ա. I հազարամյակում Հայկական լեռնաշխարհում ձևավորված առաջին պետությունը, որն ընդգրկում էր գրեթե ողջ լեռնաշխարհը, Վանի կամ Արարատյան թագավորությունն է: Ասսուրական աղբյուրներում այն կոչվում է Ուրարտու, ըստ տեղացիների՝ Բիայնիլի կամ Բիայնա, իսկ հին հայկական աղբյուրներում՝ «Արարատու երկիր», «Արարադայ երկիր», Աստվածաշնչում՝ «Արարատեան թագաւորութիւն»:

Վանի թագավորության արձանագրություններում գործածվում էր երկու լեզու՝ փայներեն (ուրարտերեն) և երբեմն էլ՝ ասսուրերեն: Գլխավոր լեզուն փայներենն էր, որն ավանդված է մոտ 600 սեպագրերով և, ըստ որոշ հետազոտողների, խուռիերենի մերձավոր ազգակիցը: Բիայներենը բոլոր կենդանի լեզուներից ամենից շատ բառային ընդհանրություններ ունի հայերենի հետ: Ըստ Գ. Ջահուկյանի հավանական ենթա-

¹ Գիտահանրամատչելի բնույթի սույն համահավաք շարադրանքը վերանայել-խմբագրել է ՀՀ ԳԱԱ Պատմության ինստիտուտի Հին դարերի պատմության բաժնի գիտաշխատող Վահե Սարգսյանը, որի համար խորին երախտագիտություն ենք հայտնում մեր գործընկերոջը – Ա. Յ.:

դրության՝ բիայներենն ու խուռիերենը պատկանում են լեզուների նոստրատիկ գերընտանիքին, որի մեջ մտնում են նաև հնդեվրոպական, սեմական, ուրալյան, ալթայան, կովկասյան և դրավիդյան լեզվաընտանիքները: Գրի է առնված ասորեստանյան սեպագրի պարզեցված տարբերակով. սեպագրերի վանկային ընթերցումը հնարավորություն չի տալիս պարզելու բառերի ճիշտ արտասանությունը, ուստի և հնչյունական համակարգը որոշված է մասամբ:

Ըստ եղած տվյալների՝ ձայնավորները չորսն են՝ *a*, *e*, *i*, *u*, հավանական է նաև հինգերորդի՝ *o*-ի առկայությունը, ունի 16 բաղաձայն: Վերջիններիս մի մասի արտասանությունը ճշտված չէ: Հայտնի են 350-400 բառեր, որոնց մի մասի իմաստը պարզված չէ: Բառապաշարում կան նկատելի քանակով հայերենից անցած բառեր, դիցանուններ, անձնանուններ, տեղանուններ, օրինակ՝ *aršibini* (արծիվ), *šari* (ծառ), *aštiuzi* (աստված), *pili* [պեղ(ել)], *šuri* (սուր), *abili* (ավելի) և այլն: Գործածված տեղանուններում զգալի են Մեծ Հայքի շատ անվանումներ՝ *Šupani* (Ծոփք), *Erebuni* (Երևան), *Ṭuspa* (Տոսպ), *Alzi(ni)* (Աղձնիք), *Giarniani* (Գառնի) և այլն: Հայերենից կատարված մեծաթիվ փոխառությունները կարելի է բացատրել այն հանգամանքով, որ բիայներենը խոսվել է հայերենի լայն գործածության միջավայրում: Գոյականներն ու ածականները վերջանում են *-i*, երբեմն էլ՝ *-e*, *-a*, *-u* ձայնավորներով: Բառակազմության մեջ կարևոր է ածանցների դերը. առավել գործածականներից են *-še* (*ulguše* - կյանք), *-uhi* (*taršuatuhi* - արիություն) վերջածանցները: Հոլովումը կցական բնույթի է, տարբերում են 7 կամ 8 հոլով²:

Վանի թագավորությունն ունեցել է հարուստ դիցարան: Գերագույն աստվածը Խալդին էր (ռազմի, արարչագործության, երկնքի աստվածը): Նրա կինն էր Արուբանի-Բագմաշտու դիցուհին: Աստիճանականության կարգով Նրանց հետևում են Թեյշեբան (հողմի և անձրևի աստվածը), Շիվինին (արևի աստվածը), այնուհետև՝ Խուտուխին, Տուրանին, Ուան, Նալախին, Շեբիթուն, Արսիմելան, Ուանապշան և այլք:

Վանի թագավորության՝ պատմությանը հայտնի առաջին արքան **Արամեն** է, որն իշխել է մ.թ.ա. մոտ 858-844 թթ.: Արամեի օրոք Վանի թագավորության տարածքը, սկսած XIX դ. առաջին կեսից, ուրարտագի-

² **Ռ. Իշխանյան**, Ուրարտերեն, Հայկական սովետական հանրագիտարան (այսուհետ՝ ՀՍՀ), հ. 12, Երևան, 1986, էջ 275:

տության մեջ սովորաբար համարվում է Ներկայիս Վան քաղաքի շրջակայքը: Այդ պատճառով որոշ արևելագետներ (Մ. Բրոսսե, Ա. Սեյս, Բ. Պիոտրովսկի և ուրիշներ) Արարատյան թագավորությունն անվանում են Նան Վանի թագավորություն, որն ընդունելի է դառնում հայագիտության մեջ³: «Ուրարտու երկիրը», որն առաջին անգամ հանդիպում է Ասորեստանի Աշշուրնափրապալ II (մ.թ.ա. 884/883-859 թթ.) թագավորի արձանագրություններից մեկում, մատնանշվում է Սուբնատ գետի (Արևմտյան Տիգրիսի վերին հոսանքներից մեկը) ակունքների շրջանից, այսինքն՝ Հայկական Տավրոս լեռնաշղթայից զգալիորեն հյուսիս:

Վանի թագավորության սկզբնատարածքի մասին որոշ տեղեկություններ է հաղորդում Նան Սալմանասար III (մ.թ.ա. 858-824 թթ.) թագավորը, որը հինգ անգամ ռազմական արշավանքներ է ձեռնարկել այդ երկրի դեմ՝ կանխելու նրա հզորացումը: Ըստ Սալմանասար III-ի արձանագրությունների՝ Արամե թագավորի գահակալման տարիներին Ուրարտուն հյուսիս-արևմուտքում սահմանակից էր Դայանի «երկրին» (հին հայկական Տայք «աշխարհին») և Եփրատի ակունքների շրջանին, իսկ նրա հարավային սահմանները տարածվում էին «Նաիրի երկրների ծովից» (Վանա կամ Ուրմիա լիճ) նկատելիորեն հարավ:

Արամեի եռանդուն քաղաքականության շնորհիվ հզոր պետականության հիմքերի վրա դրվեց Հայկական լեռնաշխարհի ցեղերի ժամանակավոր, անկայուն դաշնությունը: Իր վարած լեռնային ճակատամարտերով նա Սալմանասար III-ին զրկեց վճռական հաջողություններից, ետ մղեց նրա բոլոր արշավանքները, պահպանեց երկրի ռազմական, քաղաքական հզորությունը, ընդարձակեց պետությունը: Արամե Նահապետի մասին դյուցազնապատումը հյուսված է հենց Արամե թագավորի փառքի հիման վրա: Ըստ Մովսես Խորենացու վկայաբերած մի հնավանդ պատմագրույցի՝ Հայկյան Արամի (Արամեի) գահանիստը համարվում է Այրարատ «աշխարհի» Արմավիր քաղաքը: Հակահարված տալով իր «արյունակիցներին» ասպատակող ասորեստանցի և այլ «օտարածին» թշնամիներին՝ նա ազատագրել է երկիրը, հիմնել միասնական թագավորություն⁴:

Արամեին, ըստ ամենայնի, հաջորդել է **Լուծիպրի** արքան, որի գահակալության շրջանի մասին տեղեկություններ մեզ չեն հասել:

³ Մ. Կատվայան, Ուրարտու, ԶՄՀ, հ. 12, էջ 276:

⁴ Նույն տեղում, էջ 278:

Մ.թ.ա. 832 թ., երբ Սալմանասար III-ի զորաբանակը ներխուժել է Ուրարտու, հանդիպել է նոր գահակալ **Սարդուրի Ա**-ի (մ.թ.ա. մոտ 835-825 թթ.) դիմադրությանը և նահանջել: Դատելով արշավանքի երթուղու նկարագրությունից՝ Ուրարտուի հարավարևմտյան սահմաններն այն ժամանակ արդեն հասել են Արածանի գետին:

Արդեն Սարդուրի Ա-ի իշխանության տարիներին Տուշպան (ներկայիս Վանը) դառնում է տարածաշրջանի կարևոր քաղաքական կենտրոններից մեկը: Բազմաթիվ ուրարտագետներ հենց Սարդուրի Ա-ին են համարում Տուշպայի հիմնադիր: Վանա ժայռի արևմտյան ստորոտին՝ Տուշպայի միջնաբերդի մոտ, պահպանվել են պարսպի կառուցման մասին վկայող նրա վեց արձանագրությունները՝ գրված ասսուրերեն լեզվով:

Իշպուլինի թագավորի (մ.թ.ա. 825-810 թթ.) և, հատկապես, նրա գահակից որդու՝ տաղանդավոր ռազմական և պետական գործիչ **Մենուայի** միանձնյա գահակալման տարիները (մ.թ.ա. մոտ 810-786 թթ.) հատկանշվել են Վանի թագավորության՝ որպես Մերձավոր Արևելքի հզոր տերության ձևավորմամբ, կենտրոնական իշխանության ամրապնդմամբ, երկրի արտադրողական ուժերի վերելքով և շինարարական աշխատանքների ծավալմամբ: Արքունիքը, սկսած Իշպուլինի թագավորից, հրաժարվել է իր պաշտոնական արձանագրություններն ասսուրերենով կազմելու նախորդ ավանդույթից:

Իշպուլինին ժամանակակից է Ասորեստանի Շամշի-Ադադ V (մ.թ.ա. 823-811 թթ.) թագավորին և հիշատակվում է նրա արձանագրության մեջ (Ուշպինա անունով)՝ մ.թ.ա. 821 թ.: Նա հաջորդել է հորը՝ Սարդուրի Ա թագավորին: Սկզբում իշխել է միահեծան, այնուհետև որդու՝ Մենուայի գահակցությամբ: Գահակալել է նաև տարեց հասակում, չնայած նրան, որ ուներ երիտասարդ որդի և թոռ: Իշպուլինի անունով պահպանված սեպագրերը վկայում են նրա հաղթական արշավանքների, թագավորության սահմանների ընդարձակման ու ամրապնդման մասին: Իշպուլինի, ինչպես և Մենուայի հետ համատեղ թողած որոշ արձանագրություններ վերաբերում են մայրաքաղաք Տուշպայում և Վանա լճի հարակից շրջաններում իրականացված շինարարական աշխատանքներին:

Իշպուլինին պատմության մեջ մնաց որպես կրոնական խոշոր բարեփոխիչ: Մայրաքաղաքից ոչ հեռու՝ հյուսիս-արևելքում՝ «Միերի դուռ» կոչվող ժայռին (մոտ 2 մ լայնություն և 4,5 մ բարձրություն), Իշպուլինի և Մենուայի անունից կազմված սեպագրում հիշատակված են մ.թ.ա. IX դ.

վերջին թագավորության դիցարանի աստվածները և աստվածուհիները: Նախքան Վանի թագավորության անկումը՝ հուշարձանը դարձավ գլխավոր աստված Խալդիի պաշտամունքի վայրը, իսկ անկումից հետո սկսեց կապվել Միհրի պաշտամունքի հետ: Այն ընկալվել է նաև որպես «Խալդիի դարպաս»: Ըստ պատկերացումների՝ Խալդին եղել է նաև ժայռում ապրող աստված և հենց նման դռների միջով է դուրս եկել ժայռից: Խալդիի պաշտամունքն այնքան առաջնային է եղել Ուրարտուում, որ Գ. Ղափանցյանն այն անվանել է «խալդամուլություն»⁵:

Ուշագրավ է, որ «Միհրի դուռը» հիշատակվում է նաև «Սասնա ծռեր» էպոսում: Ըստ էպոսի՝ Փոքր Միհերն իր ձիով փակվել է այդ ժայռ-քարանձավում՝ **Ագռավաքարում**, և պետք է մնա այնքան ժամանակ, մինչև որ աշխարհում թագավորի արդարությունը: Մի անգամ ինչ-որ հովիվ տեսնում է, որ ժայռը բացվել է, բայց Միհերը դուրս չի գալիս: Նա հարց է տալիս, թե ե՞րբ պետք է դուրս գա: Միհերը պատասխանում է, որ դուրս կգա այն ժամանակ, երբ ցորենի հատիկն ավելի խոշոր կլինի, քան ընկույզը, և երբ գարին ավելի խոշոր կլինի, քան մասուրը⁶:

Մինչև XX դ. «Միհրի դռան» վերաբերյալ հյուսվել են տարատեսակ առասպելներ, որոնք գրառել են Վան այցելած հետազոտողները: Ֆ. Շուլցի գրի առած առասպելում պատմվում է, որ այդ դռան հետևում կան անհաշիվ դահլիճներ, որոնցում դներ են ապրում: Մեկ այլ առասպելում նշվում է, որ «Միհրի դուռ»-ն անվանում են նաև «Երկաթե դուռ» (բացվում է տարին մեկ անգամ՝ Ս. Յովհաննես Մկրտչի օրը): Նշանավոր արևելագետ Ա. Լեյարդը պատմում է մեկ այլ առասպել, ըստ որի՝ մի հովիվ քնել է այդ դռան մոտ և երագում լսել դուռը բացելու մոգական խոսքը: Արթնանալով՝ բացել է դուռը, վերցրել պարկով լի ոսկին, բայց ներսում մոռացել գավազանը: Նորից մտնելով ներս՝ այս անգամ նա մոռանում է մոգական խոսքը և չի կարողանում դուրս գալ: Բ. Պիտրովսկին այս պատմությունը կապում է Սասնա ծռերի վերջին ներկայացուցիչ Փոքր Միհրի առասպելի հետ⁷:

⁵ Գ. Ղափանցյան, Ուրարտուի պատմություն, Երևան, 1940, էջ 114:

⁶ Ա. Ղանալանյան, Ավանդապատում, Երևան, 1969, էջ 39, 3^{րդ} 98/Բ: Ա. Ղանալանյանը «Միհրի դուռ կամ Ագռավու քար» խորագրով վկայակոչում է ավանդության ևս վեց պատում (նույն տեղում, էջ 39-42, 3^{րդ} 98Ա, Գ-Ե) – Ա. Յ.:

⁷ Ավետիսյան Յ., Բոբոխյան Ա., Ուրարտուի հնագիտություն (ամրոց-բնակավայրեր և դամբանային համալիրներ), Երևան, 2009, էջ 31-32:

Իշպուհի արքայի օրոք Տուշյան (տարբեր ժամանակներում կոչվել է նաև Տոսպ, Տոսպավան, Վանտոսպ) վերջնականապես ձևավորվում է որպես Վանի թագավորության մայրաքաղաք։ Սկսած Իշպուհիից՝ ուրարտական արքաներն իրենց տիտղոսներում անվանվում են նաև «Տուշպա քաղաքի տեր»։ Սկսվում է քաղաքի ակտիվ վերակառուցումը, որը շարունակվում է նաև Իշպուհիի որդու՝ Մենուայի օրոք։ Նշելի է միջնաբերդի կառուցումը՝ Վան քաղաքի բարձրագույն ժայռին, որն ունի հսկա աշտարակներ ու պարիսպներ։ Ամրոց կարելի է բարձրանալ թեք արահետով։

Տուշպայի ճարտարապետության գլխավոր տարրը Վանա ժայռն էր, որի ներսում փորվում են տարածքներ, որոնք, հավանաբար, օգտագործվել են որպես արքայական պալատներ։ Կառուցվել են ժայռի տարբեր հատվածներն իրար կապող աստիճաններ։ Ժայռի այն մասերը, որտեղ կարելի է բարձրանալ, կառուցվել են բարձր պարիսպներ։ Մենուայի, Նրա հաջորդներ Արգիշտի Ա-ի ու Սարգուրի Բ-ի ժամանակներին է վերաբերում Մովսես Խորենացու այն վկայությունը, ըստ որի՝ Տոսպում կառուցվել են երկհարկ և եռահարկ, գույնզգույն քարերով հարդարված բազմաթիվ ապարանքներ, գեղեցկագույն ու ընդարձակ փողոցներ, բաղնիքներ և այլ շինություններ։

Մայրաքաղաք դառնալով՝ Տուշյան դարձավ նաև Վանի թագավորության մշակութային կենտրոնն ու ռազմական գլխավոր հենակայանը՝ ընդդեմ Ասորեստանի։ Նորակերտ բերդաքաղաքը կոչվել է արեգակի և արդարության աստված Շիվիսիի կնոջ՝ Տուշպուեա դիցուհու անունով։

Կարելի է ասել, որ Տուշյան սկսեց գրավել եվրոպացի գիտնականների ուշադրությունը, երբ Մովսես Խորենացու Պատմագիրքը թարգմանվեց եվրոպական լեզուներով։ Վան քաղաքը նկարագրելիս՝ պատմահայրը հիշատակում է Ասորեստանի թագուհի Շամիրամի կողմից կառուցված շինություններն ու արձանագրությունները։ Այս տեղեկությունները ճշտելու համար 1827 թ. Փարիզի Ասիական ընկերությունը Վան է գործուղում երիտասարդ գիտնական Ֆ. Շուլցին, որը կարճ ժամանակում հայտնաբերում և պատճենում է անծանոթ լեզվով գրված արձանագրությունները։ Սակայն 1829 թ. Ֆ. Շուլցը սպանվում է քրդերի ձեռքով։ Նրա հավաքած նյութերը, նաև՝ 42 արձանագրությունները հետագայում հրատարակվում են ֆրանսիական «Journal Asiatique» հանդեսում (Փարիզ, 1840 թ.):



Նկ. 1. Տուշպա. ամրոցի պատը՝ ուրարտական շրջանի մնացորդներով



Նկ. 2. Տուշպայի տեղակայման ներկայիս տարածքը

Հնագետների հավաստմամբ՝ «Ֆ. Շուլցի աշխատանքներից հետո մինչ օրս գիտնականների կողմից ուսումնասիրություններ են կատարվել Վանում և շրջակայքում: Պեղված հսկայական նյութը դեռևս գրեթե ամբողջացված չէ: Առաջին՝ համեմատաբար համահավաք աշխատանքն իրականացվել է Բ. Պիոտրովսկու կողմից⁸:

1916 թ. ռուսական հնագիտական ընկերության կողմից տեղում առավել մանրամասն ուսումնասիրություններ են կատարվել: Ամրոցի պատերը, որոնք պահպանվել էին ստորին մասում, որոշ հատվածներում ունեն մինչև 20 մ բարձրություն: Հատկապես հետաքրքիր էին հարավային մասում գտնվող ժայռային կացարանները, տարբեր չափերի խորշերն ու սեպագրերը: Ականավոր հայագետ-արևելագետ Հ. Օրբելին պեղել է արևմտյան խորշերից մեկը, որտեղ հայտնաբերել է 2,27 մ բարձրության քարե կոթող, որի վրա պահպանվել էր Սարգուրի Բ-ի սեպագիր տարեգրությունը: Գիտնականը պեղել է նաև մի քանի համալիրներ, երկու խորշ՝ սեպագրերով, ինչպես նաև՝ ժայռերի վրա պահպանված հարթակներ: Տուշյան ղեկավարմամբ էլ էր թշնամու համար և պաշտպանված էր բնական ամրություններով, հսկայական պարիսպներով»⁹:

Իշպուլիսի արքայի անվան հետ է կապված **Ազնավուր-թեփե** կոչվող հնավայրը, որը գտնվում է Արևմտյան Հայաստանի Պատնոց կամ Բադնոց գյուղի մոտ (Մանազկերտ քաղաքից մոտ 20 կմ հյուսիս-արևելք՝ Արածանիի Մանազկերտ վտակի վերին հոսանքի շրջանում՝ աջ ափին): Այստեղ պահպանվել են ուրարտական ամրոցի մնացորդներ (որմանակարների հետքերով) և Իշպուլիսիի ու Մենուայի թողած արձանագրությունները:

Ինչպես նշել ենք, Իշպուլիսի արքան կյանքի վերջին շրջանում երկիրը կառավարում էր որդու՝ Մենուայի գահակցությամբ: Այդ տարիներին բավականին ընդլայնվում են պետության սահմանները՝ հարավ-արևելքում հասնելով մինչև Մանա և Բարշուա երկրները՝ մոտենալով Ասորեստանի արևելյան սահմաններին: Իշպուլիսիի և Մենուայի գահակալման տարիների հետ է կապված նաև Մուծածիր քաղաքի կառուցումը, որտեղ գտնվում էր Խալդի աստծու գլխավոր տաճարը: Մուծածիրը (աքքադ. *Muṣaṣir*, ուրարտ. *Ardini*) առաջին անգամ հիշատակված է Ասորեստանի Աշուրնաժիրապալ II թագավորի արձանագրություններից մեկում (մ.թ.ա. 879 թ.), ապա նաև՝ Քելիշիի երկլեզվյան արձանագրությունում: Արձա-

⁸ **Б. Пиотровский**, Ванское царство (Урарту), Москва, 1959.

⁹ **Հ. Ազնախյան, Ա. Բորիսյան**, նշվ. աշխ., էջ 31-32:

Նագրությունը գրված է ուրարտական և ասսուրական լեզուներով. բովանդակում է Իշպուկինի և Մենուա արքաների համատեղ գահակալության տարիներին՝ դեպի Մուծածիրի հալդիի տաճարը կատարած պաշտամունքային մի երթի մասին: Հիմնվելով ինչպես այս, այնպես էլ Ռուսա Ա-ի (մ.թ.ա. մոտ 735-714 թթ.)՝ դեպի Մուծածիր կատարած երթի մասին պատմող ուրարտերեն-ասսուրերեն երկլեզվյան մեկ այլ՝ Թոփուզավայի արձանագրության տեղադրության ու տվյալների, ինչպես նաև տեղագրական ու հնագիտական հետազոտությունների վրա՝ ուսումնասիրողները Մուծածիր երկիրը տեղադրում են այժմյան իրաքյան Զրդստանի տարածքում, իսկ քաղաքը՝ Մուշաշիր գյուղի շրջակայքում: Սակայն Մուծածիրի տեղադրության հարցը վերջնականապես լուծված չի կարելի համարել¹⁰:

Հոր մահից հետո Մենուան արդեն միանձնյա շարունակեց հզորացնել իր երկիրը:

Մենուայի թագավորության օրոք (մ.թ.ա. 810-786 թթ.) Ուրարտուն ապրել է ռազմաքաղաքական վերելք: Երկրամասը հյուսիսում հասել է Կարսի շրջան, Ճորոխի ավազան և Արարատի հյուսիսային ստորոտ: Դիաուխի (հայկական Տայք), Էթիունի, Էրիկուախի և այլ երկրների դեմ տարած հաղթանակները զգալիորեն ամրապնդել են Ուրարտուի դիրքերը հյուսիսում: Այնուհետև Մենուան ռազմական գործողություններ է ծավալել արևմուտքում և հարավ-արևմուտքում՝ Շուփանի-Շոփքում, Ալզի-Աղձնիքում, անդրեփրատյան Մելիտեա-Մալաթիայում:

Վիթխարի է Մենուայի շինարարական գործունեությունը: Ծայրամասային և կենտրոնական մարզերում՝ Վանա լճի շրջակայքում, Արածանիի և Արաքսի վերին հոսանքներում, Կարինի (Էրզրումի) դաշտում նա կառուցել է ամրոցներ, ինչպես նաև՝ տաճարներ: Դա հնարավորություն է տվել ապահովելու պետության անվտանգությունը, հաստատվելու նվաճված երկրներում և հետագա արշավանքներով գրավելու նոր շրջաններ: Արաքս գետի աջ ափին՝ Մասիսի հյուսիսային փեշերին (այժմյան Թուրքիայի Դաշբուռուն գյուղի տարածքում), Մենուան կառուցում է մի բերդաքաղաք, հավանաբար իբրև ռազմական հենակետ՝ գալիք արշավանքների համար, և այն իր անունով կոչում Մենուախինիլի: Բերդաքաղաքը հետագա տարիներին դարձավ Հայկական լեռնաշխարհի հյուսիսային շրջանները Վանի թագավորության մեջ միավորելու հենակետ: Դաշբուռուն գյուղի շրջակայքից գտնված արձանագրություն-

¹⁰ Ս. Հմայակյան, *Լ. Քիյազով*, Մուսասիր, ՅՍՀ, հ. 8, Երևան, 1982, էջ 87-88:

ները պատմում են Էրիկուախի երկրի գրավման, Մենուախինիլիի հիմնադրման ու Խալդիի տաճարի կառուցման մասին:

Համանուն մեկ այլ քաղաք Մենուան կառուցել է Վանա լճի հարավային ափին, որը հիշատակված է Աղթամարից գտնված, ջրանցքի շինարարության մասին պատմող արձանագրության մեջ:

Մենուան ստեղծել է Նաև ոռոգման լայն ցանց: Ջրամատակարարումն ու ոռոգումը նրա օրոք հանդիսացել են Վանի թագավորության տնտեսական քաղաքականության գլխավոր ուղղություններից մեկը: Թագավորության բոլոր տնտեսությունները տեղաբաշխվում էին գործարկված ոռոգման ջրանցքների շուրջը: Առկա ռեսուրսների և բնակչության ներգրավումը, որը սկսվել էր դեռևս Սարգուրի Ա-ի և Իշպուհինի օրոք, ոռոգման խոշոր ջրանցքների կառուցման գործում նպաստեցին պետականության առաջադիմությանն ու ծաղկմանը, ինչն իր գագաթնակետին հասավ հատկապես Մենուայի կառավարման տարիներին: Շնորհիվ ոռոգման համակարգի ստեղծման վրա ծախսած ջանքերի՝ Ուրարտացիները բավականաչափ հացահատիկային մշակաբույսեր աճեցնելու հնարավորություն ստացան, որպեսզի կախված չլինեին հարևան երկրներից, ինչպես Նաև բազմապատկեցին խաղողի այգիները և դարձան Հին աշխարհի խոշորագույն գինի արտադրողն ու արտահանողը: Բացի այդ, Նորաստեղծ քաղաքներն ու ամրոցները պահանջում էին ջրամատակարարման անհրաժեշտ համակարգի կառուցում: Այդպիսի համակարգերն անհրաժեշտ էին ոչ միայն տնտեսական, այլև ռազմական նպատակներով, հատկապես քաղաքների շրջափակման ժամանակ: Ուրարտացիները մեծ հաջողությունների հասան ջրամատակարարման և ոռոգման համակարգերի կառուցման գործում: Նրանց ջրանցքաշինության գլուխգործոցը եղավ Մենուայի ջրանցքը, որը պատմության մեջ մտավ որպես շինարարական ֆենոմեն:

Մենուայի ջրանցքն Ուրարտուի հիդրոտեխնիկական խոշորագույն համալիրն է: Կառուցել է Մենուա թագավորը, հավանաբար մ.թ.ա. IX դ. վերջին կամ VIII դ. սկզբին՝ Տուշպա մայրաքաղաքին խմելու և ոռոգելու ջուր մատակարարելու նպատակով¹¹: Ջրանցքի երկարությունը մոտ

¹¹ Ըստ ավանդության (պահպանվել է Մովսես Խորենացու «Պատմություն Հայոց» երկում և ժողովրդական բանահյուսության մեջ)՝ Մենուայի ջրանցքի կառուցումը վերագրվել է Ասորեստանի Շամիրամ թագուհուն և անվանվել է Նաև վերջինիս անունով: Այս առասպելն առաջացել է նրանից, որ Շամիրամը կառավարել է Մենուայի հետ Նույն ժամանակաշրջանում և իր համբավի շնորհիվ «Մենուայի ջրանցքը» անվանափոխվեց «Շամիրամի ժամանակների ջրանցք», իսկ հետո՝ ուղղակի «Շամիրամի ջրանցք», թեև ջրանցքի իրական կառուցողը Մենուան է եղել:

54 կմ է, լայնությունը՝ 4,5 մ, խորությունը՝ 1,5 մ, ջրի հոսանքի արագությունը՝ 3 մ/վրկ: Սկիզբ է առել Հայոց ձոր գավառի հարավային կողմում՝ Վերին Մժնկերտ գյուղի մոտ, ժայռերի տակից բխող բազմաթիվ ջրառատ աղբյուրներից: Այստեղ, մինչև XX դարի սկիզբը, նրա ջրերով աշխատում էր 40 ջրաղաց¹²: Խոշաբ գետի վրայով ջրանցքն անցնում էր հատուկ կամրջով, իսկ որոշ տեղերում՝ մինչև 15-17 մ բարձրություն ունեցող հենապատերի վրայով: Ջրանցքից ճյուղավորվում են բազմաթիվ մանր ջրանցքներ և առուներ, որոնք ոռոգում են ընդարձակ տարածություններ Վանա լճի արևելյան ափին:

Մենուայի հրամանով Ներքին Մժնկերտ գյուղի մոտ՝ ժայռի վրա, թողել են ջրանցքի կառուցման վերաբերյալ առաջին արձանագրությունը՝ 14 տողից բաղկացած. «Խալդյան գորությանմբ, Մենուա Իշպուհնորդին այս ջրանցքն անցկացրեց, «Մենուայի ջրանցք» (է) անունը: Խալդյան մեծությամբ, Մենուան արքա է հզոր, արքա մեծ, արքա Բիայնիլի երկրի, տերը Տուշպա քաղաքի: Մենուան ասում է. «ով այս արձանագրությունը ոչնչացնի, ով ջարդի, ով որևէ մեկին ստիպի դա անել, ով ասի. «ես եմ այս ջրանցքն անցկացրել», թող Խալդին, Թեյշիբան, Շիվինին, (բոլոր) աստվածները, ոչնչացնեն նրան արևի տակից»¹³:

Ջրանցքն ունեցել է խիստ կարևոր տնտեսական նշանակություն և, պատահական չէ, որ նրա պահպանման համար կառուցվել են ամրոցներ: Այն իր չափերով ու նշանակությամբ խոշորագույններից է ոչ միայն Ուրարտուի, այլև Հին Արևելքի ոռոգման համակարգում: Ջրանցքն այժմ էլ գործում է՝ ոռոգելով 25 գյուղերի ցանքատարածքներ ու այգիներ¹⁴:

Մենուայի որդու և հաջորդի՝ **Արգիշտի Ա**-ի գահակալման տարիներին (մ.թ.ա. 786-764 թթ.) Վանի թագավորությունը հասել է իր ռազմաքաղաքական հզորության բարձրակետին: Արգիշտին աներկբա համարվում է Վանի թագավորության պատմության հզորագույն արքան: Իր գլխավոր հակառակորդի՝ Ասորեստանի դեմ վճռական ռազմական գոր-

¹² Սրանք կոչվել են նաև «Շամիրամի» ջրաղացներ և մինչև Մեծ եղեռնը, դրանցից 17-ը դեռ գործում էին (**Ս. Կարապետյան**, Հայաստանի պատմություն, հ. Ա, Հայոց ձոր, Երևան, 2015, էջ 173) – Ա. Յ.:

¹³ **Н. Арутюнян**, Корпус урартских клинообразных надписей, Ереван, 2001, էջ 92-93, ՀմԳ 62 – Ա. Յ.:

¹⁴ Ջրանցքի վերաբերյալ հիմնական գրականությունը՝ **Ս. Տեր-Ավետիսյան**, Ուրարտական թագավոր Մենուա Առաջինի կառուցած Շամիրամի ջրանցքը, «Տեղեկագիր ՍՍՏՄ ԳԱ հայկական ֆիլիալի», 1941, ՀմԳ 3-4. **Б. Пиотровский**, Ванское царство (Урарту), էջ 138-139. **Н. Арутюнян**, Земледелие и скотоводство Урарту, Ереван, 1964, էջ 16-22:

ծողություններ ձեռնարկելուց առաջ, Արգիշտի Ա-ն նախ մի քանի պատժիչ արշավանքներով ընկճել է Դիաուեխի (Տայք), Չաբախա (Ջավախք), Էրիախի (Շիրակ), Կատարգա (Կղարքք), Էթիունի (Սարիղամիշից մինչև Սևանա լիճ), Աբունի (Հավնունիք) և այլ երկրները, ամրապնդել կենտրոնական իշխանության ազդեցությունը տերության հյուսիսային շրջաններում: Այնուհետև, զենքն ուղղելով Ասորեստանի դեմ՝ Արգիշտի Ա-ն նրան դուրս է մղել Զյուսիսային Միջագետքից, Կոմմազենեից և Զյուսիսային Ասորիքից, տիրել Միջերկրածովքի արևելյան և Փոքր Ասիայի հարավարևելյան շրջաններով անցնող առևտրային մայրուղիները: Ըստ Խորխորյան տարեգրության՝ Արգիշտի Ա-ն Ասորեստանի դեմ կռիվներ է մղել (մ.թ.ա. 781-780 և 778 թթ.): Բացի այդ, Ուրմիայից հարավ գտնվող Մանա, Բուշտու, Պարսուա երկրների հետ բախումները հիմնականում պիտի դիտարկել Ուրարտուի և Ասորեստանի միջև արևելյան շրջաններում մղվող պայքար¹⁵:


Առաջավոր Ասիայում առաջնությունը զիջելով Ուրարտուին՝ Ասորեստանը նրա դեմ մղել է սոսկ պաշտպանողական մարտեր: Ուրարտուի ռազմաքաղաքական հզորացումը սերտորեն պայմանավորվել է հասարակական-տնտեսական կյանքի նոր վերելքով: Գրեթե Հայկական ամբողջ լեռնաշխարհը միավորելով մեկ պետության մեջ՝ Արգիշտին հետևողականորեն վարել է անհնազանդ ցեղային միությունների կենտրոնախույս ձգտումները ճնշելու քաղաքականություն, թուլացրել նրանց ուժերը, հարկերի ու պարտավորությունների ենթարկել, նրանց տիրույթներում ռազմական հենակետեր ստեղծել, վերաբնակեցրել իր տիրապետության տակ եղած այլ վայրերում (ըստ Խորխորյան տարեգրության՝ ավելի քան 200.000 մարդու):

Արգիշտի Ա-ի կառավարման տարիների մասին է պատմում Վանա ժայռի հարավարևմտյան հատվածում պահպանված Խորխորյան տարեգրությունը: Արգիշտին հիշատակվում է նաև Ասորեստանի թագավոր Սալմանասար IV-ի (մ.թ.ա. 781-772 թթ.) զորահրամանատար Շամշիլուի մի արձանագրության մեջ՝ «Արգիշտի ուրարտացու անունը սարսափելի է որպես ծանր հողմ»¹⁶:

¹⁵ Հայ ժողովրդի պատմություն, հ. I, Հայաստանը նախնադարյան-համայնական և ստրկատիրական կարգերի ժամանակաշրջանում, Երևան, 1971, էջ 304:

¹⁶ Նույն տեղում, էջ 307:

Վճռական հարված հասցնելով Ասորեստանին՝ Նա տիրել է Հյուսիսային Ասորիքով և Ուրմիա լճի ավազանով անցնող առևտրական մայրուղիները: Ասորեստանն իր առաջնակարգ դիրքը Առաջավոր Ասիայում հարկադրաբար զիջել է Ուրարտուին, որը հասել է հզորության բարձրակետին:



Նկ. 3. Վանի թագավորությունը մ.թ.ա. VIII դարում

Բացառիկ է նաև Արգիշտի Ա-ի շինարարական և տնտեսական գործունեությունը: Նրա օրոք հիմնվել են Երեբունի (Երևան) և Արգիշտիսիսիլի (Արմավիր) բերդաքաղաքները, կառուցվել են մի շարք ջրանցքներ, տաճարներ, պալատներ, շտեմարաններ և այլն: Այս ամենի մասին ևս հարուստ տեղեկություններ կան ինչպես հորիստրյան, այնպես էլ Արգիշտի Ա-ի թողած այլ արձանագրություններում:

Արգիշտի Ա-ն Երեբունիին հիմնադրել է գահակալման 5-րդ տարում՝ մ.թ.ա. 782 թ., Ներկայիս Երևանի հարավարևելյան մասի՝ Նոր Արեշ և Վարդաշեն թաղամասերի միջև վեր խոյացող Արին-բերդ բլրի շուրջը, որի գագաթին պահպանվել են միջնաբերդի մնացորդները:

Արին-բերդ բլուր-հնավայրը հնուց ի վեր գրավել է գիտնականների ուշադրությունը: 1879 թ. բլրի ստորոտին հայտնաբերվեց Արին-բերդի

ուրարտական առաջին սեպագիրը՝ Արգիշտի Ա-ի կողմից միջնաբերդում հացահատիկի շտեմարան կառուցելու մասին: Արին-բերդը 1894 թ. ուսումնասիրել է ռուս հնագետ Ա. Իվանովսկին¹⁷: 1950 թ. հայտնաբերվեց Արգիշտի Ա-ի՝ քաղաքի հիմնադրման մասին փաստող սեպագիրը. «Խալդյան մեծությամբ, Մենուայի որդին Արգիշտին այս հողակապ բերդը կառուցեց, կոչեց քաղաք Իրբունի անվամբ՝ ի փառս Բիայնա երկրների և ի սարսափ թշնամի երկրների: Արգիշտին ասում է՝ հողն ամայի էր, ես այստեղ հիշարժան գործեր կատարեցի: Խալդյան մեծությամբ, Մենուայի որդին Արգիշտին՝ թագավոր հրաշագործ, թագավոր Բիայնայի, տերը Տուշպա քաղաքի»¹⁸: Ուշագրավ է, որ Էրեբունի ամրոցի կառուցումը վկայված է նաև Խորխորյան տարեգրությունում, որից պարզվում է, որ Արգիշտի արքան Խաթե և Շուփանի երկրներից Էրեբունիում վերաբնակեցրել է 6600 գերի զինվոր¹⁹:

Հնավայրի պարբերական պեղումները սկսվել են 1952 թ.՝ ՀՍՍՀ ԳԱ Հնագիտության և ազգագրության ինստիտուտի, Մոսկվայի Պուշկինի անվան թանգարանի և ճարտարապետական հուշարձանների պահպանության և վերականգնման վարչության համատեղ արշավախմբի կողմից (ղեկ.՝ Կ. Հովհաննիսյան, գիտ. խորհրդատու՝ Բ. Պիոտրովսկի): Այստեղ գտնվել են Արգիշտի Ա-ի, Սարգուրի Բ-ի և Էրիմենայի որդի Ռուսայի 23 սեպագրերը, ինչպես և՛ խեցեղեն, կնիքներ (գլանաձև, կշռաքարերի նման), ճարմանդներ, ապարանջաններ, ուլունքներ (ազաթե, սերդուլիկե և ապակե), նետերի բրոնզե ծայրակալներ, Զ.ա. IV դ. Միլեթ քաղաքի արծաթե դրամներ, Աքեմենյան ժամանակաշրջանի արծաթե ռիտոններ, երկաթե սանձ և այլն: Արին-բերդի հնագիտական նյութերի թվին են դասվում նաև այն առարկաները, որոնք գտնվել են Կարմիր-բլուրի պեղումների ժամանակ, բայց պատրաստված են եղել Արին-բերդում (բրոնզե վահաններ, սաղավարտներ, կապարճներ, թասեր, ձիասարքի մասեր և այլն): 1950-1968 թթ. պեղումների ընթացքում Արին-բերդի միջնաբերդում բացվել են շուրջ 100 սենյակ, դահլիճ, բակ, միջանցք, որոնք շրջապատված են եղել հզոր բերդապարսպով²⁰:

¹⁷ Կ. Հովհաննիսյան, Արին-բերդ, ՀՍՀ, հ. 2, Երևան, 1976, էջ 60:

¹⁸ Н. Арутюнян, Корпус урартских клинообразных надписей, էջ 212, ՀմԳ 197-198 - Ա. Հ.:

¹⁹ Նույն տեղում, ՀմԳ 173, II/32:

²⁰ Կ. Հովհաննիսյան, Արին-բերդ, էջ 60:

Երեբունին ուրարտական խոշոր ռազմաստրատեգիական հենակետ էր և իր հզոր զինվորական կայազորով կոչված էր ամրապնդելու երկրի դիրքերը հյուսիսային սահմանների հատվածում՝ Սևանի ավազանի արևմտյան և հարավային հատվածում գտնվող Ուդուրի-Էթիունի ցեղային միության ներխուժման վտանգը կանխելու համար²¹։ Երեբունին դեպի հյուսիս կատարվող արշավանքների ժամանակ ծառայում էր իբրև արքայական նստավայր, որին ուրարտական թագավորները շատ մեծ նշանակություն էին տալիս։ Մյուս կողմից՝ Արարատյան դաշտն Երեբունիի հետ մեկտեղ, Վանի շրջանից հետո ուրարտական պետության երկրորդ խոշոր տնտեսական, քաղաքական ու մշակութային կենտրոնն էր։

Քաղաքաշինական առումով Երեբունին, ինչպես և ուրարտական քաղաքների մեծ մասը, ունի պարզորոշ կառուցվածք։ Որպես կանոն, դրանք տարածվում էին բարձրադիր, անառիկ բլուրների շուրջը, որոնց գագաթին վեր էր խոյանում հզոր միջնաբերդը։ Քաղաքի կառույցները, որոնք փռված են բլրի շուրջը, պեղված են մասնակի, իսկ միջնաբերդը՝ ամբողջությամբ։ Երեբունիի եռանկյունաձև հատակագծով միջնաբերդը (1,5 հա) կառուցվել է Արին-բերդ բլրի գագաթին, ունեցել է հարմար ստրատեգիական դիրք և պաշտպանվել հզոր բերդապարիսպներով²²։

Միջնաբերդն ունեցել է որոշակիորեն արտահայտված երեք հիմնական մաս՝ պալատական, պաշտամունքային և տնտեսական, որոնց միջև գտնվել է հրապարակը²³։ Պաշտամունքային մասն իր օժանդակ կառույցներով գրավում է միջնաբերդի ամբողջ հարավարևմտյան հատվածը։ Պալատը, գրավելով միջնաբերդի հյուսիսարևմտյան հատվածը, ուղղված էր դեպի Արարատ և Արագած լեռները։ Հրապարակի առանցքով վեր էր խոյանում Խալդի աստծու տաճարը՝ կազմված աշտարակից և 12 փայտյա սյուներից բաղկացած շքամուտքից²⁴։ Միջնաբերդը, որտեղ զինվորական կայազորն էր, հարմարեցված էր երկարատև և հուսալի պաշտպանության։ Այդ են վկայում նաև այստեղ հայտնաբերված հացահատիկի մեծ տարողության շտեմարանները։

²¹ Երեբունի ուրարտական քաղաքը, «Մշակութային աշխարհ» հայ-ամերիկյան ամսաթերթ, ապրիլ, 2016, ՅՊ՝ 15, էջ 1-2։

²² Նույն տեղում։

²³ Կ. Հովհաննիսյան, Հայկական ճարտարապետության պատմություն, հ. I, Երևան, 1996, էջ 144։

²⁴ Նույն տեղում։

Պալատի կենտրոնական հատվածը կազմում էր 17x14 մ տարածություն զբաղեցնող սյունազարդ բակը, իսկ պալատական դահլիճն ունեցել է 17x7,5 մ չափեր²⁵։ Պալատի արևմտյան կողմում պեղվել է արծանագրություններում «Սուսի» անվանվող տաճարը՝ նվիրված Իվարշա աստծուն²⁶։ Դրանք ճոխ հարդարանք են ունեցել. զարդարված էին աշխարհիկ ու պաշտամունքային բնույթի գույնզգույն որմնանկարներով։ Հետագայում՝ հավանաբար Աքեմենյան Իրանի տիրապետության ժամանակաշրջանում, ուրարտական շենքերը վերակառուցվեցին՝ համապատասխան նոր պահանջներին, որի հետևանքով ստեղծվեցին ապադանան (դահլիճը) և կրակի տաճարը²⁷։ Բակի արևելյան կողմում՝ Խալդի աստծու տաճարի դիմաց, Արգիշտի Ա-ն կառուցել է վիթխարի դահլիճ-մառան՝ 500 մ² տարածքով։ Դահլիճի պատերը հարդարվել են ճոխ որմնանկարներով, որոնք պատկերում են աշխարհիկ (որսի տեսարաններ, հողի մշակում, խաշնարածություն) և պաշտամունքային թեմաներ։ Որսի տեսարանում պատկերված կենդանիների սրընթաց վազքի և մյուս նկարները պատկերացում են տալիս արվեստի ռեալիստական բնույթի մասին²⁸։

Իր կառավարման 11-րդ տարում (մ.թ.ա. 776 թ.) Արարատյան դաշտի (ուրարտական Ազա երկրի) կենտրոնական մասում՝ Արաքս գետի միջին հոսանքի Նախկին հունի ձախ ափին (Ներկայիս Արմավիր քաղաքից 15 կմ դեպի հարավ-արևմուտք՝ Նոր Արմավիր և Արմավիր գյուղերի միջև), Արգիշտին կառուցել է վարչատնտեսական կարևոր նշանակություն ունեցող մեկ ուրիշ քաղաք՝ Արգիշտիխինիլին։

Առաջին հնագիտական ուսումնասիրություններն այստեղ կատարել են Ա. Երիցյանը և Ա. Ուվարովը՝ 1880 թ., իսկ պարբերական պեղումներ են իրականացվել սկսած 1962-ից՝ ՀՍՍՀ ԳԱ Հնագիտության և ազագրության ինստիտուտի արշավախմբի կողմից։ Քաղաքի հիմնադրման, ինչպես նաև այնտեղ պաշտպանական, պալատական, պաշտամունքային և տնտեսական կառույցների մասին տվյալներ կան Արգիշտի Ա-ի և


²⁵ Մանրամասն տե՛ս **Յ. Ավետիսյան, Ա. Բոքոխյան**, նշվ. աշխ., էջ 66-67։

²⁶ Մ. Իսրայելյանի բնորոշմամբ՝ «Susi-ները զգալի կերպով տարբերվել են մասսայական բնույթի աղոթավայրերից, որի տիպական օրինակը, ըստ երևույթին, պետք է համարել Նույն Արին-բերդի պեղումներով բացված հսկայական մեծությամբ սյունազարդ տաճարը՝ իր զոհասեղանով, երկու մուտքերով ու պատերի տակ եղած Նստարաններով» (**Մ. Իսրայելյան**, Արինբերդի susi տաճարը և Նրա արծանագրությունները, «Տեղեկագիր» հաս. գիտ., 1957, 3^{րդ} 9, էջ 97-99) – Ա. Յ.։

²⁷ **Կ. Հովհաննիսյան**, Արին-բերդ, էջ 60։

²⁸ Էրեբունի ուրարտական քաղաքը, էջ 1-2։


Նրա հետևորդներ Սարգուրի Բ-ի, Ռուսա Ա-ի և Ռուսա Էրիմենայորդու 17 սեպագրերում: Պեղածո նյութերից և արձանագրություններից երևում է, որ մ.թ.ա. VIII դ. կեսերին Արգիշտիխինիլին դարձել է ուրարտական թագավորության մշակութային-տնտեսական ու պաշտամունքային խոշոր կենտրոն: Քաղաքի կառուցապատված մասը գրավել է շուրջ 1000 հա տարածություն, որտեղ եղել են այգիներ, բանջարանոցներ, ցանքեր:



Նկ. 4. Էրեբունի բերդաքաղաքի միջնաբերդի հատակագիծը

Արգիշտիխինիլի քաղաքաշինական սխեման կազմվել է տեղանքին համապատասխան: Քաղաքն իր արևելյան և արևմտյան կողմերում ունեցել է երկու հսկայական միջնաբերդ, որտեղ եղել են թագավորական պալատներ, տաճարային շինություններ, արհեստանոցներ, հացահատիկի պահեստներ, գինու մառաններ: Պալատական, տաճարային շինությունները տեղավորված էին արևմտյան կողմում, բլրաշարքի ամենաբարձր մասում՝ շրջափակված եռաշարք հզոր պաշտպանական պարիսպներով,

աշտարակներով: Պալատներից մեկի պեղումներից երևում է, որ այն բաղկացած է եղել սյունազարդ երկու դահլիճներից, բնակելի և տնտեսական ընդարձակ շենքերից: Քաղաքի արևմտյան մասում է գտնվում Արմավիր բլուրը (բարձ.՝ մոտ 80 մ), որից 1 կմ հեռավորությամբ շղթայածև ձգվում է Դավթի բլրաշարքը՝ մոտ 2,5 կմ երկարությամբ: Այս բլրաշարքի արևմտյան՝ բարձրադիր հատվածում տեղադրված է եղել արևմտյան ամրոցը: Բնակելի թաղամասերը զբաղեցրել են բլրաշարքը, Նրա լանջերն ու ստորոտի հարթավայրը:



**Նկ. 7. Արգիշտիխինիլի միջնաբերդի
հյուսիսային կենտրոնական հատվածը (վերակազմություն)**

Առանձին հետաքրքրություն են ներկայացնում քաղաքի պաշտպանական կառույցները: Արևմտյան ամրոցը շրջապատված է եղել 3,5 մ հաստության եռաշարք պարիսպներով, որոնք կառուցվել են տարբեր ժամանակաշրջաններում՝ միջնաբերդի տարածությունն ընդարձակելու նպատակով: Ամրոցի մուտքերը գտնվել են հյուսիսային և արևելյան պարսպամասերում: Բլրաշարքի կենտրոնում (կենտրոնական մեծ սենյակի շուրջը) բացվել են 6-10 սենյակներով միահարկ բնակելի առանձնատներ: Երվանդունիների թագավորության առաջին շրջանում Արգիշտիխինիլի մեծ մասն ավերակ էր: Կյանքն այստեղ վերսկսվեց միայն Նրա արևելյան մասում, երբ հիմնադրվեց Երվանդունիների գահանիստ Արմավիրը: Արևմտյան հատվածը շրջապատված է եղել բերդապարսպով, որի մնացորդները 1,5-2 կմ երկարությամբ մասամբ պահպանվել

են²⁹: Արգիշտիխինիլի պեղումների ժամանակ գտնվել է հսկայական հնագիտական նյութ. ուշագրավ են քուրմ բժշկի տունը, դարբնի արհեստանոցը, բրուտի տունը, շքասեղները, օծագլուխ ապարանջանները, կարասները, կաթնամթերք պատրաստելու և պահելու համար նախատեսված տաշտեր, չաներ, միականթ սափորներ և այլն³⁰:

Վանի թագավորության վերելքը շարունակվել է նաև Արգիշտի Ա-ի որդու և հաջորդի՝ **Սարդուրի Բ**-ի գահակալման տարիներին (մ.թ.ա. 764-735 թթ.): Հզորացնելով զինված ուժերը (մասնավորապես՝ արքունի զորագունդը)՝ Սարդուրի Բ-ն արտաքին քաղաքականության մեջ հասել է նոր հաջողությունների, շուրջ 20 տարի պահպանել իր տերության առաջնությունը Հին Մերձավոր Արևելքում: Մ.թ.ա. 754 թ. Սարդուրի Բ-ն վճռական հաղթանակ է տանում Ասորեստանի թագավոր Աշուրնիրարի V-ի (մ.թ.ա. 754-745 թթ.) նկատմամբ: Այնուհետև Վանի թագավորության բանակը հասնում է Ուրմիա լճի հարավային ափերից մինչև Դիալա գետի միջին հոսանք՝ նվաճելով Մանա, Բարուատա, Բաբիլոն երկրները: Ուշագրավ էին նաև Սարդուրի Բ-ի հաջողությունները հյուսիսային շրջաններում. արշավանքներից մեկի ժամանակ նրան հաջողվեց անգամ հասնել Սև ծովի հարավարևելյան ափեր՝ Կուլխա (Կուխիդա)³¹:

Ասորեստանում մ.թ.ա. 744 թ. գահ է բարձրանում Թիգլաթպալասար III (մ.թ.ա. 744-727 թթ.) արքան: Նրա անվան հետ է կապվում Ասորեստանի նոր և աննախադեպ վերելքը: Թիգլաթպալասար III թագավորին հաջողվում է Արպադ քաղաքի մոտ (Հյուսիսային Ասորիքում) տեղի ունեցած ճակատամարտում (մ.թ.ա. 743 թ.) պարտության մատնել Ուրարտուի և նրա դաշնակիցների միացյալ զորքերին, վերականգնել իր քաղաքական ազդեցությունը Հյուսիսային Ասորիքում, իսկ մ.թ.ա. 735 թ. ներխուժել է Ուրարտու և պաշարել Տուշպան, բայց, չկարողանալով գրավել այն, նահանջել է՝ ավերելով ու կողոպտելով շրջակա անպաշտպան բնակավայրերը³²:

Սարդուրի Բ-ի որդին՝ **Ռուսա Ա**-ն (մ.թ.ա. մոտ 735-713 թթ.), իր գահակալության սկզբնական շրջանում խուսափելով Ասորեստանի հետ առճակատումից, նվաճողական գործողություններ էր ձեռնարկում հյու-

²⁹ **3. Սարտիրոսյան**, Արգիշտիխինիլի, ՀՍՀ, հ. 2, էջ 5-6. նույնի՝ *Архистихинили, Археологические памятники Армении*, т. 8, Урартские памятники, в. 1, Ереван, 1974:

³⁰ **3. Ավետիսյան, Ա. Բորոխյան**, նշվ. աշխ., էջ 92-95:

³¹ Հայ ժողովրդի պատմություն, հ. I, էջ 311-318:

³² **Մ. Կատվայան**, Ուրարտու, էջ 278:

սխում: Նրա թագավորության սկզբին են կառուցվել «Խալդի աստծու քաղաք» (Գավառի) և «Թեյշեբա աստծու քաղաք» (Օձաբերդի) ամրոցները՝ Սևանա լճի արևմտյան և հարավային շրջաններում:

Ռուսա Ա-ն, Ուրարտուի գլխավորությամբ ստեղծված նոր ռազմական խմբավորման մեջ ներգրավելով Մուշքինիի (Փռյուզիայում), Թաբալի կամ Թոբելի (Կապադովկիայում), Խիլակկուի (Կիլիկիայում), Խատտեի (Մելիտինեի շրջանում) և Մանայի թագավորությունները, ինչպես նաև՝ Մանային դրացի մի շարք իշխանություններ (Չիկիրտու, Կարալու, Ալաբրիա, Անդիա, Ուիշդիշ), համառ պայքար է մղել Ասորեստանի դեմ: Ուրմիա լճի արևմտյան շրջաններում, հատկապես Արմարիլի և Սանգիբուտուի Բարի մարզում նա ավարտել է դեռևս իր նախորդների օրոք հիմնված և արքունի տան կրտսեր զարմերին պատկանող խոշոր տնտեսական համալիրը (բերդեր, տաճարներ, պալատներ, այգիներ, պարտեզներ, ջրամբարներ, ոռոգիչ առուներ, շտեմարաններ, ձիաբուծարաններ, փարախներ և այլն)³³: Հավանաբար մ.թ.ա. 715 թ. Ուրարտուն ասպատակել են հյուսիսից ներխուժած վաչկատուն կիմերները: Ռուսա Ա-ի զորաբանակը ծանր պարտություն է կրել³⁴: Հետագայում Ռուսա Ա-ին հաջողվում է ճնշել նաև ծագած հակաարքունի խռովությունը, ձերբակալել և մահապատժի են դատապարտել խռովության պարագլուխներին:

Ասորեստանի Սարգոն II (մ.թ.ա. 721-705 թթ.) թագավորը, որն իր լրտեսների միջոցով հետևել է մրցակից երկրում տիրող կացությանը, մ.թ.ա. 714 թ. ամռանը խոշոր ուժերով արշավել է Ուրարտուի ու Նրա դաշնակիցների դեմ: Մանայի թագավորությանը և Նրա դրացի իշխանություններին ընկճելուց հետո, Սարգոն II-ի բանակը Ուաուշ լեռան կիրճերում ծանր պարտության է մատնել Ռուսա Ա-ին, այնուհետև ներխուժել Ուրարտու, ավերել ու կողոպտել Ուրմիա լճի շուրջն ընկած երկրները (ըստ Սարգոն II-ի արձանագրությունների՝ 7 գավառ՝ 430 բնակավայրերով): Ուրարտուի համար ամենածանր հարվածը եղել է Մուծածիր սրբավայրի ավերումն ու բնակչության գերեվարումը (ավելի քան 6000 մարդ), տեղի տաճարի կործանումը, աստվածների ու թագավորների անդրիների, այնտեղ պահվող վիթխարի հարստությունների, հազարավոր զենք ու զրահի ավարառությունը: Մուծածիրի աղետը Ռուսա Ա-ին

³³ Մ. Կատվայան, նշվ. աշխ.:

³⁴ Հայ ժողովրդի պատմության քրեատմատիա, Երևան, 2007, էջ 128-129:

մղել է անձնասպանության³⁵: Արշավանքի առանձին դրվագներ պատկերված են եղել Սարգոն II-ի Դուր Շարուկինի պալատի բարձրաքանդակներին: Այստեղ պատկերված Խալդիի տաճարը (մ.թ.ա. IX դ. վերջ կամ VIII դ. սկիզբ) ամբողջովին տարբերվում է Ասորեստանի ու Բաբելոնի համանման շինություններից: Այն կառուցված է եղել հիմնականում քարից՝ հարթակի վրա: Բարձրաքանդակին պատկերված տաճարը սյունազարդ է, ունի նիզակով (կամ նիզակածև կենաց ծառով) ավարտվող, բարձր ճակտոնով երկթեք տանիք: Տաճարի ճակատը զարդարել են վեց սյուներ կամ որմնասյուներ: Մուծածիթի տաճարը ճակտոն և սյունաշար ունեցող կառույցներից հնագույնն է, հորինվածք, որն ընկած է անտիկ ճարտարապետության հիմքում: Հավանաբար այստեղ են թագադրվել Ուրարտուի արքաները, և տաճարում դրվել են աստվածացված ուրարտական արքաների արձանները³⁶:

Ռուսա Ա-ին հաջորդում է **Արգիշտի Բ-ն** (մ.թ.ա. 713-685 թթ.), որին հաջողվում է խափանել Ասորեստանի զավթողական ծրագրերն ու կարճ ժամանակաշրջանում վերացնել Սարգոն II-ի ավերիչ արշավանքի հետևանքները: Ասորեստանն իր հերթին ևս ապահովված չէր համարում իր դիրքերը Ուրարտուին սահմանամերձ շրջաններում: Մ.թ.ա. 712 թ. Սարգոն II-ը թեև ընկճել է Ուրարտուի անդրեփրատյան դաշնակից երկրներին, սակայն շուտով նա արձանագրում է, որ Կոմմագենե երկրի թագավորն Արգիշտի Բ-ի օգնությամբ դադարեցրել է հարկերի ու տուրքերի վճարումն Ասորեստանին: Արգիշտի Բ-ին հաջողվում է հասնել մինչև Կասպից ծովի արևմտյան ափերին հարող շրջաններ, քանի որ Ասորեստանի արքա Սինախերիբը (մ.թ.ա. 704-681 թթ.) պատերազմներ էր մղում այլ ուղղություններով: Ուշագրավ է, որ Արճեշ քաղաքի մոտ հայտնաբերված Արգիշտի Բ-ի արձանագրության մեջ հիշատակված է քաղաքի և ջրանցքի կառուցման մասին³⁷:


Արգիշտի Բ-ի անվան հետ կապված գլխավոր շինարարական ձեռնարկը Երզնկա քաղաքից մոտ 20 կմ դեպի արևելք գտնվող (Կարինից Սեբաստիա՝ Սվազ տանող ճանապարհի մոտ) Ալթըն-թեփե հզոր բերդաքաղաքն է, որը եղել է Ուրարտուի ռազմական հենակայանը արևմուտքում:

³⁵ Մ. Կատվայան, նշվ. աշխ., էջ 278 :

³⁶ Մ. Հմայակյան, Լ. Քիյազով, նշվ. աշխ., էջ 87-88:

³⁷ Մ. Կատվայան, նշվ. աշխ., էջ 278. Հայ ժողովրդի պատմություն, հ. I, էջ 330:

Ալթըն-թեփե (թրքականացված անվանումն է, որը նշանակում է «ոսկե բլուր») ամրոցը կառուցված է 60 մ բարձրության զառիթափ բլրի գագաթին՝ շրջապատված արտաքին զույգ պատերով, որոնցից յուրաքանչյուրի հաստությունը 12 մ է: Դրանք շարված են 35-40 տ կշռող տաշված քարերով: Պեղումների ժամանակ հայտնաբերվել են նաև տաճարային համալիր, մթերանոցներ, դամբարաններ, բացօթյա սրբավայր և ընդունարան: Գտնվել են նաև հալդի աստծուն նվիրված նիզակների բրոնզե և երկաթե սայրեր, խորհրդանիշներ, գավազաններ, գայիսոսներ, սկահակներ և փորագրված փայտե առարկաներ:



Նկ. 8. Ալթըն-Թեփեի տաճարը

Ալթըն-թեփեում ուրարտական արձանագրություններ առայժմ չեն հայտնաբերվել: Մասնագետները (Բ. Պիոտրովսկի, Մ. Իսրայելյան, Կ. Յովհաննիսյան) կարծում են, որ Ալթըն-թեփեն իր կառույցների ճարտարապետական ոճով (պալատական շենքը), որմնակարների զարդանախշերով, դրանց հերթականությամբ, գույներով նման է հատկապես Էրեբունուն³⁸: Ուշագրավ է նաև քառակուսի հատակագծով (13,9x13,9 մ) պեղված տաճարը, որը գտնվում էր բակի խորքում: Բակը բլուր կողմերից օղակված է եղել 2,5 մ հաստությամբ պատերով: Տաճարի անկյունները

³⁸ [Խմբագրական], Ալթըն-Թեփե, ՅՄՅ, հ. 1, էջ 162-163:

եզրագծված են որմնահեցերով, իսկ պատերն ունեն 4,35 մ հաստություն, որի հետևանքով դահլիճը (ցելա) ավելի փոքր է: Վերջինիս խորքում գտնվում է քարե պատվանդանը, որը, ըստ ամենայնի, նախատեսված է եղել գերագույն աստծու արձանի համար: Տաճարը չորս կողմից շրջապատված է եղել սյունաշարով, որից պահպանվել են 0,2 մ բարձրությամբ և 0,7 մ տրամագծով քարե սրբատաշ սյունախարիսխները³⁹:

Արգիշտի Բ-ին հաջորդում է որդին՝ Ռուսա Բ-ն (իշխել է մ.թ.ա. 685/80-640 թթ.), որին կարելի է համարել Ուրարտուի վերջին հզոր տիրակալը: Նրա օրոք բարիդրացիական հարաբերություններ են հաստատվել Ասորեստանի հետ: Դրա վկայությունն է Ասորեստանի արքա Ասարհադդոնի (մ.թ.ա. 681-669 թթ.) 673/2 թ. Շուպրիա կատարած արշավանքից հետո՝ դժգոհ «ուրարտացի փախստականներին Ռուսա Բ-ին վերադարձնելը»: Ուրարտուի հզորության մասին են վկայում Խաթե, Խալիտու և Մուշկինի երկրների դեմ Ռուսա Բ-ի ձեռնարկած արշավանքները: Այս հաջողությունները որոշ առումով պայմանավորված էին նաև Ասորեստանի հետ հաստատած փոխհարաբերություններով: Երկու երկրների հարաբերությունների բնույթը որոշակիորեն փոխվում է Ասորեստանի Նոր արքայի՝ Աշշուբանասպալի (մ.թ.ա. մոտ 669-627 թթ.) օրոք, որին ուրարտացիները արձանագրություններից մեկում հիշատակում են որպես հակառակորդ: Լարված հարաբերությունները թերևս հաջողվել է կարգավորել խաղաղ ճանապարհով. դրա մասին է վկայում հատուկ դեսպանության միջոցով Ռուսա Բ-ի հղած շնորհավորանքն Աշշուբանասպալին՝ Էլամի դեմ մ.թ.ա. 653/2 թ. տարած հաղթանակի առթիվ⁴⁰:

Հատկանշելի է Ռուսա Բ-ի քաղաքաշինական գործունեությունը: Հայտնի է, որ Նրա օրոք հիմնադրվել են մի շարք խոշոր վարչական կենտրոններ՝ ներկայիս Մակուի շրջանում «Ռուսայի փոքր քաղաքը» (Բաստամ), Արարատյան դաշտում՝ Ագա երկրում՝ Թեյշեբախինին (Կարմիր բլուրը), Վան քաղաքից հյուսիս՝ Այանիսի ամրոցը և Վանա լճի հյուսիսարևմտյան ափին՝ Չիուկունի երկրում, Խալդի աստծու անունը կրող քաղաքը (միջնադարյան Արծկե քաղաքի տեղում): Այստեղ գտնվել է նաև Ռուսա Բ թագավորի շինարարական աշխատանքների մասին վկայող սեպագրերից մեկը: Անչափ ուշագրավ է նաև ցլի վրա կանգնած Թեյշեբա աստծու բարձրաքանդակը:

³⁹ Գ. Ավետիսյան, Ա. Բոքոխյան, նշվ. աշխ., էջ 58:

⁴⁰ Հայ ժողովրդի պատմություն, հ. I, էջ 334-335. Մ. Կատվայան, նշվ. աշխ., էջ 279:

Ուրարտագիտության մեջ եղած որոշ կարծիքների համաձայն՝ Նաթագավորության մայրաքաղաքը տեղափոխում է Տուշպայի մոտակայքում գտնվող Ռուսախինիլի նորակառույց ամրոց⁴¹, մինչդեռ որոշ հետազոտողներ կարծում են, որ այն արդեն հիմնադրվել էր Ռուսա Բ-ի Նախորդ արքաներից մեկի օրոք և վերջինս այստեղ շարունակել է միայն կառուցումներ իրականացրել: Սույն հնավայրը (Թոփրաք-քալե) գտնվում է Վան քաղաքի հյուսիս-արևելքում՝ Չըմ-Չըմ լեռան վրա: 1879 թ. այստեղ պեղումներ են իրականացրել ամերիկացի միսիոներ Ա. Ռայնոլդը և բրիտանական հյուպատոս Ա. Կլեյտոնը, իսկ հաջորդ տարում Նրանց է միացել Յ. Ռասսամը: Հիմնական ուշադրությունը կենտրոնացվել է այն ժամանակ դեռևս լավ պահպանված տաճարի վրա: Նրանց հաջողվել է բացել տաճարի մի մասը և պարսիկները, սակայն Նրանց կատարած աշխատանքները միայն խիստ վնասակար եղան՝ Նպաստելով գանձախույզների կողմից հնավայրի ավերմանը և թալանին: 1898-1899 թթ. Թոփրաք-քալեում պեղումներ սկսեց Կ. Ֆ. Լեման Հաուլսթի և Վ. Բելքի գերմանական արշավախումբը: Նրանք պեղեցին տաճարի տարածքը, ամրոցի որոշ հատվածներ, կացարաններ և ստորգետնյա սենյակի մնացորդներ: Պեղումների արդյունքում պարզվեց, որ տաճարն ունեցել է քառակուսի հատակագիծ (13,8x13,8 մ), հատակը զարդարված է եղել խճանկարով: Հիմնապատերը (4 մ բարձրությամբ) կառուցված են եղել շախմատածև դասավորված սև և սպիտակ սրբատաշ քարերով: Տաճարի մուտքի մոտ գտնվել է մարմարից զոհասեղան: Տաճարի մոտ՝ բլրի հարավարևմտյան լանջին փորված 56 աստիճանները տանում են դեպի մի ժայռափոր սրահ. այն կարող էր լինել դամբարան կամ լոգարան:

Ուշագրավ է, որ բնակավայրի կացարաններից մեկում գտնվեցին 25 կարասներ՝ 500-600 լիտր տարողությամբ: Որոշ կարասների ներսում գտնվել են զենքեր, ոսկե և արծաթե իրեր: Թոփրաք-քալեից պեղումների ժամանակ հայտնաբերվել են նաև տարաբնույթ արժեքավոր իրեր՝ մետաքսի գործվածք, լաջվարդի բեկորներ, եռաժանիներ, խոշոր գամեր, դանակներ: Այնուհետև՝ 1911-1912 թթ. և 1916 թ. Յ. Օրբելին և Ն. Մառը Նույնպես պեղումներ կատարեցին Թոփրաք-քալեում⁴²:

⁴¹ Տևական ժամանակ գիտնականները կարծում էին, որ Ռուսա Ա արքան է մայրաքաղաքը Տուշպայից տեղափոխել Ռուսախինիլի, որը, ինչպես ենթադրվում էր, պայմանավորված է եղել մ.թ.ա. 735 թ. Սարդուրի Բ-ի դեմ Թիգլաթթալասար III-ի արշավանքի ժամանակ Ասորեստանի բանակի կողմից մայրաքաղաքի ավերումով:

⁴² **Б. Пуотровский**, Урагу, Ереван, 1944, էջ 148-156. **Յ. Ավետիսյան, Ա. Բորիսյան**, Նշվ. աշխ., էջ 37-41:

Ռուսա Բ արքան մ.թ.ա. VII դ. առաջին քառորդում Էրեբունիից ոչ հեռու գտնվող բլրի գագաթին հիմնադրում է Թեյշեբաինի քաղաքը՝ նվիրված տարերքի (ամպրոպի և անձրևի) աստված Թեյշեբային: Այն գտնվում է ներկայիս Երևանի հարավարևմտյան ծայրամասում՝ Հրազդան գետի ձախ ափին: Բլրի արևելյան և հյուսիսային լանջերը գրեթե ուղղաձիգ իջնում են դեպի Հրազդան գետը:

1936 թ. երկրաբան Ա. Դեմյոխինը բլրի հարավարևելյան լանջին պատահաբար գտավ սեպագրի մի հատված: Նա այդ գտածոն հանձնեց Հայաստանի պատմության պետական թանգարանին: Արձանագրության վերծանությունից պարզ դարձավ, որ այն հիշատակում է Վանի թագավորության արքա Ռուսա Բ-ի անունը: Այնուհետև կատարվեցին հետախուզական բնույթի աշխատանքներ և պարզվեց, որ բլուրը ծածկված է հնագույն շինությունների փլուզված պատերի և կարմիր հողի մնացորդներով: Այն առաջացել է պատերի հում աղյուսի այրվելու և փլուզվելու հետևանքով, ինչից բլուրը գունավորվել է կարմիր գույնով և առաջացել է «Կարմիր բլուր» անվանումը: 1939 թ. երեք արշավախումբ համատեղ սկսեցին Կարմիր բլուրի կանոնավոր պեղումները՝ Պետական Էրմիտաժի (արշավախմբի ղեկ. Բ. Պիոտրովսկի), Պատմական հուշարձանների կոմիտեի և ՍՍՀՄ ԳԱ հայկական ֆիլիալի արշավախումբը (արշավախմբի ղեկ. Կ. Ղաֆադարյան՝ 1939 թ., Ս. Տեր-Ավետիսյան՝ 1940-1941 թթ.): Հայրենական մեծ պատերազմի տարիներին պեղումներն ընդհատվեցին և վերսկսվեցին 1945 թ. Բ. Պիոտրովսկու ղեկավարությամբ⁴³:

Բլրի գագաթին գտնվող ամրոցը գրավում է շուրջ 4 հա տարածություն: Նրանից դեպի հարավ և արևմուտք ընկած էր ուրարտական բուն քաղաքը՝ զբաղեցնելով շուրջ 100 հա տարածություն: Ամրոցը եղել է երկհարկանի մի վիթխարի կառույց, որի պեղված նկուղային հարկերը կազմված են 150 սենյակներից: Ամրոցի հյուսիսային և արևելյան ճակատներն ամրացված են եղել ոչ մեծ որմնահեցերով, անկյունները՝ աշտարակներով: Դեպի բակ նայող արևմտյան ճակատը պաշտպանվել է պարիսպների կրկնակի շերտով: Բակ կարելի էր մուտք գործել հարավային՝ հսկայական աշտարակներով պաշտպանված մուտքով և հյուսիսային փոքր մուտքով՝ նախատեսված հեծյալների և մարտակառքերի համար: Ուրարտական ամրոցների ճարտարապետության համաձայն՝

⁴³ Ս. Եսայան, Կարմիր բլուր, Երևան, 1982, էջ 12-12:

պարիսպների հիմքը քարից է, որի վրա կառուցել են կավակերտ պատերը⁴⁴։ Բնակելի սենյակներն ու հանդիսավոր դահլիճները եղել են երկրորդ հարկում։

Կանոնավոր հատակագծված քաղաքը բաղկացած էր սոցիալական տարբեր խավերի մարդկանց բնակարաններից։ Բնակելի թաղամասերը կազմված են եղել առանձին տների խմբավորումից։ Բլրի մակերևույթին համապատասխան՝ կառույցները դասավորված են աստիճանաձև և ունեցել են ելուստավոր աշտարակի տեսք։ Ի տարբերություն Էրեբունիի՝ միջնաբերդը գրեթե աննկատելի է միանում բլրի ստորոտին փռված քաղաքին։ Քաղաքի հարավարևմտյան մասում պեղված (բազմաբնույթ) չորս միատիպ, կցաշար բնակարանների (յուրաքանչյուրում 10-11 սենյակ) ուղղանկյուն, ընդհանուր պարսպի ողջ պարագծով կան որմնահեցեր (չորս անկյուններում՝ ավելի զանգվածեղ)։ Բնակարանների շարքում կան նաև մեգարոնային և մենատնային տիպի կառույցներ։ Նույնատիպ բնակելի տների գոյությունից կարելի է եզրակացնել, որ այստեղ իշխել է «տիպային» կառուցապատման սկզբունքը, քաղաքը կառուցվել է ըստ նախօրոք մտածված հատակագծի և բնակեցվել է միայն կառուցումից հետո⁴⁵։

Թեյշեբաինիի միջնաբերդի հյուսիսային, հյուսիսարևմտյան մասում էր ապրում նահանգապետն իր պաշտոնյաների, գրագիրների և քրմական դասի ներկայացուցիչների հետ։ Ուշագրավ են Կարմիր բլուրից գտնված սեպագիր կավե սալիկները (արխիվը), որոնք առավելապես բովանդակում են տնտեսական փաստաթղթեր և Թեյշեբաինիի նահանգապետին ուղղված գրություններ ու արքայական հրամաններ։ Միջնաբերդի հարավային ու հարավարևմտյան հատվածը, հավանաբար, զբաղեցրել են տաճարային շինությունները։ Կարմիր բլուրից գտնված արձանագրված բրոնզե առարկաների մեջ առանձին կարևորություն ունի դռան՝ բրոնզե օղակաձև փականը, որի վրա եղած արձանագրությունից պարզվում է, որ քաղաքը կոչվել է տարերքի աստված Թեյշեբայի (Թեյշեբաինի) անունով։ Սպառազինման առարկաների վրայի՝ Խալդի աստծուն նվիրված մ.թ.ա. VIII դ. արձանագրություններից պարզ է դառնում, որ առարկաներն այստեղ են բերվել թագավորության այլ կենտրոններից։

⁴⁴ Զ. Ավետիսյան, Ա. Բոբոխյան, նշվ. աշխ., էջ. 72-74։

⁴⁵ Մ. Իսրայելյան, Կարմիր բլուր, ՅՍՀ, հ. 5, Երևան, 1979, էջ 331-332։

Թեյշեբախին ոչ միայն խոշոր տնտեսական, այլև վարչական կենտրոն էր: Այստեղ էր կուտակվում ենթակա շրջաններից ստացված հարկը: Քաղաքի բնակելի տարածքի պեղումներով հայտնաբերվեցին ոչ միայն ուրարտական, այլև՝ նախաուրարտական և վաղ հայկական մշակույթի հնագիտական շերտեր⁴⁶: Քաղաքային մասում հայտնաբերված վաղ հայկական հնագիտական նյութերը և հելլենիստական շրջանի դամբարանները վկայում են, որ կյանքը քաղաքում գոյատևել է ավելի երկար, քան՝ միջնաբերդում: Միջնաբերդում պեղված հացահատիկի պահեստները, մառանները, բրոնզե, երկաթե զենքերը (վահաններ, կապարճներ, սաղավարտներ, նետասլաքներ, տեգեր և այլն) ու գյուղատնտեսական գործիքները (եղան, եռաժանի, խոփ, բահ, քարե աղորիքներ, սանդեր և այլն), դրվագված ու սեպագիր բրոնզե իրերը, փորագրված փայտե, քարե, բրոնզե, ոսկրե, արծաթե, կավե ուլունքները, կնիքները, թասերը, արձանիկները, գործվածքի մնացորդները և շատ այլ պեղածոներ վկայում են Կարմիր բլուրում ու ողջ Ուրարտուում բարձր վարպետության հասած արհեստների ու արվեստների, զարգացած գյուղատնտեսության ու անասնապահության մասին: Հայտնաբերվել են նաև գարու, վարսակի մնացորդներով և ծղոտե գտիչներով սիգարածն անոթներ (օգտագործվել են գարեջուր պատրաստելու համար), ցորենի ամբարներ, որոնցում պահվել է շուրջ 750 տոննա հացահատիկ և անգամ հաց, քունջութ և վերջինիցս ստացվող ձեթի արտադրամաս: Ելնելով այստեղ գտնված կարասների մնացորդներից՝ ըստ մոտավոր հաշվարկների, Կարմիր բլուրի միջնաբերդում պահվել է շուրջ 400.000 լիտր գինի:

Նշելի են նաև կանացի պերճանքի առարկաները, ի մասնավորի՝ ոսկորից սանր, հերակալ, անուշահոտ յուղերի սրվակներ և այլն: Փոքրասիական ու անդրկովկասյան արտադրանքի նմուշները և սկյութական առարկաները (զենքեր, ձիասարք, զարդեր) վկայում են ուրարտական կենտրոնների կապը ոչ միայն շրջակա երկրների բնակիչների, այլև մերձդնեպրյան սկյութների հետ⁴⁷:

Ռուսա Բ-ին հաջորդում է որդին՝ **Սարդուրի Գ-ն** (իշխել է մ.թ.ա. 645-635 թթ.), որի կառավարման շրջանով սկսվում է Վանի թագավորության աստիճանական անկումը: Սարդուրի Գ արքայի օրոք շարունակվել են բարիդրացիական հարաբերություններն Ասորեստանի հետ: Արձանա-

⁴⁶ Մանրամասն տե՛ս **Ս. Եսայան**, նշվ. աշխ., էջ 38, 56-66:

⁴⁷ **Ս. Խորայեյան**, նշվ. աշխ., էջ 332:

գրություններից մեկում Աշուրբանապալը Սարգուրի Գ-ի պալատին և երկրին խաղաղություն է մաղթում, մեկ այլ արձանագրությունում նշվում է նրանց հարաբերությունների մասին՝ որպես հոր և որդու, ինչպես նաև նշվում է, որ Սարգուրի Գ-ն Ասորեստանի արքային անվանում է «տեր»⁴⁸: Ելնելով այս հանգամանքից՝ ենթադրելի է, որ Վանի թագավորությունն այդ շրջանում նկատելիորեն թուլացել էր և իր նախկին ախոյանի հետ այժմ ձգտում էր բարիդրացիական հարաբերություններ պահպանել: Թերևս հենց նրա անունն է հիշատակվում Կարմիր բլուրից գտնված երկու կավե սալիկների վրա:

Կարմիր բլուրի պեղումներից հայտնաբերված բրոնզե վահաններից մեկի և կավե սալիկի վրա առկա արձանագրություններից ելնելով՝ որոշ հետազոտողներ Սարգուրի Գ-ի հաջորդ են համարում նրա որդուն՝ Սարգուրի Դ-ին: Նրա անձի, ինչպես նաև գործունեության մասին հստակ տեղեկություններ չկան: Հայտնի արևելագետ Ի. Դյակոնովը կարծում էր, որ Սարգուրի Դ-ն, լինելով Սարգուրի Գ-ի որդին, հոր մահվան ժամանակ դեռևս հասած չի եղել չափահասության տարիքի, և գահը ժառանգել է նրա հորեղբայրը՝ **Էրիմենան**: Որոշ հետազոտողներ, սակայն, ընդհանրապես վիճարկում են Էրիմենայի՝ արքա լինելու հանքամանքը:




Նկ. 9. Էրիմենայի անվամբ վահանը

⁴⁸ Հայ ժողովրդի պատմություն, հ. I, էջ, 334:

Ի. Ղյակոնովը Երիմենային էր վերագրում Կարմիր բլուրում՝ 1957 թ. հայտնաբերած սալիկներից մեկը: Ինչ վերաբերում է Երիմենայի որդուն՝ սեպագրերից հայտնի **Ռուսա Գ**-ին, ապա նրա գահակալության տարիների վերաբերյալ ներկայումս առկա են տարբեր տեսակետներ: Որոշ հետազոտողներ նրա գահակալումը տեղադրում են Ռուսա Բ-ից առաջ կամ հետո: Ռուս հայտնի լեզվաբան և հնագետ Ի. Մեշչանինովը ենթադրել է, որ Երիմենան պետք է հասկանալ ոչ թե որպես հայրանուն, այլ երկրանուն՝ Արմենիա⁴⁹: Գ. Ղափանցյանը ենթադրել է, որ այդ անվանումը կարող է նշանակել «Երմինյան», «արմենական-հայկական»⁵⁰: Այս հարցի շուրջ, սակայն, դեռևս միակարծություն չկա:

Ռուսա Գ-ի անունը հիշատակված է նաև Թոփրաք-քալեի պեղումներից հայտնաբերված վահանների վրա: Ռուսան շինարարական աշխատանքներ է ծավալել Երեբունիում և Արգիշտիիսինիլիում, որտեղ գտնվել են շտեմարաններ կառուցելու վերաբերյալ նրա արձանագրությունները: 1968 թ. Արին-բերդում հայտնաբերված այդպիսի մի արձանագրության վրա կարդում ենք. «Ռուսան՝ Երիմենայի որդին, այս ցորենի ամբարը լցրեց: 6848 կապի (կա) այստեղ»⁵¹:



Նկ. 10. 1968 թ. հայտնաբերված Ռուսա Գ-ի արձանագրությունը Արին-բերդում («Երեբունի» պատմահնագիտական արգելոց-թանգարանում)

⁴⁹ **И. Мещанинов**, К анализу имени Эримена, Язык и мышление, т. I, Ленинград, 1933, էջ 37:

⁵⁰ **Գ. Ղափանցյան**, նշվ. աշխ., էջ 221:

⁵¹ **Н. Арутюнян**, Корпус урартских клинообразных надписей, էջ 373-374, 3^դ 444:

Կարմիր բլուրի պեղումներից հայտնի Ռուսայի որդի Ռուսան՝ վկայված կավե սալիկի և բուլլայի արձանագրություններում, համարվում էր Վանի թագավորության վերջին արքան՝ հաջորդած Ռուսա Գին: Ենթադրվում էր, որ հենց նրա օրոք՝ մ.թ.ա. 590 թ., մարական արշավանքի պատճառով ընկավ Ուրարտուն, նվաճվեցին և հրդեհվեցին նրա ամրոցները: Ներկայումս, սակայն, պայմանավորված Էրիմենայի որդի Ռուսայի գահակալության ժամանակաշրջանի վերանայմամբ և այլ փաստերով՝ հետազոտողներն առաջարկել են ինչպես թագավորության՝ VII դ. երկրորդ կեսին անկման վարկածը, այնպես էլ մարերից գատ այլ ուժերի կողմից նվաճման տարբերակներ ու անկման վարկածներ: Դիպուկ է նկատում վաստակաշատ պատմաբան Ն. Ադոնցը, «Այսպես մարեց քաղաքակրթության մի օրրան, որը երեք դար շարունակ՝ 900-600 թթ., փայլատակել էր Հայաստանի բարձունքում: Նա առաջինը միավորեց երկիրը՝ բազմաթիվ ցիրուցան ցեղեր համախմբեց մի քաղաքական ու մշակութային կյանքի շրջանակներում»⁵²:

Այսպիսով, եթե փորձենք թվարկել Վանի թագավորության խոշորագույն պատմաճարտարապետական հուշարձանները, կունենանք հետևյալ ցանկը.

ՏՈՒՇԱՊԱ – ամրոց՝ Վանա լճի ափին, ներկայիս Վան քաղաքի տարածքում, ենթադրաբար հիմնադրված Սարդուրի Ա-ի օրոք:

ԱՉՆԱՎՈՒՐ-ԹԵԺԵ – ուրարտական ամրոց՝ ենթադրաբար հիմնադրված Իշպուհնի արքայի օրոք: Գտնվում է Արևմտյան Հայաստանի Պատնոց կամ Բադնոց գյուղի մոտ (Մանազկերտ քաղաքից մոտ 20 կմ հյուսիս-արևելք, Արածանիի Մանազկերտ վտակի վերին հոսանքի շրջանում՝ աջ ափին):

ՄՈՒԾԱԾԻՐ (ԱՐԴԻՆԻ) – քաղաք՝ կառուցված Իշպուհնիի օրոք, որտեղ գտնվում էր Խալդի աստծու գլխավոր տաճարը:

ՄԵՆՈՒԱՆԻՆԻԼԻ – ամրոց՝ ներկայիս Իգդիր քաղաքի մոտ՝ Դաշբուռուն գյուղի տարածքում, հիմնված Մենուայի օրոք:

ՄԵՆՈՒԱՆԻՆԻԼԻ – ամրոց՝ Վանա լճի հարավային ափին, հիմնված Մենուայի օրոք:

⁵² Ն. Ադոնց, Զննական պատմություն Հայոց, հ. Դ, Երևան, 2009, էջ 317-318:

ՄԵՆՈՒԱՅԻ ԶՐԱՆՅՔ – ջրանցք՝ կառուցված Մենուայի օրոք՝ Տուշպայի և շրջակայքի ջրամատակարարման համար:

ԷՐԵԲՈՒՆԻ (ԱՐԻՆ-ԲԵՐԴ) – ամրոց՝ ներկայիս Երևանի տարածքում, հիմնված Արգիշտի Ա-ի կողմից:

ԱՐԳԻՇՏԻՆԻՆԻԼԻ – բերդաքաղաք՝ ներկայիս Արմավիրի մոտակայքում, հիմնված Արգիշտի Ա-ի կողմից:

ԱԼԹԸՆ-ԹԵՓԵ – բերդաքաղաք՝ հիմնված Արգիշտի Բ-ի օրոք (մ.թ.ա. 714-685/80 թթ.), գտնվում է ներկայիս Երզնկա քաղաքից մոտ 20 կմ դեպի արևելք (Կարինից Սեբաստիա տանող ճանապարհի մոտ):

ԹԵՅՇԵԲԱԻՆԻ (ԿԱՐՄԻՐ ԲԼՈՒՐ) – բերդաքաղաք՝ հիմնված Ռուսա Բ-ի օրոք, գտնվում է ներկայիս Երևանի Շենգավիթ համայնքում:

Ս. ԷԶՄԻԱԾՆԻ ՄԱՅՐ ՏԱՃԱՐԻ ԿԱՌՈՒՑՈՒՄԸ. ՏԱՐԵԳՐՈՒԹՅՈՒՆ ԵՎ ՖՈՏՈՇԱՐՔ

301-303 թթ. - Ագաթանգեղոսի հաղորդմամբ՝ քրիստոնեության քարոզների 66-րդ օրվա գիշերը Գրիգոր Լուսավորիչը տեսիլք է ունենում, որի համաձայն՝ արքունի ապարանքների մոտ կառուցվում է քրիստոնեական անդրանիկ տաճարը՝ Ս. Էջմիածինը¹:

360-ական թթ. - Վաղարշապատի եկեղեցիները մեծապես վնասվում են Պարսից Շապուհ II թագավորի հասցրած ավերածություններից²:

369 թ. - Ներսես Ա Մեծ կաթողիկոսը «զբնաւ կարգ եկեղեցւոյ բարւոք եւ վայելչապէս նորոգէր»³:

V դ. - Ղազար Փարպեցու վանահայրության օրոք տաճարի փայտե ծածկը հրդեհվել է, այսինքն՝ այն սկզբնապես փայտածածկ է եղել:



483-484 թթ. - Վահան Մամիկոնյանն ի հիմանց նորոգում է Գրիգորաշեն կառույցը՝ նրան տալով քառախորան կենտրոնագմբեթ հորինվածք: Ըստ Ղազար Փարպեցու՝ V դարավերջին, երբ երկրում կրկին ծավալվել են շինարարական աշխատանքներ, Էջմիածնի Մայր տաճարը «...հիմնարկեալ նորոգեաց մեծապայծառ շքեղութեամբ զինացեալ գործ նախնեացն իւրոց, քաջ զօրավարն Յայոց Մամիկոնեանն Վահան»⁴:

¹ **Ագաթանգեղոս**, Պատմութիւն Յայոց, քննական բնագիրը՝ **Գ. Տեր-Սկրտչյանի** և **Ս. Կանայանցի**, Երևան, 1983, էջ 416-420: Ըստ Ս. Էջմիածնի միաբան Յովհաննես Եպս. Շահխաթունյանցի՝ տաճարի կառուցումը սկսվել է Տրդատ արքայի գահակալության 15-րդ և ավարտվել 17-րդ տարում՝ 301-303 թթ. (**Յովհաննես Եպս. Շահխաթունեանց**, Ստորագրութիւն Կաթողիկէ Էջմիածնի և հինգ գաւառացն Արարատայ (այսուհետ՝ Ստորագրութիւն), աշխատասիրութեամբ՝ **Ա. Տեր-Ստեփանյանի**, Ս. Էջմիածին, 2014, էջ 16):



² **Փաւստոս Բիւզանդ**, Պատմութիւն Յայոց, բնագիրը՝ **Զ. Պատկանյանի**, Երևան, 1987, էջ 266:

³ **Սամուէլ Անեցի եւ շարունակողներ**, Ժամանակագրութիւն. Ադամից մինչեւ 1776 թ., աշխատասիրութեամբ՝ **Կ. Մաթևոսյանի**, Երևան, 2014, էջ 132:


⁴ **Ղազար Փարպեցի**, Պատմութիւն Յայոց եւ Թուրք առ Վահան Մամիկոնեան, քննական բնագիրը՝ **Գ. Տեր-Սկրտչյանի** և **Ստ. Մալխասյանցի**, Երևան, 1982, էջ 380:



Նկ. 1ա, բ. Ս. Էջմիածնի Մայրավանքն ըստ Ժան-Բատիստ Տավերնիեի, 1630-ական թթ. սկիզբ



Նկ. 2ա, բ. Ս. Էջմիածնի Մայրավանքն ըստ Ժան Շարդենի,
1670-ական թթ. սկիզբ



Նկ. 3ա, բ. Ս. Էջմիածնի Մայր տաճարն ըստ Ժան Շարդենի,
1670-ական թթ. սկիզբ

615-628 թթ. - Կոմիտաս Ա Աղցեցին փայտաշեն գմբեթը փոխարինում է քարաշենով⁵:

641-661 թթ. - տաճարը նորոգում է Ներսես Գ Տայեցի կաթողիկոսը⁶:

VII-XIV դդ. - տաճարը զգալի վնասվել է արաբների, սելջուկների, թաթար-մոնղոլների արշավանքներից⁷:

1441-1443 թթ. - կաթողիկոսական աթոռը Վաղարշապատում վերահաստատելուց անմիջապես հետո՝ նորընտիր կաթողիկոս Կիրակոս Ա Վիրապեցու օրոք, Մայր տաճարը նորոգվում է⁸: Այնուհետ, մինչև Մովսես Տաթևացու ժամանակները, տաճարում կատարված նորոգման որևէ աշխատանք չի հիշատակվում⁹:

⁵ Պատմություն **Սեբեոսի**, աշխատասիրությամբ՝ **Գ. Աբգարյանի**, Երևան, 1979, էջ 121. **Յովհաննես Դրասխանակերտցի**, Պատմություն Հայոց, քննական բնագիրը եւ առաջաբանը՝ **Գ. Տեր-Վարդանեանի**, «Մատենագիրք Հայոց», ԺԱ հատոր, Ժ դար, Անթիլիաս-Լիբանան, 2010, էջ 403:

⁶ **Դավիթ Բաղիշեցու** ժամանակագրությունը, «Մանր ժամանակագրություններ. XIII-XVIII դդ.», հ. Բ., կազմեց՝ **Վ. Հակոբյան**, Երևան, 1956, էջ 330:


⁷ Հայրապետական աթոռի՝ դեռևս V դարում Վաղարշապատից Դվին, իսկ հետագայում այլ վայրեր փոխադրման արդյունքում հոգևոր կենտրոնը կորցնում է իր երբեմնի փառքը – Ա. Հ.:

⁸ **Մ. Համբակյան**, Հայոց պատմություն, հ. Գ, Երևան, 1984, էջ 488-489:

⁹ **Սիմեոն կթղ. Երեւանցի**, Ջամբռ, էջ 19:

XVII դ. սկիզբ - Շահ Աբասը, հայերին Պարսկաստան գաղթեցնելուց հետո, ցանկացել է Էջմիածնի Մայր տաճարն ամբողջովին քանդել, նրա քարերը տեղափոխել Պարսկաստան և այնտեղ կառուցել նոր տաճար՝ մտածելով այդ կերպ հայերին կապել նոր բնակավայրի հետ: Սակայն հետագայում որոշվում է տանել միայն «նշանավոր» քարերը (4 անկյուններից, պատարագի ս. Սեդանը, Իջման տեղի քարը, մկրտության ավազանը, բեմի քարերից, քարե աշտանակներ ևն, նաև Լուսավորչի Աջը), որոնք և քանդվեցին ու տեղափոխվեցին Ջուղա: Այս ամենն ավելի է քայքայում խարխված տաճարը:

1629-1633 թթ. - Մովսես Տաթևացի կաթողիկոսի օրոք վերանորոգվում են գմբեթը, առաստաղը, ծածկը, հիմքերը, սալահատակը, կառուցվում են արտաքին նոր պարսպապատեր, հյուրանոց, միաբանական խցեր, սեղանատուն և այլ շենք-շինություններ¹⁰:



**Նկ. 4. Ս. Էջմիածնի Մայրավանքը
Ֆրանսիացի անհայտ նկարչի կտավում, XVII դար**

¹⁰ **Առաքել Դարիժեցի**, Գիրք պատմութեանց, աշխատասիրութեամբ՝ **Լ. Խանլարեանի**, Երևան, 1990, էջ 238. Դավիթ Բաղիշեցու ժամանակագրությունը, էջ 358:


1654 թ. - Փիլիպպոս Աղբակեցի կաթողիկոսի օրոք պոլսահայ Անտոն չելեպիի մեկենասությամբ և Սահակ Զիզանցի ճարտարապետի ձեռամբ սկսվում է տաճարի արևմտյան մեծ զանգակատան շինարարությունը, որն ավարտվում է Զակոբ Զուղայեցի կաթողիկոսի օրոք՝ 1658 թ.:

1664 թ. - Չաքարե «ոսկերիչը» նկարագարվում է զանգակատունը¹¹:

1682 թ. - Եղիազար Այնթապցի կաթողիկոսի օրոք տաճարի արևելյան, հյուսիսային և հարավային խորաններին կառուցվում են փոքր զանգակատուն-գմբեթներ՝ տաճարը դարձնելով հնգագմբեթ¹²:

1683-1684 թթ. - Եղիազար Այնթապցին տաճարի կենտրոնում տեղադրված Իջման ս. Սեդանի վրա կառուցում է քառամույթ ամպիովանի, որը հետագայում նկարագարվում է: Ավագ խորանի բեմապատը երեսպատվում է մարմարե սալերով, նորոգվում են մույթերը, սալարկվում աղոթասրահը, հարավային խորանում հիմնվում Ս. Զովհաննես Կարապետի, հյուսիսային խորանում՝ Ս. Ստեփանոսի Նախավկայի անվանակիր սեդանները¹³:

1697 թ. - տաճարին է փոխանցվում Զոռմի պապի նվիրաբերած կաթողիկոսական գահը:




**Նկ. 5. Ս. Էջմիածնի Մայրավանքը
անհայտ նկարչի փորագրանկարում, XVII դար**

¹¹ Այդ մասին վկայող արձանագրությունը՝ զանգակատան միջնահարկի արևելյան ճակտոնին (տե՛ս **Ս. Սաղումյան**, Երբ և ովքեր են կառուցել Էջմիածնի Մայր տաճարի զանգակատունը, «Էջմիածին», 1976, Ե., էջ 32. **Ա. Զարությունյան**, Վաղարշապատ. վանքերը և վիմական արձանագրությունները (այսուհետ՝ Վաղարշապատ), Ս. Էջմիածին, 2016, էջ 56, արձ. 13):

¹² **Չաքարիա Բանաբեռցի**, Պատմութիւն. Կոնդակ Սուրբ ուխտին Յօհաննու վանից, աշխատասիրությամբ՝ **Ա. Վիրաբյանի**, Երևան, 2015, էջ 151:

¹³ **Սիմեոն կթ. Երեւանցի**, Ջամբռ, էջ 26:



**Նկ. 6. Ս. Էջմիածնի Մայրավանքը
անհայտ նկարչի փորագրանկարում, XVII դար**


1712-1721 թթ. - Ալեքսանդր Ա Ջուղայեցի և Աստվածատուր Ա Զա-
մադանցի կաթողիկոսների օրոք տաճարում որմնանկարչական աշխա-
տանքներ է կատարում Նաղաշ Հովնաթանը: Վերջինիս են վերագրվում
գմբեթի վերնամասի նկարազարդումները, պատերին տեղ գտած «Տրդատ,
Աշխեն և Խոսրովի դուխտ», «Աղոթող զինվոր» և «Հայկ Նահապետ»
(կամ՝ «Ս. Մինաս») որմնանկարները (վերջին երեքն այժմ գտնվում են
ՀԱԴ-ում)¹⁴, նաև բեմի ճակատամասի մարմարապատ երեսին պատկեր-

¹⁴ Ըստ Եղիշե Մարտիրոսյանի՝ Տրդատ արքայի ընտանիքի խմբանկարն ու «Հայկ Նահապետը» Աբրահամ Մշեցի կաթողիկոսի (1729-1734 թթ.) գահակալման ժամանակաշրջանի գործեր են, որոնք վերագրելի են Նաղաշի որդուն՝ Հակոբ Հովնաթանյանին (**Ե. Մարտիրոսյան**, Հայ-կական կերպարվեստի պատմություն, գիրք Ա (XVII-XIX դդ.), Երևան, 1971, էջ 82-84, տե՛ս նաև **Ր. Ժամբյան**, «Из истории армянского искусства», էջ 117): Ինչ վերաբերում է կտավ-ների բովանդակությանը, ապա «Տրդատ, Աշխեն և Խոսրովի դուխտ» և «Աղոթող զինվոր» պատկերները կազմել են «Հրեշտակի հայտնությունը Գրիգոր Լուսավորչին» տեսարանի առանձին հատվածները (այլ ոչ թե «Հայաստանում քրիստոնեության ընդունման» տեսա-րանի, ինչպես համարվում էր մինչ այդ): Դա պարզել է Ռուբեն Դրամբյանը՝ 1834 թ. Էջ-միածնի վանքին նվիրաբերված մի նկարի հետ համեմատության արդյունքում, որը փաս-տացի որմնանկարի «հեռավոր կրկնօրինակն» է (Очерки по истории армянского изобрази-тельного искусства, էջ 106-107. **Ր. Ժամբյան**, նշվ. աշխ., էջ 135-136):

ված «Տիրամայրը Մանկան հետ» (կենտրոնում), Ս. Ստեփանոսի և Ս. Փիլիպպոսի (ծախ և աջ կողմերում, աստիճանների տակ) պատկերները¹⁵:

1715-1721 թթ. - Աստվածատուր Համադանցի կաթողիկոսը մարմարապատել է Իջման ս. Սեդանը, ավագ խորանի ճակատային մասը, սալարկել է հատակը, նորոգել է չորս մեծ սյուները¹⁶: Այս մասին գմբեթատակ բոլորակին պահպանվել է սևաներկ արձանագրություն:

1721 թ. - Մադրասի հայերը տաճարին են փոխանցում կաթողիկոսական նոր գահը, որը հետագայում նկարագարվում է (ենթադրաբար Հակոբ և Հարություն Հովնաթանյանների կողմից): Երկու ավանդատներում տեղադրվում են ընդելուզված գաղտակուրով (սաղաֆապատ) դռներ (այժմ պահվում են ՀՊԹ-ում):



Նկ. 7. Դրվագ՝ Երեմիա չելեպի Զյոմուրճյանի՝
«Հայոց սրբավայրերը» քարտեզից, 1691 թ.

¹⁵ **Գ. Լևոնյան**, Հովնաթանյան Նաղաշները հայ նկարչության պատմության մեջ, «Խորհրդային արվեստ», 1938, թ. 2, էջ 24-29. **Ե. Մարտիկյան**, Հայկական կերպարվեստի պատմություն, գիրք Ա, Երևան, 1971, էջ 79-80. **Ս. Ղազարյան**, Հայ կերպարվեստը XVII-XVIII դարերում, Երևան, 1974, էջ 158-163: Բեմառեջքի մարմարապատումն արվել է Աստվածատուր Համադանցի կաթողիկոսի օրոք, 1720 թ. (**Սիմեոն կթ. Երեւանցի**, Ջամբռ, էջ 28), այնպես, որ եթե Ս. Աստվածածնի պատկերի հեղինակը Հովնաթանն է, այն պետք է արված լի-նի 1720-1721 թթ.՝ մինչև նկարչի մահը:

¹⁶ **Սիմեոն կթ. Երեւանցի**, Ջամբռ, էջ 28:

1726-1729 թթ. - ըստ Սիմեոն Երևանցու՝ Կարապետ Ուլենցի կաթողիկոսի օրոք Հակոբ և Հարություն Հովնաթանյաններն ավարտել են բեմառեջքի ձևավորումը՝ շարքում պատկերելով Նաև տասներկու առաքյալներին¹⁷:

1732 թ. - Աբրահամ Բ Խոշաբեցի կաթողիկոսի հոգածությամբ Իջման ս. Սեդանը շրջապատվում է պղնձյա ճաղավանդակով, որն ուներ երկու դուռ՝ հարավային և արևմտյան:

1733 թ. - Աբրահամ Խոշաբեցին ավագ խորանի երկու կողմում՝ հատակից ավելի քան մեկ կանգուն բարձրությամբ սեղաններ է հիմնում, աջինը՝ նվիրված Սրբոց Հակոբյանց առաքյալներին, ձախինը՝ Ս. Գրիգոր Լուսավորչին¹⁸: Նկարագարդել է տվել Նաև պատերը և մույթերը¹⁹:



Նկ. 8. Վաղարշապատի վանքերը Տուրնեֆորի փորագրանկարում, 1700-1702 թթ.


¹⁷ **Սիմեոն կթղ. Երևանցի**, նշվ. աշխ., էջ 28: Մ. Ղազարյանի ենթադրությամբ՝ Հակոբն ու Հարությունը բեմառեջքի նկարագրողումն ավարտել են ըստ Նաղաշ Հովնաթանի գծագրերի (**Մ. Ղազարյան**, նշվ. աշխ., էջ 161-163): Մարտիկյանը, բացի առաքյալներից, «Աստվածամոր և մանկան» որմնանկարը ևս վերագրում է Հակոբին (**Ե. Մարտիկյան**, նշվ. աշխ., էջ 90-93, տե՛ս նաև **Р. Драммян**, «Из истории армянского искусства», էջ 120-121):

¹⁸ **Հովհաննես եպս. Շահխաթունեանց**, Ստորագրութիւն, էջ 27: Խորանները հանվել են Խրիմյան Հայրիկի օրոք (**Ս. Տոցկեան**, Արարատ-Կովկաս, հ. Ա, Ֆրեզնո, 1917, էջ 14):

¹⁹ **Սիմեոն կթղ. Երևանցի**, Ջամբռ, էջ 30: Մ. Ղազարյանի ենթադրությամբ՝ այդ նկարագրողումների հեղինակը Հակոբ Հովնաթանյանն է (**Մ. Ղազարյան**, նշվ. աշխ., էջ 173):

1769-1771 թթ. - Սիմեոն Երևանցի կաթողիկոսի օրոք Գասպար վարպետի գլխավորությամբ վերանորոգվում են տաճարի տանիքը, երկու խորանները և հարավային զույգ մույթերը (վերջիններից մեկի արևելյան, մյուսի արևմտյան ճակատներին եղել են նորոգության մասին վկայող սևաներկ արձանագրություններ)²⁰:

1778-1780, 1785-1786 թթ. - Հովնաթան Հովնաթանյանը նկարագարում է տաճարը: Վերանկարվում է գմբեթը, և ավելացվում են աղոթասրահի մնացած մասի որմնանկարները²¹: Հովնաթանին են վերագրվում նաև Իջման ս. Սեդանի ամպիոմանուկ նկարագարումն²² ու բեմառեջքի վերանկարումը²³:




**Նկ. 9. Ս. Էջմիածինը XVIII դարավերջին
(Պատկերագարի ուղեցույց, 1796 թ.)**

²⁰ **Յովհաննես եպս. Շահխաթունեանց**, Ստորագրություն, էջ 28. **Ալիշան**, Այրարատ, էջ 220. Դիւան հայոց պատմութեան, գիրք Գ, Թիֆլիս, 1894, էջ ԴԱ-ԴԲ. **Կ. Կոստանեանց**, Վիմական տարեգիր, Ս. Պետերբուրգ, 1913, էջ 213. **Ա. Հարությունյան**, Վաղարշապատ, էջ 72-73, արձ. 49, 50:

²¹ **Ե. Մարտիկյան**, Նշվ. աշխ., էջ 100-103. **Մ. Ղազարյան**, Նշվ. աշխ., էջ 177-181, 183-186. Очерки по истории армянского изобразительного искусства, էջ 110-111:

²² **Բ. Ավետիսյան**, Իջման Սեդանի նկարագրությունները, «Հայ արվեստ», 2007, թ. 1, էջ 32-34: Եղիշե Մարտիկյանն այն համարում է Նաղաշ Հովնաթանի ստեղծագործություններից (**Ե. Մարտիկյան**, Նշվ. աշխ., էջ 65-66):

²³ **Մ. Ղազարյան**, Նշվ. աշխ., էջ 197. **Ե. Մարտիկյան**, Նշվ. աշխ., էջ 103-104:



Նկ. 10. Ս. Էջմիածինը գերմանացի նկարչի պատկերմամբ, 1804 թ.

784 թ. - Ղուկաս Ա Կարնեցի կաթողիկոսը փոխում է Ս. Էջմիածնի Մայր տաճարի արտաքին պատերի ստորին չորս շարքի և որմնախարսիսի վնասված քարերը²⁴, այնուհետ՝ սալարկում բակը²⁵:

1783-1786 թթ. - Ղուկաս կաթողիկոսը մեծ նորոգումներ է իրականացնում տաճարի աղոթասրահում²⁶: Այս մասին գմբեթատակ ներքին բոլորակին կա սևաներկ արձանագրություն: Արժանահիշատակ է հատկապես հյուսիսային երկու մույթերի նորոգումը, որոնց վրա ևս եղել են սևաներկ արձանագրություններ²⁷:

²⁴ Այդ մասին է վկայում ներկայումս գանձատան մոտ գտնվող արձանագիր քարը (*Ա. Հարությունյան*, Վաղարշապատ, էջ 76-77, արձ. 53):

²⁵ Այդ է վկայում գանձակատան ներքնահարկի հյուսիսային որմի արձանագրությունը (*Ա. Հարությունյան*, Վաղարշապատ, էջ 77-78, արձ. 55):

²⁶ *Մաղաքիա արք. Օրմանյան*, Ազգապատում, հ. Բ, Ս. Էջմիածին, 2001, սյուն 1015:

²⁷ *Յովհաննես եպս. Շահխաթունեանց*, Ստորագրութիւն, էջ 30:



**Նկ. 11. Մայրավանքը հյուսիս-արևմուտքից, տպ. Ս. Պետերբուրգ, 1805 թ.,
Հայաստանի ազգային գրադարանի արխիվ**



**Նկ. 12. Մայր տաճարը Վ. Սովմենչենսկու նկարում, 1805 թ.,
Հայաստանի ազգային գրադարանի արխիվ**

1804-1813 թթ. - ռուս-պարսկական պատերազմի ընթացքում ռուսական կողմը տաճարը որպես բերդ է օգտագործել, որի համար խորանների զանգակատների շուրջը պատնեշներ են կառուցվել: Ռուս զինվորները տաճարի տանիքին շուրջօրյա պահակության ընթացքում կրակ են վառել, որի հետևանքով տանիքի սալերը ճաքճքել են, և անձրևաջրերը ներս են թափանցել՝ մեծ վնաս պատճառելով որմնակարներին:



Նկ. 13. Մայրավանքը հյուսիս-արևմուտքից, անհայտ նկարիչ, XIX դար

1816 թ. - Եփրեմ Ա Ձորագեղցի կաթողիկոսը նորոգում է Մայր տաճարի տանիքը, որի ենթագմբեթային ծածկասալերին այդ մասին վկայող արձանագրություններ կան²⁸:

1837 թ. - Ռուսաց Նիկոլայ I կայսեր՝ Յայաստան այցելելու նախօրյակին նորոգվել և բարեկարգվել են տաճարը և շրջակայքը:

1840-ական թթ. վերջ - Արևելյան Յայաստանով շրջագայող ռուս գինվորական և նկարիչ Գրիգորի Գագարինը նկարում է Մայր տաճարի աղոթասրահն ու մեծ զանգակատունը: Մեկ տարի անց՝ 1847-1848 թթ., աղոթասրահը նկարում է նաև գերմանացի գեղանկարիչ Վիլհելմ Կիսվետտերը²⁹:

1866 թ. - Գևորգ Դ Կոստանդնուպոլսեցի կաթողիկոսի նախաձեռնությամբ հանգանակություն է կազմակերպվել Ս. Էջմիածնի Մայր տաճարի հիմնիվեր նորոգման համար: Հանգանակությունը շարունակվում է շուրջ երկու տասնամյակ, որի ընթացքում հավաքվում է 15.500 ռուբլի³⁰:

²⁸ **Յովհաննես եպս. Շահխաթունեանց**, Ստորագրություն, էջ 31. **Ա. Հարությունյան**, Վարդապատ, էջ 85, արձ. 66, 67:

²⁹ **M. Pehlivanian**, Armeni syn die menschen genant. Eine Begegnung mit dem historischen Armenien, Berlin, 2000, էջ 149:

³⁰ **Վ. Հարությունեան**, Եկայք շինեսցուք, Ս. Էջմիածին, 1988, էջ 13:



Mount Ararat. Robert Kerr Porter, The British Library (Courtesy of R. Galichian)

Նկ. 14. Ս. Էջմիածինը Ռոբերտ Կեր Պորտերի նկարում, 1817-1820 թթ.



Նկ. 15. Ս. Էջմիածնի Մայր տաճարը, 1832 թ., ըստ Դյուբուա դը Մոնպերի, Ատլաս, III մաս, պլ. 6

1868 թ. - Գևորգ Դ Կոստանդնուպոլսեցի կաթողիկոսի նախաձեռնությամբ մեկնարկում են Մայր տաճարին արևելքից կից եռադահլիճ «Ավանդատուն» թանգարանի շենքի շինարարական աշխատանքները, որոնք ավարտվում են 1869 թ.³¹:

1888 թ. ապրիլ - ճարտարապետ Միքայել Սալամբեկյանի ղեկավարությամբ սկսվել են Էջմիածնի Մայր տաճարի նորոգման աշխատանքները: Տաճարի պատերի քայքայված եռաստիճան հիմնախարիսխը փոխարինվել է նորով: Մայրավանքի ընդարձակ բակը, որը զգալիորեն բարձր էր տաճարի հատակից, հողահեռացմամբ ցածրացվել է, և այնտեղից հոսող ջուրը շենք այլևս չի ներթափանցել:

1889 թ. - ինժեներ Նիկոլայ Գրիգորյանի նախագծով Մայր տաճարի երեք մուտքերի դռները փոխարինվում են կաղնեփայտե դռներով³²: Փոխվում են նաև զանգակատան մույթերի վնասված քարերը:

1890-1891 թթ. - Նկարիչ Վարդգես Սուրենյանցը Գևորգյան հոգևոր ճեմարանում դասավանդելու տարիներին Մայր տաճարի որմնանկարների բազմաթիվ հատվածներ է կրկնօրինակում: Ըստ նկարչի քրոջ հաղորդման՝ այդ արտանկարներով կազմվել է 130 թերթից բաղկացած շատ արժեքավոր պատկերագիրք, որը, դժբախտաբար, անհետացել է³³:

1890-ական թթ. – Պետրոս Սրապյանը (1833-1898 թթ.) նկարազարդում է Մայր տաճարի թանգարանը: Ըստ որոշ տվյալների՝ «1893-1896 թթ. Խրիմյան կաթողիկոսի հրավերով ձևավորել է Էջմիածնի վանքի ժողովարանը և Վեհարանի թանգարանը»³⁴, ըստ այլ տվյալների՝ «նկարիչը հրավիրվել էր կաթողիկոսի վեհարանը և կաթողիկոսարանի թանգարանը պատկերազարդելու նպատակով»³⁵:

1890-ական թթ. վերջ - 1900-ական թթ. սկիզբ - Խրիմյան Հայրիկ կաթողիկոսը նոր նկարազարդման համար նախաձեռնում է տաճարի պատերը ներքուստ ծեփապատելու աշխատանքները:

³¹ Գաղափարը կաթողիկոսը հղացել էր 1867 թ., երբ շրջագայում էր Ռուսաստանի հայոց թեմերով, և դա կապված էր երկու ավանդատների խիստ փոքր չափերի հետ, որոնցում հնարավոր չէր տեղավորել եկեղեցական սպասքն ու թանգարանային արժեք ունեցող իրերը (**Վ. Յարութիւնեան**, Եկայք շինեսցուք, էջ 14):

³² Նույն տեղում, էջ 13:


³³ **Ե. Մարտիկյան**, Հայկական կերպարվեստի պատմություն. XVII-XIX դդ., գիրք Բ, Երևան, 1975, էջ 54:

³⁴ **Ա. Առաքելյան**, Պետրոս Սրապյան, ՀՍՀ, հ. 11, Երևան, 1985, էջ 164:

³⁵ **Ա. Աղասյան**, Հայ կերպարվեստի զարգացման ուղիները XIX-XX դարերում, Երևան, 2009, էջ 33:

1890-ական թթ. վերջ - 1900-ական թթ. սկիզբ - Խրիմյան Յայրիկը տաճարի նորոգումը ղեկավարելու համար հրավիրում է նկարիչ Վարդգես Սուրենյանցին:


1909 թ. - «Սուրճ» ամսագրում հրատարակվում է Վարդգես Սուրենյանցի «Դարձեալ Էջմիածնի տաճարի նորոգման մասին» հոդվածը, որտեղ հեղինակը ներկայացնում է տաճարի վերականգնման իր մշակած գիտամեթոդական սկզբունքները:



Նկ. 16. Ս. Էջմիածնի մայրավանքը, 1830-ական թթ., ըստ Ֆ. Պարրոտի



Նկ. 17. Ս. Էջմիածնի Մայր տաճարը, 1843 թ., ըստ Graeb-ի (Հաջստհաուզենի գրքից)



Նկ. 18. Գրիգորի Գագարին,
Ս. Էջմիածնի Մայր տաճարը, 1847թ.

1909-1910 թթ. - Մայր տաճարը մանրամասնորեն չափագրվում է: 1910 թ. մայիսի 15-ին Գևորգ արք. Սուրենյանցի նախագահությամբ և Կոմիտաս վարդապետի քարտուղարությամբ կայացած խորհրդակցությունում որոշվել են վերանորոգման աշխատանքների մեթոդներն ու հերթականությունը:


1914 թ. - Ալեքսանդր Մանթաշյանի մեկենասությամբ՝ տաճարը մասնակի նորոգվում է:




Նկ. 19. Դ. Ֆրեշֆիլդ, Ս. Էջմիածնի Մայր տաճարը, XIX դ. կեսեր



Նկ. 20. Ս. Էջմիածնի Մայր տաճարը
անհայտ նկարչի փորագրանկարում, XIX դարի կեսեր
(John M. Neale-ի “A history of the Holy Eastern Church” գրքից, 1850 թ.)



Նկ. 21. Ժակոտե, վիմագրություն, Փարիզ, 1850 թ.



Նկ. 22. Փորագրանկար Albert Lenoir-ի
“Architecture monastique. Partie 1” աշխատությունից, 1852 թ.

1921 թ. մարտի 21 (27) - փլվում են Մայր տաճարի հարավային խորանի գմբեթարդը և տանիքի զանգակատունը:

1923 թ. - Ալեքսանդր Թամանյանի և Թորոս Թորամանյանի ղեկավարությամբ հարավային խորանը վերականգնվել է (առանց զանգակատան), հանվել են թանգարանի տանիքի կիսագնդաձև զույգ գմբեթները՝ տաճարի համապատկերին անհարիր լինելու պատճառով³⁶:

1945 թ. - Գևորգ 2 Չորեքչյան կաթողիկոսն իր ընտրության առթիվ գումարված ազգային-եկեղեցական մեծ ժողովի ժամանակ կոչ արեց ազգովի հանձն առնելու Մայր տաճարի վերանորոգման գործը: Ընդառաջելով կոչին՝ Հայաստանի կառավարությունը նույն թվականին որոշում ընդունեց Մայր տաճարի նորոգման գործը կազմակերպելու և ծախսերը հոգալու վերաբերյալ³⁷: Գործնական քայլերը սակայն սկսեցին որոշումից մոտ մեկ տասնամյակ անց:



Նկ. 23. Փորագրանկար Floriant Gille-ի
“Lettres sur le Caucase et la Crimée” աշխատությունից, 1859 թ.

³⁶ **Թ. Թորամանյան**, Նյութեր հայկական ճարտարապետության պատմության, Խ. Բ, Երևան, 1948, էջ 64:

³⁷ **Վ. Յարուբիևեան**, Եկայք շինեսցուք, էջ 17:



Նկ. 24. Ս. Էջմիածնի Մայր տաճարը,
1860-ական թթ.




Նկ. 25. Ս. Էջմիածնի Մայր տաճարը,
1860-ական թթ.




Նկ. 26. Ս. Էջմիածնի Մայր տաճարի զանգակատունը
մինչև 1870-ական թթ.



**Նկ. 27. Ս. Էջմիածնի Մայր տաճարը
Եվրոպացի անհայտ նկարչի նկարում, 1870-ական թթ.**





Նկ. 28. Ս. Էջմիածնի Մայր տաճարը, 1870-ական թթ.




Նկ. 29, 30. Ս. Էջմիածնի Մայր տաճարը 1870-ականներին



Նկ. 31. Ս. Էջմիածնի Մայր տաճարը, 1883 թ. (լսնկ.՝ Մ. Սումբաթյանցի)



Նկ. 32, 33, 34.
Ս. Էջմիածնի Մայր տաճարը, 1892 թ.
(լսնկ.՝ Մ. Փափազյանի)



Նկ. 35, 36. Ս. Էջմիածնի Մայր տաճարը և կաթողիկոսի օծման տեսարանը,
1893 թ. (լսնկ.՝ Յ. Լինչի)



Նկ. 37, 38. Ս. Էջմիածնի Մայր տաճարը XIX դ. վերջին



Նկ. 39, 40. Մայրավանքը XIX դ. վերջին

1954-1955 թթ. - Հայաստանի կառավարության որոշմամբ և հատկացրած միջոցներով ՀՍՍՀ մինիստրների խորհրդին առընթեր ճարտարապետական գործերի վարչությունն իրականացնում է Մայր տաճարի հիմնովին վերանորոգումը³⁸: Կազմվում է Մայր տաճարի վերանորոգման հանձնաժողով, որի անդամներն էին Ավետիք Իսահակյանը, Դերենիկ Դեմիրճյանը, Ստեփան Չորյանը, Մարտիրոս Սարյանը, Գաբրիել Գյուրջյանը, Կարո Ղաֆադարյանը, Սամվել Սաֆարյանը, Ռաֆայել Իսրայելյանը, Մարկ Գրիգորյանը, Հովհաննես Մարգարյանը, Կոնստանտին Հովհաննիսյանը, Լիպարիտ Սադոյանը, Վարազդատ Հարությունյանը և այլք:

³⁸ Վ. **Յարութիւնեան**, Եկայք շինեսցուք, էջ 18-21:



Նկ. 41, 42. Ս. Էջմիածնի Մայր տաճարը հյուսիսարևմտյան կողմից, XX դարասկիզբ (°)



Նկ. 43, 44. Ս. Էջմիածնի Մայր տաճարը XX դարասկզբին (°)



Նկ. 45. Ս. Էջմիածնի Մայր տաճարը XX դարասկզբին

Աշխատանքները կազմակերպվում են մի քանի ուղղություններով.

1. հնագիտական պեղումներ (1954 թ., ղեկավար՝ Ալ. Սահինյան)³⁹.

2. տաճարի վերականգնողական աշխատանքներ⁴⁰ (1955 թ. հունվար-սեպտեմբեր, ճարտ.՝ Ռ. Իսրայելյան, ինժ.՝ Կ. Ալթունյան, Բ. Դանոյան), կրող մեխանիզմների ամրացում (նախագիծը՝ ինժ. Կ. Ալթունյան, Ժ. Պեյլերյան), տանիքի վերանորոգում (նախագիծը՝ ինժ. Բ. Դանոյան, Ի. Դալլաքյան).

3. որմնակարների մաքրում, ամրացում և լրացում (1955 թ. հունվար-սեպտեմբեր, ղեկավար՝ Լ. Դուռնովո)⁴¹.

4. վանքատարածության հյուսիսային և արևելյան պարսպապատի վերակառուցում (ճարտ.՝ Ս. Սաֆարյան, Ռ. Իսրայելյան, Ս. Գուրզադյան, Լ. Սադոյան):

³⁹ Հնագիտական պեղումները շարունակվել են նաև 1956 և 1959 թվականներին:

⁴⁰ Վ. Յարուլթյունյան, Էջմիածնի Մայր տաճարի հիմնական վերանորոգումը (1954-1955 թթ.), «Լրաբեր» հասարակական գիտությունների, 1984, թ. 10, էջ 56-67:

⁴¹ Տաճարի որմնակարների ընդհանուր մակերեսը կազմել է 2500 մ², որից այդ պահին պահպանված է եղել մոտ 1000 մ², մնացած մասը լրացվել է ըստ պահպանված հատվածների: Աշխատանքները կատարվել են 20 նկարիչների կողմից, իսկ վերահսկողությունն իրականացրել է Մարտիրոս Սարյանի գլխավորած հանձնաժողովը (Վ. Յարուլթյունյան, Եկայք շինեսցուք, էջ 21):

Հնագիտական պեղումների շնորհիվ ծեփից ազատված հյուսիսային պատին ներքուստ բացվեց փայտե գերաններով պատրաստված երկրաշարժային գոտի (ինչպիսիք կային Տեկորի տաճարի ներքին պատերում): Ավագ խորանի տակ բացվեցին նաև ավելի հին պատեր, որմնանկարի ու խճանկարի բեկորներ, որմնամույթերի տակ՝ IV-V դդ. հուշարձաններում հանդիպող տրամատված գետնախարիսխներ⁴²:

1954-1955 թթ. աշխատանքների համար ներդրվեց շուրջ 4 մլն ռուբլի (հին արժեչափով), որից որմնանկարներին՝ 1,7 մլն: 1955 թ. հոկտեմբերի սկզբի դրությամբ բոլոր աշխատանքներն ավարտվել էին: Սեպտեմբերի 30-ին Վազգեն Ա-ն ընտրվում է Ամենայն Հայոց կաթողիկոս, օծվում է հոկտեմբերի 2-ին:



Նկ. 46. Ս. Էջմիածնի Մայր տաճարը, 1903 թ. (սևև.՝ Արամ Վրույրի)

⁴² Վ. Հարությունյան, Հայկական ճարտարապետության պատմություն, Երևան, 1992, էջ 133:




Նկ. 47. Համազասպի գնդի զորահանդեսը Մայր տաճարի մոտ,
1914 թ. աշուն




Նկ. 48. Ս. Էջմիածնի Մայր տաճարը բացիկի վրա, 1917 թ.

1956-1959 թթ. - տաճարի դրսում և ներսում խոշոր շինարարական աշխատանքներ են ծավալվում Վազգեն Ա կաթողիկոսի նախաձեռնությամբ (գմբեթակիր մույթերի, կամարների, արևելյան խորանի և տանիքի հիմնական վերակառուցում, հարավային գմբեթի կառուցում, սալահատակում ևն): Աշխատանքները կատարվել են վերոնշյալ հանձնաժողովի հսկողությամբ: Երկաթբետոնով ամրացվել են կրող մեխանիզմները՝ մույթերը և կամարները, նորոգվել են ծածկի խաչվող թաղերը:

1959 թ. - ճարտարապետ Հարություն Գասպարյանի նախագծով Մայր տաճարի հյուսիսային փոքր զանգակատան նմանօրինակն է կառուցվում նաև հարավային խորանի վրա, որը տարիներ առաջ քանդվել էր:



Նկ. 49. Ս. Էջմիածնի Մայր տաճարը, 1920-ական թթ.



Նկ. 50, 51. Ս. Էջմիածնի Մայր տաճարը 1925 թ.,
Ֆրիտյոֆ Նասսենի՝ 1927 թ. լույս տեսած «Խաբված ժողովուրդ» գրքից



Նկ. 52. Ս. Էջմիածնի Մայր տաճարը 1920-1940-ական թթ.



Նկ. 53. Ս. Էջմիածնի Մայր տաճարը 1945 թ.
կաթողիկոսի ընտրության ժամանակ

Ս. ԷԶՄԻԱԾՆԻ ՄԱՅՐ ՏԱՃԱՐԻ ՄԵԾ ԶԱՆԳԱԿԱՏԱՆ ԱՐՁԱՆԱԳԻՐ ԶԱՆԳԵՐԸ

Ս. Էջմիածնի Մայր տաճարի՝ 1654-1658 թթ. կառուցված արևմտյան կամ մեծ զանգակատունը հիրավի համարվում է ուշմիջնադարյան հայ ճարտարապետության ու քանդակագործական արվեստի մեծագույն նվաճումներից մեկը: Եռահարկ այս շինության արտաքին քանդակային հարդարանքում առանձնակի ուշադրություն են գրավում վիշապ-օձերի և նրանց «պահպանած» այգու հորինվածքային լուծումները¹: Սրանք, թերևս, զանգակատան գեղարվեստական հարդարանքում ամենահետաքրքրականն են՝ կապված առաջին հերթին «կորուսյալ դրախտի» հետ, որին առնչվող ավանդույթները գալիս են դարերի խորքից: Ավելի վաղ խնդիրն ուսումնասիրել է հնագետ, մշակութաբան Համլետ Պետրոսյանը, որը փորձել է հիմնավորել «կորուսյալ դրախտի» պատկերումն իբրև հայ ինքնության կարևոր բաղկացուցիչ: Հեղինակի դիպուկ բնորոշմամբ՝ «օձերով եզերվող հորինվածքի հիմնարար գաղափարը ծագում է մերձավորարևելյան շատ հին պատկերացումից: Համաձայն դրանց՝ այգին նախ և առաջ կարիք ունի պաշտպանության...»²: Որպես օրինակ Հ. Պետրոսյանը վկայակոչում է հայ միջնադարյան քանդակային արվեստում հայտնի համանման պատկերագրական նմուշները, որպիսիք պահպանված են թե՛ զարգացած միջնադարի (Անի, Տաթև, Վանստան, Եղեգիս) և թե՛ ուշ շրջանի, մասնավորապես՝ XVII դարի եկեղեցական կառույցների (Ս. Էջմիածնի Մայր տաճարի մեծ զանգակատուն, Քանաքեռի Ս. Հակոբ եկեղեցի) գեղարվեստական հարդարանքում³:

Հայագիտությանը վաղուց ի վեր հայտնի է Ս. Էջմիածնի զանգակատան՝ ներկայումս անհետացած համարվող տիբեթերեն արձանագրությամբ զանգը, որն առաջինն ընդօրինակել է ֆրանսիացի ճանապարհ-

¹ Այս մասին տե՛ս նաև հեղինակի՝ սույն ժողովածուում ընդգրկված «Վիշապ-օձի պատկերագրությունը միջնադարյան եկեղեցիների հարդարատարրերում» խորագրով ակնարկը – Ա. Հ.:

² Հ. Պետրոսյան. «Հայաստան - դրախտ կորուսյալ». հայ ինքնության մի հարացույցի ձևավորման ակունքները, «Ինքնության հարցեր», Երևան, 2002, էջ 161:


³ Նույն տեղում:

հորդ Ղյուբուան 1831 թ.՝ նշելով, որ Էջմիածնի վանականները չգիտեն՝ երբ և ինչ ճանապարհով է այս զանգը հայտնվել իրենց վանքում: Որևէ կասկած չի կարող լինել, որ այն ծագում է մոնղոլական շրջանից⁴:

Ըստ Կյորյոշի Չոմայի⁵ «Տիբեթյան քերականության»՝ Էջմիածնի զանգի արձանագրության ձայնարկությունների միջև տեսնում ենք երեք միատիպական սիմվոլ, որոնք բացատրվում են այսպես.



- Բուդդայի կամ առհասարակ աստվածության սուբստանցիայի (եության) խորհրդանիշը:



- Բուդդա բառի խորհրդանիշն է:



- Նրա գթասրտության և ողորմածության խորհրդանիշն է:

Երեք խորհրդանիշները միասին ձևավորում են բուդդայական երրորդության գաղափարը կամ միտքը, որը հաճախ կոչում են երեք մեծ արժեքներ և որի ներկայացուցիչներն են Բուդդան կամ Նրա կերպարը, սուրբ գրքերը և հոգևոր դասը:

Ֆրեդերիկ Ղյուբուա դե Մոնպերեն, որը 1831-1834 թթ. ուղևորության ընթացքում այցելել է Նաև Հայաստան, իր «Ճանապարհորդություն Կովկասի շուրջ՝ չերքեսների ու աբխազների մոտ, Կողքիսում, Վրաստանում, Հայաստանում և Ղրիմում» աշխատության երրորդ հատորում անդրադառնում է տիբեթյան զանգին: Աշխատության այդ հատվածը ներկայացնում ենք թարգմանաբար.

⁴ **Frédéric Dubois de Montpéroux**, Voyage autour du Caucase, chez les Tscherkesses et les Abkhases, en Colchide, en Géorgie, en Arménie et en Crimée, tome III, Paris, 1839, էջ 375-376:

⁵ Շանդոր Կյորյոշի Չոմա (իունգ. Kőrösi Csoma Sándor). իունգարացի լեզվաբան-արևելագետ (1784-1842), առաջին տիբեթերեն-անգլերեն բառարանի և քերականության հեղինակը: Հաճախ անվանվում է տիբեթագիտության հիմնադիր (Ա. Ա.):

«Եկեղեցու գմբեթներում և զանգակատներում ներկայացված բազմաթիվ զանգերի շարքում մեկն ինձ հետաքրքրեց և ես կրկնօրինակեցի դրա արձանագրությունը, որը, ինչպես վանականն ասաց, խալդերեն է (ուրարտերեն - Ա. Ա.): Միայն Փարիզում ես հասկացա, որ դա տիբեթյան հայտնի բանաձև է՝ **օմ, օմ, հրում (oh, oh, ամեն)**՝ գրված տիբեթերենով: Ինչո՞ւ է մեկուկես ոտնաչափ բարձրություն ունեցող այս զանգը Տիբեթից եկել Էջմիածին: Մեկնաբանությունը պետք է թողնենք մեզնից ավելին իմացող մարդկանց: Վանականներն իրենք իրենցով չգիտեին զանգի ծագման մասին»⁶:

Սոնպերեն իր աշխատությանը կից «Ատլասի» (լույս է տեսել 1843 թ.) երկրորդ հատորի երրորդ մասում հրատարակել է տիբեթյան արձանագրությունը (տախտակ 7, պատկեր 6), որը հետագայում կրկնօրինակել են Յ. Ղևոնդ Ալիշանը⁷, ավելի ուշ՝ Մեսրոպ արք. Աշճյանը⁸: Վերջինիս հաղորդմամբ՝ 1970-ական թթ., երբ Վազգեն Ա Ամենայն Յայոց կաթողիկոսը Մայր տաճարում տեղադրեց Ֆրանսիայում պատրաստված (Ջրբաշյան ընտանիքի առատաձեռն հանգանակությամբ) նոր զանգերը, հին զանգերը նա տվեց Յայաստանի որոշ եկեղեցիների: Ո՛վ գիտի, միգուցե մի օր ինչ-որ մեկը կհայտնաբերի այս զանգի գտնվելու վայրը: Բայց ո՞ւմ կողմից և ինչո՞ւ է այս զանգը տրամադրվել Էջմիածնին, հայտնի չէ: Ասում են, որ Տիբեթում եղել են հայ վաճառականներ, ուստի հնարավոր է, որ նրանցից մեկը գներ զանգը և նվիրաբերեր Մայր Աթոռին:

Հարկ է ի հավելումն նշել “Journal Asiatique” (Փարիզ, 1831 թ.) ամսագրի մասին, որտեղ մի հոդված կա՝ վերնագրված “Memoire sur la formule Ottomani padme om”, որի հեղինակը մեկնաբանում է տիբեթյան բանաձևի նշանակությունը, այն է՝ “Aum orom”-ը ձևավորվում է երեք բառերից.

ա - ամեն ինչի առաջնային սկզբնապատճառը կամ հիմքը՝ Բրահմա արարիչը,

ո - բարեփոխիչ Վիշնուն,

մ - կործանիչը, որն ամեն ինչի վերջն է դնում՝ Շիվան:

⁶ *Frédéric Dubois de Montpéroux*, նշվ. աշխ., էջ 375:

⁷ **Յ. Ղևոնդ Ալիշան**, Այրարատ. բնաշխարհի Յայաստանեայց Վեներտիկ, Ս. Ղազար, էջ 221, գրչ. 88:

⁸ The Etchmiadzin chronicles, compiled by *Archbishop Mesrob Ashjian*, Yerevan, 2003, էջ 88-89:

The image displays two views of a bell-shaped metal object, possibly a bell or a decorative piece. The object has a flared base and a small handle on top. The exterior view (left) shows a band with inscriptions, and the interior view (right) shows a similar band with different markings.

Սլավոներեն ելնդատառ արծանագրութլունները գործարանային են⁹, բովանդակում են կերտման տարին ու ամսաթիվը.

Року#АХЛЕ (=1635) м[ѣся]ца августа К (=20) дня

272

Արծանագրության հայերեն՝ նվիրատվական բնույթի հատվածն առան-
ձին է, զբաղեցնում է զանգակի իրանը, դարձյալ ելնդագիր է (նկ. 1).

ՅԻՇԱՏԱԿ Է ԶԱՆԿԱԿ ՓԱՆՈՍԻՆ, ՈՐԴԻ ԽԱՉԱՏՈՒՐԻՆ, ՄԱՅՐ
ՎԱՐԴԻԿԻՆ, Ի ԴՈՒՌՆ ՍԲ ԱՍԵՆԱՅՓՐԿՉԻՆ, ԹՎԻՆՂ ՌՃԻԴ. (1675):

Զանգերից մյուսին դարձյալ պահպանվել է գործարանային ելնդատառ
սլավոներեն արծանագրություն.

ՐՕԿՑԻԱ ՄԿՏ ԱԿԹՈՅՐԻՄԱ ԱՆԱՅ

Рокы *АХКС (=1626) м[ѣся]ца октоврїя дня 3 (=7)

Հայերեն նվիրատվական գիրը գոտևորում է զանգակի շուրթը,
փորագիր է (նկ. 2).

Ի ՀԱՅՈՑ ՌՃԻԸ. (1679) ԹՈՒԻՍ, ԱՅՍ ԶԱՆԿԱԿ ՅԻՇԱՏԱԿ ԸՆԾԱՅԵԱՅ
ԹՈՂԱԹԵՑԻ ՂԱԲԼԱՆԻ ՈՐԴԻ ՄԱՅՐԵՍԻ ՈՎԱՆԵՍՆ,
Ի ՁԵՌՆ ԲԱՐՍԵՂ ՎԱՂԴԴՊԵՏԻՆ, ՅԱՂԱՔՍ ԻԻՐՈՅ ԱՆԱՊԱՏԻՆ,
ՅԻՇԵՍՁԻՔ ԶՆԱ Ի ԲԱՐԻՆ:

ԱԳՈՒԼԻՍԻ Ս. ԹՈՎՄԱ ԱՌԱՔՅԱԼԻ ՎԱՆՔԸ ՁԵՌԱԳՐԵՐԻ ՀԻՇԱՏԱԿԱՐԱՆՆԵՐՈՒՄ

Պատմական Հայաստանի Գողթն գավառում է գտնվում ավանդաբար Ս. Բարդուղիմեոս առաքյալի հիմնադրած Ագուլիսի Ս. Թովմա առաքյալի հռչակավոր վանքը, որի պատմության համակողմանի ուսումնասիրման համար բացառիկ սկզբնաղբյուրներ են տեղի գրչության դպրոցից մեզ հասած և ցավալիորեն նաև կորսված (համաձայն հայերեն ձեռագրացուցակների) ձեռագիր մատյանների հաղորդած տեղեկությունները¹։ Վանքը ժամանակի առավել կամ պակաս նշանավոր մյուս հոգևոր մշակութային կենտրոնների պես ունեցել է բավական մեծ և արժեքավոր մատենադարան։ Ձեռագրերը պահվել են տաճարի հյուսիսային ավանդատանը, որտեղ նաև զգեստապահոցն է եղել։

Հայտնի է, որ XIX դարավերջին Ս. Թովմա առաքյալի վանքի գրատանը կար մոտ 100 միավոր ձեռագիր մատյան, որոնց համարակալումը վանահայր Գրիգոր վարդապետ Տեր-Ստեփանյանի հանձնարարությամբ 1898 թ. իրականացրել է նրա եղբորորդի Գևորգ Կոստանյան Տեր-Ստեփանոսյանցը։

1901 թ. **Ա. Թումանովը** վանքից 70 ձեռագիր է հիշատակում, որոնցից 18-ը՝ Ավետարան, 4-ը՝ Բառգիրք, 1-ը՝ Զերականություն և տրամաբանություն, իսկ մյուսները կրոնական-ծիսական բովանդակության տարբեր նյութեր են²։ Տարիներ անց ազգագրագետ **Երվանդ Լալայանը**

¹ Հոդվածի վերաբերյալ արված շահեկան նկատառումների համար շնորհակալություն ենք հայտնում Մաշտոցյան Մատենադարանի գլխավոր ավանդապահ, պ.գ.դ. Գևորգ Տեր-Վարդանյանին – Ա. Հ.։

Հեղինակն այլ առիթով անդրադարձել է նաև Ագուլիսի Ս. Թովմա տաճարի ճարտարապետությանը, քանդակային արվեստին ու որմնանկարչությանը (տե՛ս **Ա. Ավետիսյան**, Ագուլիսի Ս. Թովմա տաճարը. ճարտարապետությունը, հարթաքանդակները և որմնանկարները, «Պատմաբանասիրական հանդես», 2020, թ. 3, էջ 162-195)։ Համալիրի պատմա-ճարտարապետական նկարագրին ավելի վաղ անդրադարձել է Նախիջևանագետ Արզամ Այվազյանը (տե՛ս **Ա. Այվազյան**, Նախիջևանի վիմագրական ժառանգությունը, հ. Բ, Ագուլիս, Անթիլիաս-Լիբանան, 2005, էջ 22-27, նկ. 29-55) – Ա. Հ.։

² **А. Туманов**, Армянские древние рукописи монастыря Св. Фомы, Сборник материалов для описания местностей и племен Кавказа, вып. XXIX, отдел I (ч. II), Тифлис, 1901, էջ 2։

հրատարակում է Գողթն գավառի ձեռագրացուցակը, որտեղ Ս. Թովմա առաքյալի վանքից նշում է 50, շրջակայքից՝ 18 ձեռագիր³, իսկ 1906-1907 թթ. վանքի վանահայր **Մեսրոպ վրդ. Մաքսուդյանը** հավաքում-ամբողջացնում է Ս. Թովմա առաքյալի վանքի, Գողթն գավառի մյուս եկեղեցիների և մասնավոր անձանց մոտ պահվող հայերեն ձեռագրերի հիշատակարանները և «Արարատ» ամսագրի 1911 և 1914-1915 թթ. համարներում հոդվածաշարով հրատարակում է դրանց նկարագրությունները⁴: Վերջինիս հաղորդմամբ՝ իր օրոք ձեռագրերի թիվը 58 է եղել, մինչդեռ պետք է լիներ ամենաքիչը 90 (Գևորգ Տեր-Ստեփանոսյանցի ցուցակում կային 89, 90 համարակիր ձեռագրեր), այսինքն՝ ութ տարվա ընթացքում առնվազն 32 ձեռագիր է կորսվել⁵:

Վերջում Ա. Թումանյանը ներկայացնում է ինժեներ-տեխնոլոգ Մխիթար Տեր-Անդրեասյանի կողմից իրեն ուղարկված ձեռագրերից մեկի՝ Հայոց Ներսես կաթողիկոսի շրջաբերականի (1640 թ., Կամենեց-Պոդոլսկ) վերջում տեղ գտած հիշատակարանը՝ գրված 11-ամյա դպիր Սահակի կողմից: Չնայած այս հիշատակարանը կարծես այնքան էլ կապ չունի Ս. Թովմա վանքի հետ, սակայն Թումանյանի խոսքով՝ այն կարևոր է նրանով, որ Գալիցիայի հայերը, որոնք աստիճանաբար ձուլվել են կաթոլիկ եկեղեցուն, XVII դարի կեսերին դեռևս հայերեն էին խոսում (տե՛ս նույն տեղում, էջ 17):

³ **Եր. Լալայեան**, Օրդուբադի կամ Վերին Ագուլիսի ոստիկանական շրջան եւ կամ Գողթն. Ձեռագիրներ, «Ազգագրական հանդես», գիրք XII, Թիֆլիս, 1904, էջ 155-174:

⁴ **Մեսրոպ վրդ. Մաքսուդյանը**, «Նկարագրութիւն եւ յիշատակարանք ձեռագրաց Ս. Թովմայ առաքելոց վանուց եւ եկեղեցեացն Վերին Ագուլեաց. եկեղեցւոյն Տանակերտ գեղջ եւ անձանց մասնաւորաց», «Արարատ», 1911, էջ 117-27, 218-24, 314-8, 384-8, 460-5, 562-8, 759-66, 846-54, 1003-12. նույնի՝ «Վերին Ագուլիսի և շրջակայքի հայերեն ձեռագրերը», «Արարատ», 1914, էջ 1032-6, 1114-8, 1915, էջ 69-78, 381-3:

Վերջերս Մայր Աթոռ Ս. Էջմիածնում հրատարակվեց «Արարատ» ամսագրի բնագրերն ամբողջացնող երկհատորյակը, որտեղ Մեսրոպ վրդ. Մաքսուդյանի հիշյալ հոդվածաշարը չի ընդգրկվել: Երկհատորյակի հեղինակ-կազմողներից Գևորգ Տեր-Վարդանյանն առաջաբանում նշում է, որ դրանք ժողովածուում չեն ներառվել՝ առանձին և այլ նյութերի հետ համեմատությամբ հրատարակելու նպատակով, որի «ծաւալը «Արարատ»ում տպագրուածի (29 ձեռագրի նկարագրութիւն-յիշատակարանք) եռապատիկից աւելին է» (տե՛ս **Գ. Տեր-Վարդանեան**, «Արարատի» բնագրական նկարագիրը, - «Արարատ»ի ժառանգութիւնը. Թ. «Արարատ»ի բնագիրները, հ. Ա., հրատ. պատրաստեց՝ **Ս. Նահապետեան**, դասակարգումը, խմբագրումը եւ առաջաբանը՝ **Գ. Տեր-Վարդանեանի**, Ս. Էջմիածին, 2017, էջ 14, ծնթ. 2) – Ա. Հ.):

⁵ **Մեսրոպ վ. Մաքսուդեանը**, Նկարագրութիւն եւ յիշատակարանք ձեռագրաց Ս. Թովմայ առաքելոց վանուց եւ եկեղեցեացն Վերին Ագուլեաց, եկեղեցւոյն Տանակերտ գեղջ եւ անձանց մասնաւորաց, «Արարատ», 1911, Բ, էջ 117 – Ա. Հ.):

Անշուշտ, Մեսրոպ վարդապետ Մաքսուդյանը ծանոթ է եղել Երվանդ Լալայանի կազմած-հրատարակած՝ Գողթն գավառի ընդհանուր ձեռագրացուցակին, սակայն, ինչպես ինքն է ծանոթագրում, «ներկայ հրատարակութիւնը Արարատում կատարում է ձեռագրերի նկարագրութեան եւ յիշատակարանների ամբողջական լինելու պատճառով» («Արարատ», 1911, Դ, էջ 314, ծնթ.*) – Ա. Հ.):

Վանքի և մասնավորապես ձեռագրերի համար ճակատագրական է եղել 1919 թ. դեկտեմբերի 24-25-ի՝ Ագուլիսի հայության կոտորածը, որի հետևանքով վանքի ձեռագրերը, ըստ ամենայնի, ցիրուցան են եղել և ոչնչացվել:

Ներկա հրապարակմամբ փորձ է արվում ժամանակագրորեն ներկայացնելու Ագուլիսի Ս. Թովմա առաքյալի վանքի և Նրա առաջնորդների մասին վկայող ձեռագրական հիշատակությունների մի ստվար մասը՝ քաղված ձեռագիր և տպագիր աղբյուրներից: Հիշատակարանների նախորդ հրատարակությունների մատենագիտությունը տրվում է յուրաքանչյուր միավորից հետո՝ հետևյալ համառոտագրություններով:

Ալիշան – Հ. Ղեւոնդ Ալիշան, Սիսական. տեղագրութիւն Սիւնեաց աշխարհի, Վենետիկ, 1893:

Ակիսեան - Ներսէս վրդ. Ակիսեան, Մովսէս Գ. Տաթևացի հայոց կաթողիկոսն եւ իր ժամանակը, Վիեննա, 1936:

Աճառեան - Տուգակ հայերէն ձեռագրաց Թաւրիզի, կազմեց՝ Հր. Աճառեան, Վիեննա, 1910:

Լալայեան - Երուսնդ Լալայեան, Օրդուբադի կամ Վերին Ագուլիսի ոստիկանական շրջան եւ կամ Գողթն, «Ազգագրական հանդէս», գիրք XII, Թիֆլիս, 1904:

Մաքսուդեան/1911 - Մեսրոպ վրդ. Մաքսուդեան, Նկարագրութիւն եւ յիշատակարանք ձեռագրաց Ս. Թովմայ առաքելոց վանուց եւ եկեղեցեացն Վերին Ագուլեաց. եկեղեցւոյն Տանակերտ գեղջ եւ անձանց մասնաւորաց, «Արարատ», 1911, էջ 117-27, 218-24, 314-8, 384-8, 460-5, 562-8, 759-66, 846-54, 1003-12:

Մաքսուդեան/1914 - Մեսրոպ վրդ. Մաքսուդեան, Վերին Ագուլիսի և շրջակայքի հայերէն ձեռագրերը», «Արարատ», 1914, էջ 1032-6, 1114-8:

Մաքսուդեան/1915 - Մեսրոպ վրդ. Մաքսուդեան, Վերին Ագուլիսի և շրջակայքի հայերէն ձեռագրերը», «Արարատ», 1915, էջ 69-78, 381-3:

Ոսկեան - Հ. Համազասպ Ոսկեան, Վասպուրական-Վանի վանքերը, Բ մասն, Վիեննա, 1944:

Սմբատեանց - Մեսրոպ արք. Սմբատեանց, Նկարագիր Սուրբ Կառապետի վանից Երնջակայ եւ շրջակայից Նորա, Տիֆլիս, 1904:

Քյուրտյան - Հարություն Քյուրտյան. Համառոտ ցուցակ հայերեն գրչագիրներու Քյուրտյան հավաքածոյի ի Ուիլիդա, Կանզաս, ԱՄՆ, «Բանբեր Մատենադարանի», 1973, հ. 11, էջ 399-422:

ԺԳ դ. հիշ. - ԺԳ դարի հայերեն ձեռագրերի հիշատակարաններ, կազմեց՝ Ա. Մաթևոսյան, Երևան, 1984:

ԺԴ դ. հիշ. - ԺԴ դարի հայերեն ձեռագրերի հիշատակարաններ, կազմեց՝ Լ. Խաչիկյան, Երևան, 1950:

ԺԵ դ. հիշ., Ա - ԺԵ դարի հայերեն ձեռագրերի հիշատակարաններ, կազմեց՝ Լ. Խաչիկյան, Երևան, 1955:

ԺԵ դ. հիշ., Բ - ԺԵ դարի հայերեն ձեռագրերի հիշատակարաններ, կազմեց՝ Լ. Խաչիկյան, Երևան, 1958:

ԺԵ դ. հիշ., Բ - ԺԵ դարի հայերեն ձեռագրերի հիշատակարաններ, կազմեցին՝ Վ. Հակոբյան, Ա. Հովհաննիսյան, Երևան, 1978:

ԺԵ դ. հիշ., Գ - ԺԵ դարի հայերեն ձեռագրերի հիշատակարաններ, կազմեց՝ Վ. Հակոբյան, Երևան, 1984:

Մայր ցուցակ ՄՄ, հ. Ա - Մայր ցուցակ հայերեն ձեռագրաց Մաշտոցի անուան Մատենադարանի, կազմեցին՝ Օ. Եգանեան, Ա. Չեյթունեան, Փ. Անթաթեան, Երևան, 1984:

Մայր ցուցակ ՄՄ, հ. Բ - Մայր ցուցակ հայերեն ձեռագրաց Մաշտոցի անուան Մատենադարանի, կազմեցին՝ Օ. Եգանեան, Ա. Չեյթունեան, Փ. Անթաթեան, Ա. Բեռլերեան, Երեւան, 2004:

Մայր ցուցակ ՄՄ, հ. Գ - Մայր ցուցակ հայերեն ձեռագրաց Մաշտոցի անուան Մատենադարանի, կազմեց՝ Օ. Եգանեան, Երեւան, 2007:

Մայր ցուցակ ՄՄ, հ. Դ - Մայր ցուցակ հայերեն ձեռագրաց Մաշտոցի անուան Մատենադարանի, կազմեցին՝ Ա. Բեռլերեան, Կ. Սուքիասեան, Յ. Բեռլերեան, Երեւան, 2008:

Մայր ցուցակ ՄՄ, հ. Ե - Մայր ցուցակ հայերեն ձեռագրաց Մաշտոցի անուան Մատենադարանի, հ. Ե, կազմեց՝ Օ. Եգանեան, Երեւան, 2009:

Մայր ցուցակ ՄՄ, հ. Զ - Մայր ցուցակ հայերեն ձեռագրաց Մաշտոցի անուան Մատենադարանի, հ. Զ, խմբագրութեամբ՝ Գ. Տեր-Վարդանեանի, Երեւան, 2012:

Մայր ցուցակ ՄՄ, հ. Է - Մայր ցուցակ հայերեն ձեռագրաց Մաշտոցի անուան Մատենադարանի, հ. Է, խմբագրութեամբ՝ Գ. Տեր-Վարդանեանի, Երեւան, 2012:

Մայր ցուցակ ՄՄ, հ. Ը - Մայր ցուցակ հայերեն ձեռագրաց Մաշտոցի անուան Մատենադարանի, հ. Ը, խմբագրութեամբ՝ Գ. Տեր-Վարդանեանի, Երեւան, 2013:

Մայր ցուցակ ՄՄ, հ. Թ - Մայր ցուցակ հայերեն ձեռագրաց Մաշտոցի անուան Մատենադարանի, հ. Թ, խմբագրութեամբ՝ Գ. Տեր-Վարդանեանի, Երեւան, 2017:

Մայր ցուցակ ՄՄ, հ. Ժ - Մայր ցուցակ հայերեն ձեռագրաց Մաշտոցի անուան Մատենադարանի, հ. Ժ, խմբագրութեամբ՝ Գ. Տեր-Վարդանեանի, Երեւան, 2019:

Մայր ցուցակ Երսղմ, հ. Ա - Մայր ցուցակ ձեռագրաց Սրբոց Յակոբեանց, հ. Ա, կազմեց՝ Նորայր արք. Պողարեան, Երուսաղէմ, 1966:

Մայր ցուցակ Երսղմ, հ. Ը - Մայր ցուցակ ձեռագրաց Սրբոց Յակոբեանց, հ. Ը, կազմեց՝ Նորայր արք. Պողարեան, Երուսաղէմ, 1977:

Մայր ցուցակ Վնտկ, հ. Դ - Մայր ցուցակ հայերեն ձեռագրաց մատենադարանին Մխիթարեանց ի Վենետիկ, հ. Դ, յօրինեց՝ Յ. Սահակ վրդ. Ճեմճեմեան, Վենետիկ, 1993:

Ցուցակ Ղալաթիոյ - Բարգէն աթոռակից կաթողիկոս, Ցուցակ ձեռագրաց Ղալաթիոյ ազգային մատենադարանի հայոց, Անթիլիաս, 1961:

Sanjian - A Catalogue of Medieval Armenian manuscripts in the United States by Avedis K. Sanjian, Barkeley, Los Angeles, London, 1976.

1. Նարեկ, ՊԻԴ (1375), ի վանսն յԱգուլիս (ՄՄ 1571). «*Գրեցաւ տառս աստուածային ընդ հովանեաւ Սուրբ Թումաիս, որ է ի վանսն ի յԱգուլիս, ընդ իշխանութեան տէր Չաքարիաին, որ հայրապետ է Գողթան գաւառին, ի Հայոց թուականին ՊԻԴ (1375): (Կա)տարեցաւ սուրբ տառս ՊԻԴ (1375):*»:

Հրատ. **Ալիշան**, էջ 326. **Սմբատեանց**, էջ 179. **ԺԴ դ. հիշ.**, էջ 516-517. **Մայր ցուցակ ՄՄ, հ. Ե**, սյուն 515:

2. Գիրք հարցմանց Գրիգորի Տաթեւացւոյ, 1424 թ., Ագուլիս (Ներկա վայրն անհայտ է). «...*Իսկ գրողն է Մատթէոս վարդապետ՝ եղբայր Խաչատրոյ քահանայի, որ և յիշէ զկարեւոր քաղաքական անցս ինչ ժամանակին, զմահ (Գարա)-Եռսուֆ բռնաւորի, և զթագաւորել որդւոյ Նորին Սկանդարի, որ զի յոյժ ողորմած էր ազգիս հայոց, եւս առաւել մեր գեղիս Ագուլեաց, իւր խաւս արար, և մէկ տարի թարխան արար....: Յայսմ ամի որ թիւն Հայոց ՊՅԴ. (1425) էր զմեր աշակերտի եղբայրն գետ տարաւ և անյայտ արար, և անմխիթար սուգ եղև ծնողաց իւրոց և մեզ՝ յոյժ դառնու-*

թիւն, որ չէ եղել հայոց դառն կսկիծ՝ որ եղև յանկարծակի, որ տղային անունն Յետղմուրշայ էր, զոր Տէր Աստուած իւր տեսուն և երկնից արքայութեանն արժանի արասցէ, ամէն»:

Հրատ. **Ալիշան**, էջ 326. **Ոսկեան**, էջ 690-691. **ԺԵ Պ. հիշ., Ա**, էջ 337:

3. Պատմութիւնը Միքայելի Ասորոյ, Վարդանայ եւ Կիրակոսի, 1432 թ., Ագուլեաց վանք (Տյուրքինգենի համալսարանի ձեռ. Հմր 70). «Գծագրեցաւ պատմագիրս այս... ի թուիս ՊՁԱ. (1432), ձեռամբ մեղսաներկ և անարհեստ գրչի Թումայի՝ սիրողի գրոցս, և ծնողացն իմոց Սիմէոն քահանայի, և մօրն իմոյ Սայիկին: Արդ, գրեցաւ սա ի վանքս Ագուլեաց, առ դրան սուրբ Առաքելոյս Թումայի, որ է այթռ Գողթեան գաւառիս, ի թագաւորութեան պիղծ ու անօրէն և այլազգի Սքանտարիս, և ի կաթողիկոսութեան տեառն Կոստանդեա, և ի վերադիտողութեան սուրբ հայրապետիս մերո տէր Տէրունականայ»:

Հրատ. **Ոսկեան**, էջ 691. **ԺԵ Պ. հիշ., Ա**, էջ 423:

4. Ժողովածոյ, ԺԵ դար (ՄՄ 1693), պատառիկ-պահպանակ, որում 1434 թ. մի հիշատակարան կա. «Արդ, ես՝ Ստեփանոս հայրապետս, վերջինս ի վերջին դարուս, վերջինս ի ծնունդս եկեղեցւոյ, ընծայեցի զՍուրբ Աւետարանս Սուրբ առաքելոյն Թումայի, յիշատակ հոգւոյ իմոյ, եւ ծնաւդաց իմոց, հաւրն իմ Աղպուղին, եւ մաւրն՝ Խուանդին, եւ քուերցն, եւ աւրիորդ մանկանն՝ ըստ հոգւոյ արբանեկին Աբրահամ դպրին...»:

Հրատ. **Ոսկեան**, էջ 691. **ԺԵ Պ. հիշ., Ա**, էջ 440. **Մայր ցուցակ ՄՄ, հ. Ե**, էջ 910:

5. Պատմութիւն Թեոդորոսի գաւրավարի, 1436 թ., Ագուլեաց վանք (ձեռագրի ներկայիս տեղն անհայտ է). «Գրեցաւ պատմութիւնս ի թուականութեանս Հայոց ՊՁԵ (1436), ի թագաւորութեանս Թորգոմա Ասկանտարի՝ որդի Ուսեփին, եւ ի հայրապետութեանս տեառն Կոստանդեա, ի վանքս Ագուլեաց, ընդ հովանեաւ սուրբ Թումայիս, ձեռամբ բազմամեղ գրչի Յովհաննէս վարդապետի»:

Հրատ. **Ալիշան**, էջ 326. **Ոսկեան**, էջ 691-692. **ԺԵ Պ. հիշ., Ա**, էջ 466:

6. Տօնական, 1447 թ., Ագուլիս (Թավրիզ, Հմայակ քին. Ներսիսյանի հավաքածու, 1910-ական թթ.). «Գրեցաւ սուրբ Տօնականս այս ի գեղաքաղաքս Ագուլիս՝ գովելի Գողթան վիճակիս, ի նոյն իւրոյ այթռիս, ընդ հովանեաւ առաքելայարկ խորանիս, աստուածաբնակ տաճարիս Զրիստա-

փորի մեծ նահատակիս եւ Թումայի առաքելոյ սքանչելագործ հրաշալի աջիս, առ ոոսս երջանիկ նոյն վերասացեալ տէր Ստեփաննոսիս, ի թուականութեանս Հայոց ՊՂԶ (1447), և ի հայրապետութեան մեծի աթոռոյ աստուածայարկ Սուրբ Էջմիածնին՝ երիցս երանեալ տեառն Գրիգորի խարազն ճգնաւորի, նաև երկրորդ Լուսաւորչի, զոր Տէր Աստուած անսասան պահեսցէ և անգըթելի ի յայսմ աշխարհի...»:

Հրատ. **Աճառեան**, էջ 120-123. **Ոսկեան**, էջ 692. **ԺԵ դ. հիշ., Ա**, էջ 604-606:

7. Մաշտոց, ՊՂԲ (1443), Սուխարայ վանք (Տարբերունիք), կազմված՝ ԶԽԲ (1493), Ագուլիսի վանք (ՄՄ 6450). «Կազմեցաւ Մաշտոցս ի թվ. ԶԽԲ (1493), ի վանքս Ագուլեաց, ի հայրապետութեան տէր Ագարիին, ձեռամբ Յովսէփ մեղսասէր արեղայիս, յիշել աղաչեմք, Աստուած զձեզ յիշէ. ամէն»:

Հրատ. **Լալայեան**, էջ 166. **Ոսկեան**, էջ 694. **ԺԵ դ. հիշ., Բ**, էջ 194:

8. Ժողովածոյ, ԺԶ դար (ՄՄ 1693). «Անպիտան եւ անարժան նուաստ ծառայս՝ Յոհաննես արեղայս եկի ի Սուրբ ուխտս Թումայի, յիշեալ ի Տէր, անմեղադիր լերուք, կարս մեր այս էր, ի Մեծ թիվս Հայոց ՌԺԳ (1564)»:

Հրատ. **Մայր ցուցակ ՄՄ, հ. Ե**, սյուն 910:

9. Աւետարան, ՊԷ (1358), ստացող՝ ուստա Շեխին, ՌԽԲ (1593). «Արդ, զվերջին ստացող Սուրբ Աւետարանիս ուստայ Շեխին, որ հալալ ընչիցն իւրոյ յիշատակ իւրն և իւր ծնաւդացն. հաւրն իւրոյ՝ Դաւթին և մաւրն՝ Չաւիրային, և կողակցին իւրոյ՝ Սօլթանին և որդոյն՝ Ովանիսին և ամենայն յարեան մերծաւորացն. նորոգեցաւ սայ ի դուռն սուրբ Սիոնին և սուրբ Յակոբին ի թուագրութեան սօլթան Մուրատ խանին, ի հայրապետութեան տեառն Էջմիածնայ տէր Մելիքսէթ կաթողիկոսին, ի առաջնորդութեան Սուրբ Թումայի առաքելոյ աթոռոյն տէր Աւետիսին, ի քահանայ սուրբ Սիոնի և սուրբ Յակոբի մէջի փողոյ տէր Մեսրոբին Ըղըհեցի. և մեղաւոր անարժան Ռհան կազմողի: Ո՛վ սուրբ մանկունք եկեղեցոյ, որք հանդիպիք սմայ կարդալով կամ օրինակելով, յիշեցէք ուստայ Շեխին՝ հանդերձ ծնողքն. ամէն: Թվին ՌԽԲ. (1593) նորոգեցաւ»:

Հրատ. **Մաքսուդեան/1911**, էջ 562-563:

10. Տօմարագիտութիւն, ՌԶԲ (1633). «Փա՛ռք անբաժանելի երրեան անձնաւորութեան եւ միակ բնութեան՝ Հօր եւ Որդւոյ եւ Հոգոյն Սրբոյ յաւիտեանս յաւիտենից. ամէն: Արդ, ով ըստուհի եւ աստուածային իմաստու-

թեան ցանկացող հոգեւոր հայր իմ եւ եղբայր բաղձալի՝ հաչատուր վարդապետ, առաջնորդ աստուածաբնակ քրովբեագումար հռչակաւոր Սուրբ ուխտի Թումայի վանք անուանելոյ...»:

Հրատ. **Աճառեան**, էջ 95:

11. Մաշտոց, ՌՁԳ (1634), Յղնա (ՄՄ 4175). «Փա՛ռք..., որ ետ կարողութիւն բազմամեղ և տկար ոգոյ Մարութայ անարիեստ գրչի, որ անուամբս միայն եմ քահանայ, բայց գործովս զառածեալ ի մէջ մեղաց և թափօր ի բարի գործոց, ի թվականիս Հայկազեան ՌՁԳ (1634), ի հայրապետութիւն Էջմիածնեայ տեառն Փիլիպոս կաթողիկոսի, ի յառաջնորդութիւն Թումայի առաքելոյն տէր հաչատուր քաջ և արի թաթուսապետի...»:

Հրատ. **ժէ դ. հիշ., Բ**, էջ 550:

12. Աւետարան (Թեհրան, «ՀԱ», 1953 թ., Ստամպոլ, 1634 թ.). «Արդ՝ աղաչեմ զամենեսեան, որք ակտիք ի սմանէ և կամ ընդաւրինակէք, յիշեցէք զմահդասի Մելքուն, որ է սա ի գաւառէն Գողթան, ի գիւղէն որ կոչի Ագուլից Դաշտ, որ ստացաւ ոսկեգաւձ Աւետարանս և ետ յիշատակ իւր հոգւոյն ի դուռն Թումայի սբ առաքելոյն, որ այժմ կոչի Երեքխորան, յիշատակ իւրն և ծնաւդաց իւրոց...»:

Հրատ. **ժէ դ. հիշ., Բ**, էջ 582:

13. Շարակնոց, ՌՁԵ (1636), Ս. Թովմայի վանք (բնագիրն անհայտ է, բերվում է ՄՄ 4535 ձեռագրից՝ Շահխաթունյանցի ինքնագրից). «Արդ՝ կազմեցաւ Շարակնոցս ՚ի թուականիս Հայոց ՌՁԵ (1636), ի կաթողիկոսութեան Էջմիածնայ խարազնագգեաց ճգնաւոր վարդապետի (Փիլիպոս Աղբակեցու – Ա. Ա.), ի առաջնորդութեան Գողթան գաւառի սուրբ ուխտիս Թումայի ՚ի նոյն վերասացեալ տէր հաչատուր վարդապետաց վարդապետի, որ յայսմ ամի շինեաց և նորոգեաց ի հիմանց զսբ ուխտս Թումայի բարձրաբերձ կամարակապ և գմբէթածն զսբ եկեղեցին, և բարձր պարսպով և չորեք անկիւնի խուցերով և մուղբախերով զարդարեաց...»:

Հրատ. **ժէ դ. հիշ., Բ**, էջ 860:

14. Կանոնագիրք, Դատաստանագիրք, ՌՁԶ (1637), Ագուլիս (ՄՄ 6496). «...եղև ի թուականութեանս Հայոց ՌՁԶ (1637), ի թագաւորութիւնն Պարսից շահ Սաֆուն..., ի հայրապետութիւն տեառն ճգնագգեստ Փիլիպպոս կաթողիկոսին, և ի դիտապետութիւն տեառն հաչատուրին տանս Գողթան և ի գեաւդաքաղաքս Ագուլիս, ընդ հովանեաւ Ս. Յովհան-

նէս Մկրտչին, ի թաղս հոգաձորոյ, ձեռամբ սուտանուն և մեղաւք զառա-
ծեալ, և մոլորեալ հոգով և մարմնով, անարժան դպիր Գրիգոր գրչիս...: Զստացող Բ (2) տառիս հաջատուր վարդապետն, որ յոյժ փափա(գ)անօք
զպակասութիւնս իմ լցոյց և ես գրեցի անյապաղ: Աստուած վայելումն
տացէ իւրն, որ նորոգեաց զվանքն, և կարգեաց քա-հանայս, և հաստա-
տեաց զժամակարգութիւնս եկեղեցւոյ, և լուսաւորեաց զվիճակն Թումայի,
քաջ վարդապետութեամբն իւրով»:

Հրատ. **ԺԷ դ. հիշ., Բ**, էջ 683-684:

15. Գիրք հարցմանց Գրիգորի Տաթևացւոյ, ՌՁԶ-ՌՁԷ (1637-1638),
Փառակա (ՄՄ 8205). «Զստացող սբ մատենիս զպետն Հայաստանեայց,
գռաբին վարդապետաց, զջահն սբ եկեղեցւոյ.... զտէր հաջատուր վարդա-
պետն, աթոռակալ Ս. Թումայի և քարոզող ամենայնի»:

«Եւս առաւել զստացող սբ տառիս ըզրաբունապետն մեր՝ զտէր հա-
ջատուրն, որ այսմ ժամանակիս վերջստին նորոգեաց ի վանքն Ս. Թումայի
գեղեցիկ կումբերով և դուբայով՝ առանց փայտի, և այլ ամենայն շինու-
թեանն կրկին նորոգեաց դարպասներովն: Այլ և վարդապետութեամբն
իւրով լուսաւորեաց զվիճակն իւր, այսինքն՝ Գողթան երկիրն, Աստուած
իւր հոգին լուսաւորէ, և զգծող հանդերձ ծնողօք սոցա յիշեսցէ բարեգործն
Աստուած...: Ի թվիս Հայոց Ռ և ՁԶ (1637)»:

«Ընդ որս և բիւրապատիկ քան զառաջինն գտեալ ընդելութիւն, և
ըստ յառաջնոյն ընդառաջ եղեն սմա և բերեալ յայսմ մենաստան, զոր կայր
ի սմայ աջ սբ առաքելոյն Թումայի միսեցելոյ ի կողն Յիսուսի կենարարին
և սրբոյ Յակոբայ սբ նշանն, փայտեայ շնորհեցեալ ի հրեշտակէ անդի, ի
փայտէ Նոյեան տապանէն, յորմէ արարեալ նշան փոքրագոյն, ողորմու-
թեամբն Աստուծոյ այստ գտեալ լինէր, ընդ որս և Վարդանայ սպարա-
պետի Հայոց սբ նշանն ունելով ինքեան ի խաչափայտէն Զրիստոսի, և
Հռ(ի)փսիմեանց սբ նշանն և այլ սրբոց նշանք, որք աստ կային...: Եւս
զմենարանս ասեմ, յորս շինեալ կայր ի սբ առաքելոյն Բարդուղիմէոսէ
փոքրիկ խրճիթ անուանակոչութեամբ սբ առաքելոյն Թումայի»:

Հրատ. **Ոսկեան**, էջ 696-706. **ԺԷ դ. հիշ., Բ**, էջ 736-743:

16. Ժողովածու, ՌՁԷ (1638), Ագուլիս (ձեռագիրը պահվել է մի եղեգ-
նածորցու տանը). «Սոյնպէս և ես՝ տկարացեալս մեղօք և պակասեալ հո-
գոյս աչատեսութեան. և յիմարեալ մտաւք գրեցօ(=աւ) ձեռամբ զանար-
ժան Մարգարիս, ի թվականիս Հայոց ՌՁԷ (1638), ուր գրեցաւ ի յերկիրն

Գողթան, ի գեաւղաքաղաքն Ագուլիս, ընդ հովան(ե)աւ Սք ուխտիս ըստ Թումայի առաքելոյն և Ս. Շմաւոնի, ի յառաջնորդութեան հաչատուր քաջ վարդապետի և այլ միաբանիցն»:

Հրատ. **ԺԵ դ. հիշ., Բ**, էջ 744:

17. Զարոգզիք Գրիգորի Տաթեւացոյ, ՌՁԸ (1639), Ագուլիս (ՄՄ 7087).
«Արդ՝ գրեցօ սք գիրքս ի երկիրն Գողթեան, ի գեաւղաքաղաքն Ագուլիս, ընդ հովանեօ(=աւ) Ս. Թումայի առաքելոյն, ի դուռն սք եկեղեցոյս և Ս. Յակոբին և Սիմէոնին, ի թագաւորութիւն շահ Սաֆուն, ի կաթողիկոսութիւն տեառն Փիլիպպոսին, ի յառաջնորդութիւն Ս. Թումայի հաչատուր վարդապետին»:

Հրատ. **ԺԵ դ. հիշ., Բ**, էջ 769:

18. Խորհրդատետր, ՌՁԸ (1639), Ս. Աստվածածին վանք (ՄՄ 7792).
«Փա՛ռք...: Շնորհաւքն Աստուծոյ և ողորմութեամբ Նորին գրեցաւ Պատարագամատոյցս ի լաւ և յընտիր աւրինակէ, ի թվականիս Հայոց ՌՁԸ-ին (1639), առաջնորդութեան տէր հաչատուր արքեպիսկոպոսին, ձեռամբ մեղսասէր և անարժան, նորաջան գրչի Յուսիկ դպրի: Չոր մեծաւ փափագմամբ ետ գրել զսա տէր Չաքարիան և եդ ի Ս. Աստուածածին վանքն յիշատակ հոգւոյ իւրոյ և իւր ծնողացն և ամենայն զարմիցն, այժմու կենդանեացն և կանխօ(=աւ) ննջեցելոցն, որոց թողցէ Տէր Աստուած զյանցանս նոցա և տացէ զհանգիստն յաւիտենից. ամէն»:

Հրատ. **ԺԵ դ. հիշ., Բ**, էջ 741:

19. Թուղթք Պօղոսի առաքելոյ, ՉԿԷ (1318), կազմված՝ ՌՁԹ (1640), Ս. Շմավոն եկեղեցի, Ագուլիս. «Փա՛ռք...: Դարձեալ յիշեցէք զվերջին նորոգող սք գրոյս զտէր Նիկողայոսն, որ ետ կազմել զսք տառս յիշատակ հոգւոյ իւրոյ և ամենայն արեան մերձօ(=աւ)որացն, հայրն իւր՝ Ադրդուլի, և մայրն՝ Աջաբխանն, որ հանգուցեալ են առ Տէր...: Կազմեցաւ սք գիրքս Պաւղոսի և Եսայի, ձեռամբ սուտանուն Մարգարայ իրիցի, ի գեղաքաղաքն Ագուլ(ե)աց, ի դուռն Ս. Շմաւոնի եկեղեցւոյ, ի թվաբերութիւն Հայկազան տոմարի Ռ և ՁԹ (1640), ի կաթողիկոսութիւն Հայոց տեառն Փիլիպպոսի, և առաջնորդութիւն մերոյ վանից հաչատուր վարդապետին. Աստուած զինքն յերկար ամաւք արասցէ. ամէն»:

Հրատ. **Մաքսուդեան/1915**, էջ 383-388. **ԺԵ դ. հիշ., Բ**, էջ 826:

20. Աւետարան, ՉՁ (1331), Աղէթ, Բզնունիք, Նորոգում և կազմում՝ ՌՂ (1641), Ազուլիս (ՄՄ 4217). «Ի հազարերորդում և ինսներորդում (1641) ամի թուահաշուութեան Յա(յ)կազեան տումարի, ես՝ նուաստ հաչատուր վարդապետս, ետու նորոգ կազմել զՍբ Աւետարանս ի սփոփանս բազմամեղ անծին իմ և եդի ի Սբ աթոռ Թումայի առաքելոյ՝ ի վանս Ազուլեաց, որում և էրն յառաջագոյն: Իսկ արդ, որք հանդիպիք, աղաչեմ զի յիշեսցիք զիս հանդերձ ծնողօք իմովք և դուք յիշեալ լիջիք առաջի Աստուծոյ. ամէն»:

Հրատ. **ԺԷ դ. հիշ., Գ**, էջ 21:

21. Ժողովածոյ, ՌՂԲ (1643), Շոռոթ (ՄՄ 779). «Փա՛ռք..., որ ետ կարողութիւն և աւարտ զբաւական գրչութեան յայսմ կոչեցեալ անուն Կոչումն ընծայութեան գրոցս ի թուականութեանն Յայկազեան տումարի երկինգեակ հարիւրոց և մու միակ հազարի, քառից քսանից և տասանց ութից, երկինգեակ թուոց, մուից տասան և երկուց թուոց (1643)⁶... ի հռչակաւոր գեղս Շոռոթ, ընդ հովանեաւ Ս. Յակոբիս, Ս. Աստուածածնիս և Ս. Լուսաւորչիս, ձեռամբ ամենամեղ և թարմատար գրչի Յովանէս սպասաւորի, ի խնդրոյ սրբասէր տէր Հայրապետ կրօնաւորի, որ է ի սոյն գեղջէ, և որ է հրաժարեալ ի բազմաց ի գիւղէս և ի տանէ իւրեանց և ամենայն ընտանեաց, նաև ամենայն կենցաղական հոգւոց. և այժմ կա ի գիւղաքաղաքն Ազուլիս, ի հռչակաւոր մենարանս և կուսարանս Ս. Թովմայի, առ ոտս հաչատուր թաբունապետի և բանիբունոյ, յոր և երկրորդ նորին գոլ վարկեալ է նկատելով գործառնութիւնն քաջապէս առ հոգւորս և մարմնաւորս»:

Հրատ. **ԺԷ դ. հիշ., Գ**, էջ 103-104:

22. Մատենագրութիւն Փիլոն Եբրայեցոյ, ՌՂԵ (1646), Երևան (ՄՄ 2056). «Գրեցաւ գիրքս այս ի քաղաքին յԵրևանայ, ընդ հովանեաւ Ս. Կաթողիկէին, ի հայրապետութեան տեառն Փիլիպոսի, ձեռամբ Մկրտիչ իրիցոյ, ի վայելս Պետրոս սարկաւագի, եղբօր որդւոյ հաչատուր վարդա-

⁶ Հաշիվը տրված է կրկնակի ձևով, այսպես. «երկինգեակ հարիւրոց և մու միակ հազարի»: Այստեղ 1000-ը կրկնված է՝ մեկ՝ 2x5x100, մեկ էլ՝ 1000, ապա «քառից քսանից և տասանց ութից» (4x20 և 10x8): Եվ ապա՝ «երկինգեակ թուոց, մուից տասան» (2x5, 1x10): Այս երկու շարքից պետք է վերցնել մեկը՝ (2x5x100) + (4x20) + (2x5) կամ 1000 + (10x8) + (1x10): Սրանցից որևէ մեկին ավելացնել հիշված 2-ը՝ կստանանք 1092 (ՌՂԲ), սրան էլ ավելացնել 551:

պետի՝ իշխողին Գողթնեաց, ի թվականիս Հայոց ի հազար և ի Ղ և Ե-երրորդումն (1646) ամի. յիշեցէ՛ք, որ հանդիպիքդ»:

Հրատ. **ԺԷ դ. հիշ., Գ**, էջ 212:

23. Համառոտ հաւաքումն յաղագս հոգւոյ, յաղագս առաքինութեանց հոգւոյ, յաղագս հրեշտակաց, ՌՂԶ (1647), Երևան (ՄՄ 7119). «[Փ]ա՛ռք...: Եւ արդ, ո՛վ սբ հանդիպօղք սմին, որք օգտիքդ ի սմանէ, յիշեսցի՛ք յերկնագնաց յաղթաւ ձեր զրաբունին հաչատուր զարհին Գողթնեաց՝ զա-(ռա)ջ(ն)որդն Թումայի Ս. առաքելոյն, որ ստացաւ զսա ի վայելս Պետրոսի՝ եղբօր որդւոյ իւրում բանի սպա(սաւ)որի, որ եռատենչ սիրով ցանկացայ սմա, թեպետ հեռու մնաց ի գիտութեանցն, որ ի սմա, սակայն փափագ սրտի միոյ կամեցայ լնուլ, զի յիշատակ առ ձեզ մնասցէ և ինձ մասն յաղթից ձերոց եղիցի...»:

Հրատ. **ԺԷ դ. հիշ., Գ**, էջ 260:

24. Աւետարան, ՉԼԹ (1290), Դրագարկ, կազմված՝ ՌՂԹ (1650) (Էրմիտաժ, V 3-835). «Ի հազարերորդում և ինսներորդում և յինսներորդում ամի (1650) թուահաշու(ու)թեան Հայկազեան տօմարի, ես՝ նուաստ հաչատուր վարդապետս, ետու նորոգ կազմել զՍուրբ զԱւետարանս, ի սփոփանքս բազմամեղ անձիս իմ և եղի ի Սուրբ Աթոռ Թումայի առաքելոյ ի վանս Ագուլեաց, որում և Էրն յառաջագոյն: Իսկ արդ, որք հանդիպիք աղաչեմ, զի յիշեսցի՛ք զիս հանդերձ ծնողօք իմովք, և դուք յիշեալ լիջի՛ք առաջի Աստուծոյ. ամէն»:

Հրատ. **Մաքսուդեան/1911**, էջ 224. **ԺԳ դ. հիշ.,** էջ 658:

25. Աստուածաշունչ, ՀԶԱ (1292), Կիլիկիա, կազմված՝ ՌՂԹ (1650), Ագուլեաց վանք (ՄՄ 179). «Ի կամս Աստուծոյ և շնորհօք նորին ես՝ հաչատուր վարդապետս, աշակերտ երանեալ հօրն Սօսէսի կաթողիկոսի Հայոց, որոյ հրամանաւ և եղև մեզ ժառանգել զաթոռ Գողթան զսբ վանս, որ յանուն Սրբոյ առաքելոյս Թումայի հաստատեալ է, վերստին ետու կազմել զսբ մատենաս, որ է ըշտեմարան ամենայն Կտակարանաց՝ Հնոց և Նորոց, անպակաս, որ և անուանեալ կոչի Աստուածաշունչ: Էր սա ի նախնեաց անտի յիշատակ սբ աթոռոյս, անջինջ, բայց ի վատթար պահողաց յոյժ քայքայեալ էր, վասն որոյ ոչ անտես արարաք զհնութիւն սորա: Այլ վերստին նորոգեցաք զսա ի թուաբերութեան Արամեանս ազին ի Ռ-երրորդի ինսներորդի և յինսներորդում (1650) ամի, ի հայրապետութեան հրեշտա-

կաբնակ Սբ Աթոռոյս Էջմիածնի տեառն Փիլիպպոսի և ի թագաւորութեանն Պարսից շահ Ապասին Փոքրու: Եւ եղաք զսա ի տոյն վանս յորում և գոյրն յառաջագոյն...»:

Հրատ. **Ակիներան**, Էջ 217. **ԺԷ դ. հիշ., Գ**, Էջ 382:

26. Աւետարան, ԶԶ-1331 թ., կազմված՝ ՌՂԹ (1650), Ագուլեաց վանք (ՄՄ 4217)⁷. «Ի հազարերորդում և ինսներորդում և յիններորդում (1650) ամի թուահաշու(ու)թեան Հայկազեան տօմարի, ես՝ նուաստ հաչատուր վարդապետս ետու նորոգ կազմել զսբ Աւետարանս, ի սփոփանս բազմամեղ անծին իմ և եդի սբ աթոռ Թումայի առաքելոյ ի վանս Ագուլեաց, որում և էրն յառաջագոյն: Իսկ արդ, որք հանդիպիք, աղաչեմ, զի յիշեսցի՞ք զիս հանդերձ ծնողօք իմովք և դուք յիշեալ լիցի՞ք առաջի Աստուծոյ. ամէն»:

Հրատ. **Մաքսուդեան/1911**, Էջ 224. **Աճառեան**, Էջ 2բ. **ԺԷ դ. հիշ., Գ**, Էջ 394:

27. Յայսմաւուրք, (տեղն անհայտ է), ստացող՝ հաչատուր վրդ. (1640-50-ական թթ.). «...Իսկ մակագրեալ սրբազան րաբունին հաչատուր, հրամանաւ Սովսիսին մեծի (Տաթևացու – Ա. Հ.), եղեալ եղև յաթոռ Սրբոյն Թումայ, որ յերկրին Գողթնեաց, ի հռչակաւոր գեւղաքաղաքն Ագուլիս, և սա եկեալ գտաւ, զի բնաւ ոչ գոյր ըստ պատշաճի իմն շինութիւն, այլ թէ օրինակ և նշան աւերման, վասն որոյ յոգնակի իմն ջան դրեալ և յոլովս աշխատեալ վերստին նորոգեաց զթումա առաքեալ անուանեալ աթոռս, զոր և մակերևոյթն իսկ ցուցանէ, քանզի բնաւ նորա ի ձեռն սորա նորոգեալ շինեցաւ, եթէ եկեղեցին և թէ պարիսպն, և եթէ ի միջի լեալ շինութիւնսն, և զանօթն և զարդն եկեղեցոյն բնաւն իւրաստաց արար, բայց ոչ որպէս զառաջին կամ կրկնապատիկ, այլ սակաւ ինչ նշոյլ գրոց երևի մնացեալ ի նախնեաց, իսկ զայլ անթուելի անօթս՝ սա ստացաւ յիշատակ յիւրում անծին...»:

Հրատ. **Մաքսուդեան/1911**, Էջ 853-854:

28. Շարակնոց, ՌՃ (1651), Ագուլիս (Վաշինգտոնի Ֆրիք պատկերասրահ, ձեռ. 3719). «Յամի հազարերորդի վեցհարիւրորդի յիններորդի երկրորդի թուահաշուութեան ըստ մեզ մարմնացելոյ Բանին Աստուծոյ, և ի

⁷ ԺԷ դարի հիշատակարանների ժողովածուի համապատասխան հատորում, ամենայն հավանականությամբ, ինչ-որ շփոթմունք կա, քանի որ այս հիշատակարանը նույնությամբ համընկնում է Դրագարկում՝ 1290 թ. գրված Ավետարանի (Էրմիտաժ) 1650 թ. հիշատակարանին:

հազարերորդի հարիւրերորդի (1651) թուականութեան Արամեանս ազին ըստ Արեկագանն բերմանց, և ի հայրապետութեան Հայկական զարմից տեառն Փիլիպպոսի երիցս երանեալ և խստաճգուն կաթողիկոսին, նստողին յամենագով և երկնանման յաթոռ Լուսաւորչի զքնաւս Էջմիածնի, որ յԱրարատեան նահանգին, և ի թագաւորութեանն Պարսից շահ Ապասին երկրորդի, նաև յառաջնորդութեան տանս Գողթան երջանկացելոյն ի համայնս տեառն հաչատրոյ յաջորդութիւն Սբ առաքելոյն Թումայի, որ յաստուածապահ գիւղաքաղաքն յԱգուլիս»:

Հրատ. **ԺԷ դ. հիշ., Գ**, էջ 449. հմմտ. **Sanjian**, էջ 747:

29. Աստուածաշունչ, ՌՁԷ (1638), Ագուլիս, նվիրաբերվել է ՌՃԲ (1653). «... Դարձեալ մեք՝ Թանգրի Վերմիշի որդիք՝ Վարդան և Պօղոս, հանդերձ ամենայն զարմօք մերովք շնորհօքն Աստուծոյ ստացաք զսուրբ մատեանս, որ ասի Աստուածաշունչ, և ընծայեցաք Սուրբ առաքելոյն Թումային, որ է աթոռս Գողթն գաւառի»:

Հրատ. **Մաքսուդեան/1911**, էջ 384-385:

30. Աւետարան, ՊԷ (1358), ստացող՝ Հերիքնազ, ՌՃԲ (1653). «Նորոգեցաւ Սուրբ Աւետարանս ի թագաւորութեանն Պարսից Փոքու շահ Ապագին, ի կաթողիկոսութեան Էջմիածնա տեառն Փիլիպպոսի, ի յառաջնորդութեան Թումայի սուրբ ուխտին զհաչատուր ահրիեպիսկոպոսին: Նորոգեցաւ թվին ՌՃ եւ երկու (1653) ձեռամբ յոգնամեղ Սիմոն իրիցոյ, և զիս՝ զբազմամեղս յիշել աղաչեմ, և դուք յիշեալ լիջի՛ք ի Զրիստոսէ. ամէն»:

Հրատ. **Մաքսուդեան/1911**, էջ 562-563:

31. Աստուածաշունչ, ՌՁԷ (1638), տեղն անհայտ է, (Զյուրտյան հավաքածու, Հ^մ 37), նվիրված Ս. Թովմա առաքյալի վանքին՝ ՌՃԳ (1654). «... Դարձեալ մեք՝ Թանգրի Վերմիշի որդիք Վարդան և Պօղոս, հանդերձ ամենայն զարմօք մերովք շնորհօքն Աստուծոյ ստացաք զսբ մատեանս, որ ասի Աստուածաշունչ, և ընծայեցաք Ս. առաքելոյն Թումային, որ է աթոռ Գողթն գաւառի: Մի՛ ոք իշխեսցէ հանել զսա ի վանաց անտի, թէ՛ ի մերոց և թէ՛ յօտարաց, զի բազում սիրով և մեծ յօժարութեամբ ըստացեալ ընծայեցաք Սրբոյ Թումայի: Եւ զերեսս ի գետին եղեալ աղաչեմք զհանդիպօղսդ, յիշել զմեզ առաջի գենման Գառնին Աստուծոյ, և դուք յիշեալ լիջի՛ք յարքայութեանն Զրիստոսի Աստուծոյ մերոյ, որում փառք յաւիտեանս յաւիտենից. ամէն»:

Հրատ. **Զիւրտեան**, էջ 415. **ԺԷ դ. հիշ., Գ**, էջ 630-632:

32. Աւետարան («Ազգագրական հանդէս», 1905, գիրք XII), նվիրաբերում՝ ՌՃԴ (1655). «[Ես՝ մղդսի Էվագս, ստացա Սբ Գիրքս և ետուլ] Ս. Աստուածածին եկեղեցուն ի ծորն Ագուլեաց, ի ժամանակս թագաւորութեան Պարսից Փռքր շահ Աբագին, ի կաթողիկոսութեան Էջմիածնայ տեառն Յակոբին, ի յառաջնորդութեան Թումայի սբ ուխտին զտէր Պետրոս արհի եպիսկոպոսին և Սովսէս վարդապետին: Գեղիս առաջնորդն Մանվելն: Թվին ՌՃ և չորորդումն (1655)»:

Հրատ. **ԺԷ դ. հիշ., Գ**, էջ 687:

33. Շարակնոց, ՌՃԸ (1659), Ագուլիս (Ցուցակ հայերէն ձեռագրաց Կրացական ՍՍՀ գիտությունների ակադեմիայի ձեռագրերի ինստիտուտի, ՀԳՐ 184). «Փա՛ռք...: Արդ, եղև աւարտ գրչութեան այսմ մեծահանդէս և հոգելից տառիս ի շրջագայութեան Հայկազեան տաւմարի Ռ և ՃԸ (1659) թվականի, ի հայրապետութեանն տեառն տէր Յակոբ կաթողիկոսի, ի յաթոռ Սբ Էջմիածնի, և մերոյ նահանգի առաջնորդութեանն Սբ Թումայի առաքելոյն Խաչատուր ահրի և պանծալի եպիսկոպոսապետին և եղբորորդին՝ զՊետրոս քաջ ռաբունին: Գրեալ և ծաղկեալ ձեռամբ յոգնամեղ և անարհեստ, մեղաւոր և փրծուն գրչի Ալէքսանոս քահանայի, որ զանունս միայն ունիմ քահանայի և ոչ զգործս ի բարի. ա՛խ, վայ է ինձ Ռ (1000) բերան. ի լաւ և ի յընտիր աւրինակէ Սըսոյ առաջին վարդապետացն մերոց. ի յերկիրս Գողթան և ի գեղաքաղաքս Ագուլիս գովելի և աւրինեալ, և ընտիր ազգ քրիստոնէից, որ աստ կան սիրով և միաժողով: Եւ ի դրան սբ և աստուածանկար, և առաքելայարկ խորանիս, և քրիստոսաբնակ սբ տաճարիս, որք կան ի սմա սպասաւորք սբ եկեղեցոյս սրբանունդ քահանայք՝ զտէր Գրիգորն, զտէր Ալէքսանոսն...»:

Հրատ. **ԺԷ դ. հիշ., Գ**, էջ 888:

34. Մաշտոց, ՌՃԹ (1660), Գողթն գավառ (ՄՄ 5152). «Արդ՝ ես յետնեալս ի ծառայիցն Աստուծոյ նուաստացեալ և ապիրատ Խաչատուր և եթ վարդապետս և կամօքն Աստուծոյ իշխօղ Գողթն գաւառի, շնորհօք Հօր և Որդոյ և Հոգոյն Սրբոյ ստացայ զգիրս Մաշտոցի, յորում գանձեալ կան ամենայն պաշտամունք կարգաց քրիստոնէութեան, զոր պաշտի ի մերս եկեղեցի, որպէս յայտ է ի մատենէս յայսմանէ, որում և ի բազում ամաց փափակէի ըղծմամբ սրտիս, ի յիշատակ հոգւոյ իմոյ և ծնօղաց իմոց Կարապետին և Սառային, և ամենայն տոհմից, և ազանց նոցին, և ի վայելս հիգոյս անծին, և ամենայն մանկանց Սիօնի: Էր կատարումն գրոցս ի թա-

գաւորութեանն Պարսից յաւուրս Երկրորդ շահ Ապասին, և ի հայրապետութեան Սբ աթոռոյն Էջմիածնի տեառն Յակօբայ սրբազան կաթողիկոսի, և ի թուականութեան ազինս Արամեան Ռ, ի հարիւրերորդի և յիններորդի (1660):

Արդ՝ աղաչեմ զհանդիպօղսդ սբ գրոցս, յիշել զանարժանս յիշման ի սբ աղօթս ձեր՝ ի քաւութիւն մեղաց և ի հաղորդութիւն հանդերձելոյն բարեաց, որում և դուք արժանասցիք շնորհօք տեառն մերոյ Յիսուսի Քրիստոսի, որում և փառք յաւիտեանս. ամէն: Եւ ի կատար այսր խորհրդածութեանս մեծի, յիշեսցիք զարհիւն Գողթեաց զքաջ ռաբունին՝ զհաչատուր և հարազատ որդին իւր՝ զՊետրոս վարդապետն հանդերձ ամենայն ազամբք իւրովք ի Տէր»:

Հրատ. **ԺԷ դ. հիշ., Գ**, էջ 938:

35. Աստուածաշունչ, ՌՃԹ (1660), Ասպահան, ստացող՝ Չաքարիա վրդ. Վաղարշապատցի (ՄՄ 201). «Եւ մեք՝ նուաստացեալքս այսոքիկ, աշակերտք գոլով նորին (Սովսես Տաթևացու – Ա. Հ.) ...հաչատուր վարդապետն Երնջակեցի, ի գեղջէն Հոլդսա, առաջնորդն Ազուլեաց և աթոռակալ Սրբոյն Թումայի առաքելոյն, որ և սա նոր նորոգեալ պայծառացոյց զաթոռն զայն շքեղապանձ վայելչութեամբ՝ ի հիացումն կարգեալ տեսողաց՝ իբրև զդրախտ Աստուծոյ զարդարեալ ազգի ազգի ճոխութեամբ հոգևորօք և մարմնաւորօք»:

Հրատ. **Ալիշան**, էջ 327. **Ակինեան**, էջ 213. **ԺԷ դ. հիշ., Գ**, էջ 920-921. **Մայր ցուցակ ՄՄ, հ. Ա**, սյուն 876:

36. Աւետարան, ՌՃԺ (1661), (Ս. Հովհաննեսի ճեմարան, Կամարիլլո, ԱՄՆ, ձեռ. Հ^ր 367), ստացող՝ հաչատուր վրդ. «զհաչատուր վարդապետ, զառաջնորդ Գողթն գաւառի, զհաջորդ եւ զսպասաւոր Սուրբ առաքելոյն Թումայի, զստացող Սուրբ Աւետարանիս՝ հանդերձ ամենայն զարմօք՝ յիշեցէք ի Քրիստոս, որ մեծաւ սիրով ստացաւ զսա, ի վայելս սրբասնունդ մանկանց Սիօնի եւ ի թողութիւն մեղաց իւրոց, ի թվին ՌՃԺ (1661)»:

Հրատ. **Sanjian**, էջ 60:

37. Ճաշոց, ՌՃԺԱ (1662), Լոր գյուղ (յերկիրս Որոտան). «Ուստի և քաջ հռետորն և ամենագովն անուամբ արքեպիսկոպոսն, և քահանայապետն Գողթն գաւառի, և բարի հովիւ և տեսուչն հօտին Քրիստոսի՝ հաչա-

տուր ռաբունապետն, խորհուրդ բարի եղեալ ի մտի ստանալ գանձ պատուական և անդրժելի յանառիկն Սիոն, ուր ոչ գող և ոչ ցեց մերձենալ կարեն...:

Յիշեսցի՞ք աստ տէր զվերոգրեալ ռաբունին հաչատուր, և զծնողսն իւր՝ զԿարապետն և զՍառայն, և եղբարս՝ զԱղաճանն և զՎարդանն, և զքոյրն իւր՝ զԳօհարն, զհանգուցեալսն ի Զրիստոս հանդերձ ամենայն տոհմիւք և զարմիւք: Չի յոյժ փափագմամբ և սիրով ստացաւ զսա յիշատակ իւր և ծնողաց իւրոց, ի վայելս մանկանց եկեղեցւոյ: Եւ եդ զսա ի վանս Ագուլեաց, որ է աթոռ Գողթնեաց, որ յանուն Սուրբ Թումայի առաքելոյն կառուցեալ է»:

Յրատ. **Մաքսուդեան/1915**, էջ 76-78:

38. Գիրք հարցմանց Գրիգորի Տաթեւացւոյ, ՌՃԺԵ (1666). «Նաեւ վերադիտողի մերում նահանկի, տէր Թումայի առաքելոյ Աթոռոյն, տեառն հաչատրոյ սրբազան արքեպիսկոպոսի, վերոգրելոյ առ Զրիստոս և ի նորին աջորդ եղբարորդին իւր Տեառն Պետրոսի քաջ վարժապետի: Այլ եւ բնակչաց սբ ուխտին Մովսէս վարդապետին, եւ կուսակրօն տէր Սարգսին, տէր Յայրապետին, տէր հաչատրին եւ տէր Մանուէլին...:

Եւ յետ անցից ժամանակաց սուղ ինչ ածին զիս ի հարկէ յԱթոռ Սրբոյն Թովմայի, ուր վարժարան էր իմ առաջին, եւ անդ ետ ինձ աստիճան աւագ սարկաւագութեան արհիեպիսկոպոսն տէր հաչատուրն, վասն որոյ յորջորջեցա Շմաւոն, քանզի նախկի անուն իմ կոչիւր Շահնագար»:

Յրատ. **Մայր ցուցակ Երսղմ, հ. Ա**, էջ 578:

39. Առաքել Դարիժեցի, Պատմութիւն, ՌՃԺԵ (1666), Երևան (ՄՍ 1772). «Թվին ՌՃԺԵ (1668), Նոյեմբերի մէկն, Երեւան: Ես՝ Արգուլեցի Զուրդունց մղոսի Աղամիրի որդի Չաքարիայ այս Պատմագիրքս բերի Ագուլիս վասն օրինակելոյ: Չայս փոքր բանս գրեալ եղեւ յԱգուլիս եւ ի վանս Սուրբ առաքելոյն Թումայի, ի թվին ՌՃԺԸ-երորդումն (1669) եւ ի ԻԴ-ն (24) ապրիլի»:

Յրատ. **Մայր ցուցակ ՄՍ, հ. Ե**, սյուն 1158:

40. Մատեան ողբերգութեան Գրիգորի Նարեկայ վանից վանականի, ՊԿԶ (1417), Բեմճակի Ս. Աստվածածնի վանք (Ղրիմ), ստացող՝ խոջա Փիրում, ՌՃԻ (1671). «Արդ, ես՝ խօջայ Փիրումս, ստացայ զՍուրբ Գիրքս, որ կոչի Նարեկ ի հալալ արդեանց իմոց առ ի վայելումն որդւոյն իմոյ տէր Յոհաննին, և յիշատակ ի դուռն Թումայի սուրբ առաքելոյն: Մի՛ ոք իշխեսցէ հանել և կամ վաճառել զսա ի դրանէ տորին: Եւ որք յանդգնին, զբաժակն Յուդայի արբցեն:

Յիշատակ է Նարեկա Մեղրեցի Յոհաննես վարդապետին, որ ետ ի դուռն սուրբ վանացն Թումայի առաքելոյն, ով որ ընթեռնու միոյ բերանիւ ողորմի ասէ, եւ դուք յիշեալ լիջի՛ք առաջի Բրիստոսի Աստուծոյ մերոյ...»:

Հրատ. **Մաքսուդեան/1914**, էջ 1034-1036:

41. Աւետարան, ստացող՝ մղդսի Էվագ, ՌՃԻ (1671), Ագուլիսի ծորի Ս. Աստվածածին եկեղեցի. «Եղև այս ի ժամանակս թագաւորութեան Պարսից Փռքը շահ Ապագին, ի կաթողիկոսութեան Էջմիածնայ տեառն Յակօբին, ի յառաջնորդութեան Թումայի սուրբ ուխտին զտէր Պետրոս արհեպիսկոպոսին և Սօսէս վարդապետին»:

Հրատ. **Մաքսուդեան/1911**, էջ 314:

42. Ժողովածոյ, ՌՃԻ (1671), Թովմայ առաքելի վանք, Ագուլիս, ստացող՝ Թովմաս արք, Խաչատուր վրդ., Գալուստ վրդ., կազմող՝ Գալուստ (ՄՄ 497). «Բայց գրեցաւ գիրքս այս ի Սուրբ ուխտս Ագուլեաց, ի վանս Սուրբ Թովմա առաքելոյն, ի դրան Սուրբ Բրիստափորի, ի կաթողիկէ եկեղեցւոյ, որ յայսմ ամի յաղագս նորոգման սկիզբն եղև եկեղեցւոյն և վանքին շինութեան...»:

«...Բայց գրեցաւ սա ի սուրբ ուխտս Ագուլեաց Սրբոյ Բրիստափորի, ի վերին եկեղեցւոյ, ընդ հովանեաւ Սրբոյ առաքելոյ Թումայի, ձեռամբ Ղազար անարհեստ և տկար քարտուղարի, ի խնդրոյ ումեմն Գրիգոր և եթ արեղայի, որ գետեղեալ հանգչի այժմս ի վանս մեր Սուրբ առաքելոյս Թումայի, ի թուաբերութեան նարդեան ամանակի ՌՃ և ի Ի-երորդի (1671) և յառաջնորդութեան տեառն Պետրոսի քաջ հռետորի, գեղեցկաբան և հանճարեղ ռաբունապիտի...»:

Հրատ. **Մայր ցուցակ ՄՄ, հ. Բ**, սյուն 999, 1001:

43. Երեմիա վրդ. Մեղրեցի, Բառգիրք, ՌՃԻԴ (1675), Ագուլիսի Ս. Թովմա վանք. «Այլ և գրեցաւ գիրքս ի տանս Գողթնեաց, ի գիւղաքաղաքն, որ կոչի յԱգուլիս, ընդ հովան(ե)աւ Սբ առաքելոյն Թումայի»:

Հրատ. **Մայր ցուցակ Երսղմ, հ. Ը**, էջ 313-314:

44. Նարեկ, ՌՃԻԵ (1676), Ագուլիսի Ս. Թովմա առաքյալի վանք (Ղալաթիա, ձեռ. Հ^մ 124). «Աւարտեցաւ գիրգս ձեռամբ վերոյ գրեալ անիմաստ Բարսղի, ի գաւառն Գողթնեաց, ի վանգն Ագուլեաց, ընդ հովանեաւ Սո(ւ)րբ առաքելոյն Թումայի, յիշատակ ինձ եւ ծնողացն իմոց՝ տէր Միքայէլին եւ Պայծառին, եւ նորաբոյս եղբարցս՝ Յովանիսին եւ Յարութիւնին»:

Հրատ. **Ցուցակ Ղալաթիոյ**, էջ 786:

45. Ժողովածոյ, ՌՃԺԵ (1668), Ս. Թովմա առաքյալի վանք, Ագուլիս (ՄՄ 705), հետագայի հիշատակարան. *«Սուրբ Թումայի վանս: Ի հազար ճի եւ Ը (1679) թվին տնկեցաք ըզչինարիքն եւ ավլանդիքն ի մէջ պարըսպիս»:*

Հրատ. **Մայր ցուցակ ՄՄ, հ. Գ.**, սյուն 406:

46. Յայսմաւուրք, ՌՃԻԹ (1680), Ս. Ստեփանոս Նախավկայի վանքի մոտակա գյուղ (հավանաբար՝ Դարաշամբ - Ա. Ա.), ստացող՝ Մարտիրոս Դաշտեցի, ՌՃԼԴ (1685). *«Վասն որոյ և անջինջ և երկնուստ պարգև, որ կոչի Յայսմաւուրք. յիշատակ Դաշտեցի⁸ Գրիգորի որդի Մարտիրոսին, եղբարցն՝ Բունեաթին, Սկրտչին, Յովանիսին, և հանգուցեալ ծնողացն նոյն վերոգրեալ հօրն՝ Գրիգորին և մօրն՝ Չիլֆուն, և կենակցաց՝ Առջին, Մարթապին, Խուպանին, Եագտուն, Փարուն և որդոցն՝ Օհանջանին, Մալխասին և Աւդուլի և դստերացն սոցա՝ Մախմուրն, Հռիփսիմէն, Մարեանն, Ոսկին, Չիլֆին, որք կամակիցք եղեն և յօժարեցան՝ յորդորելով զմիմեանս, հալալ ընչիւք իւրեանց ըստացան զսա, յիշատակ իւրեանց և ծնողաց իւրեանց, և ետուն ի վանս սրբոյն Թումայի առաքելոյն միւեցելոյն ի կողն Յիսուսի...»:*

Հրատ. **Մաքսուդեան/1911**, էջ 1007-1012:

47. Յայսմաւուրք, ՌՃԼԶ-ՌՃԼԸ (1687-1689), Էջմիածին-Նորագավիթ (ՄՄ 1512). *«Եւ զայս տեսեալ Արեւելեան վարդապետացն, որ ոչ գտան ոք եթէ նստցի աթոռ կաթողիկոսութեան, ժողովեցան ի մի վայր ամենայն սեւաթուրք, ընտրեցին զՊետրոս քաջ ռաբունին զեպիսկոպոսն ի տան Գողթեան եւ առաջնորդ առաքելոյն Թումայի, առաքեցին հրովարտակալ եւ աղաչանք առ լուսանկար եւ արդիւնարար սրբազան կաթողիկոսն Եղիազար հրաւիրակս՝ բերել եւ նստուցանել առաքելաշնորհ աթոռն Լուսաւորչի, որ եւ եկն իսկ...»:*

Հրատ. **Մայր ցուցակ ՄՄ, հ. Ե**, սյուն 158:

48. Պատմութիւն Մովսէս Խորենացոյ (ժամանակն ու տեղը՝ անհայտ), վերջին ստացող՝ Մեսրոբ, ՌՃԽԳ (1694). *«Չվերջին ստացող տրին պաշտիկի վերոյ գրելոց տեառն Մովսիսի, լոկ անուն Մեսրոբս յիշել մաղթեմ ի մաքրափայլ յաղօթս ընթերցողաց սուրբ և երջանիկ եղբարցդ, որ և զկնի մահուան տրին ստացողի առաջնոյ, բազում փափագանօք*

⁸ Նախկինում Դաշտ գյուղը գտնվում էր Ագուլիսից հարավ, հետագայում ընդգրկվեց նրա կազմի մեջ (Ագուլիսը կոչվեց Վերին Ագուլիս, Դաշտը՝ Ներքին կամ Ստորին Ագուլիս):

ստացայ զսա ի հալալ արդեանց իմոց, և յետ սուղ ինչ ժամանակաց ետուկամօք և յօժարութեամբ սրտիս, յիշատակ հոգւոյ իմոյ, ի դուռն Սրբոյ Առաքելոյն Թումայի, և ի ձեռն տեառն բազմաշխատ և քրտնաջան Յովհաննու քաջահանճար ռաբունեաց պիտի, զոր և յայսպիսում վշտաշատ ժամանակի շինեաց զեկեղեցիս զանգակատնովն հանդերձ, որում և յամենայն տեղեաց ամենայն ոք ընծայաբերք լինէին նորաշէն եկեղեցեացս, որ և ես՝ նուաստ և պիտակ անուն Մեսրոբ յետնեալ ամենից, աշակերտ տեառն Յովհաննու հանճարագգօն ռաբունւոյ, ըստ կարի իմում իբրու երկուս լումայս այրւոյն՝ արկի զսա ի դրան Սրբոյ առաքելոյս Թումայի, նզովս ի Տիառնէ ընկալցին և անիծիւք դատապարտեսցին. ամէն: Եւ այս եղև ի թուականութեանս Հայոց ՌՃԽԳ (1694)»:

Հրատ. **Սմբատեանց**, Էջ 206-207:

49. Մեկնութիւն Մատթէի, Դաւիթ Անյաղթ եւ Տօմար. ՌԶ (1631), Բերիա, հետագայի հիշատակարան. «Դարձեալ ի թվին ՌՃԽԳ (1694) շինեցաւ Սուրբ Թումայի առաքելոյն եկեղեցին Ագուլեաց վանաց, որ է աթոռն մեր: Ի սոյն ամի շահ Սուլեմանն եւ թագաւորեց սուլթան Հոսէինն»:

Հրատ. **Աճառեան**, Էջ 115բ:

50. Բառարան, ՌՃԾԵ (1706). «Եւ արդ, գըծագրեցի զսայ, ընդ հովանեաւ հոյակապ և մեծավայելուչ աթոռոյս Սրբոյն Թովմայի առաքելոյն, ի ժամանակս թագաւորութեան Պարսից շահ սուլթան Հոսէինին և յառաջնորդութեան նահանգիս Գողթան գաւառիս տեառն Յոհաննու բազմաշխատ վարդապետի, որ նորոգեաց զՍուրբ Աթոռոյս եկեղեցին, հանդերձ զանկակատնօք և այլ կիսակատարն պարսպիս, զորոյ զվարձքն Տեարն Տեարնց հատուցէ»:

Հրատ. **Մաքսուդեան/1915**, Էջ 381-382:

51. Աւետարան, ՌՃԾԵ (1708), Գողթն (ՍՄ 2590). «Փա՛ռք...: Եւ էր ի ժամանակս հայրապետութեան տեառն Աղէքսանդրի սրբազան կաթողիկոսի եւ առաջնորդութեան Սրբոյ աթոռոյն Թումայի առաքելոյն տեառն Յոհաննու եւ այցելուի երկրիս Գողթնեաց: Դարձեալ աղաչեմ զմանկունսդ նորոյ Սիօնի՝ որք հանդիպիք սմա կարդալով կամ օրինակելով, յիշեցէ՛ք ի մաքրափայլ յաղօթս ձեր զստացօղ սորին՝ զտէր Յովաննէսն եւ զգծօղ սորին՝ զԵփրեմ մեղսամած քահանայս, որ Բ. գլուխ Սուրբ Աւետարանիս գծագրեցինք հանդերձ ծաղկով եւ երկաթագրով եւ համարագրով, յիշեցէ՛ք

եւ Աստուած ողորմի ասացէ՛ք: Եղեւ զրաւ գրչութեան սորա ի թվին Հայոց ՌՃԾԷ (1708) եւ յամսեանն Սեպտեմբերի ԺԵ. (15)»:

Հրատ. **Մայր ցուցակ ՄՄ, հ. Ը**, սյուն 618-620:

52. Ժողովածոյ (ՄՄ 1157), կազմված է 4 ձեռագրից.

Ձեռագիր Ա. Գրիգորի Նարեկացոյ Մեկնութիւն Երգոց երգոյն, ՌՃԾԸ (1709), Ագուլիս. «Աւարտեցաւ Մեկնութիւնս ձեռամբ Յովաննիսի իբրու քահանայի, ի յանարժանի տիմարի քարտուղարի, ի հոյակապ յԱթոռ Սրբոյն Թումայի, որ ի յԱգուլիս, ի թուին Հայոց ՌՃԾ եւ Ը (1709), Յունիսի ամսոյ ԻԳ, ի վայելումն Բարսղի աստուածաբան վարդապետի, եւ Զրիստոսի փառք յաւիտեանս յաւիտենից. ամէն»:

Հրատ. **Մայր ցուցակ ՄՄ, հ. Դ**, սյուն 481:

Ձեռագիր Դ, XVII դար, հետագայի հիշատակարան. «Ձայս երկու գիրքս ի միասին կազմեալ, որ ասի՝ Մեկնիչ Երգ երգոց եւ Պրօկոյի: Ես՝ տէր Բարսեղ վարդապետս, ըստացա իմ հալալ ընչիւքս, ի ՌՃԿԷ (1718) թուոջն, ետու զսա ի դուռն Սուրբ առաքելոյն Թովմայի անջնջելի յիշատակ ինձ եւ ծնողաց իմոց»:

Հրատ. **Մայր ցուցակ ՄՄ, հ. Դ**, սյուն 484:

53. Ժամագիրք, XVI դար, ստացող՝ Բարսեղ վարդապետ, ՌՃԿԷ (1718). «Ես՝ տէր Բարսեղ վարդապետ, ի ՌՃԿԷ (1718) թվին, զայս Ժամագիրքս ետու յիշատակ ինձ եւ իմ ծնողացն ի դուռն սրբազան առաքելոյն Թովմայի, որ ասրի Ագուլեաց վանք»:

Հրատ. **Մայր ցուցակ Վնտկ, հ. Դ**, էջ 914:

54. Ժողովածոյ, ՌՃԼ (1681), Չմիւռնիա, ՌՃՀ (1721), Ս. Թովմայ առաքելի վանք, Ագուլիս, ստացող՝ Բարսեղ (ՄՄ 1243). «...աղաչեմ զձեզ յիշիլ զմեղսամած զՍտեփաննոս փանաքի անուամբ վարդապետս, որ բազում աշխատութեամբ զծագրեցի զայս Եզեկիէլի Մեկնութեան գիրքս, հրամանաւ հաւոյն մերոյ, մեծ յաբուսապետին՝ Բարսղի արքեպիսկոպոսի, առաջնորդ Սուրբ Թովմայի առաքելոյ վանուցն, որոյ յիշատակն օրհնութեամբ եղիցի եւ աղօթիւք նորին, Տէր մեզ ողորմեսցի. ամէն: Գրեցաւ ՌՃ. Եօթանասուն (1721) թուականիս Հայոց»:

Հրատ. **Մայր ցուցակ ՄՄ, հ. Դ**, սյուն 725-726:

55. Վարդան Արեւելցի. Մեկնութիւն Հնգամատենին, ՌՃՅԹ (1730), Կաֆայի Ս. Սարգիս եկեղեցի, ստացող՝ Միքայել վրդ. (ՄՄ 1050). *«Իսկ ի խնդրոյ ումեմն Միքայիլի, խոհեմազարդ եւ հոգեկիր վարդապետի, որ էր նա յԱրեւելեան երկրէն, յԵրեւանու նահանգէն, ի Նախջեւանու գաւառին, ի Գողթան տանէն, եւ ի Փառակայ գաղջէն, զոլով նա հարազատ միաբան եւ քրտնաջան սպասաւոր ի հոյակապ, բազմահռչակ եւ ամենագով՝ Գողթնեայ աթոռոյն, ի Սրբոյն Թովայի առաքելոյ վանիցն, որ ի յԱգուլիս, զոր հիմնարկեալ եւ կերտեցեալ է ի Սրբոյ առաքելոյն Բարդուղիմէոսէ ի սկիզբն քարոզութեան իւրոյ... Եւ Զրիստոս Աստուծոյ մերոյ սոսկալի եւ անապական արեամբ մածեալ տիգահանգոյն աջն Թովայի առաքելոյն անտանօր է, այլ եւ զոն անդ բազում սքանչելագործ սրբոց մասունք եւ նշխարք, զորս առնեն մեծամեծ սքանչելիս, որք են պարծանք եւ փառք յերկրին յԱրեւելեան եւ Հայկայ լուսաւորչաւանդ զարմիցս յաւէտ եւս Գողթնեաց ժողովրդականացն... յիշեսցի՞ք յերկնաթռիչ աղօթս ձեր, զստացող սորին՝ զտէր Միքայել վարդապետն հանդերձ համայնիւք ազգայնօքն. ամէն: Ընդ որս եւ զՍրբոյն Էջմիածնի ծայրագոյն նուիրակ՝ Ճահկեցի զտէր Ղազար հրածորան վարդապետն, հանդերձ ծնողիւք եւ համայնիւք զարմօք իւրովք. ամէն: Նախ մայրաքաղաքս առաջնորդ, ի վերոյ գրեցեալ՝ զտէր Ստեփաննոս հանճարաշատ վարդապետն, հանդերձ բոլոր ազգայնովքն իւրովք, որ զսոցին օրինակսն նա շնորհեաց մեզ: Այլ եւ զՍրբոյն Թովայի առաքելոյ վանից առաջնորդ՝ զտէր Բարսեղ արհիականաւ ճոխացեալ վարդապետն Ագուլեցի...»:*

Հրատ. **Լալայեան**, էջ 173. **Ոսկեան**, էջ 713-715. **Մայր ցուցակ ՄՄ, հ. 7**, սյուն 183-185:

56. Գրիգոր Տաթեւացի, Զարոգգիրք, ԺԵ դար (ՄՄ 2068), հետագայի հիշատակարան. *«Աբրահամ վարդապետս Կրիտացի ընթերծա զգիրքս Սուրբ Թովմայի վանիցն Գողթան գաւառի ի Զիլի, ՌՃՁ. (1731) թվին Հայոց, Մարտի ամսոյն աղուհացից»:*

Հրատ. **Մայր ցուցակ ՄՄ, հ. 2**, սյուն 1328:

57. Աւետարան, ՌԾԴ (1605), Սեպ գիւղ յերկրին Մայեկաց ի Վասպուրական, վերջին ստացող՝ պարոն Թովմաս Ագուլեցի. *«Դարծեալ կրկին անգամ յիշեսցի՞ք զվերջին ըստացող Սուրբ Աւետարանիս և ոսկեզօծ բուրաստանիս Ագուլեցի պարոն Թովմասն, որ ի դառնալն յերկրէն Հընտկաց ի Թեոդուպօլիս, հանդիպեալ էր անտանօր Սրբոյ Աւետարանիս,*

գոր ուխտիւ ըստացաւ զսա ի հալալ ընչից իւրոց՝ առ ի ընծայելոց ի դուռն Սուրբ Թովմայի առաքելոյ վանիցն, որ զկնի գալոյն իւրոյ յԱզուլիս երեր և ընծայեաց ի դուռն Սրբոյ առաքելոյս Թովմայի և ետ յիշատակ իւրն և ծնողացն իւրոց...: Ըստացուած սորա եղև ի հազարերորդի, հարիւրերորդի, ութսուն և մի յարաբերորդի (1732), յամսեանն Սեպտեմբերի յեօթներորդի»:

Հրատ. **Մաքսուդեան/1911**, էջ 316-317:

58. Աղօթք Եփրեմի Խուրին Ասորւոյ եւ այլոց, XVIII դար (Ղալաթիա, ձեռ. Հ^Կ 99), հետագայի հիշատակարան. «Դարձեալ գոհուլթիւն ամենասուրբ Երրորդութեանն, որ զիս յոչընչէ գոյացոյց իւր պատկեր աստուածութեանն, դարձեալ գոհանամ մարդասիրին Տեառն Յիսուսի Բրիստոսի Աստուծոյ մերոյ, որ և զիս հանդերձ հարբ ծնողօք, որդովք, դստերօք իմովք իւր լոյս աստուածային հաւատուն լուսաւորչածին Հայոց ուղղափառ դաւանութեան ի վերայ(յ) վիմին Սրբոյն Պետրոսի սրբազան առաքելոյն հաստատեաց: Որ և կոչեաց շնորհօք Սո(ւ)րբ Հոգւոյն ի կարգս սուրբ քահանայութեան ամին ՌՃԽ և Բ-երորդի (1693), Սո(ւ)րբ վանքն Ազուլեաց սրբազան առաքելոյն Թովմայի ձեռամբ լուսաւոր հոգի մեծ Ռհան վարդապետին ամին ՌՃԿ և Թ-երորդի (1720)...»:

Հրատ. **Յուզակ Ղալաթիոյ**, էջ 621-622:

59. Ժողովածոյ, ՌՃՁԹ (1740), Եւդոկիա, Բիւզանդիա, ստացող՝ Հովհաննես արք. (ՄՄ 101). «Ես՝ ...տէր Յոհաննէս արքեպիսկոպոս ի յԱրևելից կուսէ, ի Գողթան գաւառէ, անարդիւն յաջորդ ի սուրբ բարդուղիմահիմն վանից՝ հոյակապ և սքանչելագործ Սրբոյն Թովմայի առաքելոյ, ուր կայ աջն Նորին անդ, միսեալն ի կողն Յիսուսի և Ներկեալն սարսափելի արեամբն Բրիստոսի... և ետու գաղափարել զսա ի պտղոյ արդեանց գաւազանի քարոզութեան իմոյ, ի թուոյ կենարարին մերոյ հազարերորդի եօթնհարիւրերորդի և քառասուն, որ ի վերայ բարդի, և ըստ էասական թվոյն Հայոց հազարերորդի հարիւրերորդի ութսուն և իններորդի (1740), ըստ յունարէն ամսոյ Յունվարի մուտն և ի հայոց ամսոյ Տրէի տասն և եօթն, և բերեալ եղի ի վանս Սրբոյն Թովմայի առաքելոյ՝ յիշատակ անջինջ ինծ և բարեմիտ ծնողաց իմոց: Եւ մի՛ ոք իշխեսցէ հանել զսա ի Սուրբ վանուցն Թովմայի առաքելոյ...»:

Հիշատակարան հետագայի – ՌՄԼԸ (1789). «Յիշատակ է սուրբ գիրքս, որ կոչի Քարոզգիրքս, ուստա Մեսրոբին և իւր ծնողացն՝ հանգուցեալ Ներսեսին և իւր կողա(կ)ցուն՝ Պաղդայգուլի, և իւր եօթն մասն ննջե-

ցելոցն, ի դուռն Սուրբ Թովմայի առաքելոյն. յիշատակն արդարոցն օրհնութեամբ եղիցի. Տէր Աստուածն անճնճելի յիշատակ արասցէ. ամէն: Գրեցաւ թվին ՌՄԼԸ (1789), Նոյեմբերի ԺԷ: Ես՝ մեղաւոր և անարժան Եսայի սևաւորս, գրեցի»:

Հրատ. **Ոսկեան**, Էջ 716-717. **Մայր ցուցակ ՄՄ, հ. Ա**, սյուն 428, 430:

60. Դիոնեսիոս Արիսպագացի, ՌՃՁԹ (1740) (Ղալաթիա, ձեռ. Հ^մ 23), ստացող՝ Հովհաննես արք⁹. «Ես՝ ...տէր Յոհաննէս արքեպիսկոպոս ի յԱրևելից կուսէ ի Գողդան գաւառէ, անարդիւն յաջորդ ի սուրբ բարդուղիմահիմն վանից, հոյակապ և սքանչելագործ, Սրբոյն Թովմայի առաքելոյն, ուր կայ աջն նորին անդ, միտեալն ի կողն Յիսուսի և ներկեալն սարսափելի արեամբն Բրիստոսի... և եղի յիշատակ անջնջելի ի սուրբ վանս Սրբոյն Թովմայի առաքելոյ...»:

Հրատ. **Ցուցակ Ղալաթիոյ**, Էջ 779-780:

61. Ժողովածոյ, ՌՃՂԱ (1742), Կ. Պոլիս, մեկենաս՝ Յովհաննէս արք. Գողթնեացի (ՄՄ 3324). «Ես՝ պիտակ անուամբ եւ ոչ արդեամբ կոչեցեալս, հնազանդ անարժանս յարժանաւորաց, մեղապարտս յանմեղաց, իբր ահրիեպիսկոպոս յերկրէն յԱրեւելից, ի գաւառէն Գողթնեաց, ի բարդուղիմահիմն վանաց Սրբազան առաքելոյն Թումայի, ուրանօր կայ սարսափելի արեամբն Բրիստոսի, յորոյ նուիրեցայ ես՝ ստորուկ ծառայ ի ծնողաց իմոց զամս քառասուն եւ չորս, եւ եղէ նոյն սուրբ վանացն յաջորդ անարդիւն: Եւ զայս գիրքս գրել ետու իմ ձեռքս եւ եղի ի նոյն Սուրբ վանքն Թումայի, որ յԱգուլիս գիւղաքաղաքի, իբր անջինջ յիշատակ ինձ եւ բարեմիտ ծնողաց իմոց՝ Առաքելոյն եւ Նիկարիւն, եւ այլ ընտանեաց իմոց, որք են ի Տանակերտ գիւղի, ի վայելումն ինձ՝ անարժանիս եւ յետ իմոյ զացօղ եղբարց եւ միաբանաց: Եւ որք վայելէք ընթերցմամբ եւ շահեցմամբ հոգւոյ, յիշեսցի՛ք զիս՝ անարժանս աներեկ ի Բրիստոսէ Աստուծոյ մերմէ. ամէն: Դարձեալ, եթէ ոք յանդգնեցի գողանալ եւ հանել ի Սուրբ վանացն Թովմայի առաքելոյն, պարտական լիցի սարսափելի արեանն Բրիստոսի, որ եւ ասացեն հրեշտակք եւ մարդիկք. եղիցի, եղիցի»:

Հրատ. **Մայր ցուցակ ՄՄ, հ. Ժ**, սյուն 1376-1377:

62. Պատմութիւն քառից ժողովոցն, որք ի Նիկիայ, ի Սարդիկիայ, ի Կոստանդնուպոլիս եւ յԵփեսոս, ՌՃՂ (1743) (ՄՄ 1905). «Կարողութեամբն

⁹ Գրեթէ տառացի կրկնում է Նախորդին:

Աստուծոյ, յանգ եղեալ աւարտեցաւ սուրբ գիրքս երից սրբազան ժողովոց՝ ձեռամբ տէր Պետանի որդի, անուամբ եւեթ դպիր Պօղոս եւ տիրացու Ստեփան Նօտարացս, ի վայելումն տեսն տեսն Յօհաննու արհիապատիւ եպիսկոպոսի եւ դիտի վանից Սրբոյն Թօմայի առաքելոյն, ի փառս Աստուծոյ եւ ի յօգուտ Հայկազունէից, թուին ՌՃՂԲ-ն (1743), ամսեանն Մարտի ԻԶ-ին (26)»:

Հրատ. **Մայր ցուցակ ՄՄ, հ. 2**, սյուն 484:

63. Լուդովիկոս Փարիզեցի. Ուղ եւ ծուծ աստուածաբանութեան, ՌՃՂԵ (1748), Պրուսակերտ (ՄՄ 1457). «Յիշատակ է Ուղ եւ ծուծ աստուածաբանութեան գիրքս Նուսնիացի Յարութիւնի որդի տէր Ոհանէսիս, որ յիշատակ դրկեցի Գողտնեաց գաւառն ի Սուրբ Թօմայու առաքելու վանքն, յիշատակ իմ ծնողաց, եւ որ ոք ընթերցող, ասէ մեկ Հայր մեղայն եւ իւրեանք յիշեալ լինին ի Տեսնէ. ամէն:

Աւարտեցաւ Ուղ եւ ծուծ աստուածաբանութեան գիրքս, ձեռամբ Ոհանէս իրիցուէ անվարժ, որ է երկրէն Արեւելեան, ի գաւառէն Գողտնեաց, ի թեմէն Սրբոյն Թումայու առաքելոյն, ի գեղջն, որ կոչի Նուսնիս, Յարութիւնի որդի կոչեցեալ: Եւ դուք ընթերցողք հայրք եւ եղբայրք եւ որ ի ձեռս առեալ ի ժամ ընթերցման արժան առնէք զտէրունականն լիով սրտիւ զԱստուած ողորմին ասել. նա եւս Աստուած ողորմեսցի ձեզ, ի միւս անգամ գալստեանն իւրում. ամէն: Ի թուականիս Հայոց ՌՃՂԵ-ին (1748), ի փետրվարի տասն, ընդ հովանեաւ Սուրբ Աստուածածնին, որ ի Պրուսակերտի»:

Հրատ. **Մայր ցուցակ ՄՄ, հ. 7**, սյուն 1310:

64. Օրինակք թղթոց Յակովբայ Ե Շամախեցոյ եւ Սիմեոնի Ա Երեւանցոյ կաթողիկոսաց Հայոց, ՌՄԺԱ-ՌՄԻԹ (1762-1780), Էջմիածին, (ՄՄ 2912). «Արդ, ի բազմաց վանորէից մի է հռչակաւոր հիաիրաշ եւ գերահօր ուխտն Սրբոյն Թօմայի առաքելոյ...»:

Հրատ. **Մայր ցուցակ ՄՄ, հ. Թ**, սյուն 1290:

65. Օրինակք գրութեանց Ղուկասու Կարնեցոյ, ՌՄԼ-ՌՄԼԵ (1781-1786), Էջմիածին (ՄՄ ձեռ. թիվ 2803). «Թուղթ յորդորանաց ի Դաշտ գիւղն, որ է վիճակ Սրբոյն Թօմայի առաքելոյ վանիցն, զի զարդիւնս տացեն նոյնոյ վանիցն իւրեանց, վասն զի յերկար միջոցս ոչ տային զհասս

եւ զիրաւունս եւ խղճալի առաջնորդն վասն պակասութեանցն բողոքէր... գրեցաւ ի ՌՍԼԴ. (1785) եւ ի յունվարի (օրը՝ չգրված)»:

Հրատ. **Մայր ցուցակ ՄՄ, հ. Թ**, սյուն 684:

66. Աւետարան, ՊԷ (1358), գևորդ՝ ուստա Աւաք, ՌՍԼԸ (1789). «Թվ. ՌՍԼԸ (1789) դեկտեմբեր Բ, որ ես՝ առդպեցի (°) ուստայ Աւաք, այս Աւետարանս առի ի ձեռաց անօրինաց հալալ արդեանց իմոց և ետու յիշատակ ինձ և իմ ծնողաց իմոց՝ Յակոբի, Ապսակ, եղպարց իմոց՝ Շիրվանին և Հարապետին, որդոցն՝ Յակոբին, Շիրվանին, Հարապետին, կողացուն՝ Համասփուռին, դստերացն՝ Ապսակին և Նանագուլին, և հանգուցեալ Նախշունին և իւր Է մասն ննջեցելոցն, որ ետու յիշատակ ի դուռն Սուրբ Թովայի առաքելուն յիշատ(ա)կ արդարոցն օրհնութեամբ եղիցի, ով որ ընդերցեն մէկ բերան, Հայր մեղայիւ յիշեսցեն ինձ և իմ ծնողացն. ամէն, Հայր մեր. ամէն»:

Հրատ. **Մաքսուդեան/1911**, էջ 562-563:

67. Յայսմաւուրք, ՌՃԽԹ (1700), Կաֆայի Ս. Օգսենտ եկեղեցի. «Յամի ներմարմնութեան Տեառն 1789 և ի թուականութեան Հայոց ՌՍԼԸ, մեծահռչակ և գերահրաշ վանքն սրբազնասուրբ առաքելոյն Թովայի, որ Է կառուցեալ ի յերկրին Նախիջևանու, յայսմ ամի ասպատակեցաւ ի չար և անօրէն տաճկացն զօրաց, և զամենայն զինչս սրբոյ վանիցն աւար առեալ և տարեալ ի յերկիրն Երևանու, վաճառեալ էին անդ զամենայն եկեղեցական զսպաս, և կամ զայլ ինչս սրբոյ վանիցն:

Իսկ սրբոց լուեալ զայս համբաւ բօթալի, կարի յոյժ ցաւեցեալ էին, վասն զի Է տուն հոգոց պայծառ իշխանագուն իշխան Նախնեաց իւրեանց, որք իշխեալ էին երկրիս յայսմիկ, իշխան գլով ժամանակաւ և կացեալք են ընդ հովանեաւ սրբոյ վանիցս, զսրբոյ մեծաւ փափագմամբ, որոնեալք էին յուզելով, թէ գուցէ գտանիցեն զսպաս սրբոյ հրաշակերտի վանիցս և առեալ զայն վերադարձուցեն ի սուրբ վանս. բայց՝ ոչ են գտեալ զինչ ի սպասու սրբոյ վանիցս, բացի յայս Յայսմաւուր գրքէս, որ զայս ևս զոմն Թիֆլիզեցի առեալ և տարեալ Է ի Թիֆլիզ. որ նոցա (°) զայս տեսեալ հալալ արդեանց իւրեանց գնեալ, վերջստին նորոգեցուցեալ ետուն յիշատակ սրբոյ վանիցս՝ Թովայի սրբազնասուրբ առաքելոյն...»:

Հրատ. **Մաքսուդեան/1911**, էջ 1003-1007:

68. Աւետարան, տեղն ու ժամանակը՝ անհայտ, հետագայի հիշատակարան. «Յիշատակ է Սուրբ Աւետարանս սիրունցի յիշեցէք ...ին ...ան (»), հայր Իսախանըս և մայր իմ Ոսկի, և եղբարքն՝ Մաժուլում Միրզայ, Բայդալ Ամարեանը, Էվազ Նորաբողոքոջ որդիքն իմ և մեր իշխանացն ահուն ետու ի դուռն Սուրբ Թոմայի առաքելուն յիշատակ թվին ՌՄԼԹ-ին:

Պարոն Մաժուլմ ետու Գ հատ էլ դռան երկաթի փակ ետու ի դուռն Սուրբ Թոմայի առաքելուն»:

Հրատ. **Մաքսուդեան/1911**, էջ 318:

69. Վարք հարանց, ՌՃԲ (1653), Շոռոթ, (Թավրիզի առաջնորդարան, ձեռ. 1). «Եւ ես՝ Ազուլեաց Սբ Թոմայի առաքելոյն Նորին առաջնորդ Թովմաս ա(ստուա)ծայիսնամ վարդապետի շաթիր Ընսդամս, գրեցի ՌՄԽԲ (1793) թվոջս Մախսուտ խանին օրդու արու փախջին խոյ այս է»:

Հրատ. **Աճառեան**, էջ 44բ:

70. Աւետարան, ՌՃԺ (1661), Տփխիս, հետագայի հիշատակարաններ՝ 1728 թ., 1796 թ. «Եւ առ բերեալ եդի և ընծայեցի ի դուռն Սուրբ աթոռոյս Գողթնեաց սրբազան առաքելոյն Թովմայի, առ ի լինել անջնջելի յիշատակ ինձ և իմայնոց ամենեցունց...»:

Որ եղև այս ի թուականիս մեր ՌՄԽԵ (1796) ամին, ի հայրապետութեան Սրբոյ Էջմիածնի տեառն Ղուկասու սրբազան կաթողիկոսին: Եւ յառաջնորդութեան Սրբոյ վանացս Թոմայի՝ տեառն Թոմասու արքեպիսկոպոսին և բազմաշխատ վարդապետին:

Եւ զսոյն զայս արարի հրամանաւ գերապատիւ հօր մերոյ և առաքելաշաւիղ առաջնորդին Գողթան գաւառիս՝ տեառն Թոմայի խոհեմազարդ վարդապետին Դաստակեցոյ: Որ է վեցերորդ եպիսկոպոս ի շինութենէն այսմ առաքելական Աթոռոյս...:

Արդ՝ առաջադրութեանս մերում նպատակ՝ է սոյն այս, զի աստուածախօս գեղեցկագիր Սուրբ Աւետարանս՝ մի է ի գերելոց անտի պատուական գրեանցն Թիֆլիզու, զոր գնեաց ի գերողացն նախագրեալ Յարութիւնին որդի՝ քաղցրապտուղ ծառն՝ շառաւիղեալն ի բարի արմատոյ՝ բարեպաշտօն վաճառական Մարտիրոս՝ իբրև զգեղեցիկ և զմեծագին մարգարիտ: Եւ ընծայեաց մեծաւ սիրով ի ձեռս վերոյ գրեալ երջանիկ առաջնորդին՝ առ ի լինել հոգևոր յիշատակ իւրն և իւրայնոցն ամենեցուն ի Սուրբ աթոռս Թոմայի սրբազան առաքելոյն...:

Գրեցաւ յիշատակաց բանս ի թուականիս մերում ՌՄԽԵ, յամսեանս յունվարի ԺԲ ի յառաքելական հրաշագարդ Սուրբ աթոռս Թօմայի՝ որ ի գիւղաքաղաքս Ագուլիս»:

Հրատ. **Մաքսուդեան/1911**, էջ 118-127:

71. Ժողովածոյ, ՌՃԱ-1652 (ՄՄ 2303), հետագայի հիշատակարան (XVIII դար). «Յիշատակ է գայս Պրոկղի եւ Զերականութեան գիրքս Ագուլեցի Թօմայ վարդապետին, որ ետու յիշատակ ինձ եւ ծնողաց իմոց ի վանս Սրբոյն Թօմայի առաքելոյն: Ով ոք հանդիպիցի ընթերցմամբ, յիշեսցէ՛ զմիով Հայր մեղայիւ զվերոյգրեալ զանուանսն»:

Հրատ. **Մայր ցուցակ ՄՄ, հ. Է**, սյուն 845:

72. Յայսմաւորք, ՌՃԻԹ (1680), Ս. Ստեփանոս Նախավկայի վանքի մոտակա գյուղ (հավանաբար Դարաշամբ - Ա. Ա.), հետագայի հիշատակարան, 1812 թ. «Ես՝ Վաղարշափաթու Էջմիածնեցի տիրացու Յակոբս, իմ յօժար կամովս եկի հրաշափառ վանս Սրբոյն Թօմայի յաղակս կրօնաւորութեան, Աստուած իւր ամենակարող զորութեամբ խոնարհութիւն եւ համբերութիւն տացէ: Ով ոք, որ այս գիրս ընթեռնուք կամ արծարծէք, ունիք պարտականութիւն լիաբերան ասել՝ Աստուած ի կարգ քահանայութեան արժանի արացէ իւր քաղցրութեամբն: Յամի Տեառն 1812 և յամսեանն Դեկտեմբերի ԺԵ-ին և այսմ Գողթան գաւառիս իշխօղն միրզայ Ահմատն Էր և աթոռոյս վէքիլդարն ջուղայեցի Դալլաքեան Պօղոս վարդապետն Էր, բայց սղալանացս ներել մաղթիմ ընթերցողացդ»:

Հրատ. **Մաքսուդեան/1911**, էջ 1007-1012:

73. Օրինակք գրութեանց Եփրեմի կաթողիկոսի, ՌՄԿԴ-ՌՄԿԶ (1815-1817), Էջմիածին, (ՄՄ 2916). «Առ պարոն Սատթեոսն Մելիք-Ղամջանեան եւ պարոն Սաֆռասն Սահակեան... առ Թօմայ առաքելոյ վանից, Երնջակու Սուրբ Կարապետու եւ Կարմիր վանից բոլոր ժողովուրդսն...»:

Հրատ. **Մայր ցուցակ ՄՄ, հ. Թ**, սյուն 1360:

74. Աւետարան, տեղն ու ժամանակը՝ անհայտ. «Յիշատակ է Սուրբ Աւետարանս Ագուլեաց Սուրբ Թօմայի վանիցն» (երկիցս):

Հրատ. **Մաքսուդեան/1911**, էջ 318:

75. Աւետարան, 1193 թ., Պաւլոսական անապատ, մերձ առ ամուր դղիկիս Կատինոյ (The Walters Art Gallery, Բալթիմոր, ԱՄՆ, ձեռ. 3^մ 2), հետագայի հիշատակարան (XVIII դար). *«Յիշատակ է Աւետարանս խաւճայ Յովանիսին, եղբարն՝ Յուդոթյուին, հաւրն՝ Ինապին, մաւրն՝ Չատային, ի դուռն Սուրբ Թումայ առաքելին վանքն, յիշաւղն ողորմի ասացէք. ամէն»*:

Հրատ. **Sanjian**, էջ 273:

* * *

Կարևոր ենք համարում հիշատակել նաև Նաղաշ Հովնաթանի՝ 1682 թ. ընդօրինակած զույգ ձեռագրերը, որոնցից մեկը բովանդակում է Հովսեփոս Փլավիոսի «Վասն հրեական պատերազմին» երկը, որի հիշատակարանում կարդում ենք. *«Գրեցաւ զսա ձեռամբ Յովնաթան դպրի ի գէողէն Շոռոթյ եւ հայրն իմ ըզտէր Յոհանն՝ հանգուցեալն ի Զրիստոս...»*¹⁰: Հիշատակարանից պարզվում է, որ 21 տարեկանում Հովնաթանն արդեն կորցրել էր հորը, ինքն էլ Ագուլիսում դպիր էր և ձեռագրեր էր ընդօրինակում: Մյուս ձեռագիրը տաղարան է (ՄՄ 3628) և բովանդակում է Ներսէս Շնորհալու, Ստեփանոս Օրբելյանի, Կարապետ վարդապետի, Առաքել Բաղիշեցու, Ներսէս Լամբրոնացու չափածո ծավալուն գործերը: Ուսումնասիրողների կարծիքով՝ այս ձեռագիրը ևս ընդօրինակվել է Ագուլիսում. *«Յիշեցէք զգրիչ Յովնաթանս, և դուք յիշեալ լիջի՛ք, թվ. ՌՃԼԱ (1682)»* (545բ):

Տեղին է վկայակոչել նաև Նաղաշ Հովնաթանի հեղինակած տաղերից երկուսը: Դրանցից մեկը գրված է Գողթնի առաջնորդ Հովհաննես եպիսկոպոսի մահվան, երկրորդը՝ Ս. Թովմա առաքյալի վանքի զանգակատան կառուցման առիթով.

¹⁰ Ձեռագրի մասին ակնարկել և հիշատակարանն առաջին անգամ հրատարակել է Հ. Ղևոնդ Ալիշանը (Սիսական, էջ 329, 331, նկ. 97): Ներկայումս Վենետիկի Մխիթարյան միաբանության մատենադարանի հավաքածուում է՝ Վնտկ ձեռ. 3^մ 1407/1626. ձեռագրացուցակի հ. Ը., էջ 499-504:

**ՈՂԲԵՐԳՈՒԹԻՒՆ ՅԱՂԱԳՍ ՄԱՅՈՒՄՆ ՏԵՎՈՆ ՅՈՅԱՆՆՈՒ
ԱՍՏՈՒԱԾԱԲԱՆ ՎԱՐՂԱՊԵՏԻՆ՝ ԱՌԱՋՆՈՐԴԻՆ ԳՈՐԾՆԵԱՑ ՆԱՅԱՆԳԻՆ՝
Ի ՆԱՂԱՇ ՅՈՎՆԱԹԱՆԷ ՇԱՐԱՂԵԱԼ**

Յորդորմամբ արտասուալից
Սիրտք մեր զարհուրեալ սասանին,
Չի այսօր լուաք ըզմահ
Յովհաննու Աստուածաբանին,

Որ էր նստեալ տեղապահ
Գողթնեաց հոգևոր իշխանին,
Այսօր խոտըն ցամաքեաց,
Թթափեաց ծաղիկ շուշանին:

Վարդապետ և քաջ հովիւ,
Մտեր ի հող գերեզմանին.
Այսօր ցրուեցան ոչխարքն՝
Ըստ մարգարեական ձայնին:

Նման անուամբ և բանիւ
Յովհաննու Ոսկեբերանին,
Սիրող Փրկչին Յիսուսի
Եւ պահող սուրբ պատուիրանին:

Աղբիւր անըսպառ էիր,
Քարոզող դու կենաց բանին,
Բացատրող խորին գրոց
Եւ սրբոյ Աւետարանին:

**Թովմայի անուամբ տաճար,
Խորհրդով Նոյան տապանին,
Կազմեցեր բարձր և պայծառ,
Նման լուսեղէն խորանին:**

Աւա՛ղ և եղուկ ասեմ՝
Չքո աշակերտացն երամին.
Եւ ժողովրդեան գնդին,
Որք ի սուրբ հօրեդ բաժանին:

Նաղաշըն հոգւով ցանկայ
Տեսանել զՅովնան թաքունին,
Երեսն արտասուօք դընել
Ի վերայ սրբոյ տապանին:

Ելից երկիրս ամենայն
Ըզիամբաւ քաջութեան քոյին,
Ո՛ր վ հայր, ինդրեա ի Տեառնէ,
Պահել զաթոռ զվիճակ նորին¹¹:

**ՏԱՂ Ի ՎԵՐԱՅ ՉԱՆԳԱԿԱՏԱՆ ՎԱՆԻՑ
ՍՈՒՐԲ ԱՌԱՔԵԼՈՅՆ ԹՈՎՄԱՅԻ, ՈՐ Ի ՅԱԳՈՒԼԻՍ**

Յէից լուսոյն ծագեաց մեզ լոյս,
Իմաստութիւնըն Զօր Յիսուս.
Չմեղս մեր խաչին բառնայ ի յուս,
Մեզ հաստատէ հաւատ և յոյս:

Որ զնոյն սիրովն ճշմարտական
Վառեալ այժմոյս տէրըն Յոհան,
Կանգնեաց տաճարըն հրաշագան՝
Թովմայ առաքելոյ անուան:

Երկուց ամաց ետ կատարման,
Արկեալ զծեռն զանգակատան,
Չոր շնորհիւ Սուրբ Զոգւոյն փջման,
Չնոյն ևս հասոյց փոյթ ի վախճան:

Կարգն առաջին գաւիթս տան Տեառն,
Հաստակառոյց իբրև ըզլեռան,
Գոյնզգոյն ծաղկեալ ոսկէխառն,
Իբրեւ զուարճ գարուն, ամառն:

Կարգըն երկրորդ կանգնեալ սեղան,
Տաճար Աստուածածնի անուան,
Քրիստոնէիցըս պահապան,
Ընդդէմ դիւաց զէն և վահան:

¹¹ *Նաղաշ Զովնաթան*, Տաղեր, աշխատասիրությամբ՝ *Ա. Մնացականյանի*, Երևան, 1983, էջ 193-194:

Ի սմա մատչի միշտ պատարագ,
Նովաւ լինի հոգւոց ճարակ.
Սա է պարիսպ, բարձր աշտարակ,
Յուսացելոց օգնէ արագ:

Կարգըն երրորդ հնչէ ըզծայն,
Գաբրիէլեան փողոյն նման.
Չարթուցանէ զամենեսեան՝
Փառըս տալ սուրբ Երրորդութեանն:

Հայցեա, սուրբ կոյս, դու առ Հօր բան՝
Պահել զտաճարս այս անսասան,
Եւ յաբունիս մեր տէր Յոհան՝
Հանդերձ մանկամբք միանգամայն¹²:

¹² **Նաղաշ Դովնաթան**, նշվ. աշխ., էջ 208-209:

ՎԻՇԱՊ-ՕԶԻ ՊԱՏԿԵՐԱԳՐՈՒԹՅՈՒՆԸ
ՄԻՋՆԱԴԱՐՅԱՆ ԵԿԵՂԵՑԻՆԵՐԻ
ՀԱՐԴԱՐԱՏԱՐՐԵՐՈՒՄ
(համառոտ ակնարկ)

Հայ միջնադարյան եկեղեցական ճարտարապետությունը, իր հորինվածքային լուծումներից զատ, ներկայանալի է նաև որմերի քանդակային-գեղարվեստական տարատեսակ հարդարատարերով, որոնց շարքում իրենց անզուգական տեղն ունեն վիշապ-օձերի պատկերաքանդակները¹: Թեմային նվիրված սույն համառոտ ակնարկն առավելապես նվիրված է հիշյալ պատկերագրության քանդակային վկայություններին, որոնք հեղինակը փորձել է համադրել ինչպես միջնադարյան (Առինջ, Անի, Եղեգիս և այլն), այնպես էլ ավելի ուշ շրջանից հայտնի (Մաղարդավանքի Ս. Ստեփանոս եկեղեցի, Ս. Էջմիածնի Մայր տաճարի մեծ զանգակատուն և այլն) հուշարձանների նմանօրինակ պատկերաքանդակներին (Ա. Հ.):

Օձամարմին վիշապներով համակցված հորինվածքները հայտնի են դեռևս ուրարտական մշակույթից (մ.թ.ա. IX-VI դդ.), որտեղ, ի տարբերություն քրիստոնեության մեջ վկայված օրինակների, օձերի գլուխներն ուղղված են դեպի կենտրոն, դեպի իրենց կողմից պահպանվող «կենաց ծառը»: Ըստ հնագետ, մշակութաբան Համլետ Պետրոսյանի՝ այս (երկրորդ) հորինվածքն իր ակունքներով կապված է հայոց մեջ հնուց հայտնի «կենսատարածքի և կենսընթացի այգային ընկալման» (որը քրիստոնեական շրջանում վերածնակերպվեց որպես «կորուսյալ դրախտ») և նրա պահպանման խորհրդի հետ: Քննելով այս հորինվածքի պատկերագրական ակունքները՝ Հ. Պետրոսյանը հատկանշում է երկու կողմից

¹ Վերջերս վիշապ-օձի պատկերագրական և խորհրդաբանական առանձնահատկությունները քրիստոնեական քանդակային արվեստում հատուկ ուսումնասիրել է արվեստաբան Լիլիթ Միքայելյանը (տե՛ս **Լ. Միքայելյան**, Վիշապ-օձի կերպարը Հայաստանի X-XIV դդ. քանդակում. պատկերագրությունը և խորհրդաբանական եզրերը քրիստոնեական մշակույթի համատեքստում, «Վիշապը հեքիաթի և իրականության սահմանին», խմբ.՝ **Ա. Բոնոխյան** և այլք, Երևան, 2019, էջ 398-413) – Ա. Հ.:

վիշապ-օձերով պաշտպանվող ծառային հորինվածքի պատկերագրությամբ որոշ առարկաներ (Արևմտյան Հայաստանում գտնված ձիու ճակատագրող՝ մ.թ.ա. VIII-VII դդ., Սարգուրի Բ-ի սաղավարտը՝ մ.թ.ա. 760-730-ական թթ., քրիստոնեական դարաշրջանին վերաբերող վիշապագորգեր, խաչքարերի օձակերպ արմավագրողներ ևն), որոնց թեմատիկ (պահպանման) առումով հարում է բացառապես երկու վիշապ-օձ պատկերող առարկաների մեկ այլ խումբ (մ.թ.ա. VI դարից հայտնի ապարանջաններ, քրիստոնեական շրջանում տարածում գտած վարդապետական և եպիսկոպոսական գավազանների օձակերպ գլխամասեր ևն)²: Նշված բոլոր հուշարձաններում վիշապ-օձերը, անկախ նրանց միջև պատկերված առարկայի բնույթից (որը կարող էր և, առհասարակ, պատկերված չլինել), հանդես են գալիս որպես պահապան ուժեր:

Վիշապ-օձերի պատկերաքանդակներ են պահպանվել նաև միջնադարյան եկեղեցական և աշխարհիկ կառույցների որմերին: Այսպես. Առնշավանքի շրջապարսպի մուտքի բարավորի (XII-XIII դդ., նկ. 1)³, Անիի հյուրանոցի հարավային շքամուտքի վերնամասի (XII-XIII դդ.) և Տիգրան Հոնենցի կառուցած եկեղեցու որմնախորշի (1215 թ., նկ. 2) հարդարանքում տեղ են գտել միմյանց նայող վիշապ-օձերի պատկերաքանդակներ, կամ Անի քաղաքի Շանուշի և Մամախաթունի աշտարակներին (երկուսն էլ վերակառուցված 1210-ական թթ.) տեսնում ենք երկու օձերի միջև քանդակված ցլեր⁴, իսկ Եղեգիսի Ս. Նշան եկեղեցու (XIII դ., նկ. 3) հարավային լուսամուտը «գրկել» են միահյուսված և գլուխները միմյանց հակառակ ուղղված վիշապ-օձեր:

² **Հ. Պետրոսյան**, «Հայաստան - դրախտ կորուսյալ». հայ ինքնության մի հարացույցի ձևավորման ակունքները, «Ինքնության հարցեր», Երևան, 2002, էջ 160-162:

³ Վերջերս Առնշավանքի օձամարմին վիշապներով բարավորին և նրա թվագրության անդրադարձել է լուսահոգի Սամվել Կարապետյանը (**Ս. Կարապետյան**, Առինջ գյուղի պատմական հուշարձանները, Երևան, 2015, էջ 29-30) – Ա. Հ.:

⁴ Այս հորինվածքը պատկերագրական առումով հիշեցնում է Տաթևի վանքի Ս. Պողոս-Պետրոս եկեղեցու (895-906 թթ.) խորշերի և լուսամուտների արտաքին կամարակապ քիվերի քանդակները, որտեղ ցլերին փոխարինում են դիմաքանդակները: Դրանք, ըստ Ստ. Մնացականյանի, խորհրդանշում են եկեղեցու շինարարությանը նպաստած մեկենասներին՝ Սյունյաց Աշոտ գահերեց իշխանին, Շուշան իշխանուհուն, Գրիգոր Սուփանին և Բաղքի Ձագիկ իշխանին (տե՛ս **Ստ. Մնացականյան**, Հայկական ճարտարապետության Սյունիքի դպրոցը, Երևան, 1960, էջ 206-208) – Ա. Հ.:

Տաթևի վանքից հայտնի դարձած Եղիա վարդապետի (ճարտարապետ, քարգործ) անվանակիր նորահայտ կոթողի առնչությամբ վերջերս այս խնդրին մենք ևս անդրադարձել ենք (տե՛ս **Ա. Հարությունյան**, Տաթևի վանքի Ս. Պողոս-Պետրոս տաճարի պատկերաքանդակները և դրանց հավանական վարդապետը, «Պատմաբանասիրական հանդես», 2021, թ. 1, էջ 145-158):



**Նկ. 1. Առնջավանքի շրջապարսպի մուտքի բարավորի վիշապ-օձերը,
XII-XIII դդ. (լսնկ.՝ Ա. Հարությունյանի, 2021 թ.)**



**Նկ. 2. Վիշապ-օձեր.
Անիի Ս. Գրիգոր Լուսավորիչ (Տիգրան Հոսեւոյ) եկեղեցի,
1215 թ. (լսնկ.՝ Ա. Հարությունյանի, 2019 թ.)**

Չկորցնելով իր խորհուրդը՝ խնդրո առարկա հորինվածքը զարգացում է ապրում նաև ուշ միջնադարում, մասնավորապես՝ XVII դարում, որպիսիք հայտնի են Մաղարդավանքի Ս. Ստեփանոս եկեղեցու, Ս. Էջմիածնի Մայր տաճարի արևմտյան կամ մեծ զանգակատան (1654-1658 թթ.), Քանաքեռի Ս. Հակոբ եկեղեցու (արևելյան ճակատի վերնամասում քանդակված է օձերով պաշտպանվող դրախտային այգին, 1695 թ.)



**Նկ. 3. Վիշապ-օձեր. Եղեգիսի Ս. Նշան եկեղեցի,
XIII դար (լսնկ.՝ Ա. Զարուբյունյանի, 2021 թ.)**

որմնաքանդակներից: Մաղարդավանքի համալիրի գլխավոր՝ Ս. Ստեփանոս գմբեթավոր եկեղեցու թմբուկի նիստերը բաժանող գալարածև տասնվեց սյուները պսակվում են օձամարմին վիշապների՝ հակադիր զույգ գլուխներով (նկ. 4), իսկ Ս. Էջմիածնի Մայր տաճարի մեծ զանգակատան հարդարատարրերն ուղղակի «հեղեղված» են վիշապաքանդակների տարբեր հորինվածքներով (նկ. 5): այստեղ՝ Սրբոց Զրեշտակապետաց խորանի հյուսիսային և հարավային լուսամուտներին, ներկայացված են երկու կողմից խաչը պահած, զանգակատան երկրորդ հարկի մույթերին՝ դրախտային պարտեզը պահպանող վիշապ-օձերը, իսկ առաջին հարկի մույթերի անկյունային հատվածների պարուրածև սյուները պսակված են առյուծների, ցլերի, արծիվների և օձերի գլուխներով: Նշվածներից երեքի ներկայությունը կարծես հուշում է Մարկոս, Ղուկաս և Զովհաննես ավետարանիչների խորհրդանիշների մասին, սակայն օձերի




Նկ. 4. Մաղարդավանքի Ս. Ստեփանոս եկեղեցու թմբուկի հարդարատարրերը, XVII դար (սնկ.՝ Ա. Ղուկասի)

առկայությունը (հրեշտակի փոխարեն) իսկույն հերքում է այդ վարկածը՝ հոգուտ ներկայացվածների՝ պահպանիչ լինելու տարբերակի, առավել ևս, որ թե՛ առյուծի, թե՛ ցլին և թե՛ արծվին բնորոշ է պահապանի գործառույթը:

Ի դեպ, Ս. Էջմիածնի Մայր տաճարի մեծ զանգակատան նշված կենդանաքանդակները հայ արվեստում պահապան կենդանիների՝ կառույցի պատերի անկյունային հատվածներում հստակ թվագրությամբ քանդակված վաղագույն նմուշներն են: Մինևույն չորս կենդանիներին տեսնում ենք Նաև Ցղնայի Ս. Աստվածածին եկեղեցու պատերի անկյունային հատվածների քանդակներում⁵: Ս. Աստվածածին եկեղեցու կառուցման տարեթիվը թեև հստակ չէ, բայց և այնպես այն XVII դարի երկրորդ կեսի կառույց է և, հաշվի առնելով վերջինիս և Ս. Թովմա առաքյալի վանքի՝ ժամանակով և տեղագրորեն բավական մերձ լինելը, ուսումնասիրողները հավանական են համարում, որ Ս. Թովմա առաքյալի տաճարի անկյուն-

⁵ **Ա. Այվազյան**, Նախիջևանի կոթողային հուշարձաններն ու պատկերաքանդակները, Երևան, 1987, էջ 38. **Լ. Կարապետյան**, Ցղնայի Սբ Աստվածածին եկեղեցու քանդակային հարդարանքը, «Պատմա-բանասիրական հանդես», 2019, թ. 3, էջ 108-110:

Նային կենդանաքանդակների համար նախադեպ են ծառայել հենց Ցղնայի Ս. Աստվածածին եկեղեցու համանման օրինակները: Այստեղից հետևություն, որ Ս. Թովմա առաքյալի տաճարի մյուս երեք անկյուններին ևս քանդակված են եղել առյուծներ, արծիվներ ու ցլեր:



Նկ. 5. Մայր տաճարի զանգակատան միջնահարկի հարդարատարրերից, XVII դար (լսնկ.՝ Ա. Հարությունյանի, 2016 թ.)

Այսպիսով՝ վիշապ-օձերի պատկերաքանդակները հայ միջնադարյան արվեստում (Մաղարդավանք, Ցղնա, Ս. Թովմա առաքյալ, Ս. Էջմիածնի Մայր տաճար, Քանաքեռի Ս. Հակոբ և այլն) իմաստաբանորեն խորհրդանշում են վաղուց ի վեր հայոց մեջ արմատացած սրբազան տարածքի (տվյալ դեպքում՝ եկեղեցու) պահապաններին՝ օձակերպ վիշապներին, իսկ պատկերագրական առումով դրանք վիշապային սիմետրիկ հորինվածքի «կենտրոնախույս» տարբերակն են, երբ վիշապ-օձերը նայում են ոչ թե կենտրոնական հատվածի կենաց ծառին, խաչին (պայմանականորեն կարելի է անվանել «կենտրոնամետ տարբերակ») կամ միմյանց, այլ հակառակ ուղղություններով:

ՏՐԱՊԻԶՈՆԻ Ս. ԱՄԵՆԱՓՐԿԻՉ ՎԱՆՔԻ ՊԱՏՄՈՒԹՅՈՒՆՆ ՈՒ ՃԱՐՏԱՐԱՊԵՏՈՒԹՅՈՒՆԸ

Տրապիզոնի հայկական հուշարձանները¹

Տրապիզոնի հայկական հուշարձաններին առաջինն անդրադարձել է պատմաբան, բանասեր, երաժշտագետ, բնիկ տրապիզոնցի Մինաս Բժշկյանցը (1777-1851 թթ.): Պոնտոսի պատմությանը նվիրված իր աշխատության մեջ նա նշում է, որ բուն քաղաքի սահմաններում եղել է հայկական չորս եկեղեցի՝ Ս. Աստվածամայր, Չարխափան կամ Ս. Ստեփանոս, Ս. Օգոստոս, Ս. Հովհաննես, իսկ քաղաքից ոչ հեռու՝ Ս. Ամենափրկիչ վանքն ու Ս. Մամաս եկեղեցին²:

Տրապիզոնի հայոց հոգևոր կենտրոնը Ս. Ամենափրկիչ վանքն էր՝ կառուցված քաղաքի հարավարևելյան սահմանին՝ Մինթրիոն լեռան բլուրներից մեկի վրա (նկ. 1): Վանական համալիրը ներառել է Ս. Ամենափրկիչ գլխավոր եկեղեցին, գավիթը, զանգակատունը, երեք մատուռները, հարակից վանական ու տնտեսական կառույցները (առաջնորդարանի շենք, միաբանների և ուխտավորների սենյակներ և այլ շինություններ) և պարիսպները: Երբեմնի ծաղկուն վանքից ու գրչության կենտրոնից այսօր, ցավոք, քիչ բան է մնացել, սակայն պահպանված գլխավոր եկեղեցու, գավթի և Ս. Հովհաննես մատուռի որմնանկարները փաստում են, որ գործ ունենք XVI դարի երկրորդ և XVII դարի առաջին կեսերի հայ որմնանկարչության եզակի նմուշների հետ:

¹ Հոգվածի ընդարձակ տարբերակը Տրապիզոնի Ս. Ամենափրկիչ վանքի որմնանկարների ուսումնասիրության առիթով հեղինակը հրատարակել է ավելի վաղ (տե՛ս **Ա. Ավետիսյան**, Տրապիզոնի Հայոց Ս. Ամենափրկիչ վանքի որմնանկարները, «Հայկական որմնանկարչություն» գիտական հոգվածների և նյութերի ժողովածու, կազմող և խմբագիր՝ **Կ. Մաթևոսյան**, Երևան, 2019, էջ 125-151, նկ.՝ 361-365) – Ա. Հ.:

² **Մինաս վրդ. Բժշկեանց**, Պատմութիւն Պոնտոսի, որ է Սեւա ծով, Վենետիկ, 1819, էջ 79-85:

Պատմությունը

Վանքում պահպանված շինություններից հնագույնները՝ գլխավոր եկեղեցին և Ս. Հովհաննես մատուռը, կառուցվել են խոջա Ստեփանոսի³ նախաձեռնությամբ, համապատասխանաբար՝ 1422 և 1424 թթ.⁴։ Խոջա Ստեփանոսը նաև հսկայական տարածքներ է գնել և նվիրաբերել նույն վանքին։



Նկ. 1. Տրապիզոնի Ս. Ամենափրկիչ վանքի
ընդհանուր տեսքը հյուսիս-արևելքից,
XIX դարի վերջ (լսնկ.՝ անհայտ)

Կա տեսակետ, թե հայերն այստեղ, նախքան Ս. Ստեփանոս եկեղեցու կառուցումը, ունեցել են մենաստան։ Այս առումով նախ պետք է նշել իսպանացի դիվանագետ և ճանապարհորդ Ռույ Գոնսալես դե Կլավիխոյի

³ Ստեփանոսի մականվամբ վանքը կոչել են նաև «Շեմսեդլի» կամ «Շամշադիլի վանք» (տե՛ս **Մինաս վրդ. Բժշկեանց**, նշվ. աշխ., էջ 82), իսկ օտար աղբյուրներում այն առավել հայտնի է «Զայմաքլի» (թրք. «Kaymaklı»)՝ սերուցքի կամ սերուցքային) անունով, որը կապված է այնտեղ պատրաստվող կաթնամթերքի հետ (**Th. Deyrolle**, Voyage dans le Lazistan et l'Arménie, «Le Tour du Monde», Paris, 1875, premier semestre, էջ 24)։

⁴ Ս. Հովհաննես մատուռի կառուցման արձանագրությունը՝ փորագրված մուտքի վերնամասում, ամբողջովին պահպանվում է։ Գլխավոր եկեղեցու կառուցման ընդարձակ արձանագրության (առաջին անգամ հրատարակվել է Բժշկյանցի վերոնշյալ աշխատության մեջ, էջ 83) քարի երկու բեկորներն այժմ պահվում են Տրապիզոնի՝ մզկիթի վերածված Ս. Սոֆիա հունական տաճարի թանգարանում։

(ծ. թ. անհայտ – 1412 թ.) մասին, որը Սամարղանդ կատարած ուղևորության ընթացքում (1403-1406 թթ.) եղել է նաև Հայաստանում⁵: 1404 թ. Տրապիզոն այցելած Կլավիխոն իր հուշերում գրում է, որ հայերն այնտեղ «ունեն մի յեպիսկոպոս և մի յեկեղեցի իրենց սեփական լեզվով»⁶, այսինքն՝ վանքն իր հոգևոր առաջնորդն է ունեցել:

Ավելի ուշ Տրապիզոնի հայկական հուշարձանների և առավել հանգամանալից անդրադարձել է Ս. Էջմիածնի միաբան Աբել արք. Մխիթարյանցը, որը վկայաբերում է Ս. Ամենափրկիչ վանքում պահված և հետագայում Վենետիկի Մխիթարյան միաբանության մատենադարան փոխադրված մի ձեռագրի հիշատակարան (առանց մեջբերելու բովանդակությունը)⁷՝ նշելով, որ դա փաստացի վկայությունն է այն մենաստանի երբեմնի գոյության, որին խոջա Ստեփանոսը նվիրաբերել է վանքն իր հարակից տարածքներով հանդերձ⁸: Ըստ Աբել արք. Մխիթարյանցի՝ Մինաս Բժշկյանցը Ս. Ամենափրկչի պատմությունը շարադրելիս մեծապես օգտվել է այդ ձեռագրի հիշատակարաններից, և հենց ինքն էլ ձեռագիրը տեղափոխել է Ս. Ղազար: Հակառակ սրան, ինչպես Ղևոնդ վրդ. Փիրղալեմյանը, այնպես էլ Մաղաքիա արք. Օրմանյանը կարծում են, որ վանքը հիմնել է Պետրոս Գետադարձ կաթողիկոսը⁹, իսկ Կոմիտաս Հեքիմյանը, ավելի հեռուն գնալով, նշում է, որ վանքը եղել է նախքան Պետրոս Գետադարձը և վերջինս իբր իջևանել է այնտեղ⁹:

⁵ Vida y Hasanas de Grand Tamerlan... escrita por **Ruy Gonzalez de Clavijo**... con un itinerario de la succedito en la embajada. Sevilla, 1582. Այս աշխատությունը 1782 թ. վերահրատարակվել է, որից և թարգմանվել է ռուսերեն (**Рюи Гонзалес до Клавихо**, Дневник путешествия ко двору Тимура в Самарканд..., подлинный текст с переводом и примечаниями. Сборник отделения русского яз. и словесности АН, т. XXVIII, N 1, СПб., 1871): Կա նաև անգլերեն թարգմանությունը. **Clements Markhan**, Narrative of embassy of... Clavijo to the court of Timour, London, 1859. Hakluyt series, t. XXVI. Guy de Strange - Clavijo embassy to Tamerlan, London, 1928:

⁶ **Հ. Հակոբյան**, Ուղեգրություններ, հ. Ա, ԺԳ-ԺԶ. դար (1253-1582), Յերևան, 1932, էջ 77:

⁷ **Աբել վրդ. Մխիթարեանց**, Վեպ գաղթականութեան հայոց Տրապիզոնու, Կ. Պոլիս, 1857, էջ 32-33:

⁸ **Ղևոնդ վրդ. Փիրղալեմյան**, Չորս ընկերք, որ է ճանապարհորդություն Վանայ մինչեւ Կոստանդնուպոլիս, Թիֆլիս, 1882, էջ 108. **Մաղաքիա արք. Օրմանյան**, Ազգապատում, հ. Ա, Ս. Էջմիածին, 2001, սյուն 1407:

⁹ **Կ. Հեքիմյան**, Տեղեկություն ի վերայ Ամենափրկիչ սուրբ վանուցս - ի Տրապիզոն, «Բազմավեպ», 1901, թ. 6, էջ 273:

Հետագա տարիներին գլխավոր եկեղեցու հյուսիսարևմտյան կողմում կառուցվում են եռահարկ զանգակատունն ու Ս. Աստվածածին և Ս. Երրորդություն մատուռները, իսկ վանքի շուրջը վանական և տնտեսական շինություններն են¹⁰:

Վանքի հիմնադրման սկզբնական շրջանից սկսած՝ այստեղ ծաղկում է ապրել նաև գրչարվեստը¹¹: Ցավոք, 1461 թ. սուլթան Մեհմեդ II-ի կողմից Տրապիզոնը գրավվելուց հետո խաթարվում է վանքի, նաև գրչության կենտրոնի գործունեությունը: Թե ինչ վնասներ է կրել վանքը 1460-ական թթ., ստույգ տեղեկություններ չկան, սակայն հայտնի է, որ ավերածություններ եղել են նաև Մեհմեդի թոռան՝ սուլթան Սելիմ I-ի օրոք (1512-1520 թթ.)¹²:

Խոջա Ղարայի մեկենասությամբ հավանաբար XVI դարում գլխավոր եկեղեցու արևմտյան պատին կից կառուցվում է գավիթը, որին էլ ավելի ուշ կցվում է փոքր Նախասրահը (արևմուտքից): 1593 թ. Հակոբ Եպիսկոպոսի պատվերով վանքում որմնանկարչական աշխատանքներ են իրականացվում, ինչը շարունակվում է նաև Հակոբին հաջորդած Ավետիս Եպիսկոպոսի օրոք՝ 1622 թ.:

1609 թ. վանք է այցելում Տրապիզոնի առաջին քարտեզի հեղինակ Ժյուլիեն Բորդիեն, որն այդ ժամանակ Կոստանդնուպոլսում Ֆրանսիայի դեսպանի օգնականն էր: Նա գրում է. «Միջին չափսերի եկեղեցին ներսից պատված է չարչարանքների տեսարանների, նաև առաքյալների, սրբերի և հին շրջանի անձանց զանազան նկարներով»¹³:

Հետագա դարերի կառուցումները վերաբերում են առավելապես հարակից վանական և տնտեսական շինություններին և որոշ մասով նաև հոգևոր կառույցների վերանորոգումներին: Այսպես, ըստ պահպանված որոշ տեղեկությունների՝ խոջա Ղարայի դուստրը՝ Սուրաթ խա-

¹⁰ Գլխավոր եկեղեցու կառուցման արձանագրության մեջ հիշատակվում է նաև Ս. Կարապետ մատուռի մասին, որը, ըստ ամենայնի, Նույն Ս. Հովհաննեսն է: Արել արք. Մխիթարյանցը, սխալ կարդալով Ս. Հովհաննես մատուռի կառուցման արձանագրությունը, մատուռը կոչում է Ս. Հարություն, իսկ Ս. Կարապետն էլ համարում է կա՛մ չորրորդ մատուռ, որը հետագայում քանդվել է, կա՛մ զանգակատան երկրորդ հարկի մատուռը, որը, ըստ Բժշկյանցի, նվիրված էր Ս. Երրորդությանը (*Ա. Մխիթարեանց*, նշվ. աշխ., էջ 36, 122-123):

¹¹ **Հ. Ոսկեան**, Սեբաստիայի, Խարբերդի, Տիարպեքիի եւ Տրապիզոնի Նահանգներու վանքերը, Վիեննա, 1962թ, էջ 229:

¹² Ըստ Մխիթարյանցի՝ քանդվում են զանգակատունն ու գլխավոր եկեղեցու տանիքը, որը հետագայում դառնում է փայտածածկ (*Ա. Մխիթարեանց*, նշվ. աշխ., էջ 33-34, 117-118):

¹³ **J. Bordier**, Relation d'un voyage en Orient, "Archeion Pontou", N 6, 1935, էջ 127:

թունը, նորոգել է վանքի պարիսպը, պարոն հոճիքը՝ գավթի տանիքը, հռչա Բաղդասարը՝ զանգակատունը¹⁴, իսկ Հայոց 1138 թ. (= 1689 թ., Բրայերը սխալմամբ գրում է 1688 թ.) կառուցվում է հարավարևելյան մասնաշենքը¹⁵:

XIX դարասկզբից վանքի երբեմնի ստվար միաբանությունն աստիճանաբար սկսում է քանակապես նվազել, ապա՝ ցրվել¹⁶: 1831 թ., երբ նոր էր սկսվել թուրք-եգիպտական առաջին պատերազմը, քաղաքները կողոպտող ելուզակներին դիմագրավելու նպատակով Սալեիյան Ալի աղան վանքը վերածում է զորամասի. շինությունները դառնում են ննջարաններ, մեծ վնաս է հասցվում հատկապես որմնանկարներին¹⁷:

Ֆրանսիացի նկարիչ Թեոֆիլ Դեյրոլի հաղորդած տեղեկություններից պարզվում է, որ իր այցելության ժամանակ (1869 թ.) վանքը դեռևս գործել էր¹⁸, իսկ 1880-ական թթ. սկզբին այն արդեն բարձիթողի վիճակում էր, չունեի միաբանություն¹⁹: XIX դարավերջին սրբավայրը կառավարվում էր «հատուկ հոգաբարձության» միջոցով²⁰: Դատելով հին լուսանկարներից՝ կարելի է ասել, որ, այնուամենայնիվ, XIX դարավերջին համալիրի բոլոր հիմնական շինությունները դեռ կանգուն են եղել:

Ս. Ամենափրկիչ վանքը թալանվում է 1895-1896 թթ. Համիդյան ջարդերի, այնուհետ՝ Մեծ եղեռնի տարիներին: 1916 թ. ռուսական զորքերի կողմից Տրապիզոնի գրավումից հետո փոքրաթիվ հայեր վերադառնում են քաղաք, սակայն 1918 թ. ապրիլին, երբ ռուսական զորքերը թողնում են Տրապիզոնը, նրանց հետ հեռանում են նաև վերջին հայերը՝ թողնելով նաև վանքը:

¹⁴ *Միևսա վրդ. Բժշկեանց*, նշվ. աշխ., էջ 84:

¹⁵ *A. Bryer, D. Winfield*, The Byzantine Monuments and Topography of the Pontos, vol. I, Washington, 1985, էջ 208, *A. Μήλλας*, Τραπεζοῦς: στα ίχνη των Μεγάλων Κομνηνών, τ. Β', Αθήνα, 2008, էջ 107: Մեր խորին շնորհակալությունն ենք հայտնում աստվածաբան Գևորգ Ղազարյանին՝ վերջին աշխատության՝ Ս. Ամենափրկիչ վանքին վերաբերող հատվածները հունարենից թարգմանելու համար:

¹⁶ Կարելի է ենթադրել, որ վանքի գործունեության թուլացումը սկսվել է 1765-1772 թթ. «Տերեպեկների պատերազմի» շրջանից, երբ ըստ Մխիթարյանցի՝ Տրապիզոնի գրեթե բոլոր քրիստոնյաները լքում են քաղաքը: Եվ չնայած որ Ամենափրկիչ վանքի մասին առանձին չի հիշատակվում (Մխիթարյանցը նշում է Ս. Օգսենտ, Չարխափան և Ս. Հովհաննես եկեղեցիների լքման մասին միայն), աներկբա է, որ այն չէր կարող անմասն մնալ նման արհավիրքից (*Ս. Մխիթարեանց*, նշվ. աշխ., էջ 45-46):

¹⁷ *Կ. Հեքիմեան*, նշվ. աշխ., էջ 277:

¹⁸ *T. Deyrolle*, Voyage ..., էջ 24:

¹⁹ *Ղեւոնդ վրդ. Փիրղալեմեան*, նշվ. աշխ., էջ 108:

²⁰ *Տրդատ եպս. Պալեան*, Հայ վանօրայք ի Թուրքիա, Իզմիր, 1914, էջ 176: Տե՛ս նաև «Բիւզանդիոն», 1901, ապրիլ 23 - 6 մայիս, թ. 1386, էջ 1:

1929 թ., երբ Մեսսեյան գիտարշավի շրջանակներում Տրապիզոն է այցելում բրիտանացի բյուզանդագետ Դևիդ Թալբոթ Ռայսը, վանքն արդեն գտնվում էր տեղի բնակիչների տիրապետության ներքո (նկ. 2): Հրդեհի բաժին էին դարձել արևմտյան շինությունները, քանդվել էին գլխավոր եկեղեցու և գավթի տանիքները²¹:



Նկ. 2. Ս. Ամենափրկիչ վանքը 1929 թ. դրությամբ,
(լսնկ.՝ Դևիդ Թալբոթ Ռայսի)

Հետագայում Տրապիզոնի սահմանների ընդլայնման հետևանքով Ս. Ամենափրկիչ վանքը հայտնվում է քաղաքի Զուկուրչայըր (թուրք. Çukurçayır) արվարձանային թաղամասում: Բնակիչները գլխավոր եկեղեցին պահեստի վերածելու նպատակով 1961 թ. վերականգնում են փայտե ծածկը²², իսկ 2000-ական թթ. սկզբին այն փոխարինում են մետաղյա ծածկով: Ներկայումս համալիրից մնացել են միայն գլխավոր եկեղեցին, Ս. Հովհաննես մատուռը, զանգակատան առաջին հարկը և վանքի հարավային թևում գտնվող շինությունների մի մասը. բոլորն էլ մինչև 2013 թ. օգտագործվել են որպես պահեստներ: 2015 թ. արված լուսանկարներում նկատելի է որոշակի փոփոխություն. գլխավոր եկեղեցու

²¹ **D. Talbot Rice**, Notice on Some Religious Buildings in the City and Vilayet of Trebizond, «Byzantion», vol. 5, N 1 (1929-1930), էջ 63:

²² **A. Bryer, D. Winfield**, The Byzantine Monuments..., էջ 209:

ներսը համեմատաբար բարվոք վիճակում է, տեղադրված են մետաղյա դռներ, բացատրական երկլեզու (անգլերեն և թուրքերեն) ցուցանակներ և այլն, ինչը հույս է ներշնչում, որ պետական մարմինները մտադրություն ունեն պահպանելու այս հուշարձանը:

Հուշարձանախմբի ճարտարապետությունը

Ս. Ամենափրկիչ վանքի կազմում հետևյալ կառույցներն են.

գլխավոր եկեղեցի - կառուցված 1424 թ. խոջա Ստեփանոսի նախածնությամբ.

գավիթ - կից է գլխավոր եկեղեցուն արևմուտքից, կառուցվել է խոջա Ղարայի մեկենասությամբ հավանաբար XVI դարում²³: Հիշատակարանում նշվում է պարոն Խոճիքի մասին, որը ծածկը փոխել է կղմինդրով²⁴: Հետագայում գավթի արևմտյան պատին կից կառուցվել է նաև փոքր նախասրահ.

Ս. Հովհաննես մատուռ - կառուցվել է 1422 թ. խոջա Ստեփանոսի կողմից.

Ս. Աստվածածին մատուռ.

Ս. Երրորդություն մատուռ (զանգակատան երկրորդ հարկում էր).

եռահարկ զանգակատուն - կառուցողն ու կառուցման թվականն անհայտ են, ըստ հին հիշատակարանի՝ նորոգել է խոջա Բաղդասարը, «ներգևի խուցը»՝ Աստվածատուր արքեպան²⁵.

պարիսպներ - կառուցողն ու կառուցման թվականն անհայտ են, ըստ հին հիշատակարանի՝ նորոգել է խոջա Ղարայի դուստր Սուրաթ խաթունը²⁶.

վանական և տնտեսական շինություններ.

կաթնաղբյուր:

Գլխավոր եկեղեցին, որը երկու զույգ որմնամույթերով միանալ բազիլիկ է, գտնվում է համալիրի կենտրոնում: Այն արևելյան կողմում արտաքուստ շեշտված հնգանիստ խորանով և չորս մուտքերով (մեկը՝ հարավային կողմից, երեքը՝ արևմտյան) կառույց է, որի արտաքին խորանն ու արևմտյան երկու փոքր մուտքերը առավել հարիր են տվյալ դարաշրջանի հունական եկեղեցիներին: Ըստ հույն պատմաբան Ակիլաս Միլ-

²³ Միկաս վրդ. *Բժշկեանց*, նշվ. աշխ., էջ 84:

²⁴ Նույն տեղում:

²⁵ Նույն տեղում, էջ 82:

²⁶ Նույն տեղում, էջ 84:

լասի՝ գլխավոր եկեղեցին բնորոշ է Կոմեննոսյան շրջանի ճարտարապետությամբ և հիշեցնում է Կուլե Բոյու բնակավայրի Ս. Ակինդինոս եկեղեցին: Հույն պատմագրի կարծիքով՝ խոջա Ստեփանոսի նախածեռնած շինարարությունը սահմանափակվել է միայն գլխավոր եկեղեցու խորանով և գավթով, իսկ մյուս հատվածները գոյություն են ունեցել մինչև 1424 թ.²⁷: Իրականում, ինչպես նշել ենք, գավիթը կառուցվել է խոջա Ստեփանոսից հետո խոջա Ղարայի մեկենասությամբ: Այդուհանդերձ, չենք կարող հերքել, որ գլխավոր եկեղեցին կարող է կառուցված լինել հունական տաճարի տեղում կամ նրա վերակառուցմամբ²⁸:

Ըստ հին լուսանկարների՝ գավիթը գլխավոր եկեղեցու լայնության, մոտավորապես քառակուսի հատակագծով շինություն էր՝ դարձյալ հարավից մեկ, իսկ արևմուտքից երեք մուտքերով:

Ս. Հովհաննես մատուռը փոքր թաղածածկ շինություն է՝ կառուցված գլխավոր եկեղեցու հարավարևելյան կողմում:

Ս. Աստվածածինը մատուռներից ամենամեծն էր, կառուցվել է զանգակատան արևմտյան պատին կից, իսկ Ս. Երրորդություն մատուռը զբաղեցնում էր զանգակատան երկրորդ հարկը:



Նկ. 3. Ս. Ամենափրկիչ վանքի գլխավոր եկեղեցին արևմուտքից, հետնամասում՝ Ս. Հովհաննես մատուռը, 1990-ական թթ. (լսնկ.՝ անհայտ)

²⁷ Միևսա վրդ. Բժշկեանց, նշվ. աշխ., էջ 103:

²⁸ Ըստ Միլլասի՝ վանքի աշտարակը հաստատապես (որևէ աղբյուր չի նշում) գոյություն է ունեցել մինչև 1420 թ. (տե՛ս նույն տեղում, էջ 103):

ՀԱՅԿԱԿԱՆ ՊԱՏՄԱՃԱՐՏԱՐԱՊԵՏԱԿԱՆ ՀՈՒՇԱՐՁԱՆՆԵՐԸ ԼՈՒՍԱՆԿԱՐՉԱԿԱՆ ՀԱՎԱՔԱԾՈՒՆԵՐՈՒՄ

Հայկական պատմաճարտարապետական հուշարձանների ստվար մասը պահպանվել է XIX դարավերջի և XX դարասկզբի լուսանկարներում: Դրանք տեղ են գտել ժամանակի հոգևոր-մշակութային գործիչների, տեղագիրների և, առհասարակ, հնություններով հետաքրքրված անձանց աշխատություններում: Ստորև ներկայացնում ենք նրանցից մի քանիսին առնչվող կենսագրական դրվագներ և իրենց աշխատություններում ընդգրկված լուսանկարների ցանկեր:

ԿԵՍՏՆԵՐ

Գերմանացի գծանկարիչ է, որը, ըստ երևույթին, աշխատել է Պետերբուրգի գիտությունների ակադեմիայում: Ըստ Լեոյի՝ ռուս գիտնական «Խանիկովի հետազոտությունն էլ նախորդ ճանապարհորդների վկայությունները հաստատելով՝ հասկացնել էր տալիս, որ Անին հետաքրքրական նյութերի մի մեծ գանձարան է: Կովկասյան այն ժամանակվա փոխարքան՝ իշխան Վորոնցովը, չէր կարող առանց ուշադրության թողնել այդ հանգամանքը: Բրոսսեի հաղորդմամբ՝ իշխանը տեսնելով Անիի պատմական մեծ հարստությունը և համոզվելով, որ օգտակար կլինի շարունակել նրա հետազոտությունը, 1849 թ. Անի է ուղարկում ճարտար գծագրիչ Կեստներին: Վերջինս վեց շաբաթ ապրեց Անիի ավերակների մեջ ու մի հարուստ ալբոմ կազմեց, որը բաղկացած էր թե՛ շինությունների պատկերներից և թե՛ արձանագրությունների ընդօրինակություններից: Թերևս ոչ ոք մինչ այդ չէր հեղինակել նման հարուստ մի ժողովածու: Վեց շաբաթը բավական մեծ ժամանակ էր ամեն ինչ լավ ուսումնասիրելու և տեղում թղթին հանձնելու համար: Կեստները վերադառնում է Թիֆլիս՝ իր հետ բերելով 65 նկար և 42 արձանագրություն:

Արձանագրություններն իշխան Վորոնցովի հրամանով հանձնվեցին Բրոսսեին, որն այդ առիթով մի ուսումնասիրություն տպագրեց «Кавказ» լրագրում (1852 թ., թ. 18-21): Սակայն դրանով չսպառվեց հանգուցյալ

հայագետի գործը: Իր այլ հնագիտական աշխատությունների մեջ էլ նա (Մ. Բրոսսեն – Ա. Յ.) խոսել է Անիի մասին, իսկ 1860 թ. Պետերբուրգում հրատարակել է ֆրանսերեն երկհատոր հետազոտություն՝ «Les ruines d’Ani, Capitale de l’Arménie sous les rois Bagratides» վերնագրով: Գրքում զետեղված է երկու ատլաս, ուր կա 45 թերթ պատկեր՝ արված Կեստների կողմից: Բրոսսեի այդ աշխատությունն այնքան լիակատար է, որ հայ հետազոտողների համար ևս մեծ արժեք ունեցավ¹:

ՊԵՐՃ ՊՈՌՇՅԱՆ

Հայ լուսանկարչական արվեստի ուրույն ճյուղերից է պատմական հուշարձանների լուսագրումը, որն ունի մոտ մեկուկեսդարյա պատմություն և իր սկզբնավորմամբ թերևս պարտական է Պերճ Պոռշյանին:

Այսօր քչերը գիտեն, որ նշանավոր արձակագիր Պերճ Պոռշյանը (1837-1907 թթ.) եղել է Արևելյան Հայաստանի առաջին լուսանկարիչներից մեկը 1860-ականներին: Կարծիք կա, որ լուսանկարչական գործի հիմունքները նրան սովորեցրել է թիֆլիսեցի մի հոգևորական այն մտադրությամբ, որ կհաջողվի երիտասարդ գրողի հետ մեկտեղ լուսանկարել հայկական պատմական հուշարձաններն ու արձանագրությունները: Ու թեև նրանց մեծ ծրագիրը ձախողվում է, սակայն Պոռշյանը շարունակում է հմտանալ այդ ոլորտում՝ մտադրվելով այն գործածել «կոմերցիոն» նպատակներով: Նա նույնիսկ լուսանկարչական սալոն է բացում՝ իր գործերի վրա հպարտորեն դրոշմելով «Պերճ Աշտարակեցի» ապրանքանշանը:

1907 թ. Հովհաննես Թումանյանը Պերճ Պոռշյանի մահվան առիթով գրած «Վիրավորական հարգանք» խորագրով հոդվածում նշում է, որ վիպասանը «եղել է թեմական տեսուչ, ուսուցիչ, լուսանկարիչ, վերջապես ամենասոսկալին. մի քանի օրով, ի միջի այլոց, ածուխի առուտուր է սկսել և տեսել է օգուտ չի անում, թողել է...»²: Իսկ Շիրվանզադեն «Կյանքի բովից» հուշագրության էջերում Պոռշյան լուսանկարչի մասին հետևյալ դրվագն է պատմում. «Մի ժամանակ Պոռշյանը Երևանում ածխավաճառ էր եղել, հետո լուսանկարիչ, հետո էլ՝ չգիտեմ ինչ: Նրա

¹ **Լեո**, Անի. տպավորություններ, հիշատակներ, անցածն ու մնացածը, Երևան, 1963, էջ 39-40 (խմբագրված – Ա. Յ.):

² **Հովհ. Թումանյան**, Երկերի ժողովածու, հ. չորրորդ, Քննադատություն և հրապարակախոսություն, Երևան, 1969, էջ 58:

լուսանկարչական կյանքից պատմում էին հետևյալը: Ռուս-թյուրքական պատերազմին 1876 թ. մի օր Պոռոյանի արհեստանոցն են մտնում լուսանկարվելու 10-12 շարքային զինվորներ:

– Խմբովի՞ն եք ուզում նկարվել, թե՞ առանձին-առանձին,- հարցնում է Պոռոյանը:

– Առանձին-առանձին:

Պոռոյանը, տեսնելով որ այդքան մարդկանց լուսանկարները զատ-զատ նկարելը շատ ժամանակ պիտի խլի, դիմում է խորամանկության: Նա լուսանկարում է զինվորներից միայն մեկին և ասում է.

– Առաջիկա կիրակի եկեք, բոլորիդ լուսանկարները պատրաստ կլինեն:

Հաջորդ կիրակի զինվորները գալիս են, և Պոռոյանը, յուրաքանչյուրին տալով վեցական օրինակ մի հոգի զինվորի լուսանկարից, հարցնում է.

– Հավանո՞ւմ ես, տես ինչքան նման է քեզ:

– Շատ նման է ինձ, շատ նման,- պատասխանում է ամեն մեկը:

Զինվորները հեռանում են գոհ սրտով:

Այս անեկդոտի եղելությունը Պոռոյանը չէր հերքում»³:

Պոռոյանից ժառանգված ոչ մեծ թվով լուսանկարներ (հիմնականում դիմանկարներ) պահվում են Զարենցի անվան գրականության և արվեստի թանգարանում, Աշտարակի Պերճ Պոռոյանի տուն-թանգարանում և Մաշտոցյան Մատենադարանում:

Մատենադարանում պահվող մեծարժեք լուսանկարը Հառիճավանքինն է՝ մակագրված «Մենաստան Հառիճոյ»⁴ (նկ. 1): Լուսանկարի ստորին ձախ կողմում կա գրություն՝ «Լուս. Պերճ Պոռոյանց», աջ կողմում թվականն է՝ «1972»: Սա մինչ այժմ մեզ հայտնի հնագույն լուսանկարն է, որ պատկերում է հայկական պատմաճարտարապետական որևէ հուշարձան: Լուսանկարի դարձերեսին ևս կա մակագրություն.

«Նորին վեհափառու[թեան] սրբազնակատար կաթողիկոսի

Ամ[ենայն] Հայոց Տեառն Տեառն Գեորգայ Դ-ի

նուիրում է ամենախոնարհ որդի Նորա Պերճ Պոռոյանց....»:

Ըստ որոշ տեղեկությունների՝ Պոռոյանը 1870-ականների վերջերին մի կողմ է դնում իր թանկարժեք սարքը՝ լիովին նվիրվելով գրականությանը:

³ *Շիրվանզադե*, Կյանքի բովից, Երկերի լիակատար ժողովածու, հ. ութերորդ, Երևան, 1951, էջ 183-184:

⁴ Մատենադարանի գույքամատյանում՝ պատկերագիրը ԶՊՈ 516:



Նկ. 1. Հառիճավանք (լսնկ.՝ Պերճ Պռոշյանի, 1872 թ.)

ՀՈՎՃԱՆՆԵՍ ՔՅՈՒՐՔՉՅԱՆ

1870-ական թվականներից երևան է գալիս մեկ այլ լուսանկարիչ՝ մասնագիտական միանգամայն այլ որակներով օժտված Հովհաննես Զյուրքյանը:

Զյուրքյանի կյանքի և գործունեության մասին կցկտուր տեղեկություններ են պահպանվել: Ըստ Արտաշես Շահնազարյանի՝ նա, 1877-1878 թթ. ռուս-թուրքական պատերազմի ժամանակ ծառայելով ռուսական բանակում, եղավ միջնադարյան Հայաստանի մայրաքաղաք Անիում և ըստ արժանվույն գնահատելով նրա հրաշակերտ ճարտարապետական կոթողները՝ որոշեց պատեհ ժամանակ լուսանկարել դրանք: 1880-ական թթ. հենց սկզբներին նա կրկին այցելեց ռուսական տիրապետության տակ անցած Անի, այնտեղ կատարեց բազմաթիվ լուսագրում-

ներ և ապա դրանց մի մասը հրատարակեց: Մեկ տարի անց՝ 1881 թ., Զյուրիքյանին աշակերտելու եկավ Արամ Վրույրը (1863-1924 թթ.), ի դեմս որի՝ Զյուրիքյանն ունեցավ իր գործի արժանի շարունակողին⁵:

Լեոյի հաղորդած տեղեկությունները փոքր-ինչ ծավալուն են. «1879 թվականի ամառը Անի գնացողները տեսնում էին մի հայի, որ լուսանկարչական գործիքներով աշխատում էր ավերակների մեջ: Դա Յ. Զյուրիքյանն էր, որ անցյալ տարի վախճանվեց ճավա կղզում⁶: Զյուրիքյանը, որ լուսանկարչական արվեստը սովորել էր արտասահմանում, դեռ պատերազմի ժամանակ գտնվում էր ռուսաց բանակում, իբրև լուսանկարիչ: Այդ ժամանակ նա տեսավ Անին և միանգամից հասկացավ, թե հմուտ լուսանկարիչը որքա՞ն գործեր ունի ավերակների մեջ: Նա մի քանի տեսարաններ վերցրեց, բայց չբավականացավ դրանցով: 1879-ին ամբողջ հինգ ամիս բնակվեց Անիի մեջ, ահագին ծախսեր արավ, ահագին չարչարանքներ կրեց և գլուխ բերեց մի գործ, որ հռչակեց Նրա անունը:

Անիի մեջ ապրելու դեռ ոչ մի հարմարություն չկար, առաջվա պես միայն Մայր եկեղեցու մեջ կարող էր պատսպարվել այցելուն: Այդ դեռ ոչինչ. Զյուրիքյանին և Նրա ծառաներին ավելի նեղում էր պաշարի պակասությունը: Շրջակա գյուղերում դժվար էր մի բան գտնել: 1879-ի ամառը չոր ու անպտուղ էր և սկիզբ դրեց հանրածանոթ սովին: Այս բոլոր նեղությունները տարավ Զյուրիքյանը և Նրա չարքաշության, համբերատարության, արվեստի մեջ ձեռք բերած հմտությունները բազմաթիվ լուսանկարներն էին, որոնք պատկերացնում էին Անիի մասերը մի ճշտությամբ և զարմանալի նրբությամբ, որ լուսանկարչական գործիքից կարելի է սպասել: Լուսանկարները փոքրիկ էին, ստերեոսկոպի հարմարեցրած, բայց չափազանց պարզ էին արտահայտում յուրաքանչյուր գիծ, յուրաքանչյուր դիրք: Նրանք ցույց տվին, թե որքան հեռու էին իսկականից Տեքսիեի և Կեստների գործերը:

Զյուրիքյանը կենդանացրեց Անին, ժամանակի խորտակող ժանիքներից ազատեց հռչակավոր ավերակները: Իր ժողովածուի միայն առաջին հատորը նա կարողացավ հրատարակել, որ բաղկացած էր 40 նկարներից:

⁵ Ա. Շահնազարյան, Արտաշես Վրույրի արխիվը, «Լրաբեր» հաս. գիտ., 1980, թ. 5, էջ 112: Ա. Շահնազարյանի հոդվածում Զյուրիքյանի անունը նշվում է «Յարություն», ինչը սխալ է: Ղևոնդ Ալիշանի «Այրարատ» աշխատության 585-րդ էջում նշված է «Յովհաննես Զիւրք-ճեան», իսկ «Աւերք Յայաստանի» Ա հատորի կազմի վրա՝ ֆրանսերենով «O. Kurkdjian», ինչը, անխոս, «Ohanne»-ի սկզբնատառն է:

⁶ Լեոն իր աշխատությունն ավարտել է 1904 թ., հետևապես Զյուրիքյանը պիտի մահացած լինի 1903 թ.:

Չնայած իր թանկությանը՝ ժողովածուն տարածվեց, արժանի գնահատություն գտավ և այնուհետև Անիի ավերակները հայ հարուստ ընտանիքների մեջ էին հիացմունք տարածում։ Մինչև այդ Զյուրիքյանի պես ոչ ոք չէր կարողացել ժողովրդականացնել մեռած քաղաքը։ Մինևույն ժամանակ Զյուրիքյանի ժողովածուն ուներ և գիտական նշանակություն։ Հանգուցյալ պրոֆեսոր Պատկանյանը մի փոքրիկ բրոշյուրով ծանոթացրեց ունս հասարակությանը այդ ժողովածուի հնագիտական արժեքի հետ»⁷:



Նկ. 2. Հովհաննես Զյուրիքյանը, Զորջ Լյուիսը և Սուրաբայայի լուսանկարչատան աշխատակազմը

1897 թ. Զյուրիքյանը տեղափոխվել է Սինգապուր, որտեղ մնացել է մի քանի ամիս։ Այնուհետև մեկնել է Ինդոնեզիա՝ Սուրաբայա, և հիմնել լուսանկարչատուն, որտեղ նրա գործընկերն է դարձել բրիտանացի լուսանկարիչ Զորջ Լյուիսը։ Զյուրիքյանը հենց Սուրաբայայում է հաջողու-

⁷ *Լեո*, Անի. տպավորություններ, հիշատակներ, անցածն ու մնացածը, էջ 51-52: Գրքում Լեոն խոսում է նաև Արամ Կրույրի վաստակի մասին, Զյուրիքյանի լուսանկարների թիվը հիշատակում է ոչ թե 40, այլ «հիսուսից ոչ ավելի» (նշվ. աշխ., էջ 66): Իրականում, ինչպես կտեսնենք ստորև, Զյուրիքյանի՝ Մատենադարանում պահվող երեք ժողովածուներում առկա է 45 լուսանկար (չհաշված կրկնվողները):

թյամբ ծավալել իր հետագա լուսանկարչական գործունեությունը մինչև իր կյանքի վերջը՝ 1903 թ. (նկ. 2): Հայաստանում Հովհաննես Բյուրքյանի սկսած գործը շարունակել է նրա արժանի աշակերտը՝ անվանի լուսանկարիչ ու դերասան Արամ Վրույրը:



Նկ. 3. Հովհաննես Բյուրքյան

Երևանի Մաշտոցյան Մատենադարանում է պահվում Հովհաննես Բյուրքյանի լուսանկարների երեք ժողովածու: Եվս երկու լուսանկար, որոնք Բյուրքյանի գործերից մեզ հասած հնագույններն են (1874 թ.), պահվում են տարբեր լուսանկարիչների գործեր պարունակող պատկերագրքում⁸ (նկ. 4, 5): Երկու լուսանկարներն էլ Կեչառիսից են: Դրանցից մեկը Կեչառիսի վանքի գլխավոր Ս. Գրիգոր Լուսավորիչ եկեղեցու հարավային պատի երեք լուսամուտներն ու արծանագրությունն են: Դարձերեսին կա մակագրություն. «Նուէր Ս. Էջմիածնի ճեմարանի գրադարանին Ն. Մելիք-Թանգեանից»⁹: Մեկ այլ մակագրություն թերևս արդեն իր՝

⁸ Մատենադարանի գույքամատյանում՝ պատկերագիրք Հմ 516:

⁹ Անվանի լեզվաբան, հայ ազգային-ազատագրական շարժման գործիչ, հետագայում արքեպիսկոպոս Ներսես Մելիք-Թանգյանն է (1866-1948 թթ.):


Քյուրքչյանի ձեռքով. «*Армения; надпись развалины Кечарского (Дарачичагского) монастыря. Фот. О. Куркчянца. 1874 г.*»: Մյուս լուսանկարը նույն եկեղեցու հարավային շքամուտքի մոտ դրված ճանկող արծվի բարձրաքանդակն է: Դարձերեսին Ներսես Մելիք-Թանգյանի նույն մակագրությունն է. «*Նուէր Ս. Էջմիածնի ճեմարանի գրադարանին Ն. Մելիք-Թանգեանից*», իսկ քիչ ներքև՝ «*Герб Армении, вырезанный на камне, найден в развалинах Кечарских (Дарачичагских) монастырей. Фот. О. Куркчянца. 1874 г.*»:

Վերոհիշյալ երեք ժողովածուներն ունեն զույգ լուսանկարներ կրող փոքրածավալ տախտակներ: Ժողովածուներից երկուսը կրում են «Աւերք Հայաստանի, Անի, մայրաքաղաք Բագրատունեաց, հատոր Ա» վերնագիրը, ինչը փաստում է Լեոյի հաղորդած տեղեկությունը, ըստ որի՝ Քյուրքչյանն իրոք ծրագրած է եղել մատենաշար հրատարակել: Երրորդ ժողովածուն անվերնագիր է և Մատենադարանի գույքամատյանում նշված է այսպես. «Ծավալադիտական ժողովածու. Անի»:

Ինչ վերաբերում է նշված երեք ժողովածուների լուսանկարների ստեղծման ժամանակին, ապա այստեղ որոշակի անորոշություն կա: Լեոն, ինչպես տեսանք, նշում է 1879 թվականը, Արտաշես Շահնազարյանը խոսում է «1880-ականների սկզբի» մասին, իսկ Արտաշես Վրույրի «Անիում» հուշագրության վերջում Արտաշեսի և նրա հոր՝ Արամ Վրույրի լուսանկարների հետ զետեղված են նաև Քյուրքչյանի երկու լուսանկարները՝ «Անի. Պարոնի պալատը» և «Անի. Իգաձորի ձախ շուրթին ավերակ եկեղեցու հյուսիսային պատը». երկուսի դեպքում էլ նշված է 1880 թ.: Կարծում ենք՝ տեղին է Քյուրքչյանի լուսանկարները թվագրել 1879-1880 թվականներով:

Սկսենք ամենածավալունից. դա, ինչպես նշվեց, «Աւերք Հայաստանի, Անի, մայրաքաղաք Բագրատունեաց, հատոր Ա» խորագրով լուսանկարների ժողովածուն է (այսուհետ պայմանական կանվանենք «Քյուրքչյան-1»)¹⁰, որը պարունակում է զույգ լուսանկարներ կրող թվով 40 փոքրածավալ տախտակ՝ «Աւերք Հայաստանի, Անի, մայրաքաղաք Բագրատունեաց, ժողովածու, գործ Յ. Քիւրքճեան, Յերեւան» վերտառությամբ (նույնը՝ դարձերեսին, նաև ֆրանսերեն):

¹⁰ Մատենադարանի գույքամատյանում՝ պատկերագիրը Հ^մ 485:



Նկ. 4, 5. Լուսանկարներ Կեչառիսի վանքից, 1874 թ.
(լսնկ.՝ Հովհաննես Զյուրբյան)

«Քյուրքջան-1» ժողովածուի տախտակներին հետևյալ լուսանկարներն են¹¹.

1. Անիի Մայր տաճարը հարավ-արևմուտքից,
2. Անիի Մայր տաճարը հարավ-արևելքից,
3. Անիի Մայր տաճարը հյուսիս-արևմուտքից,
4. Անիի Մայր տաճարի ավագ խորանը,
5. Անիի Մայր տաճարի ներքին հատվածը,
6. Անիի Մայր տաճարի հյուսիսային շքամուտքը,
7. Անիի Մայր տաճարի արևելյան որմնախորշերից,
8. Անիի Մայր տաճարի հարավային լուսամուտներն ու արծանագրությունը,
9. Անիի Մայր տաճարի արևմտյան լուսամուտներից,
10. Փրկչի եկեղեցին,
11. Փրկչի եկեղեցու շքամուտքը,
12. Աբուղամրենց եկեղեցին,
13. Տիգրան Հոնենցի եկեղեցին,
14. Տիգրան Հոնենցի եկեղեցու գմբեթը,
15. Անիի միջնաբերդի եկեղեցու շքամուտքը,
16. անհայտ եկեղեցու շքամուտքը,
17. անհայտ եկեղեցու գավիթ,
18. անհայտ եկեղեցու գավթի սյուները,
19. անհայտ եկեղեցու գավթի երդիկ,
20. Առաքելոց վանքի գավիթը,
21. Ախուրյան գետն ու Կուսանաց անապատը,
22. Կուսանաց անապատը,
23. Մանուչեի մզկիթը,
24. Մանուչեի մզկիթը,
25. Պարոնի պալատը,
26. Պարոնի պալատի շքամուտքը,
27. Պարոնի պալատի հետնամասը,
28. Անիի ընդհանուր տեսքը,
29. հատված պարիսպներից,
30. հատված պարիսպներից. սվաստիկայով աշտարակը,

¹¹ Բոլոր լուսանկարներն անանուն են, այստեղ բերված է մեր նկարագրությունը (Ա. Ա.):

31. հատված պարիսպներից,
32. հատված պարիսպներից. կամարակապ մուտքը,
33. հատված պարիսպներից,
34. հատված պարիսպներից,
35. Անիի զինանշանը,
36. քարաժայռ,
37. Ախուրյան գետը,
38. Ախուրյան գետը,
39. Ախուրյան գետը,
40. Ախուրյան գետն ու կամրջի ավերակները:

Քյուրքջյանի երկրորդ ժողովածուն («Քյուրքջյան-2») դարձյալ կրում է «Աւերք Հայաստանի, Անի, մայրաքաղաք Բագրատունեաց, հատոր Ա» խորագիրը¹²: Ունի զույգ լուսանկարներ կրող թվով 44 փոքրածավալ տախտակ՝ «Աւերք Հայաստանի. Անի. մայրաքաղաք Բագրատունեաց, ժողովածու, գործ Յ. Քիւրքճեան, Յերեւան» վերտառությամբ (նույնը հակադիր կողմում՝ նաև ֆրանսերեն): Կազմի դարձերեսին ունի մակագրություն. «Գերապատիւ տէր Գրիգորիս Աղուանեանին (°) յիշատակ որդիական անձնուէր սիրոյ ու զգացմանց նուիրէ ամենախոնարհաբար Յ. Քիւրքճեան, 1884 յունիս 10, Տփլիս»:

«Քյուրքջյան-2» ժողովածուի տախտակներին հետևյալ լուսանկարներն են¹³.

1. Անիի Մայր տաճարը հարավ-արևմուտքից,
2. Անիի Մայր տաճարը հարավ-արևելքից,
- 3, 4. Անիի Մայր տաճարը հյուսիս-արևմուտքից,
5. Անիի Մայր տաճարի ավագ խորանը,
- 6, 7. Անիի Մայր տաճարի ներքին հատվածը,
8. Անիի Մայր տաճարի հյուսիսային շքամուտքը,
9. Անիի Մայր տաճարի հարավային լուսամուտներն ու արձանագրությունը,
- 10, 11. Անիի Մայր տաճարի արևմտյան լուսամուտներից,
12. Փրկչի եկեղեցին,

¹² Մատենադարանի զույգամատյանում՝ պատկերագիրը Հ^մր 430:

¹³ Բոլոր լուսանկարները դարձյալ անստույն են. բերված է մեր նկարագրությունը (Ա. Ա.), մի քանիսը հանդիպում են նաև «Քյուրքջյան-1»-ում:

13. Փրկչի եկեղեցու շքամուտքը,
- 14-15. Աբուղամրենց եկեղեցին,
16. Անիի միջնաբերդի եկեղեցու շքամուտքը,
- 17, 18. անհայտ եկեղեցու շքամուտքը,
- 19-21. անհայտ եկեղեցու գավիթ,
22. անհայտ եկեղեցու գավթի երդիկ,
23. Մանուչեի մզկիթը,
24. Պարոնի պալատը,
25. Պարոնի պալատի հետնամասը,
26. Պարոնի պալատի սենյակները,
27. Աշտարակ բլրի վրա,
- 28-29. Անիի ընդհանուր տեսքը,
- 30-31. հատված պարիսպներից,
32. հատված պարիսպներից. սվաստիկայով աշտարակը,
33. հատված պարիսպներից,
34. հատված պարիսպներից. կամարով մուտքը,
35. Բագրատունյաց զինանշանը,
36. քարաժայռ,
- 37-38. քարաժայռ,
39. Ախուրյան գետը,
- 40-41. Ախուրյան գետը,
42. Ախուրյան գետը,
- 43, 44. Ախուրյան գետն ու կամրջի ավերակները:

Քյուրքչյանի երրորդ ժողովածուն («Քյուրքչյան-3»), ինչպես նշեցինք, անվերնագիր է և գույքամատյանում ցուցակագրված է որպես «Ծավալադիտական ժողովածու. Անի»¹⁴: Ունի զույգ լուսանկարներ կրող թվով 18 փոքրածավալ տախտակ՝ «Հայաստան. ժողովածոյ աւերակք Անւոյ (մայրաքաղաք Բագրատունեաց), Յ. Քիւրքճեան, Երեւան» վերտառությամբ (նույնը՝ դարձերեսին, նաև ֆրանսերեն)¹⁵:

¹⁴ Մատենադարանի գույքամատյանում՝ պատկերագիրը Հ^մ 419:

¹⁵ 12 և 13 լուսանկարներում նշված չէ Քյուրքչյանի անունը, ուստի ենթադրում ենք, որ դրանք այլ հեղինակների գործեր են և սխալմամբ են հայտնվել այս ժողովածուում:

«Քյուրքյան-3» ժողովածուի տախտակների հետևյալ լուսանկարներն են¹⁶.

1. Անիի Մայր տաճարը հարավ-արևմուտքից,
2. Անիի Մայր տաճարը հարավ-արևելքից,
3. Անիի Մայր տաճարն է հյուսիս-արևմուտքից,
4. Անիի Մայր տաճարի ավագ խորանը,
5. Անիի Մայր տաճարի հարավային լուսամուտներն ու վիմագիրը,
6. Փրկչի եկեղեցու շքամուտքը,
7. միջնաբերդի եկեղեցու շքամուտքը,
8. անհայտ եկեղեցու շքամուտքը,
9. անհայտ եկեղեցու գավթի սյուները, դարձերեսին ունի մակագրություն. «Նուիրէ ... ի 2 Սեպտ. 18-3»,
10. անհայտ եկեղեցու գավթի երդիկը,
11. Պարոնի պալատի շքամուտքը,
12. Հաղբատի գավթի ներսը, թագավորների և իշխանների գերեզմանները,
13. Սանահինի գավթի ներքին տեսքը,
14. Ախուրյան գետն ու Կուսանաց անապատը,
15. Կուսանաց անապատը,
16. քարաժայռ,
17. Անիի պարիսպներից մի հատված, դարձերեսին կա մակագրություն. «Նուեր ... ճեմարանիս ի ... ի 2 Սեպտ. 18-3»,
18. հատված պարիսպներից:

ՄԵՍՐՈՊ ՍՄԲԱՏՅԱՆՑ (ՍՈՒՄԲԱՏՅԱՆՑ)

Հայկական պատմաճարտարապետական հուշարձանների՝ մեզ հասած հնագույն լուսանկարներին նաև այս լուսանկարչի անունն է: Մեսրոպ Սմբատյանցի մասին տեղեկությունները խիստ կցկտուր են. հայտնի է միայն, որ նրա լուսանկարչատունը ստեղծվել է Թիֆլիսում 1880 թ. և տեղակայված է եղել Կախեթյան փողոցի թիվ 22 տանը:

Մ. Սմբատյանցի լուսանկարների պատկերագրքերից առնվազն երկուսը պահվում են Հայաստանում. մեկը՝ Ազգային գրադարանի արվեստի բաժնում, մյուսը՝ Մատենադարանում:

¹⁶ Մի շարք լուսանկարներ հանդիպում են նաև «Քյուրքյան-1»-ում:

Հայաստանի ազգային գրադարանում պահվող պատկերագրքի լուսանկարներից երկուսի (Ս. Էջմիածնի Մայր տաճարի և Մարմաշենի վանքի լուսանկարները) ստորին աջ անկյունում կա «Сумбатьянц» մակագրությունը: Եվս երկուսի վրա (Հաղարծին և Գոշավանք) կարդում ենք «օգոստ. 10, 1883, Մ. Ս.» գրությունը: Առավել քան հավանական ենք համարում, որ մյուս լուսանկարները ևս Սմբատյանցն է արել և, ամենայն հավանականությամբ, հիմնականում նույն շրջագայության ժամանակ՝ 1883 թ.¹⁷:

Պատկերագիրքը¹⁸ ներառում է հետևյալ հուշարձանների լուսանկարները.

1. Ս. Էջմիածնի Մայր տաճարը հարաւ-արևմուտքից,
2. Էջմիածին, Գեորգեան ճեմարան,
3. Հռիփսիմէ,
4. Գայիանէ,
5. Շողակաթ,
6. Մողոյ Ս. Գեորգ,
7. Յովհաննու վանք,
8. Խոր-վիրապ,
9. Անիի Մայր եկեղեցի,
10. Հռոմոսի վանքը,
11. Կարմիր վանք Շիրակայ,
12. Արգինա,
13. Մարմաշեն,
14. Հառիճոյ վանք,
15. Ալեքսանդրոպօլու եկեղեցի,
16. Սանահին,
17. Սանահնայ զանգակատուն (իրականում՝ Հաղպատի – Ա. Ա.),
18. Հաղպատ,
19. Ս. Գրիգոր Դսեղի, արևելքից,
20. Ս. Գրիգոր Դսեղի, հարավից,
21. Օձունի եկեղեցի,

¹⁷ Այս համոզման հիմքում դրանից մի քանի տարի անց՝ 1889 թ., Մատթեոս Փափագյանցի լուսանկարներում միևնույն հուշարձանների վիճակի համեմատությունն է, մասնավորապես՝ Հաղարծինի և Ամաղուի Նորավանքի օրինակներով:

¹⁸ Ալբրտի փոխարեն նախընտրել ենք գործածել *պատկերագիրք* բառը:

22. Յովհան Օձնեցու գերեզման (Սրբանեսի վանքն Է – Ա. Ա.),
23. Օձունի Ս. Նշան (Հռոմայրի Ս. Նշան վանքն Է – Ա. Ա.),
24. Հաղարծին,
25. Ղօշա-վանք,
26. Ս. Կարապետ Երնջակու,
27. Գուքիի Հագարափրկիչ,
28. Ամաղու վանք (Բուրթելաշեն եկեղեցին Է հյուսիս-արևմուտքից – Ա. Ա.),
29. Ամաղու վանք (Բուրթելաշեն եկեղեցին Է հյուսիս-արևելքից – Ա. Ա.),
30. Թանահատի վանք,
31. Կարմիր վանք Աստապատայ,
32. Ս. Վարդան Աստապատայ,
33. Թովմա Առաքելոյ վանքը,
34. Ս. Աստուածածնայ անապատ,
35. Զաղաքիկի Ս. Նշան,
36. Մեղրիի Անապաստանաց վանքը (մակագրությունը հայտնի չէ – Ա. Ա.),
37. Նախիջևանայ եկեղեցի,
38. Տաթև,
39. Գանձասար,
40. Խոթա-վանք (Դադիվանքն Է – Ա. Ա.),
41. Ս. Յակոբ Հայրապետ,
42. Ամարաս,
43. Փարիսոսի վանք,
44. Շուշիի Ղազանչեցւոց եկեղեցի,
45. Թարգմանչաց վանք,
46. Չարեքայ անապատ,
47. Նաստմխարի Ս. Աստուածածին,
48. Ս. Կարապետ Թիֆլիզու,
49. Ցղնայի եկեղեցի,
50. Զալալաշլիի եկեղեցի:

Մատենադարանում պահվող պատկերագիրը¹⁹ ևս հիմնականում նվիրված է մեր պատմաճարտարապետական հուշարձաններին: Այստեղ դարձյալ պահպանվել են Սմբատյանցի թողած մակագրությունները:

¹⁹ Մատենադարանի գույքամատյանում՝ պատկերագիրը Հ^մ 473:

Հենց առաջին նկարում՝ «Աւերակք հնոյն Հայաստանի», կարդում ենք «Մ. Ս. 1883» գրութունը: Ներսէս Ե Աշտարակեցի կաթողիկոսի գծանկարային լուսանկարում, նաև հանգուցյալ Գևորգ Դ Կոստանդնուպոլսեցի կաթողիկոսի լուսանկարում տեսնում ենք առանց թվականի «Մ. Ս.» գրութունը²⁰, իսկ Գևորգյան հոգևոր ճեմարանը պատկերող լուսանկարում արդեն առկա է ամբողջական ազգանունը՝ «Մ. Սմբատեանց. 1883»:

Ստորև ներկայացնում ենք երկրորդ պատկերագրքի լուսանկարների ցանկը²¹.

1. *Աւերակք հնոյն Հայաստանի (գծանկարից արված),*
2. *Հայկ Նահապետ (կտավից արված),*
3. *Վարդան Չորավար (կտավից արված),*
4. *Ներսէս Ե. Верховный патриарх Персес (գծանկարից արված),*
5. *Ս. Էջմիածին, Մայր Աթոռ Հայաստանեայց. Эчмиадзинский монастырь,*
6. *Ձանգակատուն Ս. Էջմիածնի. Эчмиадзинская колоколя,*
7. *Ճեմարան Ս. Էջմիածնի. Эчмиадзинская духовная академия,*
8. *Ս. Հրիսիմէի վանք. Монастырь св. Рипсимэ,*
9. *Ս. Գայիանէի վանք. Монастырь св. Гаяанэ,*
10. *Ս. Շողակաթի վանք. Монастырь св. Шогакат,*
11. *Ս. Գեորգ Սողունյ. Монастырь св. Георги,*
12. *Յովհաննու վանք. Монастырь св. Иоанны,*
13. *Խոր Վիրապի վանք,*
14. *Հաղարծինու վանք Ղազախու,*
15. *Գոշ-Մխիթարայ վանք Ղազախու, արևմտեան կողմ,*
16. *Գոշ-Մխիթարայ վանք Ղազախու, արևելեան կողմ,*
17. *Ս. Թովմայ Առաքելոյ վանք Ագուլեաց. Акулисский монастырь,*
18. *Մայր Եկեղեցի Անույ,*
19. *Ս. Վարապետի վանք Երնջակայ, Монастырь св. Иоанна Крестителя,*
20. *Վարմիր վանք. Монастырь св. Степана первомученика,*
21. *Ս. Վարդանի վանք Աստապատայ, Монастырь св. Вардана,*

²⁰ Գևորգ Դ կաթողիկոսը մահացել է 1882 թ. դեկտեմբերի 6 (18)-ին:

²¹ Անվանումները տրված են այնպես, ինչպես գրված է լուսանկարների ստորին մասում (հայտնի չէ՝ դրանք հեղինակին են, թե ոչ):

22. Ս. Խաչի վանք Վայոց-ծորոյ (Դարալակեազու),
23. Լազողախի ռուսաց եկեղեցի. Лагодахская русская церковь,
24. Սղնախ քաղաքի մի մասը. Часть города Сигнаха,
25. Верховный патриарх Армянский Нерсес,
26. Գէորգ Դ. Կաթողիկոս. покойный Католикос Кеворс IV,
27. Գէորգ Դ. Կաթողիկոս Ամենայն Յայոց²²,
28. Շուրջառ կաթողիկոսական Յնդկաստանից բերած,
29. Ս. Գէորգ եկեղեցի Յին-Նախիջևանայ. Нахичевань, церковь,
30. Ամաղու վանք Վայոց-ծորոյ, արևելեան կողմ,
31. Ամաղու վանք Վայոց-ծորոյ, արևմտեան կողմ,
32. Ամաղու վանք, գերեզմանատուն իշխանացն Սիւնեաց²³,
33. Լևոն Գ (ծեռագրի լուսանկար է – Ա. Ա.),
34. Նախիջևան քաղաք. Вид гор. Нахичевани,
35. Երասխ գետ Յին Ջուղայի մոտ. Река Аракс близ Джульфы,
36. Մաքսատուն Ջուղայու. Джульфинская таможенная застава,
37. Փոստային կայարան Ջուղայու. Джульфинская почтово-теле-
граф. станция,
38. Վերին Ագուլիս. Селение Верхние Акулисы,
39. Ներքին Ագուլիս (Դաշտ). Селение Низкие Акулисы,
40. Գիւղաքաղաքն Գորիս. Селение Герюсы,
41. Յնուրթին Թաւրիզոյ (Արք). Башня в Табризе,
42. Թիֆլիզ քաղաքի մի մասը. часть гор. Тифлиса,
43. Գոշա վանք (թերևս Դոշավանք, որը Յոռոմոսն է – Ա. Յ.) Շիրակայ,
44. Պահլաւունեաց պալատ Անույ (իրականում Առաքելոց վանքի գա-
ւիթն է – Ա. Ա.),
45. Թամարայ թագուհու բերդ, крепость царицы Тамары,
46. Չրուարան, Ратонд в царских колодцах,
47. Թագաժառանգ Պարսկաստանի. Персидский наследник,


²² Կենտրոնում Գևորգ կաթողիկոսի լուսանկարն է, ձախ կողմում՝ հայ արդի ծայնագրու-
թյան ծայնանիշերը, աջից՝ Էջմիածնի թանգարանի լուսանկարը (Մայր տաճարի արևելյան
կողմում), ստորին հատվածում Սմբատյանցի ուղերձն է կաթողիկոսին և Գևորգյան հոգևոր
ճեմարանի լուսանկարը (մակագրված է «Լուս. Սմբատյանց Մ.»):

²³ Այս լուսանկարը տեղ է գտել Նաև Մատենադարանում պահվող «Չանազան վանքերի և
եկեղեցիների նկարների ալբոմ»-ում (Հ^դ 422), որտեղ մակագրված է. «Մ. Ս. Դամբարան
իշխանացն Օրբելեան տոհմի. 1885 թ.»։ Կարելի է եզրակացնել, որ Բուրթելաշեն եկեղեցու
մյուս երկու լուսանկարներն էլ արված պետք է լինեն 1885 թ.։

48. Մինարայ, Канские ворота в гор. Нахичевани,
 49. Կարմիր վանք Շիրակայ,
 50. Բագրատունեաց պալատ Անույ,
 51. Աւագ դուռն Անույ:

ԿԱՐԱՊԵՏ ՀՈՎԻԱՆՋԱՆՅԱՆՑ

Լուսանկարիչ Կարապետ Հովհաննիսյանցի (Կարապետ Յովհաննիսյանց, գրական կեղծանունը՝ Կրպէ) մասին միայն կցկտուր տեղեկություններ են պահպանվել: Հայտնի է, որ նա եղել է Ալեքսանդրապոլից, զբաղվել է գրական գործունեությամբ և լուսանկարչությամբ: Պահպանվել են նրա՝ Անի կատարած երկու շրջագայություններից (1884 և 1887 թթ.) մնացած որոշ լուսանկարներ:



Նկ. 6. Կարապետ Հովհաննիսյանցի ստորագրությունը

Մաշտոցյան Մատենադարանում է պահվում Հովհաննիսյանցի լուսանկարների երկու պատկերագիրք. երկուսի կազմին էլ առկա է «Յ. Կ-Մ.» գրությունը. մեր կարծիքով դրանք Գևորգյան հոգևոր ճեմարանի ուսուցիչ Հուսիկ վարդապետ (հետագայում՝ արքեպիսկոպոս – Ա. Հ.) Տեր-Մովսիսյանի սեփականությունն են եղել: Առաջին պատկերագիրքը (պայմանական անունը՝ «Հովհաննիսյանց-1») Մատենադարանի գույքամատյանում գրանցված է որպես «Անիի եկեղեցիների լուսանկարներ»²⁴: Առաջին էջին մակագրված է «Յուսիկ Էջմիածնի ...», պարունակում է 29 լուսանկար:

Երկրորդ պատկերագիրքը («Հովհաննիսյանց-2») գույքամատյանում գրանցված է որպես «Հայկական վանքերի լուսանկարներ» և պարունա-

²⁴ Մատենադարանի գույքամատյանում՝ պատկերագիրք Հ^մր 425:

կում է 22 լուսանկար²⁵: Առաջին էջին կան. «*Էջմիածնի ...*», հաջորդ էջին՝ «*/ստորագր./ Առ ... տեր Մեսրոպ վարդապետ Տեր-Մովսիսեան ի Յուսիկ եպս.է նուէր յարգան... ի 11 դեկտմ., 1904 ամի, Ս. Էջմիածին*» մակագրությունները: Ի տարբերություն առաջին պատկերագրի՝ լուսանկարներն այստեղ ավելի բարձրորակ են:

Բացի այս երկուսից՝ Յովհաննանյանցի լուսանկարներից մի քանիսն էլ տեղ են գտել Մատենադարանի Հմ 516 պատկերագրում:

«Յովհաննանյանց-1» պատկերագրի լուսանկարների ցանկը հետևյալն է.

1. Ս. Լուսաւորիչ Անւոյ (Տիգրան Յոնենցի եկեղեցին է – Ա. Ա.)²⁶,
2. Ս. Առաքելոց եկեղեցի յ'Անի,
3. Ս. Գրիգոր Ապուղամբենց յ'Անի,
4. Բրգածն (°) պարսպանոցն Անւոյ,
5. Միջնաբերդն Անւոյ,
6. Ս. Փրկիչ եկեղեցի յ'Անի,
7. Միջնաշտարակն Անւոյ,
8. Կաթողիկէն Անւոյ²⁷,
9. Կամար Կաթողիկէին Անւոյ,
10. Մզկիթ Անւոյ,
11. Առաքելոց եկեղեցի Անւոյ,
12. Ապարանք կամ արքունիկ Անւոյ,
13. Ս. Կարապետ, Ս. Աստուածածին, Ս. Ստեփաննոս, Ս. Սարգիս ի հծկօնք,
14. Սուրբ Սարգիս եկեղեցի հծկօնից²⁸,
15. Ս. Կարապետ եկեղեցի հծկօնից,
16. Ս. Գրիգոր Լուսաւորիչ հծկօնից,
17. Ս. Կարապետ և Ս. Ստեփաննոս հծկօնից,
18. Ս. Ստեփաննոս 'ի հծկօնս,
19. Ս. Ստեփաննոս եկեղեցի 'ի հծկօնս,

²⁵ Մատենադարանի գույքամատյանում՝ պատկերագիրը Հմ 423:

²⁶ Լուսանկարի վերին աջ անկյունում հետևյալ մակագրությունն է. «Առ ... Մեսրոպ վրդ. Տեր-Մովսիսեան ի Յուսիկ եպս.է նուէր յարգան... 11 դեկ. 1904 Ս. Էջմիածին»:

²⁷ Լուսանկարի դարձերեսին. «Հագուադէպ լուսատիպն այս յոյժ կարևոր է առ այն՝ զի ... ցուցանէ մասն ... ի մասանց խորանէն (°) սրբակոյս Յովսիսիմեայ ... եթէ իսպառ փլատակեալ ... 8/II 28 /ստորագրություն/»:

²⁸ Լուսանկարի դարձերեսին. «Լուսանկար Կ. Յովհաննանեանց, 1884 ամի»:

20. Անվերնագիր (վիմական արձանագրություն է – Ա. Ա.),
21. Խաչարձան և եկեղեցին Ս. Սարգիս Խծկոնից,
22. Արձանագիր յորմն ս. Սարգիս եկեղեցւոյ Խծկոնից,
23. Ս. Ստեփաննոս եկեղեցի Ագրեկու,
24. Կաթողիկէն Սրենոյ,
25. Կաթողիկէն Սրենոյ, հիւսիսային կողմն,
26. Զանդակք արևմտեան դրան Կաթողիկէին Սրենոյ,
27. Խաչքանդակք յորմն Կաթողիկէին Սրենոյ,
28. Խաչքանդակք յապարանս Սրենոյ,
29. Դռուն ապարանից Սրենոյ:

**«Հովհաննայանց-2» պատկերագրքի լուսանկարների ցանկը
հետևյալն է.**

1. Գմբեթարդ կամար առ ճանապարհս Անոյ ի Հոռոմոս,
2. Ս. Լուսավորիչ կամ Նախշըլի եկեղեցի Անոյ²⁹,
3. Ս. Գեորգ եկեղեցի Անոյ³⁰,
4. Ճակատ արքունի ապարանից Անոյ,
5. Ս. Գրիգոր եկեղեցի Աբուղամրենց յԱնի,
6. Գաւիթ եկեղեցւոյ փոխեկելոյ (՝) ի մզկիթ և մինարեթ,
7. Գաւիթ Ս. Առաքելոց եկեղեցւոյն Անոյ,
8. Շարունակութիւն Ս. Առաքելոց եկեղեցւոյն Անոյ,
9. Ս. Փրկիչ եկեղեցի Անոյ,
10. Կաթուղիկէ Մայր եկեղեցի Անոյ,
11. Կամարք ներքնայարկի արքունի ապարանից Անոյ,
12. Պարիսպ Անոյ,
13. Պարիսպ Անոյ,
14. Խաչքար առ Ս. Սարգիս եկեղեցի Բէշքիլիսայի,
15. Ս. Սարգիս վանք Բէշքիլիսայի,
16. Ս. Ստեփաննոս եկեղեցի Ագարակու,
17. Ս. Երրորդութիւն եկեղեցի Տեկորոյ,
18. Կաթուղիկէ Սրենոյ,

²⁹ Տիգրան Հոնենցի մեկենասությամբ 1215 թ. կառուցված Անիի Ս. Գրիգոր Լուսավորիչ եկեղեցին թերևս իր որմնանկարների համար հաճախ կոչվել է Նաև Նախշլի եկեղեցի: Լուսանկարի դարձերեսին. «Ս. Գեորգ անուանակոչութիւնը ճիշտ չէ (Ալիշանի սխալանքի հետևանքով, որը շփոթել է նմանաձևութեան պատճառով Ղոշավանքի Ս. Գեորգի հետ) այլ ... Ախուրեանի ափի մոտ ... կառուցված Կուսանաց վանքն է /ստորագր./»:

³⁰ Իրականում Կուսանաց անապատն է, հեռվում՝ Մանուչեի մզկիթը:

19. *Խաչքարինք Մրենոյ,*
20. *Ս. Շուշան եկեղեցի 'ի Բագարան, ի յաջմէ Ախուրեան Անույ (°),*
21. *Աւերակ եկեղեցի յայգեստանեայս Բագարանայ,*
22. *Ս. Գեորգ եկեղեցի Բագարանայ:*

Հ^ր 516 պատկերագրքում տեղ գտած լուսանկարները հետևյալն են.

1. *Մրենի խաչարձանները («Հովհաննանյանց-2» պատկերագրքի թ. 19 լուսանկարի անորակ պատճենն է – Ա. Ա.),*
2. *Սուրբ Փրկիչ եկեղեցի Հայոց Ալեքսանդրապոլ քաղաքի,*
3. *Եկեղեցի Յունաց Ալեքսանդրապոլում,*
4. *Ս. Գեորգ՝ վանք Բագարանի («Հովհաննանյանց-2» պատկերագրքի թ. 22 լուսանկարն է – Ա. Ա.),*
5. *Բասենի գաւառում աւերակ եկեղեցի³¹,*
6. *Բասենի գաւառում եկեղեցու աւերակ:*

ՄԱՏԹԵՈՍ ՓԱՓԱՉՅԱՆՑ

Մեզ համար բացառիկ մեծ նշանակություն ունի լուսանկարիչ Մատթեոս Փափագյանցի «Հնութիւնք վանօրէից» խորագրով լուսանկարների շարքը՝ կազմված վեց մասից: Յուրաքանչյուր հատոր նվիրված է մի առանձին շրջանի, որտեղ, լուսանկարներին զուգահեռ, հեղինակը ներկայացնում է նաև հուշարձանների համառոտ պատմությունը:

Փափագյանցն իր շրջագայությունը սկսել է ամենայն հավանականությամբ 1888 կամ 1889 թվականին: Մատենաշարի առաջին գրքի առաջաբանում նա նշում է, որ ավարտել է լուսանկարահանման գործի մեծ մասը, իսկ երրորդ գրքի առաջաբանում (1890 թ.) հայտնում է, որ գործն ամբողջությամբ ավարտված է, և մնում է ընդամենը հրատարակել այն:

«Հնութիւնք վանօրէից» շարքը լույս է տեսել Վաղարշապատում՝ Մայր Աթոռի տպարանում, 1889-1892 թթ.: Շարքում ընդգրկված գրքերն ունեն հետևյալ խորագրերը.

Ա. Հնութիւնք վանօրէից. առաջին գիրք. անվերնագիր (Ղազախ եւ Շամշադին գաւառներ), Վաղարշապատ, 1889 թ.,

Բ. Հնութիւնք վանօրէից. երկրորդ գիրք. Գեղարքունիք, Վաղարշապատ, 1890 թ.,

³¹ Դարձերեսին. «Հայոց հին եկեղեցի Ղօշա-Քիլիսայ գիւղի մոտ ... Սբ Խաչ ... Արձանագրութիւնը եղծուած է»: Հովհաննանյանցի մակագրությունը թեև բացակայում է, սակայն, մեր կարծիքով, այս լուսանկարը ևս նրանն է:

Գ. Հնուֆիլնք վանօրէից. երրորդ գիրք. Վայոց Ձոր, Վաղարշապատ, 1890 թ.,

Դ. Հնուֆիլնք վանօրէից. չորրորդ գիրք. Գողթան գաւառ, Վաղարշապատ, 1891 թ.,

Ե. Հնուֆիլնք վանօրէից. հինգերորդ գիրք. Սիւնեաց աշխարհ, Վաղարշապատ, 1892 թ.,

2. Հնուֆիլնք վանօրէից. վեցերորդ գիրք. Էջմիածին եւ իւր շրջակայք (Արարատեան գաւառ), Վաղարշապատ, 1892 թ.:

Ինչպէս երևում է երրորդ գրքի «Երկու խօսք»-ից, Փափագյանցը նախատեսել էր ամբողջական շարքը լույս ընծայել ինը գրքով: Փաստորեն լույս է տեսնում միայն վեցը: Պատճառը հավանաբար եղել է Փափագյանցի ֆինանսական ծանր դրութիւնը: Բոլոր վեց գրքերն էլ վաճառվել են 10 ռուբլիով: Առաջին գիրքը տպագրվել է 100 օրինակով, մյուս գրքերի տպաքանակի մասին տեղեկութիւններ չունենք:

Առաջին երկու գրքերը տպագրվել են Փափագյանի սեփական միջոցներով, ինչը չափազանց մեծ բեռ է եղել նրա համար: Երրորդ գիրքը տպագրվել է ագուլիսցի մեծահարուստ Ալեքսանդր Տեր-Մկրտչյանի մեկենասությամբ և նվիրվել իր հոր՝ աղա Ավետիս Գալստյան Տեր-Մկրտչյանի հիշատակին: Չորրորդը նվիրված է Կարապետ Հարութիւնյան Եզյանցի հիշատակին և ենթադրաբար տպագրվել է նրա ընտանիքի օժանդակությամբ³²: Հինգերորդ գիրքը տպագրվել է Աղվանից Գրիգոր Եպիսկոպոսի (250 ռուբլի) և բաքվեցի Առաքել Ծատուրյանի (200 ռուբլի) օժանդակությամբ:

Գրքաշարի բովանդակութիւնը հետևյալն է³³.

Առաջին գիրք. Ղազախ եւ Շամշադին գաւառներ

1. Ս. Մակարայ վանք,

2. Արծանագրութիւն Ս. Մակարայ վանքի արեւմտեան դրան ճակատի,

3. Ս. Աստուածածնայ վանք Սրուեղ անուանեալ³⁴,

³² Երրորդ գրքում բացակայում է «Երկու խօսք»-ը, սակայն հինգերորդ գրքի առաջաբանում հեղինակը հայտնում է, որ չորրորդ գիրքը ևս տպագրվել է մեկենասների օժանդակությամբ:

³³ Լուսանկարների անունները բնագրային են:

³⁴ Պատկերագրքի մեկ այլ տարբերակում (դարձյալ ՀԱԳ-ում պահվող) նույն էջի վրա, Սրվեղի վանքի լուսանկարին կից, առկա է նաև մեկ այլ լուսանկար՝ վրանի առջև խմբված երեխաների ու կանանց:

4. Վարագայ Ս. Նշան վանք,
5. Վանք Ս. Առաքելոց,
6. Կիրանցայ վանք,
7. Հաղարծնոյ վանք արեւմտեան կողմանէ,
8. Հաղարծնոյ վանք հիւսիս-արեւմտեան կողմանէ,
9. Վանք Գօշ Մխիթարայ,
10. Գօշ Մխիթարայ վանք արեւմտեան կողմանէ,
11. Գօշ Մխիթարայ վանք արեւելեան կողմանէ³⁵,
- 12, 13. Խաչքարեր Գօշ Մխիթարայ³⁶,
14. Ջուխտակ վանքեր,
15. Սեւանայ վանք,
16. Սեւանայ Առաքելոց վանքը³⁷,
17. Սեւանայ Առաքելոց վանքի դուռը³⁸:

Առաջաբանում Փափագյանցը նշում է, որ առաջին գրքում գետեղել է 14 լուսանկար: Երրորդ գրքի «Երկու խօսք»-ում էլ նշում է, որ առաջին գրքում գետեղված է 15 լուսանկար (չհաշված 8-րդ Էջի երեխաների և կանանց լուսանկարը): Ենթադրաբար, Սևանավանքը պատկերող վերջին 2 լուսանկարները պետք է կարվեին 2-րդ գրքում, սակայն ինչ-ինչ պատճառներով հայտնվել են 1-ին գրքում:

Երկրորդ գիրք. Գեղարքունիք

1. Սեւանայ ծով եւ կղզի,
2. Կղզի,
3. Սեւանայ վանք,
4. Հայր Յօհանայ վանք կամ Այրի վանք (Գեղարքունիքում),
5. Թանգարան Նոր-Բայազիտու,
6. Փաշաքենտու Ս. Գրիգոր վանք (Գեղարքունիքում),
7. Նորադուզի Ս. Աստուածածնայ վանք (Գեղարքունիքում),
8. Նորադուզի հանգստարանը (Գեղարքունիքում),
9. Նորադուզի Ս. Լուսաւորչայ վանք (Գեղարքունիքում),

³⁵ Լուսանկարը պահվում է Մատենադարանի Հմր 374 պատկերագրքում:

³⁶ Ձախակողմյան լուսանկարը վարպետ Պողոսի 1291 թ. խաչքարն է, աջակողմյանը՝ նույն վարպետ Պողոսի անթվակիր խաչքարն է (այժմ՝ ՀՊԹ-ում):

³⁷ Լուսանկարը պահվում է Մատենադարանի Հմր 374 պատկերագրքում:

³⁸ Մատենադարանի Հմր 374 պատկերագրքում է նաև նույն դռան մեկ այլ լուսանկար:

10. Նորադուզի կամուրջը,
11. Ս. Պետրոսի մենաստան Վալի-Աղալու գիւղում (Գեղարքունիքում),
12. Պօղոս առաքելոյ վանք Ծակ-քար գիւղում (Գեղարքունիքում)³⁹,
13. Ծակ-քարի բնական կամուրջը (Գեղարքունիքում),
14. Կոթա վանք Ատիեաման գիւղում (Գեղարքունիքում),
15. Գերեզմանաքարեր Վերին Ղարանլու գիւղում (Գեղարքունիքում),
- 16, 17. Խաչաքար (Գեղարքունիքում) և գերեզմանաքար Սուբան Գրիգոր իշխանի,

18. Վրանաբնակներ կամ Օբա Այրիճայում (Գեղարքունիքում):

Երրորդ գիրք. Վայոց ձոր

1. Սելիմի քարվանսարայ Վայոց ձորում,
2. Ս. Աստուածածնայ վանք Գիւլ վանք անուանեալ,
3. Արփայ գիւղի Ս. Աստուածածնայ վանք,
4. Ամաղու Նորավանքերը,
5. Սմբադ իշխանի դամբարանը,
6. Բուրդել իշխանի կառուցած երկհարկանի եկեղեցին,
- 7-9. Խաչքար, քանդակ Ամաղուի վանքերից և Բուրդել իշխանի ծածկագիրը,
10. Արգեագու Ս. Խաչ վանքը,
11. Թանահատի Ս. Ստեփաննոսի վանք,
12. Ս. Սիօն Հերիեր գիւղում,
13. Կիրճ Վայոց ձորում Գնթավազ վանքի,
14. Գնթավանգ,
15. Արիտեսի վանքերի աւերակները,
16. Գիւնէի վանք,
17. Ղօշա վանքերը Ալագազ ձորի⁴⁰,
18. Ցախաց-քարի աւերակները,
19. Սմբատայ բերդ,
20. Խաչաքարեր Վայոց ձորում,
21. Ս. Աստուածածնայ արձան:

³⁹ Ներկայիս Ձորագյուղ գյուղի Մասրուց անապատն է:

⁴⁰ Ցաղաց քարի վանական համալիրն է:

Չորրորդ գիրք. Գողթան գալառ

1. Ս. Վարդան եկեղեցու արեւմտեան դուռը,
2. Կարմիր վանք Աստապատում,
3. Նախավկայի վանքը Պարսկաստանում,
- 4, 5. Նախավկայ վանքի արեւմտեան ճակատի մի մասը և Նախավկայ վանքի դուռը,
- 6, 7. Զարեայ խոյ Յին Ջուղայից և Նախավկայ վանքի արեւելեան կողմի վերին մասը,
- 8, 9. խաչաքարեր Յին Ջուղայից,
10. Երասխ գետի վրայի հաղորդակցութիւնը,
11. Երնջակու Ս. Կարապետի վանքը,
12. Շուրուքի Ս. Յակոբ եկեղեցին,
13. Պիստու Ս. Ստեփաննոսի վանքը,
14. Տղնայու Ս. Աստուածածին,
15. Ագուլիսի տեսարանից մի մաս,
16. Թովմայ առաքելոյ վանքի ընդհանուր տեսարան,
17. Ս. Թովմայ առաքելոյ վանքը Ագուլիսում,
18. Թանգարան Թովմայ առաքելոյ վանքի,
- 19, 20. Ագուլեաց վանքի ներքին առաստաղի զարդերից և Ագուլեաց վանքի դրան վրայի քանդակը,
21. Խորվիրապի արտաքին տեսարանը,
22. Խոր վիրապ:

Յինգերորդ գիրք. Սիւնեաց աշխարհ

- 1, 2. Աւերակ Ադիտու գիւղում և Իլան դաղի⁴¹,
3. Որոտնավանքի աւերակ գաւիթները,
4. Որոտնայ վանքը,
5. Որոտնայ բերդը,
- 6, 7. Սպիտակ խաչ անուանեալ Լոր գիւղում և Լոր գիւղի եկեղեցու արեւմտեան դուռը,
- 8-10. Յայուհիներ Սիւնիքի և Երկու ձեռագիր մատյաններ,
11. Տաթեւի վանքը,
12. Տաթեւ վանքի ընդ. տեսարանը,
- 13-15. Երկու քանդակ Տաթեւից և Տաթեւի շարժական սիւնի վերին մասը,

⁴¹ Երկրորդը Երնջակի Օծասար լեռն է (Ա. Ա.):

16, 17. Ս. Աստուածածնայ մատուռ Տաթևում և Տաթևի շարժական սիւնը,

18. Թանգարանի մի մաս Սիւնիքից,

19, 20. Գրիգոր Տաթևացւոյ շիրիմը Տաթևում և Դաւիթ Բեգի բերդի ընդհանուր տեսքը,

21, 22. Տաթևի վանքի դուռը և Տաթև վանքի ներքին տեսքը,

23. Սատանի կամուրջը Տաթևի մօտ,

24. Հալիձորի կիրճը,

25. Պղնձահանք Ղադարի ընկ. Հալիձորում,

26. Դաւիթ Բեգի բերդը Հալիձորում,

27. Զարացած մարմիններ,

28. Ջրվեժ Սիւնիքից:

Վեցերորդ գիրք. Էջմիածին եւ իւր շրջակայք (Արարատեան գաւառ)

1. Էջմիածնայ վանքի ընդհանուր տեսարանը,

2. Չանգակատուն Էջմիածնայ տաճարի,

3. Իջման ս. Սեդանը Էջմիածնայ տաճարում,

4, 5. Փղոսկրեայ կողքեր Աւետարանի Էջմիածնում,

6. Հնդկաստանից բերուած ասեղնագործ մի շուրջառ,

7. Ս. Էջմիածնայ տաճար,

8. Էջմիածնայ միաբանութեան սենեակները (խուցեր),

9. Էջմիածնայ լիճը եւ անտառը,

10. Ս. Էջմիածնայ տպարան,

11. Ս. Էջմիածնայ ճեմարան,

12. Վանք կոյս Հռիփսիմէի,

13, 14. Գայիանէ վանքի արեւմտեան կողմը և Էջմիածնայ լճի մի մասը,

15. Շողակաթի վանք Էջմիածնում,

16. Օշական գիւղի կամուրջը,

17. Օշականի Ս. Մեսրոպ թարգմանչի եկեղեցին,

18. Աշտարակ գիւղի կամուրջը,

19. Ներսէս Ե պապերի գերեզմանաքարերը Աշտարակում,

20. Սօղնու Ս. Գեորգ եկեղեցին,

21, 22. Յոհանայ վանքի քանդակներ և խաչաքարեր,

23. Հայր Յոհանավանք,

24. Սաղմոսավանք, հարաւարեւմտեան կողմ,

25. Տեղերու վանքը:

ՅԵՆՐԻ ԼԻՆԶ

Հայկական արմատներով իռլանդացի անվանի հայագետ, աշխարհագրագետ, ճանապարհորդ և հասարակական-քաղաքական գործիչ Յենրի Լինչը ծնվել է 1862 թ. ապրիլի 18-ին Լոնդոնում: Ընտանիքի միակ զավակն էր: Հայրը Միջագետքի հետազոտող թմաա Կեր Լինչն էր, մայրը՝ Հարիեթ Թեյլորը⁴²: Յենրին իր կրթությունը ստանում է Էթոնի քոլեջում, Հայդելբերգի համալսարանում և Զեմբրիջի Թրինիթի համալսարանում: Ընտանեկան առևտրային գործունեությանը զուգահեռ⁴³ նա հմտանում է նաև իրավագիտության մեջ:

1890-ական թթ. Լինչը ճանապարհորդում է մի քանի երկրներում, որոնցից առավել ուշագրավը Հայաստան կատարած Նրա երկու այցելություններն են՝ 1893-1894 և 1898 թվականներին: Դրանց արգասիքն է «Հայաստան. ուղևորություններ և ուսումնասիրություններ» երկհատոր աշխատությունը:

1906 թ. Լինչը ընտրվում է Բրիտանիայի խորհրդարանի անդամ, սակայն չորս տարի անց՝ 1910 թ., պարտվում է նույն ընտրություններում: Մահացել է 1913 թ. ֆրանսիական Կալե քաղաքում⁴⁴:

Լինչը պատմական Հայաստան կատարած իր երկու այցելությունների ընթացքում հավաքած նյութերի հիման վրա 1901 թ. Լոնդոնում հրատարակել է լայն ճանաչում ստացած «Հայաստան. ուղևորություններ և ուսումնասիրություններ» աշխատությունը՝ բաղկացած երկու հատորից՝ «Ռուսահայաստան» և «Տաճկահայաստան»: Ռուսերեն թարգմանությամբ աշխատությունը լույս է տեսել 1910 թ. Թիֆլիսում, հայերեն թարգմանությամբ՝ 1913-1914 թթ. Կ. Պոլսում: Աշխատությունն արժեքավոր տեղեկություններ է բովանդակում Հայաստանի պատմության, աշխարհագրության, ժողովրդագրության, բանահյուսության վերաբերյալ, գրքում առկա են նաև բազմաթիվ հազվագյուտ լուսանկարներ և քարտեզներ:

⁴² Հարիեթի հայրը Բադդադում Բրիտանիայի պատվիրակ գնդապետ Ռոբերտ Թեյլորն էր, մայրը՝ Սեբաստիայից սերած հայուհի:

⁴³ 1841 թվականից Բադդադում գործում էր «Lynch Brothers» առևտրային կազմակերպությունը, որը զբաղվում էր Բրիտանիայից Միջագետք ապրանքների ներմուծմամբ: 1896 թ. Լինչը դառնում է այդ կազմակերպության նախագահը:

⁴⁴ Ըստ որոշ տեղեկությունների՝ մահվան պատճառը եղել է Կ. Պոլսում Նրա հիվանդանալը:

Հենրի Լինչն իր երկհատորյակում ակնհայտ ցույց է տալիս, որ և՛ ցարական, և՛ սուլթանական կառավարությունները հայերի նկատմամբ նույն հետադիմական քաղաքականությունն էին վարում, իսկ Ախալցխա կատարած իր այցելությունը պատմելիս՝ մանրամասն նկարագրում է նաև ռուս չինովնիկի իրական ու հավաքական կերպարը. «Ռուսաստանի այս հայկական նահանգներուն մէջ վարչական մեքենան կը կառավարուի ձեռամբ մատի վրայ համրուող ռուս պաշտօնատարներու, բայց շնորհիւ Հայերու, որոնք նոյն իսկ բարձրաստիճան պաշտօններու կը գործածուին: Հայը վաղնջական մշակոյթ և բնական բարձր կարողութիւններ ունի. ո՛չ բնագոյով և ո՛չ ալ յատկութեամբ իր ռուս մեծաւորը գերազանց է, որովհետև այս վերջինը, աւելի կառավարական սիսթեմի մը գործիքն է, քան թէ ի ծնէ կառավարող, և իրեն առ հասարակ կը պակսին ճկունութեան և անձնական նախաձեռնութեան յատկութիւնները, զորս քանդելու կը ձգտին խստադէմ պիւրօքրաթները: Բաց աստի, ռուս պաշտօնատարը տպաւորութիւնը կը թողու իր կատարած գործէն ճնշուած ըլլալու, ինչպէս տղայ մը, որուն դասերը նոր են, և երբ կը տեսնես զայն, որ կը գործէ Հայոց նման ազգի մը մէջ, ինքզինքիդ կը հարցնես, թէ ինչպէ՞ս կ'ըլլայ, որ բոլոր յատկութիւններով օժտուած ցեղ մը կը կառավարուի այսպիսի փայտէ մարդերով: Անտարակոյս կան յարգելի բացառութիւններ այս ընդհանուր վիճակին մէջ, և այս բացառութիւնները պետք է աւելի փնտռել բարձրաստիճան պաշտօնեութեան մէջ»⁴⁵:

Ստորև՝ Լինչի աշխատության առաջին հատորում ընդգրկված լուսանկարների ցանկը⁴⁶.

1. *Բոսֆորով մուտքը դեպի Սև ծով,*
2. *Տրապիզոնի ամրոցը,*
3. *Տրապիզոն. Ս. Սոֆիա,*
4. *Տրապիզոն. Ս. Սոֆիայի ճակատը հարավից,*
5. *Ս. Սոֆիայի ներսը,*
6. *Ռիոն գետի ափերը Զուլթայիսի մոտ,*
7. *Ռիոնի հարթավայրը Կովկասի հարավային լանջերից. առաջին պլանում՝ Զուլթայիսը,*

⁴⁵ **Հ. Ֆ. Պ. Լինչ**, Հայաստան. ուղեւորութիւններ եւ ուսումնասիրութիւններ, թարգմ.՝ **Լ. Լաբենց**, Խ. Ա. Ռուսական Հայաստան, Կ. Պոլիս, 1913, էջ 26:

⁴⁶ Հեղինակը նկարացանկերը կազմել է աշխատության 1901 թ. անդրանիկ հրատարակության հիմամբ (տե՛ս Armenia. Travels and Studies, by **H. F. B. Lynch**, vol. I, The Russian Provinces, London, 1901, vol. II, The Turkish Provinces, London, 1901) – Ա. Հ.:

8. Ճանապարհ անտառում,
9. Անվերնագիր (երկու վրացիներ ազգային հագուստով – Ա. Ա.),
10. Իվանի դիմանկարը,
11. Սաֆար. Ս. Սաբան արևմուտքից,
12. Սաֆար. Ս. Սաբայի սյունասրահը,
13. Ախալցխան Ախալքալաքի ճանապարհից,
14. Խերտվիսի ամրոցը,
15. Խերտվիսի մի խումբ գյուղացիներ,
16. Վարձիա. քարանձավային քաղաքը,
17. Վարդապետն ու սարկավազը Վարձիայում,
18. Աբուլ լեռը Ախալքալաքից,
19. Ամառային պավիլիոնը Գորելովկայում,
20. Արփաչայի ակունքները,
21. Ալագյազը Ալեքսանդրապոլի հարթավայրից,
22. Ալեքսանդրապոլը հայկական գերեզմանատնից,
23. Բյուզանդական պատկերը հունական եկեղեցում,
24. Հարսանիք Ալեքսանդրապոլում,
25. Մարմաշենի եկեղեցին հարավ-արևմուտքից,
26. Ալագյազը Ապարանի ակունքներից,
27. Արարատը Արամզալուի մոտից,
28. Արարատ. առաջին պլանում՝ Արալիկը,
29. Մեր հեծելախումբը Արարատի վրա,
30. Մեր ճամբարը Սարդար Բուլաղում,
31. Փոքր Արարատը Սարդար-Բուլախի մոտից,
32. Մեծ Արարատը Սարդար-Բուլախի վերևից,
33. Մեր քուրդ ուղեկցորդները Արարատի վրա,
34. Ախուռի. մեծ վիհը Արալիկից,
35. Արարատի գագաթը հարավ-արևելքից՝ վերցված մոտավորապես 13.000 քայլ բարձրությունից,
36. Անվերնագիր (ապառաժներ – Ա. Ա.),
37. Ախուռի. մեծ վիհի մեջ,
38. Արարատը երևանյան տներից մեկի տանիքից,
39. Ալագյազը երևանյան տներից մեկի տանիքից,
40. Երևանն ու Արարատը հյուսիսից,

41. Երևան. Գյուկ ժամիի մուտքը,
42. Երևան. Գյուկ ժամիի բակը ջրավազանով,
43. Գյուկ ժամիի տաճարը,
44. Երևան. Սարդարի պալատի ներսը,
45. Էջմիածին. ուխտավորների բակը,
46. Կաթողիկոս Մկրտիչ Խրիմյանը,
47. Էջմիածին. մեծ բակն ու տաճարը,
48. Էջմիածնի լիճը,
49. Արարատը Էջմիածնի լճից,
50. Հայ միանձնուհի,
51. Էջմիածին. կաթողիկոսի ընծայման արարողությունը՝ ոսկե աղավ-
նու կոցի միջից յուղով օծումը⁴⁷,
52. Մայր տաճարի շքամուտքի ներսը,
53. Մայր տաճարի ներսը,
54. Էջմիածին. Ս. Հռիփսիմեի արտաքին տեսքը,
55. Էջմիածին. Ս. Գայանեի արտաքին տեսքը,
56. Էջմիածին. Շողակաթի արտաքին տեսքը,
57. Զանդակազարդ քար (խաչքար Է – Ա. Ա.),
58. Թալին գյուղն ու Բուզասոու (°) լեռը,
59. Թալին. ավերված եկեղեցու հարավային կողմի քանդակազարդերը,
60. Թալինի ավերված եկեղեցու հյուսիսային կողմի քանդակազարդերը,
61. Թալինի թաթար խանը,
62. Թալինի պրիստավը,
63. Թալինի հոգևորականը,
64. Թաթար Աղջա-կալայից,
65. Ալազյազը արևմտյան հարթավայրերից,
66. Հույն աղջիկը Սուբոտանից,
67. Անի քաղաքի պարիսպներն ու դարպասները դրսից, դեպի արևելք,
68. Անի. բարձրաքանդակ դարպասի ներքին պատի վրա,
69. Անի. Մայր տաճարը հարավ-արևելքից,
70. Անի. Մայր տաճարի արևելյան պատի որմնախորշը,
71. Անի. Մայր տաճարի խորանը,
72. Անի. Ս. Գրիգոր եկեղեցին (Տիգրան Հոնենցի – Ա. Ա.) արևմուտքից,

⁴⁷ Խրիմյան Հայրիկն օծվել է 1893 թ. սեպտեմբերի 26-ին (ընտրվել էր դեռևս 1892 թ. մայիսին):

73. Անի. քանդակագարդ քար,
74. Անի. Ս. Գրիգոր եկեղեցու հյուսիսային պատը,
75. Անի. Ս. Գրիգոր եկեղեցու սյունասրահից մի հատված,
76. Անի. պարիսպն ու մատուռը (Կուսանաց անապատն է – Ա. Ա.),
77. Անի. մզկիթ և մինարեթ (Մանուկեի մզկիթն է – Ա. Ա.),
78. Անի. շինություն միջնաբերդում,
79. Անի. միջնաբերդի շինության որմնամույթը,
80. Անի. միջնաբերդի մատուռի մուտքի հատվածը,
81. Անի. բնապատկեր հարավային ծայրամասից,
82. Անի. Ս. Գրիգոր մատուռի (Աբուղամրենց եկեղեցի – Ա. Ա.) արևելյան կողմը,
83. Անի. Ս. Գրիգոր մատուռի մուտքը,
84. Անի. Ս. Գրիգոր մատուռի ներսը,
85. Անի. Փրկչի մատուռը,
86. Անի. պալատը,
87. Անի. պալատի մուտքը,
88. Անի. Առաքելոց եկեղեցու շքամուտքը արևմուտքից,
89. Անի. Առաքելոց եկեղեցու արևելյան ճակատը,
90. Ղոշավանք (Հռոմոսի վանքն է – Ա. Ա.). արևելյան կողմ,
91. Ղոշավանք. մատուռները Արփաչայի հարթավայրում,
92. Ղոշավանք. նախամուտք,
93. Ղոշավանք. նախամուտքի արտաքին տեսքն ու եկեղեցին հարավ-արևմուտքից,
94. Ղոշավանք. սինոդի դահլիճը,
95. Կարսի միջնաբերդը,
96. Տարեց մոլոկան Վլադիկարսից,
97. Տուն Նովո-Միխայլովկայում,
98. Աղրիդաղը Արաքսի կիրճից,
99. Արաքսի կիրճի հյուսիսային պատը կազմող ժայռերը,
100. Արաքսը Կագիզմանի (°) մոտ,
101. Նայելով ցած՝ Կագիզման գյուղին,
102. Կարավանքը Աղրիդաղում,
103. Աղրիդաղի հենարանի եզրը,
104. Կիրճ Աղրիդաղում:

Աշխատության երկրորդ հատորում ընդգրկված լուսանկարների ցանկը.

1. Ալաշկերտի հովիտը Ադրիդաղի լանջերից,
2. Քուրդ համիդիների հեծելազոր խումբը,
3. Քարափափախ համիդիների հեծելազոր խումբը,
4. Քարավանքը Սև ծովում. Թավրիզի առևտրային երթուղին,
5. Կուսեդաղը Ալաշկերտի հովտից,
6. Ղարաքիլիսան հարավ-արևմուտքից,
7. Յուսուֆ բեյը Քոչկից,
8. Քոչկի քուրդը տոնական զգեստով,
9. Սիփանը Պատնոցի հարթավայրից,
10. Ականց,
11. Արճիշի ավերակները հյուսիսից,
12. Արճիշի ավերակները հարավից,
13. Մեր նավակը Վանա լճում,
14. Տեսարան Կտուց կղզում,
15. Կտուցի եկեղեցու շքամուտքը,
16. Վանը Վարազ լեռան լանջերից,
17. Բրոնզե վահան Թոփրակ-կալեից (Բրիտանական թանգարան),
18. Բրոնզե դրվագ Թոփրակ-կալեից (Բրիտանական թանգարան),
19. Չարդաքանդակ Թոփրակ-կալեից (Բրիտանական թանգարան),
20. Վանի հայ վաճառականի տունը,
21. Հայկավանքի ներսը արևելքից,
22. Վան քաղաքի ժայռն ու պարիսպները,
23. Քաղաքի փողոցներից,
24. Վան. Ուլու ժամի մզկիթի ներսը,
25. Վան. ֆրիզ Ուլու ժամիում,
26. Վան. Ակ Բոփրիի ապառաժը,
27. Վան. Միերի սեպածև արձանագրությունը կամ Չոբան Կապուսին,
28. Վան. Վարազ լեռը Թոփրակ-կալեի բարձունքներից,
29. Յեդիքիլիսա վանքը (Վարազ),
30. Յեդիքիլիսայի եկեղեցու ներսը,
31. Վանը Բիթլիսի ճանապարհից,
32. Լեռնաշղթա Վանա լճի հարավային ափի մոտ,
33. Աղթամար կղզին,

34. Աղթամար. եկեղեցին հարավ-արևելքից,
35. Աղթամար. եկեղեցին հյուսիս-արևմուտքից,
36. Աղթամարի եկեղեցի. հյուսիսային պատի քանդակները,
37. Սրբի հրվանդանը,
38. Նեմրուծի խառնարանը Գարգիկից Բիթլիս գնացող ճանապարհից,
39. Բիթլիսը Ավել Մայդանից,
40. Բիթլիս. ամրացված վանքը,
41. Շամիրամի թունելը,
42. Ներքևում Բիթլիսչայի գյուղն է,
43. Կիրկուկդաղը հարավից. հետևում Նեմրուծի խառնարանն է,
44. Նեմրուծի խառնարանը հրաբխային սարահարթից,
45. Երիտասարդ քուրդ կինը Գոթնիից, Սշո դաշտ,
46. Հայկական Խասկուկի գյուղը, Սշո դաշտ,
47. Խասկուկի ունևոր բնակիչ, Սշո դաշտ,
48. Ս. Կարապետ վանքը հարավից,
49. Ս. Կարապետ եկեղեցին հարավ-արևմուտքից,
50. Ս. Կարապետի սանդղավանդից հարավ ընկած տեսարանը,
51. Ս. Կարապետի երկու եկեղեցիները,
52. Աղդաղն ու Խինիսի հարթավայրը հարավից,
53. Ձեռակերտ ամրաշինության նմանվող Լավայի սանդղավանդը,
54. Կենտրոնական սարահարթը, հեռվում Բինգյուլը, մոտակա Կուլլիից,
55. Նայելով ներքևի գյուղին՝ Վերին Արաքսից Ներքին Մեջիթլիից,
56. Կարգաբազարը, Պասինի հարթավայրի մեջ, Կենտրոնական սարահարթի հարավային եզրից,
57. Էրզրումն ու դաշտը հարավից,
58. Էրզրումը բրիտանական հյուպատոսարանի տանիքից, միջին պլանում միջնաբերդն է, հետին պլանում՝ Էյրլիդաղը,
59. Էրզրում. գլխավոր միևարելքը,
60. Հայ երիտասարդներ,
61. Հայ օրիորդներ,
62. Հայ ընտանիքի հինգ սերունդ,
63. Անվերնագիր (Բինգյուլի հարթավայրն է – Ա. Ա.),
64. Նայելով դեպի արևելք-հարավ-արևելք մոտակա Կոպ լեռնանցքից,
65. Ճորոխի ափերը Բայբուրդի վրա,
66. Վարզահանի հայկական գերեզմանատունը,

67. Կալաճիկի ամրոցը, վերևում հարշուտն է,
 68. Սուսմելայի վանքը,
 69. Թեկմանն ու Բինգյուլդաղը մոտակա հեղոնունից,
 70. համուրը Ալի Սուրի և հինիսի միջակա լեռնանցքից,
 71. Քուրդ պարող տղան գոպալից,
 72. Մելազկերտը հյուսիսից, հետևում՝ Սիփանը,
 73. Ախլաթ. Իկի Կուբ (հետին պլանում՝ Կալան կամ Օսմանյան քաղաքը),
 74. Սելջուկյան խեցեղենի դրվագ Ախլաթից,
 75. Ախլաթ. առանձնացված մահարձան,
 76. Անվերնագիր (զարդաքանդակ է – Ա. Ա.),
 77. Ախլաթ. հարաբ-Շեր կամ Հին քաղաքի տեղը,
 78. Նեմրութի խառնարանը Կիզվագի հրվանդանից,
 79. Լիճ Նեմրութի խառնարանում,
 80. Ուրան Գազի գյուղն ու Սիփանը,
 81. Սիփան. տեսքը արևմտյան գագաթից,
 82. համուրի գագաթի քարանձավը,
 83. Գումգումի համիդեական հեծելագորը,
 84. Գումդեմիրի հայկական գյուղը. հետին պլանում՝ Բինգյուլի ժայռերը,
 85. Բինգյուլի ժայռերն ու Բինգյուլ Սուկ ակունքները Չաղելիկ գյուղից,
 86. «Բինգյուլի խառնարանը» Մորաինի մոտավորապես կենտրոնից,
- Կարա Կալա:

ԱՐԱՄ ՎՐՈՒՅՐ

Արամ Վրույրն ականավոր դերասան ու բեմադրիչ է, Թիֆլիսի, Բաքվի և Ռուսաստանի մի շարք հայաշատ քաղաքների թատրոններում բազմաթիվ դրամատիկական և բնութագրական կերպարներ ստեղծած տաղանդավոր կատակերգակ: Սակայն մեզ ամենից առաջ հետաքրքրում է նրա լուսանկարչական գործունեությունը:

Արամ Վրույրը (Արամ Մաքաշյան) ծնվել է 1863 թ. մարտի 13-ին Կ. Պոլսում: Բեմական գործունեությունն սկսել է 1882 թ. Թիֆլիսում: Աշխատել է Թիֆլիսի, Բաքվի և այլ քաղաքների թատերախմբերում: 1890 թ. Կ. Պոլսում տեղի ռամկական բարբառի է փոխադրել և բեմադրել Գաբրիել Սունդուկյանի «Պեպո»-ն՝ մարմնավորելով գլխավոր հերոսին: 1895 թ. Թիֆլիսում առաջին անգամ բեմադրել է Հակոբ Պարոնյանի «Պաղտասար աղբար»-ը, «Մեծապատիվ մուրացկաններ»-ը՝ մարմնավորելով գլխավոր

հերոսներին: Արևելահայ թատրոնում նրա թարգմանությամբ բեմադրվել են Մովսեսի «Տարսյուֆ», «Ազահը», «Ժորժ Դանդեն», «Դոն ժուան» պիեսները: Խաղացել է մովսեսյան մի շարք դերեր՝ Օրգոն («Տարսյուֆ»), Ջարպագոն («Ազահը»), Սգանարել («Դոն ժուան»), Արգան («Երևակայական հիվանդը») և այլն: Հեղինակել է մի շարք այլ բեմականացումներ, թարգմանություններ, պիեսներ՝ «Մտերմական ծեծ», «Վարժապետը», «Տերտերը շկափում» և այլն: 1891 թ. Թիֆլիսում հրատարակվել են Պետրոս Ադամյանին և Դավիթ Թոյանցին նվիրված նրա ուսումնասիրությունները, 1916 թ.՝ Ուզեիր Հաջիբեկովի «Արշին մալալան»-ը: 1891-1900 թթ. աշխատակցել է «Մուրճ» ամսագրին, եղել «Կայծեր» թերթի (1910-1911 թթ.), «Կարմիր աքլոր» երգիծական շաբաթաթերթի (1921 թ.) պատասխանատու քարտուղարը:

1907-1913 թթ. խմբագրել և հրատարակել է «Հուշարար» հանդեսը:

1912 թ. ընտրվել է Հայ գրողների Կովկասյան ընկերության անդամ:

Բեմական ու գրական գործունեությանը զուգընթաց շուրջ երեք տասնամյակ Վրույրը զբաղվել է հնագիտական լուսանկարչությամբ: 1904-1917 թթ. մասնակցել է Նիկողայոս Մառի գլխավորած գիտարշավներին (Անի, Գառնի, Վան և այլն): Ունի մի շարք հնագիտական ուսումնասիրություններ (ինչպես օրինակ՝ «Զուղա», ՊԲՀ, 1967, թ. 4, էջ 169-180): Նրա անմիջական մասնակցությամբ հայտնաբերվել են Անիի Գագկաշեն տաճարի ավերակները (1905 թ.):

Արամ Վրույրը մահացել է 1924 թ. մարտի 5-ին Թիֆլիսում: Թաղված է Խոջիվանքի պանթեոնում⁴⁸:

Լուսանկարիչներ դարձան նաև Արամ Վրույրի երկու որդիները՝ Արա Վրույրը (1896-1943 թթ.) և Արտաշես Վրույրը (1897-1987 թթ.):

Արամ Վրույրի մասին Լեոն գրում է. *«Լուսանկարչական գործիքը այժմ համարյա յուրաքանչյուր ճանապարհորդի հետ մտնում է Անիի մեջ, վերցնում է ավերակների տեսարանները: Բայց հանգուցյալ Զյուրքյանից հետո ոչ ոք այնքան շատ բան չէ արել Անին լուսանկարելու կողմից, որքան արել է դերասան Ա. Վրույրը: Նա սիրող լուսանկարիչ է և առանձնապես սիրում է հնությունները, իսկ ամենից շատ, իհարկե, Անին: Մի քանի ամառ Վրույրը ապրել է Անիում, ծանոթացել է նրա յուրաքանչյուր քարի, նրա դիրքերի բոլոր մանրամասնությունների հետ և ցույց է տվել մի մեծ,*

⁴⁸ Աղբյուրը՝ <https://avproduction.am/?ln=am&page=person&id=2719> (մուտք՝ 11.07.2021):

տոկուն աշխատասիրություն: Զյուրբջանը հրատարակեց հիսունից ոչ ավելի լուսանկարներ, իսկ Վրույրը մենակ, առանց օգնականների և մանավանդ առանց նյութական աջակցության, որ գործի ամենակարևոր կողմն է, հանել է երկու հարյուր տեսարան, որոնցից հարյուրը արդեն հրատարակել է: Հայ բեմի այդ համեստ և ինչ ասել կուզի չքավոր գործիչը կարելի է ասել Անիի մեջ և Անիի շուրջը ոչինչ անծանոթ բան չէ թողել այնպես, որ նրա ժողովածուն ավերակների մայրաքաղաքի լիակատար ամենամանրամասն տեսարանացույցը պիտի դառնա»⁴⁹:

Մաշտոցյան Մատենադարանում են պահվում Արամ Վրույրի լուսանկարների զույգ ժողովածուները: Եվս երկու լուսանկար հաջողվել է հայտնաբերել մեկ այլ ծրարից: Որոշ լուսանկարներ էլ պահպանվել են որդու՝ Արտաշես Վրույրի հեղինակած «Անիում» գրքում (Երևան, 1979 թ.), որոնց դեռ կանդրադառնանք:

Առաջին ժողովածուն («Վրույր-1») Մատենադարանի գույքամատյանում գրանցված է որպես «Անիի եկեղեցիների լուսանկարներ»⁵⁰ և պարունակում է 123 լուսանկար: Դրանց մեծ մասը (100 համարակալված լուսանկար, որոնցից մի քանիսը բացակայում են) Անիի նկարներն են, մնացյալ մասը՝ (23 լուսանկար) Էջմիածնի: Առավել քան համոզված ենք, որ Անիի այդ 100 լուսանկարները Լեոյի նշած այն 100 (200-ից) լուսանկարներն են, որոնք Վրույրը հրատարակել է: Ինչպես Զյուրբջանի ժողովածուների դեպքում, այստեղ ևս առկա են զույգ լուսանկարներ կրող փոքրածավալ տախտակներ՝ այս անգամ «Անի, Բագրատունեաց մայրաքաղաքը, ստերեոսկոպ. ժողովածու, լուսագրիչ Ա. Վրույր» վերտառությամբ (նույնը՝ դարձերեսին, նաև ռուսերեն): Նկարագրությունը տրված է տախտակների դարձերեսին (որոշ լուսանկարներում հայերենի հետ նաև ռուսերեն մեկնաբանությունն է):

Լուսանկարների տարեթիվը բավական դժվար է պարզել: Շնորհիվ Արտաշես Վրույրի «Անի» հուշագրության վերջում գետեղված լուսանկարների մեկնաբանությունների՝ մի քանիսի թվականները հստակեցվել են, սակայն մեծ մասինը դեռևս անորոշ են:

⁴⁹ **Լեո**, Անի. տպավորություններ, հիշատակներ, անցածն ու մնացածը, էջ 65-66:

⁵⁰ Մատենադարանի գույքամատյանում՝ պատկերագիրը Հ^մր 659:

**«Վրույր-1» ժողովածուի լուսանկարները հետևյալն են.
Անհի լուսանկարներ.**

1. Ալազ դուռը եւ բուրգեր դէպի արեւմուտք,
2. Բուրգերի շարքը ալազ դրան մօտից,
3. Եռայարկ բուրգ ալազ դրան մօտ, 1896 թ.,
4. Ալազ դուռը արտաքին պարսպի վերայ,
5. Ալազ դրան մօտ քանդակաւծ առիւծը,
6. Ալազ դուռը (ներքին պարիսպներ), մզկիթ, միջնաբերդ,
7. Ալազ դուռը եւ եռայարկ բուրգը (ներսից),
8. Կործանաւծ մինարէ եւ Ս. Գրիգոր,
9. Մայր եկեղեցին (Կաթողիկէ) արեւելահարաւից,
10. Կաթողիկէն, հիւսիս-արեւմուտքից,
11. Կաթողիկէի ներքին տեսարանը (հարաւ-արեւելք),
12. Մզկիթ, արեւմուտքից,
13. Մզկիթ, Կաթողիկէ, Ս. Փրկիչ, 1915 թ.,
14. Մզկիթ, ներքին տեսարան,
15. Ախուրեան գետ եւ կամուրջ (միջնաբերդից),
16. Միջնաբերդի թ. 1 եկեղեցին (հարաւ-արեւելք),
17. Միջնաբերդի թ. 1 եկեղեցու դուռը (հարաւից),
18. Ախուրեան. հին Անի ամրոցը,
19. Ախուրեան. Անի ամրոցը թ. 2 եկեղեցու մօտից,
20. Կաթողիկէ, հիւրատուն, Ս. Փրկիչ (միջնաբերդից),
21. Առաքելոց եկեղեցու գաւիթը, 1900 թ.,
22. Ապուղամրենց Ս. Գրիգոր հիւսիսից եւ միջնաբերդ, 1903 թ.,
23. Ապուղամրենց Ս. Գրիգոր հարաւից,
24. Արքունիք. ընդհ. տեսարան հարաւից,
25. Արքունիք. սենեակներ հարաւից,
26. Արքունիք. գլխաւոր մուտք,
27. Ծաղկածոր. պալատի սենեակներից,
28. Արքունիք. աղբիւր (ներքին տեսարան),
29. Ծաղկ. եւ քարայրեր պալատի լուսամ. Ալաճա լեռը,
30. Դյուխսային ամրութիւնների ներքին ընդհանուր տեսարան,
31. Երեք մեծ բուրգեր (ներքին տեսարան),
32. Ամրութիւնների հիւսիսարեւմտեան անկիւնը (դրսից),
33. Ամրութիւնների հիւսիսարեւմտեան անկիւնը (ներսից),

34. Արևմտեան ամրութիւնների բեկորներ,
35. Արքունիք՝ Ծաղկածորից եւ քարայրեր թ. 1,
36. Արքունիք՝ Ծաղկածորից եւ քարայրեր թ. 3,
37. Հիւսիսային ամրութիւնների զոյգ բուրգերը եւ Կարսի դուռը, 1912 թ.,
38. Չոյզ մեծ բուրգերի ներքին տեսարանը,
39. Ս. Փրկիչ Ապլղարիպ իշխանի. հարաւից,
40. Ս. Փրկիչ Ապլղարիպ իշխանի. արեւմուտքից,
41. Ս. Փրկչի արեւմտեան քանդած մասը,
42. Ս. Փրկչի դուռը,
43. Բուրգ Դևոյ դրան մօտ (ներսից),
44. Բուրգ Դևոյ դրան մօտ (ներսից),
45. Ս. Լուսաւորիչ Տիգրան իշխանի (արեւելահարաւ),
46. Բեխենց վանք (°), Ախուրեան Գ.,
47. Բեխենց վանք (°), Ախուրեան, կամուրջ, միջնաբերդ,
48. Միջնաբերդի թ. 1 եկեղեցին հարաւ-արեւմուտքից,
49. Իգածորի դուռը և քարայրեր,
50. Դէպի արեւմուտք ձգող ամրութիւններ,
51. Ծաղկածորի տեսարանը մի եկեղեցու մնացորդի մօտից,
52. Երեք եկեղեցիներ Ախուրեանի ձորում և Աշոտ Ողորմածի գերեզմանը,
53. Ս. Գևորգ եկեղեցի և Աշոտ Ողորմածի գերեզմանը,
54. Աշոտ Ողորմածի գերեզմանը,
55. Ամրութիւնների շարքը Դևոյ դրան մօտից մինչև աւագ դուռը,
56. Մայր եկեղեցու արևելեան պատի ձախակողմեան խորշը,
57. Ամրութիւնների բարձր բուրգերի ընդի. տեսարանը ներսից,
58. Առաքելոց եկեղեցու ընդհանուր տեսարանը,
59. Մայր եկեղեցու արևմտեան աջակողմի լուսամուտը,
60. Միջնաբերդի ստորոտում ամրութիւնների վերջին բուրգը,
61. Մայր եկեղեցւոյ արևելեան պատը,
62. Պարսպի դրսից տեսարանը դէպի քաղաքի կեդրոնը, 1914 թ. (°),
63. Հիւսիսային ամրութիւնների վերջին բարձր բուրգը ներսից,
64. Անւոյ բնական ամրութիւնները Ախուրեանի ձորից մատուռ և մզկիթ,
65. Ծաղկածորի ընդհանուր տեսարանը քաղաքից,
66. Քանդակագարդ քարերի հաւաքածոյ թ. 1, պրոֆ. Մառի պեղումներից,

67. Դէպի Գլիծոր (°) ամրութիւնների վրայից Դւնոյ դուռը (ներքին տեսարան),
68. Ախուրեանի վրայ կամուրջ հիւսիսից,
69. Առաքելոց եկեղեցու գաւթի դուռը,
70. Մայր եկեղեցու քանդուած անկիւնից մզկիթ եւ Ալաճայ լեռը,
71. Բեխենց վանքը արևմուտքից,
72. Զարայրերի միջից տեսարան Իգաձորի քարայրերի,
73. Ախուրեանի օձապտոյտ ընթացքը Մայր եկ. հարաւակողմից,
74. Արևմտեան ամրութիւններ Իգաձորի շուրջը,
75. Ս. Լուսաւորչի արևմտեան պատը և գաւիթը,
76. Ս. Լուսաւորչի հարաւարևելեան տեսարանը,
77. Միջնաբերդի և պրոֆ. Մառի պեղումները,
78. Յաղթական կամար Յոռոմոսի վանքի մօտ,
79. Արևի ժամացոյց Յոռոմոսի վանքի վրայ,
80. Մայր եկեղեցին հարաւ-արևմուտքից,
81. Անոյ բնական ամրութիւններ հարաւից և Ախուրեան,
82. Զանդակազարդ քարերի հաւաքածոյ, թ. 2,
83. Զարափոր տաճարների և դամբարանների մնացորդները Ծաղկածորում,
84. Գագիկ արքայի շինած Ս. Լուսաւորչի մնացորդը,
85. Հիւսիսային (°) ամրութիւններից մէկը վիշապի և եզան գլխի քանդակով,
86. Անի գիւղը արևելքից,
87. Մայր եկեղեցու հարաւծախակողմեան լուսամուտները,
88. Միջնաբերդի բարձունքից դէպի Ծաղկածոր,
89. Ս. Լուսաւորչի հիւսիսային պատը,
90. Առաքելոց եկեղեցու գաւթի ներքին տեսարան,
91. Ձիթհանքի մնացորդ Ս. Լուսաւորչի,
92. Մայր եկեղեցու հարաւային դուռը,
93. Բուրգ աւազ դռան մօտ արեւելքից,
94. Ս. Լուսաւորչի հարաւային պատին մասը,
95. Ամրութիւնների դէպի արևմուտք դարձած մասը,
96. Կամուրջ Ախուրեանի վրայ հարաւից:

«Վրույր-1» ժողովածուի Էջմիածնի լուսանկարները (չհամարակալված).

1. Ս. Էջմիածին. արևմուտքից (իրականում Մայր տաճարը պատկերված է հարավ-արևելքից – Ա. Ա.),

2. Էջմիածնի ճեմարանը հարավից,

3. Գամառ Զաթիպայի արձանը ճեմարանի բակում,

4. Էջմիածնի ճեմարանի նախասենեակը,

5. Էջմիածնի ճեմարանի ննջարանը,

6. Էջմիածնի միաբանության հին խուցերը,

7. Էջմիածնի միաբանության նոր խուցերը արևելքից,

8. Էջմիածնի միաբանության նոր խուցերը արևմուտքից,

9. Էջմիածնի միաբանության սեղանատունը,

10. Թանգարան և վեհափառ Հայրիկ ձիաւոր,

11. Էջմիածնի հին հիւրատուն (այժմ քանդուած),

12. Էջմիածնի Ներսեսեան անտառ,

13. Ս. Հռիփսիմէի վանքը,

14. Ս. Գայիանէի վանքը,

15. Ս. Շողակաթի վանքը,

16. Չուարթնոցի եկեղեցու սենեակների մնացորդները,

17. Չուարթնոցի եկեղեցու հարաւարւմտեան սիւնը,

18. Չուարթնոցի եկեղեցու Սեղանը հարավից,

19. Չուարթնոցի եկեղեցու Սեղանը արևմուտքից,

20. Անվերնագիր (Չվարթնոցի տաճարի երկու խոյակները – Ա. Ա.),

21. Չուարթնոցի տաճարի խոյակներ, թ. 2,

22. Չուարթնոցի տաճարի խոյակներ, թ. 3,

23. Չուարթնոցի եկեղեցու 3000-ամեայ սեպածև արձանագիր:

Երկրորդ ժողովածուն («Վրույր-2»), բացառությամբ մեկ լուսանկարի, «Վրույր-1» ժողովածուի հետ նույնական է: Մատենադարանի գույքամատյանում գրանցված է որպես «Ծավալադիտական (ստերեոտիպ) նկարների ժողովածու. Էջմիածին և շրջակայք»⁵¹: «Վրույր-1»-ի նման այստեղ ևս առկա են նույնատիպ տախտակներ՝ նույնպիսի գրությամբ. «Անի, Բագրատունեաց մայրաքաղաքը, ստերեոսկոպ. ժողովածու, լուսագրիչ Ա. Վրույր» (ռուսերեն): Նկարագրությունը դարձյալ տրված է տախտակների դարձերեսին (երբեմն՝ նաև ռուսերեն):

⁵¹ Մատենադարանի գույքամատյանում՝ պատկերագիրը Հ^մր 417:

«Վրույր-2» ժողովածուն պարունակում է նախորդի հետևյալ լուսանկարները.

Անիի լուսանկարներ.

1. Ախուրեան գետ եւ կամուրջ (միջնաբերդից),
2. Ախուրեան. Անի ամրոցը թ. 2 եկեղեցու մօտից,
3. Առաքելոց եկեղեցու գաւիթը,
4. Հիւսիսային ամրութիւնների ներքին ընդհանուր տեսարան,
5. Ամրութիւնների հիւսիսարեւմտեան անկիւնը (դրսից),
6. Ս. Փրկչի դուռը,
7. Բեխենց վանք (°), Ախուրեան, կամուրջ, միջնաբերդ,
8. Միջնաբերդի ստորոտում ամրութիւնների վերջին բուրգը:
Էջմիածնի լուսանկարներ.

1. Ս. Էջմիածին. արևմուտքից (իրականում Մայր տաճարը պատկերված է հարավ-արևելքից – Ա. Ա.),
2. Էջմիածնի ճեմարանը հարաւից,
3. Գամառ Քաթիպայի արձանը ճեմարանի բակում,
4. Էջմիածնի ճեմարանի նախասենեակը,
5. Լիճ և Էջմիածին (սա միակ լուսանկարն է, որ չի հանդիպում «Վրույր-1» ժողովածուում),

6. Ս. Հռիփսիմէի վանքը,
7. Ս. Գայիանէի վանքը,
8. Ս. Շողակաթի վանքը,
9. Չուարթնոցի եկեղեցու սենեակների մնացորդները,
10. Չուարթնոցի եկեղեցու հարաւարեւմտեան սիւնը,
11. Չուարթնոցի եկեղեցու Սեդանը հարաւից,
12. Չուարթնոցի եկեղեցու Սեդանը արևմուտքից,
13. Անվերնագիր (Չվարթնոցի տաճարի երկու խոյակները – Ա. Ա.),
14. Չուարթնոցի տաճարի խոյակներ թ. 2,
15. Չուարթնոցի տաճարի խոյակներ թ. 3,
16. Չուարթնոցի եկեղեցու 3000-ամեայ սեպածն արձանագիր:

Արամ Վրույրի ևս երկու լուսանկար (թիֆլիսյան մի հրապարակում հավաքված ժողովուրդ և Թիֆլիսի Հայոց վանքը) պահպանվել է Մատենադարանի Հմր 1083 պատկերագրքում: Երկու լուսանկարին էլ նույն մակագրությունն է. «Գերապատիւ Արիստակէս եպ. Սեդրակեանին յարգանօք՝ լուսանկարչից»:

Ինչպես նշեցինք, Վրույրի որոշ լուսանկարներ էլ հրատարակվել են նրա որդու՝ Արտաշես Վրույրի հեղինակած «Անիում» գրքում: Բերենք այն լուսանկարների անունները, որոնք չեն հանդիպում «Վրույր-1» և «Վրույր-2» ժողովածուներում⁵².

1. Անի. կամուրջի մնացորդները, հեռվում՝ Կուսանաց վանքը, 1890 թ.,
2. Անի. հյուսիսային ամրությունները, 1896 թ.,
3. Անի. Առաքելոց եկեղեցու գավթի քանդակազարդ ճակատը, 1900 թ.,
4. Անի. մեծ մինարեի մնացորդները, 1900 թ.,
5. Անի. հյուսիսային ամրությունները ավագ դռան մոտ, 1900 թ.,
6. Անի. Ախուրյան գետը, Կուսանաց վանքը, կամուրջի ավերակները, Մանուչե, Միջնաբերդ, 1900 թ.,
7. Անի. Տիգրան Յոնենցի եկեղեցու մուտքը և գավթի ավերակները, 1902 թ.,
8. Անի. հյուսիսային ամրություններ. ավագ դռնը քաղաքի կողմից, 1903 թ.,
9. Անի. Ապուղամբենց Ս. Գրիգոր, 1903 թ.,
10. Անի. Տ. Սիրանույշը Առաքելոց եկեղեցու գավթի առջև, 1904 թ.,
11. Անի. Գագիկ Ա Բագրատունի թագավորի տուֆակերտ արձանը, 1907 թ.,
12. Անի. Ն. Մառ. Միջնաբերդում. հեռվում՝ Մանուչե, Մայր տաճար, 1908 թ.,
13. Անի. Փրկիչ եկեղեցին, 1912 թ.,
14. Անի. Դվնո դռնը քաղաքի կողմից, 1912 թ.,
15. Անի. Գլածորի ամրությունները վիշապակիր բուրգով, 1912 թ.,
16. Անի. ամրություններ Տիգրան Յոնենցի եկեղեցու մոտ, 1914 թ.,
17. Անի. երկու բուրգ և Փրկիչ եկեղեցին, 1914 թ.,
18. Անի. Զարեդարան, 1915 թ.,
19. Անի. Մանուչե, Մայր տաճար, Փրկիչ, 1915 թ.,
20. Անի. թանգարան-անկյուն, 1915 թ.,
21. Անի. Ծաղկոցածոր. ժայռափոր բնակարաններ Անի գյուղի մոտ, 1915 թ.,
22. Անի. Բախտաղեկի եկեղեցու քանդակազարդ բեկորներ, 1916 թ.,
23. Անի. Միջնաբերդի ամրությունները Ծաղկոցածորի կողմից, Միջնաբերդի փոքր եկեղեցին, Մայր տաճարը, հեռվում՝ Փրկիչ, ա. թ.,
24. Անի. Կույսի ամրոցը, Ախուրյան գետը և Պերճ Պռոշյան, ա. թ.⁵³:

⁵² Վերնագրերը ներկայացնում ենք այնպես, ինչպես տրված է Արտաշես Վրույրի գրքում: Թվականները և հեղինակները միշտ չէ, որ ճիշտ են:

⁵³ Հեղինակը նշված չէ. ենթադրաբար Արամ Վրույրն է:

ԳՆՈՒՆԻ-ՄԱՐԻՍ

Մեզ հետաքրքրող լուսանկարների հաջորդ հավաքածուն ստեղծել է Գնունի-Մարիմը ֆոտոտիպիայի⁵⁴ միջոցով, 1903 թ. (գործել է Թիֆլիսում, Պուլկինյան պասաժ): Օրինակներից մեկը պահվում է Մաշտոցյան Մատենադարանում⁵⁵: Առաջին էջում նշված է. «Ալբոմ գեղարուեստական, ՊՄ, պրակ Ա, Թիֆլիս, 1903»: Պարունակում է հայկական պատմա-ճարտարապետական հուշարձանների տասը (օրինակում առկա է ինը) լուսանկար՝ վերնագրված հայերեն, ռուսերեն և ֆրանսերեն:

Պատկերագրքի վերջում գետեղված հայտարարության մեջ ասվում է, որ ներկա՝ Ա պրակով սկիզբ է դրվում նմանօրինակ գեղարվեստական շարքի: Սակայն շարունակություն ունեցե՞լ է արդյոք այս պրակը, թե՞ ոչ, առայժմ հայտնի չէ:

Լուսանկարների ցանկը հետևյալն է.

1. Ապարանք Բագրատունեաց (Անի)⁵⁶,
2. Ս. Ստեփաննոս (Խծկոնք, Շիրակ),
3. Ս. Փրկիչ (Անի),
4. Հինգ Սուրբք (Խծկոնք, Շիրակ),
5. Վերնագրի թուղթը բացակայում է (Խծկոնքի Ս. Սարգիս եկեղեցին է – Ա. Ա.),
6. Ս. Գեորգ և Ս. Մինաս (Շիրակ),
7. Հռոմոսի վանք (Խոշավանք, Շիրակ),
8. Հինգ Սուրբք (Խծկոնք, Շիրակ),
9. Կաթողիկոսարան (Անի) (լուսանկարը բացակայում է – Ա. Ա.),
10. Ս. Աստուածածին (Ղարա-Զիլիսէ):

Որոշ լուսանկարներ հրատարակվել են ֆրանսիական «Աշխարհի շուրջ» ամսագրից, որը լույս է տեսել 1860-1913 թթ.:

⁵⁴ Ֆոտոտիպիա և լուսատիպիա (հին հուն. *φωτός*, *φωτός* – լույս և *τύπος* – դրոշմ, ձև). լուսամեխանիկական գործընթաց, որը նախատեսված է հարթ տպագրության միջոցով տպագրական կլիշե ստանալու և բարձրորակ կիսատոնային պատկերներ տիրաժավորելու համար: Լուսանկարների պոլիգրաֆիական վերարտադրության բոլոր միջոցներից լուսատիպիան համարվում է առավել բարձրորակը և զիջում է միայն հելիոգրավյուրին: «Ֆոտոտիպիա» տերմինը կիրառվում է ինչպես բուն գործընթացի, այնպես էլ դրա միջոցով ստացված դրոշմների բնորոշման համար:

⁵⁵ Մատենադարանի գույքամատյանում՝ պատկերագիրը Հ^մր 367:

⁵⁶ Պարունի պալատն է – Ա. Ա.:

ԱՎԵՏԻՍ ԱՎԵՏԻՍՅԱՆԻ ՀՐԱՏԱՐԱԿԱԾ ԱՇԽԱՏՈՒԹՅՈՒՆՆԵՐԻ ՄԱՏԵՆԱԳԻՏՈՒԹՅՈՒՆ

Ա. Ուսումնական ձեռնարկներ

1. «ՀՀ-90 հակատանկային նռնականետի ուսումնական ձեռնարկ», պատասխանատու խմբ.՝ փոխգնդապետ Մ. Մարտիրոսյան, մշակող և թարգմանիչ՝ Ա. Ավետիսյան, նկարների մշակումը՝ ենթասպա Ա. Խաչատրյանի, Երևան, 2013, 163 էջ:

Այս աշխատությունը Ա. Ավետիսյանը ռուսերենից թարգմանել և լրամշակել է, որից հետո այն հաստատվել և հրատարակվել է պաշտպանության նախարարի հրամանով (ՀՊ՝ 1291): Բովանդակում է հակատանկային միջոցների, ի մասնավորի՝ նռնականետի կառուցվածքի ընդհանուր, կիրառման և պահպանման բնութագիրը:

2. «Լեռնային պատրաստության հրահանգ - ուսումնական ձեռնարկ», պատասխանատու խմբ.՝ փոխգնդապետ Մ. Մարտիրոսյան, մշակող և թարգմանիչ՝ Ա. Ավետիսյան, նկարների մշակումը՝ ենթասպա Ա. Խաչատրյանի, Երևան, 2014, 195 էջ:

Աշխատությունն իր ծրագրային և բովանդակային հենքով նախորդի տրամաբանական շարունակությունն է, հրատարակվել է պաշտպանության նախարարի ՀՊ՝ 797 հրամանով: Ձեռնարկում ներկայացվում են լեռնային պատրաստության գործընթացում ստորաբաժանումների կազմակերպման առաջնային դրույթները, տեղաշարժվելու տեխնիկայի հիմունքները, զինծառայողներին փրկելու միջոցները, հրահանգիչների պատրաստությունն ու գնահատման չափանիշները:

Բ. Գիտական հոդվածներ

1. «Գնդեվագի Ս. Աստվածածին եկեղեցին», «Լրաբեր» հաս. գիտ., 2018, ՀՊ՝ 3, էջ 259-277:

Հոդվածում հեղինակն անդրադառնում է ՀՀ Վայոց ձորի մարզի Գնդեվագ գյուղի տեղագրությանը, Ս. Աստվածածին եկեղեցու պատմա-ճարտարապետական նկարագրին, վիմագրությանը, որմնանկարներին,

կառույցի մասին մինչխորհրդային շրջանը հայտնի հիշատակումներին: Հատկանշելի է որմնանկարներին նվիրված քննությունը, որտեղ առաջին անգամ ներկայացվում են հուշարձանի վաղ (XVIII-XIX դդ.) և ուշ (1906 թ.) շրջաններով թվագրվող որմնանկարչության յուրօրինակ դրսևորումները: Հոդվածի վերջում հեղինակն արձանագրում է, որ որմնանկարները պատկերագրական և ոճական առումով կարիք ունեն առավել մանրակրկիտ և համակողմանի ուսումնասիրության, որը հնարավոր կլինի իրականացնել եկեղեցու վերականգնման աշխատանքներից հետո, երբ կհեռացվի ավագ խորանի ծեփաշերտը:

2. «Աստվածատուր Աստապատցի. նոր անուն XVIII դարի հայ որմնանկարչության ասպարեզում», «Պատմաբանասիրական հանդես», 2019, թիվ 2, էջ 78-92:

Աշխատությունը նվիրված է XVII-XIX դդ. սակավ ուսումնասիրված հայ կերպարվեստի պատմության երևելի ներկայացուցիչներից մեկի՝ Աստվածատուր քահանա Աստապատցու որմնանկարչական արվեստի քննությանն ու վերհանմանը: Հայտնի չորս եկեղեցիներում (Կարճևանի Ս. Աստվածածին, Մեղրիի Անապաստանաց վանքի Ս. Հովհաննես Մկրտիչ, Փոքր թաղի Ս. Հովհաննես Մկրտիչ, Մեծ թաղի Ս. Աստվածածին) պահպանված որմնանկարների հիմամբ հեղինակը փորձել է ներկայացնել արվեստագետի ստեղծած որմնանկարների ոճական առանձնահատկությունները, թեմատիկան, ինչպես նաև՝ ներկագիր արձանագրությունները:

3. «Մեղրիի Անապաստանաց վանքի որմնանկարները», «Լրաբեր» հաս. գիտ., 2019, թիվ 3, էջ 219-230:

Հոդվածի խնդրո առարկան Սյունյաց XVII դ. ճարտարապետական դպրոցի ինքնատիպ կառույցներից մեկի՝ Մեղրիի Անապաստանաց վանքի Ս. Հովհաննես Մկրտիչ գմբեթավոր եկեղեցու որմնանկարների արվեստաբանական քննությունն է: Հեղինակի հավաստմամբ՝ եկեղեցու ներսույթը երկիցս նկարազարդվել է XVIII դարում, մասնավորապես՝ 1745 և 1793 թթ.: Դրանց մասնագիտական ուսումնասիրությունը նոր էջ է բացում XVIII դարի հայ որմնանկարչական արվեստի լուսաբանման գործում: Իր եզրակացություններն ու դիտարկումները հեղինակը վավերացրել է անթերի, երբեմն էլ կիսաեղծ պահպանված ներկագիր արձանագրությունների միջոցով:

4. «Տրապիզոնի հայոց Ս. Ամենափրկիչ վանքի որմնանկարները», «Հայկական որմնանկարչություն» գիտական հոդվածների և նյութերի ժողովածու, կազմող և խմբագիր՝ Կ. Մաթևոսյան, Երևան, «Տիգրան Մեծ», 2019, էջ 125-151 (նկարները՝ էջ 361-365):

Հոդվածը նվիրված է Տրապիզոնի Ս. Ամենափրկիչ վանքի որմնանկարների՝ XVI դ. երկրորդ կեսի և XVII դ. առաջին կեսի հայ որմնանկարչության եզակի նմուշներին: Վանքում որմնանկարազարդման աշխատանքներ են իրականացվել 1593 և 1622 թթ.: Հեղինակը հանգամանորեն անդրադարձել է բրիտանացի բյուզանդագետ Դևիդ Թալբոթ Ռայսի (նաև՝ հետագա ուսումնասիրողների)՝ վանքի որմնանկարներին նվիրված նկարագրություններին ու դիտարկումներին: Մեծարժեք այս աշխատությունը կարևորվում է Ս. Ամենափրկիչ վանքի մասին ընդհանուր պատկերացում կազմելու և, այսպես կոչված, բյուզանդամետ որմնանկարները նորովի վերլուծելու տեսանկյունից:

5. «Ցուցակ հայ որմնանկարչության հուշարձանների (XVII դ. - XX դ. սկիզբ)», «Հայկական որմնանկարչություն» գիտական հոդվածների և նյութերի ժողովածու, էջ 259-278 (նկարները՝ էջ 381-387):

Ժամանակագրական այս ցուցակն ընդգրկում է XVII դարից մինչև XX դ. սկզբի որմնանկարչական հուշարձանները (110 միավոր): Հեղինակը հստակեցնում է յուրաքանչյուրի գտնվելու վայրը, ժամանակը (երբեմն՝ մոտավոր), թեմատիկ բովանդակությունը, վիճակը, հաճախ նաև՝ որմնանկարի հետ կապված այլ մանրամասներ: Տողատակում նշված է նաև տվյալ որմնանկարի վերաբերյալ նախորդ հրատարակությունների մատենագիտությունը:

6. «Նորահայտ ներկագիր արձանագրություններ Մեղրիի Փոքր թաղի Ս. Հովհաննես Մկրտիչ եկեղեցում», «Հայկական որմնանկարչություն» գիտական հոդվածների և նյութերի ժողովածու, էջ 289-291:

Տեղեկատվական բնույթի այս հոդվածում ներկայացվում են Մեղրիի Փոքր թաղի Ս. Հովհաննես Մկրտիչ եկեղեցու ներկագիր արձանագրությունների վերծանությունները (9 միավոր), որոնք ի հայտ են եկել 2018 թ. եկեղեցու որմնանկարների համալիր վերականգնման աշխատանքների արդյունքում: Արձանագրությունները հիմնականում որմնանկարների անվանական հիշատակումներն են, իսկ մեկը՝ կից «Հարության» որմնանկարին, չափածո է՝ նվիրված Տիրոջ գերեզմանը հսկող զինվորներին, յուզաբեր կանանց և «մի բնության» դավանությանը:

7. «Մեղրու Փոքր թաղի Ս. Հովհաննես Սկրտիչ եկեղեցու որմանակարների 2017-2019 թթ. ուսումնասիրման և վերականգնման աշխատանքները», «Հուշարձան» տարեգիրք, հ. ԺԵ, Երևան, 2020, էջ 9-29:

Հոդվածում ներկայացված են Մեղրիի Փոքր թաղի Ս. Հովհաննես Սկրտիչ եկեղեցու որմանակարների՝ 2017 թ. իրականացված ուսումնասիրության և 2018-2019 թթ. վերականգնման աշխատանքները: Աղոթասրահի գրեթե ողջ ներսույթը նկարագարո՞ւ է եղել, որոնք պահպանվել են հիմնական երեք շերտերում՝ 1700, 1793 և 1866 թթ.: Եկեղեցու որմանակարների վերականգնման աշխատանքներ են իրականացվել դեռևս 1984-1986 թթ., սակայն տարբեր պատճառներով այն տևական բնույթ է կրել: Ա. Ավետիսյանի այս հրապարակումն ամբողջացնում է կատարված աշխատանքների ժամանակագրությունը մինչև ավարտը՝ 2019 թ. հուլիսի 30:

8. «Նորահայտ վիմական արձանագրություններ և վիմագրական ճշգրտումներ Էջմիածնի Մայր տաճարում», «Հայագիտության հարցեր», 2020, Հմր 1, էջ 113-128:

Հոդվածում ներկայացվում են Ս. Էջմիածնի Մայր տաճարի որմանակարների վերականգնման աշխատանքների ընթացքում հեղինակի փաստագրած 7 արձանագրություններ, որոնցից մեկը՝ ոչ վիմագիր: Արձանագրություններից երկուսը շինարարական բնույթի են, իսկ մյուսները՝ XVIII-XIX դդ. հիշատակագրություններ, մեկն էլ թվագիր է՝ ՌՃԼԵ. (1686): Հատկապես ուշագրավ է գմբեթի խաչաթռռի 1690 թ. արձանագրությունը, ըստ որի՝ այն նորոգվել է հիշյալ թվականին, քանզի վնասվել-խախտվել էր երկրաշարժից ու կայծակից: Ա. Ավետիսյանին հաջողվել է հստակեցնել նաև Մայր տաճարի զանգակատան կառուցման թվականը՝ ՌՃԴ-1655 թ., որին այլ առիթով ևս անդրադարձել է (տե՛ս Հմր 11):

9. «Ագուլիսի Ս. Թովմա տաճարը. ճարտարապետությունը, հարթաքանդակները և որմանակարները», «Պատմաքանասիրական հանդես», 2020, Հմր 3, էջ 162-195:

Նախիջևանի պատմական Գողթն գավառի Ագուլիս քաղաքի հռչակավոր Ս. Թովմա առաքյալի վանքն առաջին անգամ ներկայացվում է արվեստաբանական համալիր քննությամբ, որտեղ հատուկ ուշադրություն է դարձվում Ս. Թովմա տաճարի ճարտարապետությանը, հարթաքանդակներին ու որմանակարչությանը: Նոր շրջանի հայ արվեստի լուսաբանման տեսանկյունից հատկանշելի են «Թովմայի անհավատությունը» հարթաքանդակն ու անկյունային հատվածների օձաքանդակները, ինչպես նաև պարսկական արվեստի ազդեցությամբ աչքի ընկնող որմա-

Նկարները: Հեղինակն այս ամենը մեկնաբանում է իբրև միջմշակութային փոխազդեցության հետաքրքիր օրինակ:

10. «Մեղրու Փոքր թաղի Ս. Հովհաննես Սկրտիչ եկեղեցու որմանկարների շերտերը, ժամանակաշրջանն ու հեղինակների խնդիրը», «Էջմիածին», 2020, Թ, էջ 68-77 + 6 էջ ներդիր:

Հոդվածում պարզաբանվում են դարձյալ Մեղրիի Փոքր թաղի Ս. Հովհաննես Սկրտիչ եկեղեցու որմանկարների ուսումնասիրության հետ կապված որոշ մանրամասներ, մասնավորապես՝ պարզ է դառնում, որ ավագ խորանի միջնամասի և գմբեթարդի որմանկարներից բացի՝ 1866 թ. իրականացվել է 1700 թ. քայքայված որմանկարների վերանկարում, որի ընթացքում թարմացվել են նախորդի խամրած գույները: Բացառված չէ, որ այս աշխատանքների ընթացքում վերջին նկարազարդողը բնօրինակում որոշ նորամուծություններ արած լինի:

11. «Էջմիածնի Մայր տաճարի Մեծ զանգակատան շինարարական արձանագրությունն ու հիմնարկեքի թվականի խնդիրը», «Բանբեր հայագիտության», 2020, Հ^ր 3, էջ 100-111:

Վիմագրական և մատենագրական սկզբնաղբյուրների հիմամբ լուսաբանվում է Ս. Էջմիածնի Մայր տաճարի մեծ զանգակատան կառուցման ժամանակաշրջանը, ի մասնավորի՝ վիմագրում վկայված առաջին թվականը, որը նախկինում ՌՃԳ-1654 են կարդացել, մինչդեռ վիմագրի նոր լուսանկարի հիմամբ ընթեռնելի է ՌՃԴ-1655: Զննությունը պարզում է, որ իրականում Մայր տաճարի հիմնարկեքը տեղի է ունեցել 1654 թ., իսկ վիմագրում նշված ՌՃԴ-ն (1655) ճարտարապետ Սահակ Հիզանցու և մյուս վարպետների աշխատանքի մեկնարկի տարեթիվն է:

Գ. Գրախոսություն

1. «Հայաստանի վաղմիջնադարյան մոնումենտալ գեղանկարչությանը նվիրված ուսումնասիրություն – Николай Котанджян, Монументальная живопись раннесредневековой Армении, Ереван, 2017, 264 стр.», «Հայկական որմանկարչություն» գիտական հոդվածների և նյութերի ժողովածու, կազմող և խմբագիր՝ Կ. Մաթևոսյան, Երևան, «Տիգրան Մեծ», 2019, էջ 297-299:

Ըստ գլուխների մանրամասն ներկայացվում և արժևորվում է նշանավոր գեղանկարիչ, արվեստաբան Նիկոլայ Զոթանջյանի (1928-2013 թթ.)՝ ռուսերենով հրատարակված աշխատությունը: Այն կարևոր նշանակություն ունի հատկապես հայկական վաղմիջնադարյան արվեստում որմանկարչության զբաղեցրած տեղն ու դերն արժևորելու տեսանկյունից:

THE SCIENTIFIC HERITAGE OF ART HISTORIAN AVETIS AVETISYAN

Summary

The collection of scientific articles and materials titled “*Pages of the History of Armenian Art*” completes the full description of professional pursuits and investigations of art historian Avetis Avetisyan, who heroically died during the 44-day war in Artsakh. This volume comprises the main part of the young scholar’s unpublished papers, stored in his digital repository. There are articles and materials dedicated to different questions of art studies (16 units). We have conventionally grouped them into two main sections: “Frescoes” and “Historical-Cultural Heritage”. In fact, the frescoes are also an inseparable part of the historical-cultural heritage, but here we have separated it due to the author’s general professional direction and the quantitative advantage of similar articles.

The articles and materials included in the first section represent the general description and featured list of Armenian frescoes from the Kingdom of Van to nowadays. Besides the articles, which includes a vast time period, the author also referred to the issues of research, conservation, and restoration of some frescoes. Avetis Avetisyan’s following researches dedicated to the decoration and restoration methods of the frescoes of Holy Etchmiadzin Cathedral, the churches of St. Mariane of Ashtarak, St. Astvatsatsin (Holy Mother of God) of Haykavan, as well as the paintings of altar’s iconostasis of St. Arakelots (Apostoles) church of Sevanavank Monastery are worth mentioning.

Indeed, in Armenian reality, especially the late medieval frescoes have never received special professional attention. Only the art historians Garegin Levonyan, later Yeghishe Martikyan, and Manya Ghazaryan referred to the frescoes and paintings of some artists in more detail. They have suggested hypotheses and new approaches, which

must be brought to life by future investigators. It would be fair to say that Avetis Avetisyan became a leading specialist in this field during his creative short life. This is testified not only by the materials included in this collection of articles, but also more than a dozen publications of scientific articles, the full bibliography of which, with short content explanations, can be found at the end of this book (see the following section: “Bibliography of published works of Avetis Avetisyan”).

As for the content of materials included in the second section, the basis here is more diverse. The author made the subject of his studies the problems connected with history, architecture, sculpture, manuscript and photographic art. The result of the above-mentioned studies are investigations dedicated to the chronology of constructions of Holy Etchmiadzin Cathedral, photo archive, the inscribed bells of the bell tower, the manuscripts of St. Tovma the Apostle Monastery, the historical-architectural description of St. Amenaprkich (Holy All Savior) Monastery of Trabzon, the monuments preserved in the old photographic art and, in general, to the Armenian history and culture.

It is noteworthy that the voluminous studies of Avetis Avetisyan were written with the following approach: from personal questions to global ones, chronological classification, and typological-content analysis. In this way, the author compiled his thesis about typology and history of Armenian frescoes, Hovnatanyan’s generations, as well as the historical-cultural inheritance of the Kingdom of Van.

As for the compilation of this collection of articles, it should be noted, that we first planned to complete and publish in one volume only the published papers of Avetis Avetisyan (2018-2020), but during the work, we discovered that there were unfinished and incomplete extensive materials kept in the digital repository of the author. So we decided to select only the unpublished articles and materials, which we had to annotate and edit. We gladly undertook this work as a result of which, we have this scientific and unique collection of articles.

Consequently, we provide the reader with the best selection of unpublished papers of art historian Avetis Avetisyan, one of the immortal Armenians of the 44-day war in Artsakh, in tribute to the memory of the great specialist of Armenian art.

ԱՎԵՏԻՍ ԱՐԱՄԻ ԱՎԵՏԻՍՅԱՆ

ՀԱՅ ԱՐՎԵՍՏԻ ՊԱՏՄՈՒԹՅԱՆ ԷՋԵՐ

ՀՈԴԿԱԾՆԵՐԻ ԵՎ ՆՅՈՒԹԵՐԻ ԺՈՂՈՎԱԾՈՒ

Կազմեց և հրատարակության պատրաստեց՝
Արսեն Էդուարդի Հարությունյան
Խմբագիր՝ Կարեն Արտաշեսի Մաթևոսյան

*Սրբագրիչներ՝ Հասմիկ Իրիցյան, Աշխեն Ենոքյան, Անի Առաքելյան
Էջադրումը, գրքի և շապիկի ձևավորումը՝ Հասմիկ Մխիթարյանի
Հրատարակչական խմբագիր՝ Հայկ Համբարձումյան*

Կազմի Ա. Երեսին՝ Ս. Էջմիածնի Մայր տաճարը
և մեծ զանգակատունը «Տրդատի դռնից»
(լսնկ.՝ Հրայր Բազե Խաչերեանի, 2007 թ.)

Բ. Երեսին՝ Ավետիս Ավետիսյանը Գարեգին Նժդեհի գերեզմանի մոտ,
Սպիտակավոր Ս. Աստվածածին վանք, Վայոց ձոր, 2012 թ.

ISBN 978-9939-897-11-0



9 789939 897110

Մատենադարան

*Մեսրոպ Մաշտոցի անվան հին ձեռագրերի ինստիտուտի
հրատարակչական բաժին*

*ՀՀ, Երևան, Մաշտոցի պող. 53, հեռ. (+374) 10 513033
publishing.matenadaran@gmail.com*

Տպագրվել է «CopyPrint» տպագրատանը:

ՀՀ, Երևան, Ներսիսյան 1,125

Չափը՝ 70x100 ¹/₁₆: Ծավալը՝ 23 ¹/₈ տպ. մամուլ:

Տպաքանակը՝ 200 օրինակ:

